

UTL AT DOWNSVIEW



D RANGE BAY SHLF POS ITEM C  
39 12 09 01 07 009 5

DS

Misner, Charles

35

Hatirat-i 'alem-i Islam

.57

M519

PLEASE DO NOT REMOVE  
CARDS OR SLIPS FROM THIS POCKET


---

UNIVERSITY OF TORONTO LIBRARY

---

2877

10/263





Misner, Charles مؤلفی : شارل میسنر

خاطرات

# عالم اسلام

استانبول - کرید - مصر - جزائر

Hāṭirāt-i 'ālem-i Islām

---

مترجمی

خداوندکار ولایتی مکتوبچییسی

محمد رؤف

اولجه « خداوندکار » غزته منده تفرقه اولهرق نشر ایدلمشدر

بروسه — مطبعة ولایت


۱۳۲۷

DS

35

.57

M519



### مارسیلیارده طوبخانه

۱۸۶۷ سنه سی مارتنده بی مارسیلیان استانبوله  
کوتورن مسازده ری پوسته واپورینک قیچ قاماره لرنده  
معلمه ایگله تفلیمه کیتیمکده اولان برکنج اسویچرملی  
قادینله بندن باشقه یولجی یوقدی .

رفیقه سیاحتی دکر طوتدینی ایچون کندیسینی  
سفرده نادرآ کورور واکثریا کینک قایدان وطیبی ایله  
باش باشه قالیردم .

شدتله آسن شمال غربی روزکاری بزی سرعتله  
بونیفاجیو مدخلنه سوق ایتدی .

لیواجی آدلری نامیله ده معروف اولان بومهب  
قایالری برآز آچیقدن طولاشدق . او قایلرکه ۱۸۵۵  
کانون نانیسنده قریم اردوسنه آلتی یوز قدر افراد عسکریه  
نقل ایتیمکده اولان « سه میانات » فرقتینی طوتولدینی شدید

برفودرطنه نتیجه سنده دومنی قیریلهرق بوتون مرتبات  
و محتویاتیلہ برابر بوراده غرق اولمشیدی .  
وابورمز مسینا لیماننده آنحق برایکی کو کرته یولجیسی  
آله حق قدر توقف ایتدی .

بواننده آتنا وولقانی ذروه سی بر سحاب مظلم ایله  
مستور اولدینی حالده شدتله فوران ایتمکده و ظلام لیل  
ایچنده قیویلجملرینی صاحدینی ، فوهه سندن جروونی  
براندفاع شماتت انکیز ایله فیرلاتدینی ولالورینی اورمانلره ،  
تارلالره ، باغلره اساله ایتدیکی کورولمکده ایدی .

آدریاتیق دکرزنده دالغهلرله بوغوشان شمال غربی  
روزکارینه تکرار ملاقی اولدق .

قره یه یاقین اولدقلری ایچون عمان دالغهلرندن جسمامتیجه  
بکده آشاغی قالمایان بو امواج همان هر نقطه ده بردن  
جوشار . بونک ایچون واپورک کوپروسی هر دقیقه بردالغه  
دوکر وکو کرته کوپو کدن بم بیاض کسلیردی . صانکه  
دریا سمای نجم آلود ایله بر بوسه تلاق تعاطیسی ایچون  
گاه یوکسه لیر ، بلوطلره قاریشیر وگاه بزی قعر بحره  
ایندیرمک ایچون دالغهلرینی بربری اوستته بیغهرق  
آچالیر ، آچالیردی .

کیجه یاریسنه دوغری بردالغه بی تپه دن طرناغه قدر



ایصلا تدیغی ایچون هنوز قامارمه کیرمش ایدم که دومی  
 تحریک ایدن زنجیرک کوکرتیه اوزرنده عادتاً هوپلایه رق  
 حرکت وفوق المعتاد ایقاع شماتت ایتدیکنی وبو کورولتیلره  
 بر طاقم سسلرک ، کفرلرک قاریشدیغی دویدم . سوق  
 مراقله لومباردن باقدیغ زمان جوادره سی سفینه مزک  
 سنجاق طرفنی تهدید ایدر جسم بر قلیج کبی هوایه  
 قالمش ، یلکنسز بر اوج دیرکلی کبی ایله هم خدا  
 بولوندیغمیزی فرق ایتدم .

آزقالدی واپورمز بوسرسری کبی ایله مصادمه  
 ایده جکدی .

کیجه نک ظلمت شفافنه و سرنلرده ایقادی معتاد  
 قنارلرک موجودیتنه رغماً بر برلرندن داغیر کبی امواج  
 سلسله سیله آریلان بویکی سفینه یکدیگرینی آنجق بورده  
 بورده یه کلدکاری زمان کوره بیلیمشاردی .

هیجان نه قدر چوق اولورسه تلاش وانیشده  
 او نسبتده آزالیور . بونک ایچون یدقدرتندن هیچ  
 برشیک فرجه یاب خلاص اوله بیلیمسی قابل اولمیان  
 طالعمره وقف مقدرات ایتدک حتی شدت وصولنده  
 انسانلردن هر حالده دها متواضع بولنان عناصر غالبی  
 استخفاف ایله برنوع محظوظیت بیله حس ایلدک .

بزی بودانك شدت صائلا نه سندن قورتاران ماتابان  
 برونی كچیلد كدن صوكره آتیه آقروبولندن براز اوزاقده  
 بولنان پیرهیه واصل اولدق . واپورمز بولماینده درت  
 ساعتدن فضله قاله مادیغی ایچون بوقیصه مدت ایچنده  
 شهرده آنجق سریع بر جولان یابه بیلدم .


ایکی مدهش دونانمانك مصادمات جنگاورانه سندن  
 زیاده اوردك جنبش لرینه دها الویریشلی ودار بر بوغازه  
 علم اولان ( سالامین ) عنوان معظمی شرق محاربه سی  
 اتناسنده اسبسوار اوله رق تراکیا وادیلرنده جولان  
 ایتدیكم صرمده واقع اولان ملاحظاتی خاطر مه کتیردی .  
 اوزمان کندی کندیعه دیعشدم که :

— دارانك حدسز حسابسز عسکری لوازم معیشتنی  
 بوداراجق یرك نره سندن تدارك ایتدی ؟ جر ائقال ایدن  
 حیوانلری نره ده تسکین عطش ایتدی ؟ آوروپا ایله  
 آسیا آراسنده کی مبارزه مدهشه نك وقوع یافته اولدیغی  
 یر شو اطراف قاپالی کوچوچك صحرا می ایدی ؟ . . .

رومالیلر یونانستانه « یالانچی » صفتنی اضافه ایدرلر .  
 نه قدر دوعری ! . . شبهه ایدلمز که یونان مخیمه سی  
 دشمنلرینك تعیین مقدارنده ده اولنره برمسلك مبالغه کارانه  
 چیز مشدر .

قلعه سلطانيه بوغازنده بحر سياهدن كن بر قار  
 تپيسنه طوتولدق واستانبوله قدر قراكلقلر ايچنده يوزدك .  
 سفينه مز مرصاده دمير آنديني زمان بر قيش سيسي  
 بك اوغلي صرتلريله استانبولك منارات وجوامع شريفه سني  
 نظردن صاقلامش وبوغاز ايچي ايله حليجه ياييلمش  
 ايدى . ديه بيليرم كه قريمدن عودتمدن برى الهاماتي  
 حافظه مده صاقلاديغم مناظر بديعه يه بدل بر سيبيريا منظره سي  
 مشرود ايدى .

مع مافيه براز صوكره شمس تابان شرقه مخصوص عظمتيله  
 ديدار نمون اوله رق اشيا واشباحه صاريلان سيس غازه سني  
 ييرتمش واستانبول محاسن و مناظريني انظار بدايع پرستانه  
 آچمش ايدى .



## غزته جیلمکه انتسابم

فؤاد پاشا - عالی پاشا

حکومت عثمانیه نك نیم رسمی واسطه نشر افکاری  
اولوب پارسده عقد ایتدیکم مقاوله نامه ایجابجه اداره  
تحریریه نی درعهده ایتک اوزره بولندیغم « لاترکی »  
غزته سنک مدیریتده اوزمان السنه مختلفه یه ، عادات  
واخلاق محایه و امور ومصالح مملکته واقف وفقط  
بهره علمییه سی محدود موسیو بوردانو اسمنده بر ولاح  
بولنیوردی . بو ذات ایلك ملاقاتنری متعاقب غزته نی  
کاملأ بکا دور ایتدی . بو ایش جداً آغیر ومشکل  
برشی ایدی .

هر کون انتشار ایتمکده اولان بو جسیم غزته نی  
طولدیرمق ایچون تجربه سز بر هیئت تحریریه دن و خطاسز  
بر تک سطر ترتیبه بیله غیر قادر ، شورادن بوردان طوبالاش



شرقی ، یونانی ، ایتالیایی مرتبیدن باشقه کیمسه م یوقدی .  
 ایشه او وقت بیوک پدرمک « سن هیچ برشی بیلمدیکگی  
 اوکرنمک ایچون دهاک چوک مطالعه و تتبعه  
 محتاجسک » سوزینک درجه صحت و سلامتی تقدیر  
 ایتدم .

والحاصل یکی مسلکمک حرف واحدینه بیله واقف  
 دکادم .

دوشونمدهن ، حاضر لائمه دن هر هانکی بر موضوعه  
 متعلق افکاری بر طاقم بوش کله لک آهنگ بیاننه مزج و نفخ  
 ایتک ؛ عینی مقاله نی احوال و ازمانک تبدیلیه و فقطینه عینی  
 طرز و موفقیتله یازیویرمک .... بعض شاذ اولانلری  
 استثنا ایدمک شرطیه ایشه غزته جیلک بو ! . .  
 دارالفنون تحصیلک تمرینات و اطاعات خطیبانه سنک  
 بو ایشده شبهه سز یک بیوک مدخلی وارددر .

حال بو که بن سنین تحصیلیه مک هیچ برنی اکمال ایدمه مش  
 اولدیغ ایچون استعاره دن ، تشبیه و کنایه دن و تعریف  
 و تصویر قواعددن همان کایاً بی خبر ایدم . بنجه فصاحت  
 و بلاغت ، الک ای اسلوب - بعض قدمای عسکریه دن  
 ایشیتدیکم کبی - مقصدی دوغریدن دوغریه افاده ایدن  
 و طولامباجلی یوللردن دولاشمایان طرز ادای کلام ایدی .

اسکی عسکر لر قاز حکایه سی قدر اطنابی ، آچقله  
 کچن بر کون قدر اوزون امر لر کندیلرینه اوقونغه  
 باشلانجه « یتر ، نتیجه سی ؟ .. » دیه باغیر لر دی .  
 ایشته بنده بوقدمادن استکراه کلامی توارث ایتدم .  
 قواعد فصاحت و بلاغت « هومر » ایله « تاسیت » ک  
 اولسون ...

نه غریب تجلیدر که بوملکته آتار و کتب جدیدده  
 بک آز حائر قیمتدر . بونلرک هان کافه سی یا بر برندن  
 قوبیه ایدلمش و یا خود بر اوتل اوطه سنده بر ایکی کون  
 قاپانه رق یازیلیویرمش کیدر . ایشه یارار بر ماخذ اله  
 کچیره بیلمک ایچون بر اسوچ جنرال قونسولوسنک قبل الانقلاب  
 نشر ایدلمش بر اثر لایموتی اولان « عثمانلی ایمپراطورلغنک  
 احوال عمومی سی » نامنده کی کتابه ویا « لهدی مونتاغ » ک  
 ویا خود اون آلتنجی عصر سفراسنک مکتوبلرینه مراجعت  
 ایتمک ایجاب ایدیور .

یکرمی دوت ساعتک اون دردنی اشغال ایدن  
 متظم حیات مساعیمک حاصل ایتدیکی تعب ذهنی بی  
 کیده ره جک پنجره مک آلتنده چالینان لاترنادن باشقه  
 بر واسطه یه مالک دکادم . فقط بندن چکدکاری مهمجه  
 بخشملرک محصولی اوله رق بر آز زمان صوکره بونلرک

اعدادی زیاده‌شـدیکنی کورونجه بنده معنوی بر بانو  
تأثیر لطیفی بر اقان بوجالغیلری - قومشولرک تلغیناتندن ،  
گفت کوسندن ده احتراز ایدرک - دفع ایتمه کججور اولدم .

بارون ساییار معارفه شخصیه سی اولان بعض ذواته  
واز جمله فرانسه سفیری موسیو بروئییه و روسیه سفیری  
جنرال ایغنائیهفه تودیبع ایدلمک اوزره بکا بعض توصیه  
نامهلر ویرمشیدی . آنجق روسیه سفیرینک حکومت  
عثمانیه ایله محادله سیاسیهده و فرانسه نك اعصار دیده  
سیاستنه مخالفتهده بولوندیغنی اوکره نجه نامنه محرر اولان  
مکتوبی کوتوروب اقامتگاهنه بر اقبور مکه اکتفا ایتدم .  
فقط موسیو بروئییه دائماً کوریوردم . موسی الیهک  
موقعی پک نازک ایدی . بر خیلی مدت مختلف درجه  
ثانیه مأموریتلرنده بولمش اولان بوذاتی ، فرانسه نك  
در سعادت سفیری موسیو موتیه نك موسیو دروئن دولیسی  
استخلافاً خارجیه نظارتنه دعوت اولمشی زمانه قدر ،  
هیچ کیمسه سفارت کبرایه لایق کورمه مشیدی . فقط  
موسیو موتیه فرانسهده ایفا ایدرجکی وظیفه نك وکاله  
عهده سنه تودیبع قلندیغنی دوشوندرک بر قادین رابطه ییله  
علاقه دار اولدیغنی استانبوله عودت امکاتی تأمیناً موقعی  
طوته حق برینی آرادیغنی زمان موسیو بروئییه بووظیفه یی

در عہدہ ابتدی و احوال زمان سلفنک حساباتی بوزدیغی  
ایچون یرینه موسیو کہرونیه رک تعین قلندیغی ۱۸۷۰  
مایسنہ قدر فرانسه نک ممثلی اولمق شرفی محافظہ ایلدی .



« دانت » ک قولنجہ « اجنپنک اکسکی آجیدر . اونک  
اشیک طاشی آتلا نیلہ بیلیمکدن یوکسکدر » . فقط بن بوکا  
قانع دکلم . خارجده یاش-امق هر حالده مسقط رأسده  
محافظه موجودیت ایتیمکدن ایدر .

آرادن ایکی آی کچمه مش ایدی کہ خارجیه نظری  
فؤاد پاشا بنی نزدیکه دعوت ایتدی . ایشته بن بوآندن  
اعتباراً لایقی وجهله یازی یازمغه و براز راحت نفس  
آلمغه موفق اوله بیلدم .

فؤاد پاشای یالکیز پک زیاده حائز اهمیت اولان  
شهرت و قدرت سیاسیه سنی ایشیتیمکله طائیردم .

جنتمکان سلطان محمود خان حضرتلرینک معتمدی  
و مشهور ترک شاعری عزت ملانک نجل مکرمی اولان  
بو ذات غلطه سرایی مکتبندن نشأت ایتدکدن صوکره  
طیابته باشلامشدر .

بالاخره اردوی هایون سرطیابتنه مأموراً طرابلس  
غربه عزیمت ایتش و اورادنده باب عالی یه برنجی ترجمانقله



تعیین اولنق صورتیه پای تخته عودت ایله مشدر .

قرالیه نه لیزابتک رسم تتوجی مناسبتیه اسپانیاه اجرا ایتدیکی بر سفارت فوق العاده دیپلوماسیده کی مهارت و کیاست فوق العاده سنی انظاره عیان ایتدی . مادرید سراینده کی موفقیاتی پک چوق زمان باقی الاحکام قلمشدر .

مشارایه دیپلومات اولدینی قدر فعال و کار گذار ایدی .

۱۸۵۳ یونان عصیان باصدیردینی کی ۱۸۶۴ سنه سنده ایقاد ایدیلان سوریه نائرؤ اختلالانی ده شامده مشیر احمد پاشایی قورشونه دیزدیرمک درجه سنده ابراز ایتدیکی بر شدت وحشونتله اطفای ایتدی . بونلردن ماعدا جنرال بوفور دو طپول قومانداسنده کی فرانسر قوؤ عسکریه سنک بوتون وسائل مداخله کارانه سنه سد چکدی .

فؤاد پاشایه ، بو اختلالک تسکینی متعاقب ، سوریه بکلکی توجیه ایدلمک ایسته نمش ایسه ده رد ایتمشدر . مشهور شرق - قریم محاربه سنی ایجاب ایتش اولان پرنس منچیقوفک سفارت فوق العاده سنده ده خارجیه نظارتندن استعفا ایتک صورتیه مسلك متیننی کوستردی . مع هذا بر آرزو کره ینه خارجیه نظارتنه کچمش و آراده اوچ سنه دوام ایدن صدارتندن ماعدا تاریخ وفاتی اولان ۱۸۶۹ سنه سنه قدر مذکور نظارتده قلمشدر .

لافونتهن مشارالیهک منتخب و کزیده سی ایدی .  
 مناسب دوشوردجه آنک آنارینی ازبر اوقویویریدی .  
 وقتیه کندیسنی تحقیر ایتش ارلان بر صاحب قلم فواد  
 پاشادان بر لطف تمنی ایتش ایدی . مشارالیه درحال  
 قصورینی یوزینه اوردی . واقعا بوزواللی اعتذار  
 واستعطاف ایتک ایسته دیسه ده پاشا بونی « یولچی و حرافه »  
 منظومه سنک :

« Arrière ceux dont la bouche  
 Souffle le chaud et le froid ! »

بیتنی ایراد ایله دفع ایتدی .  
 شو حکایه جک ده شایان دقتدر :

بر لیلہ مراسمده سفرای اجنبیه دن بری داخل  
 اولدینی قابوی بوله مایه رق یا کلشقله حرمه موصل اولان  
 قابویه توجه ایدنجه پاشا درحال :

— عفو بیورک اصالتاب ، ذات اصیلانه لری یالکز  
 باب عالیجه مظهر قبول و حرمت اولدق لرینی اونوتیورلر  
 ظن ایدرم [\*] دیمش ایدی .

هند هیئت شناسانه کوره کره ارض بر فیل اوزرینه

---

[\*] بوراده پاشا برجناس لفظی یامشدر . فرانسزجه قابویه Porte دیرلر .  
 عینی کله « باب عالی » مقابلی اولان (Sublime-Porte) تعبیر سنک ده مخففیدر .

موضوع و فیلده بر قابلموبغهیه ارکاب اولنمشدر .  
 عینی وجهله بحث ایتدیکم زمانده فؤاد پاشا محب ورقیبی  
 عالی پاشایله برابر سلطنت عثمانیه نك ایکی رکن رکینی ایدیلر .  
 دعوت واقعهیه اجابت ایتدیکم زمان اطوار و اوضاع  
 کبارانه صاحبی، لوندقامه، آلتش یاشلرنده بر ذات طرفندن مظهر  
 قبول اولدم که بو بالذات فؤاد پاشا ایدی . کوزلکنک  
 آرقه سنده کتم حسیات و آمال ایدن انظارنده شرقلیلره  
 مخصوص بر اینجه لک و نفوذ واردی .

غزته حقنده بکا بر افاده ملتفتانه ایله ایجه بحث  
 ایتدکن صوکره مصالح مهمه محرمانده معاونتمی طلب  
 ایتدی . بو، بنجه، اولیله بر اقبال طالع ایدی که اصلا  
 رد ایده مزدم .

بونک اوزرینه ایرته سی کونی بوغاز ایچنک آناتولی  
 ساحلنده کائن قاکلیجه ده کی یالیسنده، علی الصبح ساعت  
 سکزده، تکرار ملاقاته دعوت ایلدی .

وعدمی انجامز ایچون ایرته سی کون غایت ایرکن  
 خانه مدن چیقهرق بر قایق استیجار و بحر سیاهدن کلن  
 مخالف جریانتری آشهرق ایکی ساعتمده یالی به مواصلت  
 ایلدم .

انتظار صالونی سفارات مختلفه کاتب و ترجمانلریله مالی

ایدی . بر امتیاز تعامل کارانه محصلی اوله رق بونلرک  
هیسی - وحقی دها صوکره کلنلر بیله - بندن اول  
پاشانک نزدینه ادخال ایدلدیلر .

آرتق بکله مکدن اوصامش واولکله یه دوغری عودته  
قرار ویرمش ایدمکه اک صوکره رسمی مسافرده مظهر قبول  
اوله رق صره بکا کلدی .

فقط طالع بکا یینه یار اولمادی : او دقیقه ده صالونه  
کیرن بر بانکر صره می غصب و بکا تقدم ایتدی .  
آرتق دایانامادم وقارتک اوزرینه :

« درت ساعتدن بری اراده فیخپانه لرینه انتظار  
ایتمکدهیم . مظهر قبول اوله بیلوب اوله میه جغمک لطفاً  
تبلیغ ایتدیرلمسنی استرحام ایدرم »

عباره سنی یازه رق بر خدمتچی ایله ایجریه کوندردم .  
پاشانک یرنده بر باشقه سی اولسهیدی بواخطار  
درستانه مدن طولای بی عفو ایتزدی . فقط مشارالیه  
بی اوکله یکنه آیقویتمق صورتیله فملاً جواب ویرمش اولدی .  
بوحادثه جکدن صوکره آرتق انتظارده براقلاماز  
وهرجهه کونلری پاشانک سفره سنده طعام ایدر اولدم .  
مساعی وملاقاتلر من چوق دفعه کیجه یه قدر امتداد  
ایدردی .



علو ذکا وکیاست صاحبی اولاندرله الفت قدر شایان  
استفاده برشی اولاماز . چونکه افکار بسیطه اربابی احوال  
واشیانک یالکز جهات سطحیه وعادیه سی کوره بیلر لر .  
حال بوکه ارباب ذکا بر طاقم اصول وقوانین استحصالی  
ایچون اواحوال واشیا اوزرنده تعمق وتنفذ ایدر .

\* \*

پادشاه زمان سلطان عبدالعزیز خان بین الملل سرکی نی  
زیارت ایچون پارسه کیتدیکی وقت فؤاد پاشا رفاقت شاهانه ده  
بولمش ایدی . مشارالیه بو سیاحتک امتدادی مدتجه  
متبوعنک ضبط واداره هوسانی ایچون بوتون قدرت  
ومهارتی صرفه مجبور اولدی .

طولون لیماننه کلزدن اول ذات هایونک را کب اولدینی  
«سلطانیه» یاطی شدید بر شمال غربی روز کارینه مصادف  
اولدینی ایچون دکر لومبار دایکارندن سفینه نک صالوننه  
نقوده باشلامش وبو حالدن توحش ایدن ذات شاهانه  
در سعادته عودتی اراده ایتمش ایدی . فؤاد پاشا بو اراده یه  
مطاوعت ایدر کی کورونمکه برابر سفینه نک یولنه دوام  
ایتمسی ایچون سواری یه امر ویرمشد .

بوئانده سیاحت مبحوئه وسیله سیله «لاتورکی» ده  
حضرت پادشاهک ترجمه حال ونسبئی تلخیص ایدیورد .

« مارتینیک » دن اقتباساً یازلمش اولان بو تلخیصاتده خاقان مشارالیهک بیوک والده سنک بر ملز اولدیغی مصرح ایدی .

عصر اخیرده ( تاشهر دولابازوری ) [\*] سالله سنندن « دوبوق دوریوری Dubuc de Rivry » اسمنده بر کنج قیز فرانسه ده اکیال تحصیل ایتدکن صوکره مارتینیکه عودت ایدرکن را کب اولدیغی سفینه ایله برابر جبل الطارق جوار لرلنده جزائر قورصانلری طرفندن اسیر ایدلمش و حسن بی بهاسی سبیلله جزائر بکی طرفندن بوجه تعامل استانبوله اهدا اولنش ایدی . بو قیز اوراده داخل حرمسرای پادشاهی اولمش ونهایت جنتمکان سلطان محمود خان حضر تلیزینک والده لری اولق شرفی احرارز ایله مش ایدی .

ایشته خاقان مشارالیهک تحت سلطنته بالآ خره ملتته تلقین ایتدیکی افکار عالیة اصلاحات برورانه ایله موشجاً قعودینی انجاب ایدن سبب بو والده دن آلدیغی تربیه سیاسیه در .

---

[\*] تاشهر دولابازوری Tascherde la Pagerie : فرانسه ناک اورلئان شهرینه منسوب اصیل بر فرانسه عائله سیدرکه اون سکزنجی عصرده مارتینیک آدامنده اقامت ایتشلرد . بوسالهدن ژوزف غاصبار ایمپراطوریه ژوزه فینک پدری ایدی . ( لاریو - فلوری )

فرانسه امپراطوری اوچنچی نابولیون پادشاهك  
سیاحت واقعہ سندن استفادہ بعض امتیازات سیاسیہ  
استحصالی امانہ دوشمش ایسہدہ بوبادہ کی تشبثی بردرس  
عبرت عتاب آمیز آئغلہ نتیجہ لندی . چونکہ سلطان عبدالعزیز  
خان : « حقوق مسافر تہ مغایر اولان بو کی مطالب  
ومدعیاتہ معروض قالہ جغمی بیلمش اولسہدیم پارسہ آفاق  
بیله باصمازدم » جوابی ویرمیشیدی .

مع هذا معیت شاهانہ افرادی ایچہ ہدایای بہیہ  
مظہر اولدیلمر ! بومناسبتلہ فؤاد پاشا خدیومصر اسماعیل  
پاشانك شویله بر حکایہ سنی بکا نقل ایتمش ایدی :  
ناظرلردن بری مترہ سنك زوجی ایچون اسماعیل  
پاشادن تمنی احساندہ بولنمش ایدی . مشارالیہ بوکا  
بر اوکوزیولاری ہدیہ ایدہرك ه او آدم بر بویوزلی حیوان  
اولہرق طائمنہ لیدر » دیمشدر .

ایکینچی بر سیاحت بحریہ مزاحمنہ قاتلانماق ایچون  
حضرت پادشاه استانبولہ آلمانیا و آوستریا طریقہ عودت  
وبووسیله ایله مدحت پاشا طرفندن بر صورت مکملہدہ  
ادارہ ایدلمکدہ اولان طونہ ولایتی دہ کورمکہ انتہا فرصت  
ایلدیلر .

حریص : فعال وشدیدالبطش اولان پاشای

مشارالیه سیاسی محرکری بلا مرحمت اعدام ایده رک  
حدود لرده کی انتظامی محافظه ای دیور و آوروپائی تقلیداً  
یابدینی طرق و معابر و مدارس و مکاتب و سائر تأسیسات  
نافعه ایله التزام ترقیات ایلوردی .

سلطان عبدالعزیز روسچقده قرهیه حیقیدینی زمان  
هرشیئی ممالک عثمانیه نك قطعات سائره سی ایچون نمونه  
اتخاذینه شایان بر حال مکملیتده بولدی و مدحت پاشایی  
غربه واقع اولان سیاحتک کندیسنده حاصل ایتدیکی  
سریع الزوال آمال اصلاحتکارانه یه خادم ایتدیکی تصوراتیدی .  
عودت هایونده فؤاد پاشا چوق اندیشه لی  
کورونیوردی . سرکینک خدشه بخش انظار اولان  
شعشه سی اوچنجهی ناپولیون اصول اداره سنک دوام سزلغنی  
آکلایه بیلمکدن مشارالیهی منع ایده مه مشیدی . حتی بکا  
بر آراق : « جناب حق ممالک تکزری محاربه دن محافظه  
بیورسون » دیمشدر .

بوتون اجانب فرانسه ایچون عینی مهالکی سز بیورلردی .  
« پرده و وست - پارادول » ک تشبیه مشهور نجه صادوا  
جنکندن بری روسیا ایله فرانسه عینی طریق اوزرینه  
استقامت متخالفه ده صالیویرلش ایکی لوقوموتیف وضعیتنده  
ایدیار . بر مصادمه غیر قابل اجتناب و نتیجه سی ایسه  
سهل الادراک ایدی .

فؤاد پاشا پادشاهك مدحت پاشایی لزومندن فضله  
مدح و ستایشده بولنمىسندن . چونكه پاشای مشـ ارالمك  
والملك كې درجهٔ ثانیه مأموریتلرنده استخدانی مفید  
و نظارت و صدارت كې مقاملرده استخدانی مضر  
صایبوردی - اندیشه ایدیور و :

— بو آدم سیاستك دوالره طبابتدن زیاده عاصی و مخالف  
بولندیغنی دوشونمه یهرك اصول مشروطیتی بوتون سیئات  
ایچون بر دوا غدایدیور  
دیوردی .

فورطنهك کمال شدتله حکم فرما اولدیغی زمانده  
برکى ناصل قابل تعمیر دکلمه زمانده اونك كې تبدلات اساسیه  
اجرا سنه مساعد دکلدی . چونكه حکومت عثمانیه رقابت  
اجنبیه تأثیر یله احداث و اداره ایدیلان مشکلات مغلقه  
مالیه و سیاسیه بی قاله آلمایه رق روسیه دولتی ایله یونانستان  
حکومتی و بوتون جهانیه ساری یونان محبلیکی سایه سنده  
امتداد ایدن کرید عصیان ایله بر سنه دن بری بوغوشیوردی .  
بو اوآنده کریده احتیاط دونانماسیله ۱۸۵۳ روس  
حربنده احراز شهرت و نام ایدن سردار اکرم عمر  
پاشانك امرینه تابع یکر می بیك عسکر بولنیوردی .  
بوقوت و وسائط غائلهٔ اختلالی محو و افنا ایچون  
بالغأ مابلغ کافی و حتی فضله اولدیغی كې سردارا اکرمده



تسکین اغتشاشی در عهده ایتش ایدی . فقط به لیسینه نک  
جزا زده تطبیق ایتدیکی چاره بی اسفا کیه مغاره لرینه  
قارشی تطبیق ایتک ایسته بنجه قونتر آمیرال سیمون  
شاید آتش در حال کسینمزه عسکری نی قرده چیقاره جغنی  
تبلیغ ایتدی .

نهایت بر چوق تردداتدن صوکره آوروپا دیپلوما سیسی  
عسکری نی طابیه لرینه چکمک وعاصیلره دوشونمکه وقت  
براقق اوزره متارکه اعلان ایتک امرنده دولت عثمانیه بی  
تضیق ایتدی . بوتدیر کربدلیلره هیچ بر نفی اولماق  
اوزره ترکیا و یونانستان حسابنه کیزی ومخرب بر محاربه بی  
ادامه ایتمکدن باشقه بر مقصده مستند دکل ایدی .

هر کون یکیدن یکی به محدث ایدن وقایع وضعیتی تشدید  
وتوخیم ایتدی ونهایت الامر عمر پاشا اک آغیر اتماماتی  
در عهده وباب عالی بی مشکلاته القا ایتدی .

بوراده غراتی سببیلره تخطر ایتدیکم بر وقعیه نی ذکر  
ایدهیم : طانید قلمدن برقادین اسقامبیل کاغذیه کشف  
طالعی مراق ایتش وبوغریب اشتغال ایله اکنمکده بولنش  
ایدی . بو قادی زیارت ایتدیکم بر کون تجربه طالع ایچون  
بر کاغذ چکمه می بکا تمکلیف ایتدی ، موافقت ایتدم .

بونك اوزرينه مخاطبهم ، بوضع جدیت آهراق ، النده کی  
کاغدلی قاریشدرمه باشلادی .

بر چوق سوزلر آراسنده اومولماق بر وظیفه نك  
ایفاسی ایچون همان استانبولدن انضکاک و بیوک بر ثروت  
استحصالنه خادم فرصتله تصادف ایده جکمی و فقط ثروت  
وسامانه قارشى متخلق اولدیغ لاقیدینك بکا بوفرصتلردن  
استفاده ایتدیرمیه جکمی سویلدی و « کیم بیلیر ، بلکه بر کون  
کلیر مسعود بر حیاته نائلیتله بکام اولورسك » دیدی .

بو آتی بینلکه هرکس - نیم کی - کولر . فقط محقق  
بر شی وارسه اوده بوندن صوکرده کی سرگذشتك  
بو اخبارات و کشفیات اصلا تکذیب ایتمه مسیدر .

بر قاق کون صوکره فؤادپاشا « صدراعظمك مأموریت  
فوق العاده ایله کریده عزیمت ایتسنه مجلس وکلاجه بر کون  
اول قرار ویرلدیکنی » بالیان صدر مشارالیه فرانسه  
کاتبی صفتیه التحاق ایتکی آرزو ایدوب ایتدیکی صورتی .  
بوتکلیف نیم حسیات عسکریه می ایفاظ ایتدیکی ایچون  
بلا تردد جواب موافقت ویردم .

عالی پاشا بنی بکله یوردی . بوزمانه قدر مشارالیه  
بالکیز بر دفعه - ذات شاهانه نك پارس سرکیسنی زیارتدن  
عودتی مناسبه ایتله اجرا قلنان مرانم ایتاسنده -

کوره بيلمش ايدم . پاشايي مقيم اولديني نالونك بر  
 كوشه سنده شرق عادتجه باغداس قورمش واطرافنده  
 اوراقدن عادتا بر استحكام تشكل ايتمش اولديني حالده  
 يالكزجه بولدم . او طورديني يردن قالقه رق بكا طوغري  
 بر قاچ آديم ايلريله مك لطف وتزلنده بولندي .

عالی پاشا نحیف الوجود ، محجوب ، تمكين ايله اداره  
 لسان ايدر بر ذات ایدی . حال بوكه فؤاد پاشا بونك بوتون  
 بوتون عكسی ایدی . چونكه بو ، بوتون شخصیت ظاهریه  
 و باطنیه سیله عیاناً کور و نوردی ، حال بوكه عالی پاشا آنجق  
 خودكام و درین کوزلریله طانینردی .

ملاقاتز بندن بکله ن خدماتك کیفیتنه دائر اوله رق  
 جریان ایتدی . بعده عزیمت مذك ایکی کون صوکره  
 وقوع بوله جغنی سویلیدی .



بر باشقه دفعه کوروشدیکمز زمان فؤاد پاشا بکا بعض  
 وصایاده بولندی و دیدی که :

— « عالی پاشا بینظیر بر دیپلوماتدر ، فقط طبیعتی  
 آنی حل مشکلات ایده جك یرده دفع غوائله سوق ايدر .  
 مع هذا احوالده بونی ایجاب اییدیور . هرشیدن اول

کندیسنی قادیه و او یونه مبتلا بر لازم منزله - سنده طوتان  
سردارا کرمدن قور توملغه چالیشیر .

« بنجه اصل کریده یارایه جق اولان تسالیا اردوسی  
قوماندانی مشیر حسین عونى پاشادر . بوزات محاربه ده ،  
نظارتی صدارتله مجتمعا ایفا ایتدیکم زمانده ، بنم معتمد  
و مشاورم ایدی . فکرمجه حسین عونى پاشا برنجی  
درجه ده کی قوماندانلردندر . تعالی شاتنی ایجاب  
این بر فرصت ظهور ایدرسه صاقین اونى خاطر دن  
چیقارماییکز . شاید عالی پاشا عونى پاشانک بر قادین  
مسئله سندن طولایی نظر ناهانه دن دوشدیکنی وسیله  
ایدرک اعتراض ایدرسه دبیکز که بو حال شمدی یه قدر  
کریده ایفای حسن خدمت ایتمش اولان مشارالیه کینه  
اوراده استخدا م اولنما سنی ایجاب ایدن بر سبب دکلدر . »

کریده کیده جک هیئت میاننده مالک اولدیفی  
سکوکات قولکسیونیه مشهور تجارت و نافعہ ناظری  
قبولی پاشا ، اصطبل عامره مدیری فریق رؤف پاشا ،  
خارجیه نظارتنده بولنش و برلین قونغرہ سنده دولت  
عثمانیه بی تمثیل ایتمش اولان فی الحال سیسام بکی قره تئودوری  
افندی ، برمدت صوکره احراز رتبه وزارت و کریده  
ایفای ولایت ایله مش اولان قوسطاکی آدوسیدس و صاوا

افندیلر ، ترچه کاتبی محمود بك ، متعدد یاوران ، ذات  
صدر اعظمینك محب خاصى و محمدوملرینك معلم و مربیسی  
خواجه محترم مجید افندی بولمقده ایدیلر .

سیاحت ذات شاهانهك صدر اعظمه تخصیص ایتدیكى  
« سلطانیه » یاطیله وقوع بولدی .

حین حرکتده مؤثر بر حادثه جریان ایتدی : « سلطانیه »  
یاطی دمیر آدینی صرده ظریف بر سپاهی البسه سی کیمش  
وقاماره لرك برنده بکله مش اولان پاشانك كوچك کریمه سی  
آغلایه رق باباسنك قوجاغنه آتیلدی . پاشا قیزی  
قاندیردی و هیچ بر تائر ابراز ایتمه یه رك در آغوش و وداع  
ایتدی . متعاقباً اوشاقلردن بری افندیسنك اتکنى اوپدی .  
پاشا دوام صحت و عافیتی و امور مودوعه سنده مظهر اتم موفقیت  
اولمسی حقنده کی تمنیاته یالکیز و بلا تخلف « ان شاء الله !  
از شاء الله ! » جوابیله اکتفا ایدیوردی .

سفینه هایون سرای برونی دوتجه سیاحتده بکارفاقت  
ایدن كوچك بر کتابی جیمدن چیقاردم و مطالعه دالدم .  
تام بوصرده ایدی که عالی پاشا یانمه کلدی و صوردی :  
— او نه کتابی ؟ ..

بو ، « لایونه تی » نك • Servitude Volontaire « ی  
ایدی .




پاشا بونی او قومامش اولدیغی ایچون مندرجاتی  
کندیسنه تقریر وایضاح ایتدم .

بونک اوزرینه بوتون رجال حکومت و عموم افراد  
بشریت ایچون بر رهبر حرکات اولمق اوزره عدوتاقی ایتدیکی  
« لورد چسترفیلدک اوغلنه مکتوبلری » نام اثر حقنده کی  
تقدیراتی بکا شرح و تفصیله باشلادی .  
دیدم که :

— « قبل الوقوع — ۱۷۵۳ سنه سنده — پولونیانک  
خرابیسنی ، فرانسه انقلاب کیرینی کشف واستدلال ایتمش  
اولان بویوک دیپلوماتک بصیرت و فراستنه حرمت و تعظیم  
ایتمکله برابر دیرم که بوقدر وسیع الاحاطه بر ذکانتک بری  
بیوکلره دیکری کوچکلره مخصوص اولمق اوزره ایکی نوع  
اخلاقدن بحث ایتمش اولمسی آکلاشلماز بر معمار .

طبیعت ؛ ایر کچ بر برلریله اتحاد و امتزاج و انسانی  
تشکیل ایدن قوانین اخلاقیه و مادیه دن اخلاقه عائد اولانلرینی  
مادی و حکمی قانونلره ربط و الحاق ایتشد . بوقوانینک  
هرایکی نوعی ده نتیجه بخش اوله بیلیمک ایچون بر طاقم  
اسبابک لحوقه تابعدرلر . شو حاحده لورد چسترفیلد  
بو حقیقته واقف دکلسه مواعظ و وصایائی نهیه بنالیتدی ؟  
شاید بوکا مطلع ایسه ناصل اولورده اوغانی ادراک

حسنات ایچون نشر سیئانه ترغیب و تشویق اییدیور ؟  
 بو طرز محاکمه عالی پاشایی مشکل بر موقعهده براقدی .  
 ملاقات طعام زمانه قدر سـوردی . سفرددهده  
 بنی یانه آلهرق مصاحبه مزه دوام ایتدک .  
 ایشته بو صورتله سیاحت بحریه مز سرعتله نهایته  
 واصل اولدی .



## کریده بش آی

آق دکز جزائر مجتمعه سنك الك جسيمی اولان کرید  
آطه سی ، دوت یاپراغی اوستنه اوزانمش بر ایپک بوجیکی  
کی، دکره یاییلمشدر .

جزیره نك مدار تمایزی ، « دیقته » تپه سیله باشلایان  
سلاسل مرتفعه جبالیه درکه بونلر جهت شرقیه دن باشلار .  
جنوب طرفنده « مون بلان » ، « پوی دودوم » طاغلرینه  
مشابه وایکی بیك اوچ یوز مترو ارتفاع بحری یی حائر  
اولان « ایدا ، جبل منفردی بولنور . ایدانك اتکارنده  
طبیعی بعض استحكامات واردرکه بونلر جزیره اختلالاتنده  
بك مهم خدمتئر ایفا ایتمشدر .

آطه نك حالا مرکز اداره سی اولان حانیه قصبه سنه  
وصول ایچون شرق جهتمدن اعتباراً بوسلاسل ممتده نك  
اوکندن حکمک ایجاب ایدر . ایشته بورادن اننای

مرور مرزده تبغات عمیقه محصولی اولان معلومات واسعه می  
 بنی هر دقیقه استجواب ایتدکده اولان عالی پاشایه نقل  
 و تخصیص «ژوپیر» لده مینی ، اولیمک سرفرازان آلهاتی ،  
 « پاسیفانه » و « مینوتور » ، « تهزه » و « آریان » ،  
 « ده وال » و « ایقار » مناقبنی ، لایرتی ، واضع قانون  
 و تهالوقرات « مینوس » ی ، فرادی آنبالی . « -ن پول »  
 و شاگردی « تیتوس » ی و . . . الخ حکایه ایتدیکم  
 کبی جزیره نك تروآ محاربه سندن باشلایه رق یونانلیلر ،  
 عربلر ، و ندیکلیلر طرفندن صورت استیلاسی ونهایت  
 عثمانلیلر طرفندن طرز فتحی اطرافیله ایضاح ایتدم .

سفینه مزك لیانه وصولنی متعاقب حانیه استحکاماتی  
 طرفندن سلاماندق . برآز صوکره سردار اکرم عمر  
 پاشا مأمورین محایه ایله برابر کبی به کلهرك ایفای خوش  
 آمدی ایتدی و بزی صدراعظم پاشانك اقامتنه تخصیص  
 ایدیلان والی قوناغنه - ساحلدن بورایه قدر عساکر عثمانیه  
 طرفندن صفوف احترامیه تشکیل ایدلمش ایدی - ایصال  
 ایلدی .

بن ؛ زمین قاتنده صاوا و قوسطاکی افندیلرك اقامت  
 ایتدکاری بر قوناغك برنجی قاتنه - قره تئودوری افندی  
 ایله برابر - یرلشمش ایدم .

عینی اوطه ده اوطور دیغمز ایچون ایتدم که قره  
تئودوری افندی نك بوتون افعال و حرکاتی - بر واقعه  
نادره اوله رق - منتظم بر پروغرامه تابع ایدی .  
اشتغالات روزمره سی هر نه اولورسه اولسون مشارالیه  
او کونکی کذارش حیاتی ضبط و قید ایتدجه یتاغنه  
کیرمزدی .

فی الواقع حیات یومیه نك بوتون آنات و تفرعاتی انطباعات  
واسـتـدراکات آنیه ایله ضبط و قید ایتکی اعتیاد  
ایدنلر ایچون بو حالک - ساحه فعالیت نه قدر دار اولورسه  
اولسون - عوام ناس کی تصادفات آرا سنده چیرینه جق  
برده حیاتده بر طریق معین تعقیب ، ماضینک اعانه  
تجاربیه آتی نی کشف ایتک خصوصنده پک بیوک خده تی  
اوله جفی قابل انکار دکلر .



شهرک موافق مشهوره سی اوکر نك ایچون بر قاج  
کونلک مساعی جولانکاری کفایت ایتدی .

حانیه ؛ مستحکم ، بادانه ایله بیاضالندیرلمش ، اشجار  
وباغزاردن محروم ، کوچک بر قصبه اولوب لیمانی حجم  
استیعابیلری کوچک کیلرک یناشه بیللمسنه مساعددور .  
نفوس عمومیه سی - عساکر موجوده ایله حادثات احتمالیه سببیله



شهر خارجه قاجمش بر چوق عائلات اسلاميه ده داخل اولديني  
 حالده - آنجق اون ايكي بيك قدر طوتار .

سفالت بيوك ؛ زيتون ياغي ، صابون ، پاموق ،  
 شراب ، بال و سائر ددن عبارت تجارت دورغون ؛ طاييه  
 خندقلرينه عسكرك اكدیکی قایل المقدار سبزه  
 و حبوباتدن ماعدا مزروعات محذوف و مفقود ایدی .  
 نه « هومر » ك بحث ايتديكي قديم سيدونيان ،  
 نه ده روماليردن « سه سيلوس » نه لاوس « » « قره تيكوس »  
 عنوانی بخش ایدن ، حانيه قلعه لری او كنده واقع ،  
 محاربه دن هيچ بر اثر يوق ...

« سن مارق » ك بانى قوبارلمش يا خود سقطلاشمش  
 آرسلان هيكللری ، خاندان واصيلزادگان آرمه لری ،  
 بعض مبانينك جبهه لرينه اون بشنجه و اون آلتنجي عصر  
 ذوقنه كوره ياپلش دوكمه مزينات ، اوزرلری برر  
 سقف ايله اورتولمش قادرغه لوجه لری ... و نديكليلر  
 زمانندن قالان شيلر ايشته يالكلر بونلر ! ..  
 انكيمدن اسن روزكارك كوپوكلرله اورتديكي بر فنار  
 ليمانك مدخانی كوسترو .

ايشته بو فنارك بولونديني يرده دركه استانبولده كي  
 يكيچريلرك الغامندن اون درت سنه اول ، ۱۸۱۳ تاريخنده ،  
 كريد يكيچريلری استيصال ايدلمشدر .

خالق قهر و ظلمی آئنده زبون ایدن ، نفوذ و قدرت  
حکومتی قیران عسا کر مرقومه نك عتو و طغیاننه ،  
اطاعت سزاقلرینه قطعی بر نهایت ویرمك ایچون ، باب عالی ،  
رأی و فکرده اولدینی کبی فعلیاتدهده حائز قدرت اولان  
حاجی عثمان پاشا اسمنده عقیف و ناموسکار برذاته صلاحیت  
و مآذونیت تامه ویرمش ایدی .

بو ذات یاپ یالکز حانییه کلوب خلق آراسندن  
عسا کر معاونه یازمغه وقت قازانق ایچون ، یکیچریلره  
ظاعراً مامشات و باشلیجه عاصی و متمرّد اولانلرینی مرکز  
جلب و توقیف ایتمش و مستحق اولدقاری جزای مدهشی  
ویرمزدن اول بو معامله یی بر مدت دوام ایتدیرمشدن .  
متعاقباً هر باش برکله یه هدف اولدی .

گذارش زمانه رغماً بو هولناك حادثه نك خاطره می  
الآن سالدیدکانك حافظه سنده یاشایور .

آدالر مستثنا اولمق اوزره قطعات بریده ساکن اولان  
روملرک سجا یای اصلیه سی مناسبات و اختلاطات قومیه دوچار  
تغیرات ایتشدن . بوندن دولاییدرکه «پسون» بویله پذیرای  
تغیر اولان بر نسله لزومندن فضله حرمت ایتدیکی ایچون  
«ژرمانیکوس» ی تعییب و تقبیح ایدر . یالکز آدالرده  
وطاغلرده مسکون روملر یونان عرقه مخصوص بعض

اوصاف و علائمی محافظه ایتشدر . حتی جولاندر مک  
برچو غنده بو اوصاف اصلیه یی حائر برچوق سیالر مصادف  
نظرم اولمشدر .

شهرک خارجنده عصائی حال سکونده بولوندر مرغه  
مأمور بر عسکری قوردونی وار ایدی . بو قوردوندن  
بر آزدها اوتوده بر چادرلی اردوگاه کورونورکه بوراده  
محمد عاینک مصری اشغالده استخدا ایتدیکی عرب  
عسکری اقامتسازدر .

بورادن ایلرییه ، صحرایه اوزانان انظار تماشایه  
رنکارنک لباسلری و او موزلرنده کی صو دستیلری ایله  
برقاج قادین چارپار و منظره نیکنسقلغنی ، ابنیه صاحبقلری  
آلتده کی قادین هیکلری وضعیتیله کوریلن ، یالکز بوفقیرلر  
اخلال ایدر .

بری طرفده برقاج سفیل و خراب کلبه لر وارددرکه  
بونلر جذاملیلره تخصیص اولمشدر . او جذاملیلرکه  
یاره لی سیالری ، شیش و قبوقلی وجودلری ، عادتاً  
تبدیل شکل ایتش ایاقلری ایله ایقاظ استمکراه ایدر .  
بشریت بوزواللیلر قدر باشقه برشیدن امیدنی کسمش  
دکادر .

غربه ، سه یلنویه دوغری صحرا غایت لطیفدر .

زیتونلک لرك جیایزو معوج مناظری فرانسه نك « پرووانس »  
و « لانغدوق » ولایتلرینك وضع حزن انگیزی آندیریر .  
پورتقاللر اقالیم حارده اولدیغی کبی غایت مبذول اوله رق  
یتیشیر . هرشی لطف طبیعتدن بکله نه جك یرده طوپراقدن  
لایقيله استفاده طریق بیانمش اولسه یدی حایه سنجاغی  
بر بهشت آباد حاله کتیر یله بیلیردی .

شرقه ، — قدیم « کیامون » بروننه — « آقروتیری »  
شبه جزیره سنه دوغری عینی حال و وضعیت کورونمیور .  
بوجهتک عربان طوپراقلرنده مغروسات بیوک مشکلاته  
نمایشدیر اولیور .

بوسمتلرده بر تنزهدن عودت ایدرکن کیرچلی بر  
طاشی آیانمله یووار لایه رق اکلنیوردم . بردن بره بو طاش  
قیرلدی وایچندن متحجر بر آناس چیقدی .

بر عسکری یول آچیلیرکن قبل الطوفان یاشامش  
بعض حیوانات اسکلترلی میدانه چیقمشدرکه اصلاً فرانسه  
اولان فریق محمد علی پاشا اسمنده بر ذات بونلری بر  
آلمان موزه سنه اهدا ایتمشدر .

بعض محللرده سطح زمینك مادره پوری اولمش  
اویرلرك مقدما دکر آلتنده قالمش اولدیغی مشیدر .  
کریده یرلشمه مزى هیچ بر حادثه اخلاص ایتدی .

اطراف و محیطاته عادتاً سماوی بر حضور و سکون یابیلش  
وهای هوی جنک و وغانه برینه «ایدا» نك باعث شهرتی  
اولان بال آرلیرینك طنین آهنگداری قائم اولمش ایدی .  
هنوز حرارتقشان اولان صوك بهار کونشی شفافیت  
هوا-بیبیله بر برینه یاقلاشمش کبی کورونن التوات کوهمساره  
صوقولیور و هنکام غروبنده شواحق بر فینی سهام زر  
اندوديله ترین ایلوردی .

کیجه لری ده باشی بوزوق آرنادلرک مشعله ضیالری  
آلتنده اوبنادقلری زمان طویولان موزون آیاق  
پاتیرتیلرندن باشقه بر شی ایشیدلمیور و کرید ، صافیت  
ولطافت اقلیمیه سی س-بیبیله ، حائز اولدیغی «مسعود»  
عنوانی تکرار احراز ایدیوردی .



بوظاهری سکونت آلتنده کریدك طالعی بر کره دها  
خضر و قهقهه دوشمشدی . بدایتندن بری بوجزیره  
دائماً قرارسزلق ایچنده غلطان اولمش وفلك آدالیرله  
بر حکومت مستقله تشکیل ایده بیلمك فرصتی انتهاز  
ایتدیرمه مشدر .

ازمنه قدیمه دن بری کرید اهاالیهی فنا برصیت و شهرت  
قزانش و «کریدلیر مألوف کذبدر» جمله سیله باشلایان



قضیه منطقیه یونان مؤسسات عرفانندن صوکره قرون  
وسطی منطقنده انتقال ایتشد . بونلر هیچ بر حرب  
ومجادله یی غیر مشروع عد ایتزلر واجرتلی عسکرلریله  
قورصانلری نهب و غارتی غالبیت ومظفریته ترجیح  
ایدرلردی . بونک ایچوندرکه «مونتسکیو» بونلرک اخلاق  
وطبایعندن بحث ایتک ایسته دیکی زمان برحس حیا وحجاب  
طویمشدر .

یونانستانده وخیالات ومافوق الطبیعیانه مغلوب اولان  
سائر ملتدرده اولدیغی وجهله بر قسم خلق اقسام سائر  
اهالییه تفوق ایدرسه استبداد ؛ بر علت مشترکه سببیه  
مغلوب مجادلات ومصاوات اولورلرسه آنارشی تکیون  
ایتمش اولور . حال بوکه آنارشی تسلطات وتجاوزات اجابی  
دعوت ایدر .

اهل اسلامه تبعیتدن اوزاق دورمق شویله طورسون  
کریدلیر بالعکس ربه اهل توحیده قوشدیلر وکنیدیلرینی  
دینسز وباشقه لرینک مملوکی عد ایدن ورومالیرک شو :

Tibi erunt artes pacisque imponere morem  
Parcere subjectis et debellare superbos [\*]

سیاست قدیمه سنک وارثی بولنان تورک ایمپراطورلغنه تابع

[\*] شرائط صلحیه یی وضع وتنظیم ایتک ، زیردستانی اداره وعاصیلری  
ضبط ایلمک سکا عائددر .

اولمغی و ندیکیلرک استیلاسنه ترجیح ایتدیلر .  
 عثمانلرک جهانک الکجسیم بر ایمپراطور لغنی عصر لرجه  
 اداره ایتمش اولملری حال اختلافده بولنان اجناس وادیان  
 اوزرینه کالیله نشر صالح و سلم ایملرندن وشاگردانه  
 تلقین انتظام و سکون ایدن بر مکتب معلمی وضع و طورینی  
 اختیار ایتلمندن ناشیدر .

حاکمیت اولره او قدر خاصدرکه بر تک « چاوش »  
 قو-قوجه بر قریه نی حال سکون و آسایشده طومغه کافیدر .  
 ۱۸۶۳ بولونیا عصیاننی فرانسه نک پاله روآیال مجالسنه عطف  
 اولندینی کبی کرید عصیاننک مسئولیتی ده توئیلری به یعنی  
 ینه فرانسه حکومته عطف ایدلمشدر .

اوچنجی ناپولیون طونه استحکاماتی صربلیره تسلیم  
 ایتدیرمک مقصدیله تورکیانی تضییق ایچون قاینه-نی  
 تشجیع ایتمش و بر ملاقات انناسنده یونان قرالک یوردی  
 جنرال قارکس ایتالیا و پروسیا طرفندن دوچار ایدلرکری  
 ضرر و خساره رغماً مایت اساسلرندن آیرلماش اولدقلرندن  
 بحثله اظهار مباهات ایله مش ایدی .

فقط تشجیع و ترغیب معناسنده تلقی اولنان اهمیتسز  
 بعض سوزلر ایشی علولندیردی .

اوچنجی ناپولیون صربلیر نامنه واقع اولان ماتمساتی

قبول ایتدیردکن صوکره خارجیہ نظارتہ مأموراً هنوز  
فرانسیہہ کلکده اولان در سعادت سفیری موسیو دوموتیه بی  
آنه دن چهرک ، جنرال قالر کیسک ، سوزلرینی یا کلش  
آکلادیغنی قرال ژورژہ تبلیغ ایتمکه مأمور ایتدی .

انای ملاقاتده حاضر بولنان قالر کیس : « ایمپراطوری  
بن پک ای آکلادم . فقط ایمپراطورک بزی آکلامقده  
آرتق منفعتی قالمادی » جوابی وردی .

تحریکات و تشویقات خارجیہ دن قطع نظر کریدیلرک  
خشنود اولمالرینی ایجاب ایدن بعض اسباب جدیدہ وارایدی .  
استیصال ایدلدیکی محکم منافع عمومیه سنه قسماً  
تخصیص ایدلمسی لازم کان ویرکو - بعض مرتکب مأمورین  
طرفدن قایماغی آندقدن صوکره - استانبوله کیدیوردی .  
من الجمله جزیره نک ولایه قدیمه سندن کریدلی مصطفی پاشانک  
تروتی یکرمی میلیون قدر تخمین ایدلمکده ایدی .

لاینقطع تزید ایدیلان رسوم بوتون خرج عالم اولان  
اشیا اوزرینه موضوع ایدی .

یول یوق ؛ وندیکایلر زمانندن قالمه بعض خرابه لردن  
باشقه کوپری یوق ؛ دنیانک اک امین و آق دکرک اک  
کنیش لیمانی اولان سودا لیمانی همان همان چول حالنده ؛  
حانیه ، رسمو وقندیه لیمانلری قوم ایله طولمش ؛ دیگر

نیانلرده ایسه، کمرکاره نظارتی تسهیل ایچون، تجارت ممنوع ؛  
مکتبلر قپادلمش ؛ خرسیتیانلرک محاکمه شهادتی ممنوع ؛  
مسلمانلرک بیله روجه دن باشقه برلسان ایله متکلم اولمدقلری  
بومماکتک معاملات عمومیه سنده و محاکمده تورکجه لسانی  
مجبوری ؛ والحاصل اشکال مختلفه تحتنده کیفیات وسوء  
استعمالات حکم فرما ایدی .

حانیه جوارنده «اومالوس» یایلاسنده کریدرؤ ساسندن  
مرکباً تشکل ایدن بر مجلس بوتون شکایات و اعتراضاتی  
اون ماده اوزرینه ترتیب وتنظیم وبونلری تأمینات  
صداقتکارانه یه تردیفاً حضور شاهانه یه ایصال وتبلیغ ایتدی .  
احوال ممانله ده عقل واذعانک کوستره جکی یول درحال  
وبالاختیار تأمین عدالت ایتمکدر .

بر قیام مسالحه میدان بر اقامق ایچون خرسیتیانلره  
امور مالیه وعدلیه ده مساواتی تأمین ومحلی انضباط  
مأمورلقلرینه وسائر خدمات عمومیه یه ینه بونلری قبول  
وتعین ایتک کافی ایدی .

فقط استانبول بویله یایمادی ، اومالوس تکلیفات  
ومستدعیاتنه بر طاقم وعدلر ایله ، والیرک تبدیلی وعسکر  
سوقی ایله مقابله ایتدی .

بر دفعه امیدلر ، امللر انظفایاب اولورسه انسانلرده

خوف و احترازده نهایت پذیرا ولور . ايشته بونك ايجوندرکه  
بومقابله قارشى کريدلير عصيان ايتديلر و «ياحریت ،  
يا اولوم !» دیدیلر . بر ملت که اکمکنی حکومت قارشى  
مدافعه ، هرکس ايجون بر عدالت متساويه طلب ايتمک  
اوزره قیام ایدر ، اعتراضاتی برسمع قبول بولور . چونکه  
اکمک و عدالت اويله شیلردرکه اونلردن محرومیت حالنده  
حیات یاشامق زحمتنه دکمز و بونلری هیچ بر قوت غالبه  
و حاکمه غیرمعین بر زمان ايجون تأخیر ایدمیز . مع هذا  
بونقطه نظرده کريد جزیردسى ولايات سائرۀ عثمانیه دن  
زیاده شکایته حقلی دکلدى .

علل و اسباب عصیانى تحایل ایدرکن نظر بی طرفی  
دهنا باشقه شیلری ده کشف ایدیور :

عاصیلرک اک ایلری کلنلری خزینۀ دولته قارشى اولان  
تعهدلرندن چاره جوی خلاص اولان اعشار ملتزملى  
ایدی .

مديون خرسیمانلر مسلمان اولان داینلری ممالکى  
ترکه اجبار ایدمیزک اونلردن قور تولق امیدنده ایدیلر .  
فقرا ده بونلردن بوش قاله جق اراضی بی قائمق تصورنده  
بولیوردی .

بواحتراصاته بعض قاینلرک تشجیعاتى ، مضبوطاتک

تحریکاتی ، سرعت تفیضلرینی تأمین ایچون جستجوی  
وسائلدن خالی قالمایان قونسوسلرک انتریکه لرینی علاوده ایتلیدر.  
مع هذا حد ذاتنده فنا باشلامش اولان بوایش ینه فنا  
بر صورتده اداره ایدلدی .

آمال سفیله یی مدعیات مشروعه یه تقدیم ایتک ،  
بوتون وسائط اختلالیه یی محافظه کار بر حکومتدن آیرلق  
تهلکه سینه دعوت ایتدیرمک . . بو حاللر شکاری  
ظلمته براققدن وموفقیتسزلکک اوکنه قوشمقدن باشقه  
بر شی دکلدی .

عصیانک اک بیوک خطاسی یونان قرالغی هکهمونیاسنی  
بوتون شرقه تعمیم ایتک اولمشدر .

پان ئله نیزم سرابدن باشقه بر شی اولاماز .  
اسلاولرک استانبولده ، آوستریالیلرک سالنیکده ، انکاتره  
وایتالیانک بحرسفید جزائرده کورلمسی خاطره کله بیلیر .  
فقط آوروپا قطعه سنده بر یونان ایمپراطورلغی تشکلنه  
مساعدریر بولنه ماز . تورکیا ایمپراطورلغی ، سیاست ،  
یونانستانک برخط مدافعه سیدر . بواعتبار ایله یونانستانک  
تورکیا ایمپراطورلغنک بقاسنده پک یوکسک منافعی  
واردر . بونک تخریدنه چالیشیق اوستنه اوطوریلان  
دالی کسمک دیمکدر .



مع مافیه بو سوزلر مزدن یونانستانک مسائل شرقیدن  
 بوسبوتون قطع علاقه و مناسبت ایتیمی لازم که چکی فکر نده  
 بولندیغیز آکلاشیلما سین . تاریخ کوستریور که رومالیرک  
 ید حکم و نفوذینه کچن یونان عالمی کندی سلاح ظفری ایله کندی  
 قورتارمش و ییزانسه ایسه رومالیرله خلف اولمشدر .  
 شرقی روما ایمپراطورلغنک سقوطندن سوکره عینی سیاسی  
 تعقیب ایتیمک وظیفه سی ده یونانستانه توجه ایتمشدر .  
 تورکلر ده عرقاً ، دیناً و لساناً کندیلرندن آیری اولان  
 آوروپا ایله ارتباط ایچون بر خط واصل کبی یونانیرله  
 محتاجدرلر .

تورکلر ؛ تابدایتدن بری — کندیلرندن شبهه یه حققری  
 اولمقله برابر — روملری هر طرفده ، هر ایشده و ازان جمله  
 دیگر مناصب رفیعہ میاننده امارات تابعه بکلر کورنده  
 استخدام ایلدیلر . حتی زمانم زده بیله روملرک استانبولده  
 نظارتلر ، قونغر دلر ده تورکیایی تمثیل خدمتته مأمور  
 ایدلر کاری کورلمکده در .

بواحوال امر صلح و معدلتده و محفوظیت قومیه لری  
 خصوصاً ایضا ایده بیله جکلری وظیفه نی کوستریور .  
 آتی یه کلنجه : رقابت مللک اشیایی اداره ایدن قواعد  
 و قوانینه تابع اولدیغنی بیلمک کافیدر .

رؤسای عصات میاننده فرانسہنک قومون ادارهسی  
زماننده اشتہار ایتمش وبالا خرد روئیل شهرنده برژاندارمه  
نفری طرفدن قتل ایدلمش اولان کوستاو فلورانس ده  
بولنیور ایدی .

قولژ دوفرانسدہ کی معلم وکالتندن ، اوچنجی نابولیونہ  
واقع اولان استرحامات ومستدعیاتنه رغماً ، مجبور انفصال  
اولدقدن صوکرہ ، مومی الیہ ، آریا اقوامی حقندہ  
قونفہرانس ویرمک اوزرہ استانبولہ کلش ایدی . اورادہ  
«ماجینی» [\*] جمعیت خفیہ سنہ منسوب بر کاتبک ،  
دام عشقنہ مبتلا اولدینی ، قیزی ایلہ تزوج ایتک اوزرہ  
پارسہ عزیمت ایتمش ایسدہ عائلسی بو ازدواجہ موافقت  
ایتمدیکندن قورفویہ قدر کلش واستانبولہ عودت ایتک  
اوزرہ قیزی اورادہ یالکزجہ براقش ایدی .

کوستاو قورفودن دوغریجہ آتنبہ کلش وعصانہ  
ارزاق ومهمات نقلنہ تخصیص قانان «پانئہلہ نیون» واپوریلہ  
کریدہ کیدنجه قدر اورادہ دہ یامادینی مجنونلقلر ،  
چیلغینلقلر قالماش ایدی . جزیرہ دہ مدت اقامتی اولان  
برسنہ ظرفندہ یابدینی ایش ایسہ یالکز مطبوعانہ مقالہ لر  
یازمقدن ومخابرلک ایتمکدن عبارت قلمشدر .

[\*] ماجینی جمعیت خفیہ سنک بر نامی دہ «کنج» ایٹالیاجعیق ، درکہ ایتالیان  
باشقہ ممالکدہنکی تشکیلاتی وار ومقصدی ایٹالیانقلابی تأمینہ منحصر ایدی .

مطبوعات عصيانك اك باشلى سلاحي اولمشدر . انسان  
وقاييع جاريه نك شاهدى اولمازسه حقيقتك افراط ومبالغه يه  
نه درجده فدا ايدلديكنه اينانه ماز . روملر طرفندن قتل  
ايديلان توركلرك و عرض و ناموسى هتك اولان قاديىلرك  
مقدارى غير قابل حساب ايدى .

يا اولومى يا خود ناموسىز ياشامنى ترجيحه اجبار  
ايديلان بر طاقم كنج وباكر قيزلرك صرپ قياقلر اوزرندن  
دكزه آتيلمق صورتيه اتحار و اولومى ترجيح ايتدكلرى  
دويولديغى زمان بوتون جهان بر حس تالم و تاثر دويتمش  
ايدى .

كريدده بولونديغم مدتجه حرب دينه بيله جك هيچ  
بروقعه حادث اولمادى . بوتون حادثات مفرزه مصادمه لرندن  
عبارت قاليور و باروت اسراف ايديايوردى . ابدالرده  
داغلك عكس صدا ايله طراقة جنك وجداله تحويل ايتديكى  
يايلم آشى سسلرينى ايشيدهرك ايلرى قره غوللره قوشمق  
ايسلردم . فقط دوربين ايله باقنجه بيك مترو ايلريده  
عصا چته لر ينك تك توك آتش ايتدكلرينى و ايچلرندن  
جسارتى زياده اولانلرك درنجه خندقلر جوارينه قدر  
صوقوله رق سلاخلرينى بوشالتمزدن اول سوكوب  
سايدقلرينى كوروب ايشيديورم .

تورك ضابطلرى بوتخف حاللرى تلميح ايدهرك

« ايشته غزته لر ايچون بر ايش دها ! » ديورلردى .

حايه خسته خانه سنده يكرميدن فضله مجروح عسكر  
بولمازدى . فقط بوكا مقابل تيفو هفته ده اوچ يوز نفوسى  
يره سريوردى . حتى بومقدار بر آراق بش يوزه قدر  
چيقمشدر . بو حالى هنوز خبردار اولمايان عالي پاشايه سويلدم .  
صاوا پاشانك [\*] اجراسنه . مأمور اولديغى تحقيقات  
بو ضايعات ووفيات مؤسسه نك قواعد حفظ الصيحه نك اهلاليه  
برابر اوراق و معالجات عسكريه ده وقوع بولان سرفتدن ايلرى  
كلديكى اثبات و اظهار ايتدى .

ينه بونك كجى معاشاتى حكومتجه تماماً تسويه ايديلان اوچ  
يوز ضبطيه نفرانته مقابل آنجق آلتش نك موجود  
بولنديغى صدر اعظمه اخبار ايتدم .

بوتون بوار تكابات و اختلافاته قطعى بر خاتمه و برمك  
ايچون متجاسرلى قورشونه ديزديرمك كافى ايدى .  
فقط بويله يابيلمايه رق بر قاج عزل ايله اكتفا ايدلى  
و بالطبع سوءاتعمالات ده دوام ايتدى .

نم مشاعلم مخبرات ديپلوماسيه و وثائق رسميه نك

---

[ ] صاوا پاشا ، اسامى بر طبيب ايدى . قورلر انك ۱۸۶۳ سنه ميلاديه سنده  
استانبول . . . . . توليغاً تخريب ايتديكى زمان فؤاد پاشا طرفندن تميز ايتديرلش  
و متعاقباً تبديل مسلك ايدرك بعض مهم مأموريتلرده بولنديدن صوكره  
والى ، خارجيه ناظرى اولش ايدى . اصول فقهه دائر تأليف ايتديكى اثر  
بحق شايدن ذكردر .

تجربینه منحصردی . اکثریا قهوه آلتیمی قولیسلرده  
ایدیورم .

قره طاغ حکومتی حسابنه بر اراضی امتیازی التماس  
ایدن سفردن بری بالوسیه « طوق قوردلرک آچلدن دها آز  
تهلکهلی اولدیفنی » سویله مش ایدی . بن بوکا « اشتهارلی  
یدجکه کلدیکی ایچون انسانلرک قوردلر دها مدھش اولدیفنی »  
جوابی ویردم .

بو اوانده فرانسه نك کریدده بر قونسلوس مأموری  
واردی که باشنه شیریدلی بر عسکر سابقه سی ، صرتنه بر فانیله  
چا کت ، آياق لرینه اوزون قونجلی سواری چیزمه سی کیر  
واوموز لرینه بوسکوللری کوسنه صاحیلان بر سوریه شالی  
آتار و النده دائما بر قامچی طاشیردی . بو آد مجنز تعین  
اولنان ایلک آن ملاقتدن یکریمی دقیقه صو کرا شوقیافت  
غریبه سیله صدر اعظمی زیارت ایتدی .

عودتندن صو کره عالی پاشا ، دوداقلر نده کی اینجه  
تبسمیله ، بکا :

— دیپلوماتی بکندیکزمی ؟ . . دیدی .

مقصدم ایقاع تزویر دکل تنویر فکر اولدیفنی ایچون ممالک  
اجنبیه ده بولوندیغم مدتجه دقت ایتدیکم بعض دها چیرکین احوالی  
سکوت ایله کچیورم ؛ فقط شوراسنی ذکر ایتدمن کچمه جکم که

فرانسه يالکز فنا وچوروك امتعه اخراج ايتيور . بعضاً  
كنديسنى رسماً تمثيل ايدن اويله قبا وعادى آدملىر  
چيقارييوركه بونلر چوق دفعه ممالك تيرينك ضررينه  
خدمت ايد ييورلر .

هيئت مخصوصه صدر اعظمك سفره سنده برلش يوردى .  
اك اول مشتهيات يرينه صدفلى بر سهپا اوستنده زيتون ،  
حاويار وسائر چرز لرله راقى اورته يه سوريلىوردى .  
رمضان شريفدن ماعدا ايامده سفره نك ترتيبى  
آلا فرانغه ايدى .

رمضانده ايسه بيوك يمك ماصه سى يرينه دردر كيشليك  
متعدد سفره جقلىر قورولدى . بنم يرم على پاشانك سفره سنده  
اصابت ايتدى . بو آيده پارمقلىر چتال ويچاق وظيفه سنى  
ايفا ايد ييور وچوربا ، پلاو و طاتلىلر ايچونده كموش  
قاشيقلىر يرينه بر طاقم تحته قاشيقلىر قوللانيلىوردى .

بو حالت ابتدائيه رجوع بكا عسكر قاراوانه لرينى ،  
عسكر سفره لرينى تخطر ايت يردى .

بكا دائماً شراب و يريل يوردى ، فقط بندن باشقه كيمسه  
ايچمديكى ايچون بنده ايچما مكي مناسب بولدم .

تورك طعاملىرى وهله طاووق كو كسى بك نفيسدر .  
مسلمان بر كريدلينك مدعوأ حاضر بولونديغم افطار



ضیافتی اطعمه سسنگ غرابت و مبذولیتی ، چتالمنز ،  
 یحیاقمنز یمکده چکدیکم صیقتی اعتباریله خاطر اتم میاننده  
 شایان ذکر در .

برأت پارچه سی باش و شهادت پار مقلریله پارچه لایه بیلیمک  
 ایچون انسان آلیشیق اولمالیدر . بعضاً اکرام ایچون  
 صاحب ضیافت آتی پارچه لامقده یا بانجی مسافر لره پار مقلریله  
 معاونتده بولنور ؛ فقط بونزا کت انسانه استیکراه و یرمیور .  
 چونکه بش وقتده ادا اولنان نماز لدن اول آلتان ابدستلر  
 داخل اولماق اوزره قبل الطعام معطر صولر ایله ال ییقامق  
 معتاد اولمشدرکه بوحل سفره نک و طعامک نظافتی تأمین  
 ایدیور .



اثنای طعامده صدراعظمک بوتون سؤالارینه جواب  
 و یرمک مجبوریتده ایدم . عمومیت اعتباریله شرقیلر آز  
 اوقورلر . فقط حروف صوتیه دن محروم اولان یازیارندن  
 استنباط معنا مشکل اولدینی ایچون بوتون کتابلری کمال  
 دقتله مطالعه ایدرلر و بوندن طولانی بیلدکارینی پک اینی  
 بیلدکارینه قانعدرلر .

مشاغل ذهنیه دن بر آن حضور بولمق ایچون کندی قلاسیک  
 ادبیاتلرینی بزم فحش و غرامدن ، جنایت و اتحار دن باحث

رومانلرمزه ترجیح ایدر و غرب رومانلرنده اکثریتله  
موضوع بحث اولان اونانیرم و ایستهری یه متعلق تحلیل اتدن  
ایسه هیج برشی آکلامازلر . آریلرک چیچکلره رغبتی ناصل  
یالکز مصر حریق مقصدینه معطوف ایسه تورکارکده  
مطالعه ده تعقیب ایتدیکی یکانه نقطه نظر حیاته قابل تطبیق  
اولان معلوماتک درج واقتطافیدر .

ایام خالیه ده کندیلرینه بعض نافع شیرا و کرده بیله جک  
بریا بانجی یه تصادف ایدر لر سه بونی بر سعد طالع عدا ایدر لر .  
چونکه ترکیه بر ضرب مثل « مطالعه دن زیاده محاوره ایله  
ا کتساب معلومات ایدیلر » دیور .

عالی پاشا مخاطب لری نك هر برینه افکار و الاحضات نك زبده  
و خلاصه سی سویلر و باشق لری نك معلوماتی کندی احتیاجات  
و تجسس اتیله مقایسه و تزیینات بلاغت پرستانه دن تجرد  
ایده رک کمال سلاست و وضوح ایله افاده مرام ایدردی .  
چوق دفعه کندیسندن ده ائی بیلمه م لازم کلن شیرای  
بکا او کرتشدر .

سوزی آز سویلر و بالخاصه سویانمه مه سی لازم کلن  
شیرای بیلیردی . بونکله برابر پارس قونفره سی اواننده  
اوچنجی ناپولیون ایله سراینه متعلق بعض مراقق آور تفصیلاتی  
آغزندن آله بیلمکه موفق اولدم .

مشار اليهم دن بويله بالوسيله آلبيلديكم معلوماته كوره  
پارس قونغرەسى رئيسى قونت والهوسكى نك جغرافياده كى  
جهالتى مرخصلىرى ايجە اكلندىر مشدر . پروت ودينه پر  
كله ليله افلاق - بغداد و بسارابيا مومى اليك ذهنده  
قاريشيور ايدى .

پارس معاهده نامه سنى امضا خصوصنده قول الاتق  
اوزره بر ضبط نامه تنظيميله نباتات باغچه سندن آلنان  
بر قارتال تويى ديپلوماتلردن برينه لوتى ناپوليونك شابقه سنده بر  
قارتال اولديغى حالده اثبات وجود ايتديكى بولونيا مصادمه  
نى فائده سنى اختصاره فرصت بخش اولدى .

عالى پاشانك فكرينه كوره ايمپراطور و ايمپراطوريجه  
طرفندن روسيه مرخصلىرينه تاامين ايديلن فوائد خدمت معروفى  
آشمش ايدى . حتى لورد قلازندون توتئلىرى سرائنك  
نجره لرندن برينك سپرنده پاشايه « بو حال ايله عاداتا مغلوبلرك  
بز اولديغمزه حكم ايديله جك ! » ديمش ايدى .

فى الحقيقه ۱۸۶۳ ده روسلردن آيرلىق لازم كليور ايديسه  
بولونيا لى چون بر سبب و وقعە احداث ايتك و بويله مداهنه كارلقده  
بولنمقده صانكه نه معنا واردى ؟ . .

ديپلوماتسى على پاشايه غير قابل نفوذ بر حوصله  
بخش ايتمش ايدى . كنديسنه آنسزىن اخبار ايديلن

اك وخيم وقايع وحوادث نه وجهنی دكيشديرسيور ، نه ده  
ائتك اوافق بر اشارتی دعوت ایدیوردی . بيلم بواو فاجق  
ذات محاربه بی ناصل تلتی ایتدی ! مع مافیه ، هر نه اولور سه  
اولسون ، آگلادیغ بر شی وار سه اوده پاشا کندی  
مسلك کننده لایترزل بر موقع جدیت صاحییدر .

الكیزلی تفكر اتك هر هانکی بر اماره ایله میدان ظهوره  
حیقمقده اولدیغنه دقت ایدرک عالی پاشانك ده خارجه  
سر رشته ویرمیدی ملاحظاتنك فرجه تظاهرینی آراشدر مغه  
حصر نفس ایتدم .

مشارالیه یازدیغ هر هانکی بر مسوده بی تقدیم ایتدی کم  
زمان بونی کمال دقتله او قورو کندی فکر و ذوقنه کوره تعدیل  
ویا احما ایدردی . مشارالیهك قلمیله حیرت بخش بر صورتده  
تصحیح ایدلمش بعض و نائقی الآن صاقلایورم . چونکه  
پاشانك افاده افکار و انتخاب کلماتده یوکسک بر اقتدار  
و فطاتی واردی .

برکون دقت ایتدم که اوزرینه اوطوردیغی مندرک  
کنارندن صارقان آیانك اوجی وقت وقت ارتعاش  
ایدیور و پك کوچا کله حس ایدیه بیلن بو حرکت  
هر تصحیحدن اول وقوع بولیوردی .

بوکا وقوفدن صوکره آرتق بو آیانی کندمه بر ناظم

حرکات عدد ایتم : آیاق قیمیلدا نماز سه تهلکه یه گیرمکدن  
قورقور و فقط « دفع اول ! » معناسنی تضمن ایدن  
لرزشی واقع ایسه یا مباحثه دن چکیلیور یا خود موضوعی  
دکشدیر بیوردم .

هیئت اعضاسندن بری برکون بکا : « سز صدر اعظمه  
قونوشورکن بن صغوق صغوق ترله یورم . پادشاهک وکیلنه  
بویله هیج برکیمسه رفع اعتراض ایده من . » دیمش ایدی .  
بوزات بیلمه یوردی که تعیین جهت ایچون بنم بر  
پوصاهم واردی .

هر فردک قابل جرح بر نقطه سی واردر : آشیاک  
اوچکسی ، عالی پاشانک ده آیاغنک اوچی .

نزد صدر اعظمیده بندن سوکره خواجه مجیدافندی  
حائز حرمت و اعتماد ایدی . بو آق صقالای پیر محترم حقیقی  
بردیورهن ایدی . بوتون ماملکی بر چپوقدن و برده  
اوزرنده ادای صلات ایلدیکی کوچک بر خالی سجاده دن  
عبارت ایدی که بونی سالونک اورته سنه فرش و حضاری  
تنشيط ایچون او طور دینی یردن لطیف حکایه جکلر نقل  
ونکته لر صرف ایدر وتورک ، عرب ، عجم اشعار  
او قوردی . عبادات و طاعاتی زمان سعادته یاشایانلره  
مخصوص بر خلوص و خشوع ایله ایباردی .

بر صبح طاغده آنسزین یا قالامش بر طاقم کریدیلری  
 قوناق حوایسنه کتیردیلر . حریفار آچلقدن اولمش ،  
 صاراروب صولمشار ایدی . بونلرک منظره سفالت آمیزی  
 خواجه محترمه بر چوق کوزیاشی دوکیردی و در حال  
 شیشمانلغنک مساعدا ولدینی درجه ده سرعتله مطبخه قوشه رق  
 قوجاغنده بر چوق ارزاق ایله عودت و تعریف اولنماز  
 برخط و مسرتله اشقیایه تقسیم و توزیع ایتدی .

بو آندن اعتباراً عالی پاشانک دامادی صلاح الدین  
 بکک ترجمانلغنه مراجعت ایده رک مجید افندی ایله تأسیس  
 مناسبت و صمیمیت بهاشلادم . خواجه بنی افکار و اعتقادده  
 سربست و حر بر اقلقه برابر بکا اسلامیتی کندی نقطه  
 نظرینه کوره ایضاح ایتدی .

هیئت مخصوصه اعضاسی میاننده ، یوقار وده ده سویلدیکم  
 وجهله ، زمانی مدالیه قولکسیونی یاققله امرار ایدن  
 تجارت ناظری قبولی پاشا و بر آرزو کره خارجیه نظارتنه  
 و پارس سفارتنه کچمش اولان سرور افندی بولنیورلردی .  
 سرور افندی به طبیعت و اخلاقی ده کوزلری قدر شاشقین  
 اولدینی ایچون « شاشی آدم » دیرلردی . مع هذا هر ایکسی ده  
 مستحق هجو و تنقید ایندیلر .

تورک لسانی ، لاتینجه کی ، غایت نرم و ظریفدر .



فقط حروف متصوته سنك حذفی یا خود تبدیلیه کله لرینك  
معناسی تخلف ایدر. بویه تبدیل حروف و هجا صورتیه تغییر  
معناده صلاح الدین بك تمیز ایتش و از جمله (قبولی) گله سنی  
(قی - بولی) صورتیه ایکی به آیره رق چیرکین بر معنا  
استخراج ایله مش ایدی. قواعد ادب و نزا کته بك ده  
موافق اولمایان بو طرز لطیفه پردازی حضاری چو جقار  
کبی کولدور مشدر.

سردار اکرم عمر پاشانك مکرراً سفره سنده طعام  
و مشارالیه یاقیندن تدقیق و تتبع ایتدم.

عمر پاشانك صورت ظاهرده هر کسدن فرقی یوق  
و فقط اخلاق اعتباریه شایان تدقیق ایدی. فی الاصل  
خروات و نام قدیمی (میشل لاسار) اولان مشارالیه منسوب  
اولدینی آوستریا اردوسندن قاچش و بعدالاهتدا خسرو  
پاشانك نزدینه پرده آغالغیه قبول ایدلمش ایدی. اوفق  
بر نویسه کنديسنك مدار تمیزی اولمشدر.

خسرو پاشا بوش و قتلرینی بر ماصه اوزرنده قورشوندن  
یا پیللمش مودلارله عسکری مانوره تجربهلری یا بهرق  
کچیرردی.

برکون خدمه تجیبی یعنی پرده آناسی اولان عمر از قضا  
تجربه ماصه سنی ده ویردی و فقط مودلاری او صورتله طوبیلا یوب

ترتیب ایستدی که پاشا ماصه سنک باشنه عودت ایستدی کی زمان حالیه  
 اوغراشدیغی تعییت الحیش مسئله سنک اوغرا دیغی تعدیلات  
 وتصحیحات مکملیه کی کورده رک تحیر و فاعلی اولدیغی  
 بالتحقیق او کوندی کی عمری یوز باشی نصب ایتمکله برابر  
 اونک شهزاده عبد المجید افندی به معلم تعینی ایچون سلطان  
 محمودی تضییق ایستدی . عبد المجید خان تحت سلطنته  
 جلس اولنجه مومی الیهک رتبه سنی تدریجاً مظهر ترفیع  
 ایدهرک نهایت باش قوماندانلغه ارتقا ایستدی .

آلمان لسانیه واقع اولان ملاقات ومصاحباتمزد  
 هپ کندیس سنک حیات سرگذشتیجویانه سی ، سوریه ،  
 کردستان ، قره طاغ ، طونه ، قریم وقافقاسیه حربلری  
 موضوع بحث اولمشدر .

عمر پاشاده هییچ بر وسعت نظر ، هییچ بر فلسفه  
 بولمادم .

عسکرلرک پک چوغی کی مشارالیه ده حاضر بولندیغی  
 حادثات عظیمه نک تفرعاتی تحظر ایتمه یور . اوافق تفک  
 مصادمه لره اهمیت ویرمه یوردی . ابویوک محاربه لردن حفظ  
 ایدر و اولنردن تجربه درسلری آلمق ایستردی .

اگر اونک افکار ووصایانی نظر اعتباره آله لردی  
 قریم محاربه سنک ده ساریع ودها مؤثر بر صورتده

ختم پذیر اوله جغنی معطوف تمدح اولمایه جق بر طرز بیان  
ایله سویلیوردی .

مع مافیہ اقبالی چوق سورمه دی : اسفا کیه لی بر قادین  
عمر پاشا نك احتراصات قلبیه سی اوکنده مجبور تمایل  
اولماشدی . پاشا املنه دوغریدن دوغری به موفق  
اوله مایجه طریق حیله به سلوک وقادینی ترجاننه نکاح ایتمش  
وزوج اوله جق بو آدمی اقناع ایتدکن صـ و کره لیلا  
وبالذات حبله زفافه داخل اولوب فقط قادینك یوکسـك  
صدا ایله استمداده قیام ایتسیله خواه ناخواه رجعتنه مجبور  
اولمش ایدی .

بو حادثه اوزرینه صدراعظمه در حال اسماع شکایت  
ایدلایکندن مشارالیهك نزدینه دعوت ایدلدم . پاشا وقعیه یی  
حکایه ایدهرک :

— شمدی نه یاملی ، ؟ دیدی .

— مادام که فکر عاجزانه مک سؤاله تنزل بیوریلور ،  
دیرم که بورزالت اوزرینه آرتق سردار اکرمک کریدده  
قالسی غیر ممکندر .  
جوابی ویردم .

عالی پاشا دولتک بویله حائز اهمیت وشهرت بر عسکرینی  
عادی برچاوش کی عزل ایتـات قابل وموافق اولمادیغنی  
سویلیهرک رأیـه اعتراض ایتدی .

دیدم که :

— شبهه سز فخرامتاب، فقط ایش ده علی حاله قالیرسه  
قورقارم که ذات وکالتپناهیلری مسئولیتی درعهده ایتمش  
وسکزر کون ایچنده بوتون مطبوعات جهانک وبوتون  
قابینه لرك هجوملرینه هدف اولمش بولانه جقسکزر .

بو ملاحظه ، شهرت ذاتیه سی و هیئت فوق العاده نك  
موفیقی نامنه ، عمر پاشایی فدا ایتمک وجوبنه مشارالیهی  
اقتناع ایتدی . بر آز سکوتدن سوکره :

— پکی ، دیدی ، فقط یرینه کیمی کتیرملی ؟ ..

فؤاد پاشانک توصیه سی ذاتاً خاطرمدده اولدیغندن ،  
اسمعی بیلیمه یورمشم کبی کورونه رك ، تسالیا اردوسی  
قوماندانلغنده بولنان بر مشیرك مزیت فوق العاده صاحبی  
بر عسکر اولدیغندن بحث ایدلدیکنی ایشیتدی کیمی سویلدم .  
— فی الحقیقه ، دیدی ، حسین عونى پاشا حال وموقعك  
محتاج اولدیغی بر قومانداندر .

بونك اوزرینه سردار اکر می نزدیکه دعوت ایتدی .  
ایکی ساعتدن زیاده دوام ایدن اوزون بر ملاقادن سوکره  
عمر پاشا چهره سنده علایم محکومیت منجلی اولدیغی حالده  
چکیلدی کیتدی ومتعاقباً استانبوله عودت ایتمک اوزره  
واپوره را کب اولدی که تاریخ وفاتی اولان ۱۸۷۱ سنه  
قدر اوراده منکوباً امرار حیات ایتشد .

سبب نكبتی اولان قادینك ازدواجندن اول فریق عمر  
 لطفی پاشا ایله مناسبته بولندیغی تواتر آشاییدی . مع  
 هذا صدر اعظم پاشا مزبور دنك پدرینه اون بیك غروش  
 تضمینات اعطاسنی تصویب ایتمش و بو پاره بطریقك  
 مواجهه سنده صاوا و قوسطاکي افندیلر طرفندن مرقومه  
 تسلیم و ایفا اولمشدر .

\* \*

سردار اکرمك خلفی حسین عونى پاشانك  
 زمان ورودینه قدر ، قوه عسکریه قوماندانلغك وكاله  
 اداره سی زماننده ، قندیه شهری بنمده بر وظیفه ایفاسنه  
 موفق اوله بیلدیكم بر طاقه حادثات وخیمه نك صحنه وقوعی  
 اولدی .

دیش ایدمكه ارباب عصیانیه ارزاق ومهمات نقلنه  
 تخصیص ایدلمش اولان یونان واپورلری هر سیر و سفر لرلنده  
 مسلمانلرك ایدیء تعصبندن قورتارمق بهانه سیله بر رمقدار  
 کریدلی عائله لری شیرایه وسائر سواحله نقل ایدیورلردی .  
 بر آز صوکره آمیرال بوتاقوفك ویردیکی او امره توفیقاً  
 روس دوناماسی دخی عینی ایشه توسل ایتدیلر . متعاقباً  
 بوحرکته فرانسزلرده اشتراك ایدنجه هجرت مسئله سی عادتاً  
 بر خروج و تخلیه شکلنی آلدی .

فقط ناپولئون سیاستك محصول تموجی اوله رق  
اولجه كریدلینری جزیره خارجه حیقاراز فرانسهز کمیلرینك  
عینی انسانلری ، آرادن بر آی كچكدن صوكره ، تکرار  
آطیه کتیردکری کورولدی .

امور داخلیه سنه بر چوق دولتر طرفندن واقع  
اولان بومداخله تورکیا ایچون امنیت بخش دکلدی . کریدك  
محافظه سی آنجق بر ایجه تله باغلی ایدی .

بر صباح عالی پاشا قندیهدن گلش ایکی تلغرافی بکا  
تودیع ایتدی . بونلرك بری روس آمرالی بوتاقوفدن ،  
دیگری قندیه متصرفی پرتو پاشادن کلیوردی .

آمرال بعض خرسیتیانلری قتل وضرب ایتمکله  
مسلمانلری اتهام اییدیور وممالك سائریه التجا ایتك  
ایسته یینلری سفینه لرینه اركاب ایتك ایسته یوردی .

متصرف ایسه بالعکس خرسیتیانلرك بش مسلمانلری قتل  
وعضولرینی تعطیل ایتدکرینی یازیوردی .

بویکی تلغراف آراسنده کی مبانیت وتضادك حل  
وتنویری آنجق تحقیقات اجراسنه توقف اییدیوردی .

صدر اعظم ، بنم اوصاف کافیه بی طرفی بی حائز  
اولدیغمه حکم ایدرک ، بکا مأذونیت کامله ایله قندییه  
عزیمت وتنویر مسئلیه غیرت ایتهمی وایجاب حاله کوره  
حرکت ایله مکملکمی امر وتکلیف ایتدی .



غائب ایدیله جک زمان یوقدی . چونکه روس  
آمرالی عاجلاً جواب بکلدیکنی بیلدیریوردی .

و نائق لازمه یی آله رق در حال سودا لیمانه عزیزیت  
ایتدم . عزالدین واپوری آماده حرکت ایدی . یولمز  
قیصه اولمغله برابر طرفیننه لزومندن فضله کراسته آلمش  
وباشی روزکاره و دکره ویره بیلیمک ایچون صافراسی  
قالماش اولان کھی آز قالدی مصادف اولدیغمز بورادن  
باته جقدی . بونک ایچون قندییه واصل اوله بیلیمه من  
عادتا معجزه اطلاقه شایان اولدی . روس دوناتماسنی  
قندییه لیاننده ایستیم اوزرنده دمیرله مش بولوق .

متصرفک یانته کیدنجه صلاحیت و اقتداری کنیدیسنه  
تبلیغ و جریان حالی استیضاح ایتدم . پرتوپاشا صدراعظمه  
وقوع بولان اشعارینی بکاعیناً تکرار و چالی چرپی طوپلامق  
اوزره استحکامات خارجه چیقمش اولان مسلمانلردن  
بشینک قتل و عضولرینک قطع ایدلدیکنی بیان ایتدی .

مع هذا مجروحلرک خرسستیان اولدیغنی اعتراف  
ایتدی . بونلری ، مذهبداشلری حقننده ارتکاب  
ایدیلن جنایات مدهشهیه اشتراک ایتمکله مظنون اولان  
اشخاصی سواقاقده تصادف ایتدکجه طاش وپابوجله ضرب ایدن ،  
مسلمان قادینلری جرح ایلله مش ایدی .

دیندم که :

— صورت جدید ده یاپیله جق تحقیقاتک طرفکزدن  
تنظیم ایدیلان راپورک بوتون نقاطنی تأیید ایده جکنی امید  
ایدیور میسکز ؟..

— شهه سز . مجروحلرک کافه سی خسته خانه ده ،  
مقتوللردم اسلام قبرستانده در .

بوتامینات اوزرینه کندیسنه شو تحریراتی امضا  
ایتدیردم :

« آمیرال جنابلری ،

« مسلمانلر طرفندن خرستیانلرک کاملاً قتل ایدیله جکی  
« بیانیله قندیله لیلرک شهردن اخراجنه مساعدده اعطاسی  
« حقمنده طرف عالیلرندن ذات سامیء صدارتپناهییه  
« واقع اولان عرض واشعار اوزرینه یارین صباح ساعت  
« یدیده بوتون قونسولوسارله ملل مختلفیه منسوب شهر  
« اطباسنک مواجهه سنده مقتوللرک قبرلرندن اخراج ومعاینه  
« وهویتلرینک تحقیق اولنسی مقرر بولندیغنی ومتعاقباً  
« مجروحلرکده معاینه ایدیله جکنی وبوایکی تدقیق وتبعدن  
« استحصال ایدیله جک نتایجک مقتضیات قانونیه سی ایفا  
« اولمق اوزره برضبط ورقه سمنه درج ایدیله جکنی بیان  
« ایله اکتساب شرف ایدرم . بووسیله ایله ذات

« اصلانله لرینك ده هر درلو ملاحظاتك فوقنده بولان  
« عدالت نامنه فیلو اطباسنی شهر طیبیلرینه الحاق بیوره جقلمی  
« امیدنده بولندیغمی عرض ایدرک تقدیم احترامات  
« فائقه ایلرم افندم . »

بوتحریراتی امضایتمزدن مقدم متصرف نعلشارک اخراجی  
نقطه سنده متوهم کورونمش ایسه ده :  
— بولازمدر ویاییله جقدر ، دیدم .

بر ساعت کچمهدن روس فیلوسنک دمیرینی قالدیره رق  
افقدن غائب اولدیغنی کوردک و بر توپاشا بنی در آغوش ایتدی .  
بوندن سوکره موقع قوماندانیله ایرته سی کونی محافظه  
انتظامه متعلق تدابیری قرارلاشدیردم . هیچ برشیشی  
تصادفه بر اقامق ایچون قوه موجوده عسکریه مسلحاً  
اجتماعی منع ایده جک و هیئت تحقیقه اعضاسندن ماعدایه  
قبرستانه تقرب ممنوع اوله جقدی .

بر تدبیر افراطکاری اوله رق بوتون اماملری ورؤسای  
روحانیه یی ده دعوت ایتدم . غروبدن سوکره کلدیلم .  
اماملرک بعضیسی علامت سیادت اولق اوزره یشیل صاریق  
صارمشلردی . هیئت مجموعه سی سنلری اعتباریله شایان  
حرمت ذواتدن ایدیلر . ایچلرندن بریسی اعظمی ، ایکی  
اختیار اوغلنه اتکا ایدرک مشکلاتله یورور ، تقریباً یوز

یاشلارنده ایدی . هپسی ده اطورنجه عادتا بر اختیارلر  
مجلسی تشکل ایتش اولدی .

ترجمیه ترجمه ایدیان بر قاج کلمه ایله حائز اولدیغ  
مأموریتده کی مقصدی بلا مشکلات آکلادیلر و ایرته سی  
کون ایچون اتحاد ایدیان تدایردن ممنون اولدیلر .  
کافه سی ده انتظام عمومی محافظه ایچون صرف نفوذ  
ایتمکی تعهد ایتدیلر .

فی الحقیقه سوزلرینی طوتدیلر : مسلح عسکرک  
کورونمسیله برابر فتح قبر زماننده سواقاقلرده بر تک  
مسلمان بیله کورونمسی . بوتون اطبا ، روس و یونان  
قونسولوسلارندن ماعدا ، بوتون قونسولوسلر حاضر ایدی .  
برنجی نعلشک بوغازی ، برون ، قولاقلری و اعضای  
تناسلیه سی کیلمش ایدی . یاقیندن معاینه ایدیلنجه  
قالچه سنده بر قورشون فتحه سی کورولدی که ظن غالبه  
کوره مقتول قورشونله اوریه رق قاجمسنه امکان  
براقلاماقدن صوکره بوغازلانش اوله جقدی .

ایکنجی نعلش بر قادینک ایدی . بوده دیکری کی  
کیلمش ایدی .

اوچنجیسی او یله بر رایحه کریهه نشر ایدیوردی که  
بوندن معذب اولان بری بونعشه دو قونولماسنی سویلکدن

منع نفس ایده مدی . فقط غایه به ایرمک ایچون اصرار  
ایتمک لازم کلدی .

ایلمک ایش بوصورتله نهایته ایردیرلدکن صوکره  
آلتمش قدر مجروح حرستیانک بولندیغی بویوک بر آوه  
کیدلدی . بعدالحرب تأسس ایدن سیار خسته خانه لرده  
اولدیغی کبی حریفلرک هیدسنکده یوزی ، قولی  
صاریلی ایدی . ایچرییه کیرنجه :

-- قالدیرک شونلری ، دیدیم .

برقاجی مقاومت ایتمک ایسته دیلر . بالطبع دیکلنمیه رک  
دیگرلرینه کچیلدی . هیچ بر آغیر یاره یوق : قادینلرک  
پابوج وطاش ایله یاپه بیله جکلری صیرنیلر ، ردلر ،  
شیشار .

کندیلرینه اینانیا مدیغی کورن بو ، اکثریمی ساخته ،  
مجروحلرک معاینه واقعه یی متعاقب ص . ارغیلرینی ترکه  
بیله لزوم کورمیه رک وحتی صذیعهلرینه کندیلری ده  
کوله رک کیتدکارینی کوردک .

بومعاینه لرک نتایجینی واولجه مسلمانلر علمینه درمیان  
ایدیلن انهاماتک خرستیانلره رد وعطفی مبین ضبط ورقه سی  
تنظیم ویکا تودیع اولندی .

غدارلق ، علی الخصوص عناصر ومذاهبک متصادم

اولدقلری اغتشاشات و مخابرات داخلیه ده ، یالکز بر فردہ  
عائد و منحصر اولاماز . ازان جمله یونان استقلال محارباتی  
تاریخی یونانیلره پک آغیر ، جانیانه فجایع عطف و تحمیل  
ایدر .

کذا استانبولده ، قره طاغیلر طرفدن دوداقلری ،  
قولاقلری ، برونلری کیلمش ، اوج یوز قدر عسکرک  
کچرلدیکی کورولمشدر .

بواحوال مدنیت حاضرہ ایلہ حال وحشت آراسنده  
یالکز یالذیزی برورق بولندیغنی اثبات ایدر .  
انسانلر ، عینی احوال و شرائط تحتندہ ، طبقی اجسام  
مادیہ کیدرلر .

مسلمانلره عطف ایدیلان اتهاماتدن متحصیل ضرر  
وزیانی صدراعظمه مخاطب بر استدامانامہ شکلمده کندیلرینه  
طلب ایتدیرمک صورتیلہ تحقیقات جزیه نتیجه سندن  
استفاده ایتمکسزین حانیه یه عودت ایتمک ایستہ مدم .  
ایکنجی دفعه اولدرق دعوت ایتدیردیکم عالما و مشایخ  
بوفکر می تصویب و حسن تاقی ایتدیلر و اجرا آتہ باشلامق  
اوزره در حال محله لرینه طاغیلدیلر .

روس محاربه اخیره سنکده اثبات ایتدیکی وجهله  
تورک عنصری فعالیتده اک مهیب بر عنصر در . بر اجنبینک

آلردن استحصاال ایتدیکی نتیجه آتیه نظر ابتصاره  
آلنیرسه کندی رؤساسنک اولره نهر یاپدیره بیله جکی  
استدلال اولنه بیلیر .

ذکر ایتدیکم بوتون بو اختیارلر مترو لرله اوزون و امضا  
مقامنه قائم بیکارجه مهری حاوی محضرلری بکاشفقدن اول  
کتیره بیلیمک ایچون بوتون کیجه یی اویقوسز کچیر دیلر .  
آن مفارقتده تشکرات معتاده یی ایفا و جناب حقک  
مظاهر اطف و احسانی اولمقاغمه دعا ایتدیر . الیمی اویمکدن  
کندیاریخی کوچ حال ایله منع ایده بیلیم .

حانییه عودتمده عالی پاشا دولته بیوک بر خدمت  
ایفا ایتدیکی سویلدی و بکا ایتدیکی مکافات بوندن  
عبارت قالدی .

بر آرزو کره برنجی رتبه دن مجیدی نشانی و کرید  
محاربه سی مدالیه سی ایله تلطیف بیورلدمکه بو مدالیه  
حرس تیان اولمق اعتباریله یالکیز بکا ویرلمشدر .

بر قاج کون سوکره یکی بر وقعه حادث اولدی .  
بو دفعه مسلمانلر سودا لیماننک شمالنده کائن آقروتیری  
شبه جزیره سندن بعض حرس تیان عائله لرینک بر یونان  
سفینه سنه را کب اولملرینه سبیت ویردیله . آقروتیری  
ناحیه سی حانییه یاقین اولدینی ایچون بو حادثه صدراعظمی



پك متاثر ايتدی و در حال صاوا و قوسطاکي آدوسيدس  
پاشالری محل وقعه ده اجرای تحقیقاته مأمور ایتدی و بنمده  
مشار الیهامیه التحاق ایتمکله کمی امر ایلدی .

رفاقه مزده راتب آغا اسمنده بر آرناودك قومانداسی  
آلتنده بر هیئت محافظه بولندیغی حالده حرکت ایتدك .  
قوراكس کونی چکنجه کلیس-انك نهب وغارت ایدلمش  
وقبرلرك آچیله رق ایچندن کیملرك شورایه بورایه صاحیلیمش  
اولدیغی کوردك .

جزیره نك اكه مهم مناستری اولان آقرو تیری مناسترنده  
هنوز میودلری اوزرنده بولمان بر زیتونلکی بالطه لامقاه  
مشغول بر چوق مسلح مسلمانلره مصادف اولدق .

صاوا پاشا بو آدملره اشجار نامیه طوقونولماهی  
حقننده کی امری بیهوده یره آکلاتمغه چالیشدی .  
ایچلرنندن بری مشار الیهی طمانجه سیله تهدیده قیام ایتدیکنندن  
پاشا متجاسرك اوزرینه آتیه رق سالاخی الندن آدی  
ایسده بو حرکت آزقالدی کندیسنه بهالی یه مال اولیوردی .  
بو آدملر کی بنده حال هیجانده اولدیغم ایچون نه باستونله  
اجرا ایتدیکم تهدیدات نه ده فرانمزجه صاووردیغم کفرلر ،  
هیئت محافظه یتشمده کچه ، فائده یاب اولمادی .

عائله لرك واپوره راکب اولملری مسئله سنی ایضاح

ایدن بوحالک و خامتنی در حال حانیه عودتله صدر اعظمه  
عرض ایتدم .

فرداسی کوندن اعتباراً بر عسکری قوردونی آقروتیری  
شبه جزیره سنی محافظه به باشلادی .

حسین عونی پاشا، عمر پاشایی استخلافاً، قوای عسکریه  
قوماندانلغنی در عهده ایتمک اوزره تسالیادن کریده کلدکن  
صوکره کندیسيله صدر اعظمک سفره سنده کسب معارفه ایتدم .  
مشارالیه قرق بش یاشارنده قدر کورونیوردی . قامتی  
متوسط ، اوموزلریله کوکسی کنیش ، باشی دیک وانظاری  
رؤسای حربی فرق وتمیز ایدر درجه ده نافذ ومؤثر  
ایدی . بواوصافیه حسین عونی بکابر آرسلان کوروندی .  
مسلیکده شخصی کبی ایدی .

مشارالیه آسیای صغرا ده کائن اسپارطه شهرنده تولد ایتمش  
وباشنده یشیل بر صاریق اولدیغی حالده ابونی طرفندن  
علوم دینییه تحصیل ایچون استانبوله کوندرلمش ایدی . فقط  
استعداد فطاریسی کندیسینی عسکرلکه سوق ایتدی .

اک اول ساده جه بر نفر اولمش ومتعاقباً مکتب  
عسکرییه اولاً طایفه وبعده معلم صفتیه داخل اوله رق  
صوکره ، ۱۸۵۳ محاربه سنده ، عمر پاشافر قه سنک ارکان حربیه

ریا-تمنه تعیین قلمشدر . بوتون مراتب عسکریه بی هپ خدمات ممتازه و مساعی کزیده سی محصولی اوله رق احراز ایتمشدر . نشانه حرب اولان دیگر یاره ایزلری میاننده صول النده بر قورشونک آچدینی ایز کوزه کورونور .

یوقاریده سویله مش ایدم که فؤاد پاشا مشارالهی حربیه نظارتی قائم مقاملغنده استخدا امیش ایدی . کریده تقرر سکوئی متعاقب حربیه نظارتی احراز ایدنجه حسین عونى پاشا ، بر آرزو کره پلونه و شرقی آناطولیده کندیسنى کوسترن ، تورک اردوسنک نسق ساز حقیقیسی اولدی . بک چوق زماندن بری مشارالیهک روسیه یه قارشى حاضر لائش بر حرب پلانی وار ایدی . عثمان ، مختار ، سلیمان و محمد علی پاشالری هپ عونى پاشا یتشدیر مش ایسه ده مشارالیهم آراسنده بالآخره حاصل اولان حس استرقابى ضبط و اداره و توحید حرکات ایچون وجودینه لزوم کورلدیکی زمانه قدر عمری وفا ایتدی .

زمان و موقعی کلنجه عونى پاشانک سلطان عزیزک خای مسئله-نده ایفا ایتدیکی وظیفه دن و مجلس وکلانک مجتمع بولندیغی ائنده بر چرکس ضابط طرفندن صورت قلمندن بحث ایده جکم .

ایلك ملاقات ایتدیكمز آقشام مشارالیهده بنم قالدیغم  
زمانده مجلسدن انفكك ایتدی ودهلیزده الیدن طوتهرق  
نی کندی دأر سنه کوتوردی ویدی که :

— بکا یاد یغکز ایلیکی فؤاد پاشادن او کرندم . بونی  
اونو تمایه جغم .

فی الحقیقه صمیمیتمز زمان وفاتنه قدر دوام ایتشدر .  
ملاقاتمز حال و موقعه دأر جریان و کچ وقته قدر  
دوام ایتدی . ایرته سی کونی رکوبمه تخصیص ایتدیکی  
خالص برنجد (عرب) آتیه ایلری قره غوللره قدر کندیسنه  
وفاقت ایتدم . حین غودتده بکا دیدی که :

— اوروپا نی حرکاتمه سربست براقسه عاصیلره  
بك آز زمان ظرفنده طلب عفو ایتدیریرم .

بنده بویله دوشونیوردم . فقط المدن کچن وثائق  
سیاسیه دأما دولتلك قوتله حسم حال ایتک امرنده  
مصروف اولان ممانعتلرینک مرتفع اولسی زمانه صبورانه  
انتظار ایدلسنی توصیه ایدیوردی .

بو کوچك جولان آرامزده بر محبت صمیمانه تأسیس  
ایتدی . بوندن صوکره رفاقتنه نی آمادچه اردو کاهی  
تفتیشه چیقمادی . درت ساعت اویقو کندیسنه کافی  
کلیوردی .

حرب ایچون بك قیمتی اولان بو دوره سکونده  
ایشی اولمدیغی کیجدرک بر قسمی اویونله کچیردی .  
اکثریا امرای عسکریه بی و کبار مأمورینی لاسکینه ماصه نك  
اطرافنه طولار و کندیسندن اول هیچ بر کیمسه نك  
اویومسسه مساعده ایتزدی . مشارالیه حربیه ناظری ایکن  
حسب الاشتغال دعوتنه اجابت ایده مدیکم زمانلرده بیله بی  
آرامق ایچون آرابه کوندیردی .

بویله احوالده آز تهلیکهیه معروض قلمغی اعتیاد  
ایتمش ایدم . یالکیز اویونجیلردن بری صیره کندیسنده  
ایکن بانرضا چکیایرسه ، اورتیه قونیلان پاره نه اولورسه  
اولسون ، اویونه کبردم . چونکه بو حالدن صندوقکار  
متنفع اولوردی . واقعا بو صورت حرکت قازانچ تأمین  
ایتمز؛ فقط هر نیتیه راضی اولان و هیچ بر اعتیادک تعلب  
و تحکم ایتمسنى ایستهمه یین بر تصادف اویونجیسنك تعقیب  
ایتمسی لازم کان « تحدید مضرت » غایه سنی اعداد ایدر .  
صدراعظم اویون کاغدلرندن حظ ایتزدی . حال بوکه  
دامادی صلاح الدین بك قان پدرینك غیابنده ، آنسزین  
یاقه لایمق تهلیکه سنی کوزه آلهرق ، بونلری آچاردی .

بر آقشام قمار پارلرینك اوستمه قارمه قاریشیق اولهرق  
چکیان خالییه و حضارک قباحه ایشاه مش مکتب چوجقلری

کجی برر گوشه یه چکمد کلرینه دقت ایتمیه رک صلاح الدین  
بکک او طه سنه دخول ایله :

— بانقو ، صلاح الدین !

دیه باغیردم . بکا قرا کلقده مندر اوزرینه او طوره رق  
چپوغنی چکمدکه اولان صدراعظم جواب ویردی :  
— او نه دیمک موسیو میسر ... ؟

کندمی شاشیرمیه رق :

— فیخامتآب ، بو برکله درکه غار او بیایانلر غائب  
ایتمک باشلادقلری زمانلرده استعمال ایدرلر ، دیدم .  
تاریخه درسه مراقفی بیلدیکم ایچون در حال اسکی  
زمان حبسخانه بقالارندن برقدینک زمین ایله مناسبتی اولان  
برماجرا سی حکایه یه و بوقادینجیزک ( بانقو ! ) برینه :

— Tout y va, je m'en fi....!

عباره سی استعمال ایتمک معتادی ایکن دائرة ادبه رجوع  
ایچون کندیسنه اخطارات و تنبیها ت ایفا اولتینجه تبدیلی  
لسان ایده رک او آندن اعتباراً :

— Je ne m'en fi....pas, mais ça va tout de  
même!

عباره سی قبوله مجبور اولدیغنی نکلہ باشلادم .

موضوعك بو صورتله تبدیلی خطای واقعی ترمیم  
ایندی .

\*  
\* \*

بزمه اجتماع ایدنلر آراسنده سودا قوینده لئوکرانداز  
اولان فیلونك قوماندانی دخی بولنیوردی . جنتممکان  
سلطان عبدالعزیز خان خواص پروردکانندن بر بحریه لی  
اولان بو ذاتك ، غریبدرکه ، اکثریتله ولی نعمتی ذم  
وفصل ایتمك معتادی ایدی .

حکایه ایدردی که خاقان مشارالیه خروس دوکوشندن  
بك زیاده عصبیلاشیر ومغلوب اولانی کسهرك غالب کان  
خروسده مجیدی نشانی تعلیق ایدرمش .  
هله شوو حکایه دهاتحفدر : کویا بر کون پادشاه  
بو ذاته دیمش که :

— بخیزرهللی کمی تدارکنه تشویق ایدنلر هپ خر سزدر .  
بونی رأینی استمزاج ایتدیکم والدم کتیرتدیکی بر بارداق صویه  
آندیغی برده میرچیوینك در حال باتدیغنی کو سترمك صورتیه  
بالتجربه اثبات ایتدی . آرتق بو مشاهدہ دن صوکره ده میرك  
صو اوستنده یوزدیکنی بکا بیوده یره آکلاتماسینلر !

بزه بو حکایه یی تقریر ایدن آمیرال ایرته سی کون  
النده برقایی شکیلنده اکیلمش واینجلتمش بر دمیر ایله



نزد پادشاهی به داخل اولور و بونک صو اوستنده  
یوزدیکنی کو سترمکه برابر ادعاسی لایقوله اثبات ایچون  
کاملأ دمیردن اعمال ایدلمش اولان عزالدین سفینه هایوننی  
اشهاد ایدر .

پادشاه « پک اعلا، او حالدۀ عزالدین واپورینی کورده لم »  
دیر و عینی زمانده قایغنک احضاری امرینی ویریر .  
سفینه به حقیقانهجه مشارالیه الینه بر چکییج آله رق اغفال  
ایدیلوب ایدلمدیکنه تحصیل قناعت ایچون بوتون بولمه لره  
اورور و بوندن صو کره بوغاز ایچنی زر هایلرله طولدیر مق  
ایچون بوتون واردات دولتی صرف ایدر .

صدراعظم ایله فؤاد پاشا سلطان عبدالعزیز خانه قارشی  
بیوک بر حس تعظیم و حرمت ایله متحسس ایدیلر . پارس  
سرکیسی زیارتدن عودتدن صو کره فؤاد پاشا بکا حکایه  
ایتمشدی که او وقت هنوز آلمانیا ایمپراطوری اولمیان  
پروسیاقرالی بر ملاقات اناسـنـده دین اسلامه دخل و تعریض  
ایدنجه خاقان مشارالیه قراله « اک ای دین ادیان سائره  
اربابنه نشر عدالت ایتمکی نهی ایتمه یندر » جوابی ویرمه  
کندیسنی مأمور ایتمشدر .

بوندن اون سنه صو کره موسیو لیتره هان عینی

فکر بر بکا شافان ایستادن ایتمشدر .

« فلسفه مثبتته نك سائر مسالك فلسفیه به ترجیح  
 و تقدیمی قبول عمومی به مظهر اولان حقایق تأیید و تصدیق  
 » و مقامنه قائم اوله مادینی کافه معتقداته حرمت ایتمسندن  
 ناشیدر . »

عالی پاشادن ایشیتدیکمه کوره عبدالعزیز خان یره  
 دوشمش بر اكمك پارچه سی بولنجه اونی در حال قالدیریر  
 و اوپوب باشنه قویدقدن صوکره قوشلره غذا اولمق اوزره  
 بر دیوار اوستنه قورمش . بو حالک بوتون شرقد مرعی  
 اولدیغنه ذاتاً دقت ایتشدم .

بر آقشام آمیرال صدر اعظمه سودا لیاننده لنگر  
 انداز اولان ارطغرل زرهلایسنده بر ضیافت چکدی .  
 یمکدن صوکره کمینک طائفه سی بزه قوت و مهارت  
 اویونلری اوینادیلر و موزیقه نك اشتراکیله رقص  
 ایتدیلر .

استانبول بوغازندن بالاعتبار صامسون و طربزونه قدر  
 بحر سیاه سواحلندن جمع ایدلمش اولان بو افراد عسکریه نك  
 صورت رقصی یازمقدن ایسه قارئلر مه قسه نوفونك  
 ( آناباس Anabasis ) نام اثرینی او قوملرینی توصیه ایدرم .  
 بو حوالی خلقتك اخلاق و اعتیاداتی اون بیکلر رجعتندن  
 ری اصلا دکشمه مشدر .

بو او یونلر انناسنده موزیقه نك ترنم ایتدیکی کاه محرك  
کاه محارب هوانر بکا زمان قدیمك بر عكس صداسی  
کی کلدی .

کونجه یا یالارنده ابتدائی بر موسیقینك چوجققلرله  
بیکیرلر اوزرنده حاصل ایتدیکی تأییرده دقت ایتمش ایدم :  
بیکیرلر باشلرینی هوایه قالدیریر ، برون دلیکلرندن  
عادتا آتش فیشقیریر ، بوتون کوپوکاره مستغرق اولور ،  
شاخه قالقارو باغلی اولدقاری قازیققلر اظرافنده صیچرارلر .  
چوجققلر ایسه تهیج ایدرلر ، بر حمای آتشینله یانه رق  
چهرهلری دیکشیر ، ظن ایدیلیرکه بونلرده موسیقی بی  
حسن ایدیورلر .

بو آراق صدر اعظم مرکز اقامت و مأموریتنی قندییه  
نقل ایتدی . بومناسبتله بنده بوتاقوف وقععه سی هنکامنده  
اوته بری کوره بیلدیکم بومشهور محاربه میدانی اییدن  
اییه زیارته موفق اوله بیلدم .

قندییه شهری طقوزنجی عصرده ( ابو حسن ) تحت  
اداره سنده کان اسپانیا عربلری طرفندن قدیم ( غنوس  
Gnoso ) جوارنده تأسیس و ( قاندار ) نامیه توسیم

معلوم اولدینی اوزره ابو حسن، رفاقتنده کی عسکرک  
 عودت امیدنی سلب ایتک ایچون، «ایشته سزه یکی  
 بر مملکت تقدیم ایدیورم. بوراسی سزه قالدین ویره جک  
 وسزده اولردن اولاد یتیشدیره جکسکز» دیره رک کلدکاری  
 کمیلری احراق ایتش ایدی.

اونجی عصرده شرقی روما ایمپراطورلغنججه ضبط  
 ایدیلن قنیه مارکی دومونفه را قومانداسنده کی دردنجی  
 اهل صلیبه کچمش وبونلردن صوکرده وندیکیلیرک  
 ایدی تسخیرینه انتقال ایله مشدر. بونلر شهری تحکیم  
 ونقویه ایتدکاری کبی انشا ایتدکاری ایکی جسم دالغه قیران  
 سدیله ده لیانی قوملا مقدن محافظه ایله مشلردر.

بوگون قنیه بر تورک شهرینه بکزر. مع مافیه وندیک  
 استیلاسی دورندن قالمه بعض آثار واز جمله قادرخه  
 لوجه لری، بر چشمه اوزرنده کی لانتجه کتابة، جامع  
 شریفه تحویل اولمش سن قاته رین کلیسای واسکی سن یتوس  
 قاته درالی خرابه سی موجوددر.

قلعه نك خارجنه چیقان بر عسکر نظری محاصره  
 زماندن قالمه خبره چوقورلرینی، بطاریه موقعلرینی  
 بلامشکلات تمیز ایدر.

تار نلک قید ایتدک محاصره لک اک اوزونی

اولان قندیه محاصره سی ۱۶۴۵ سـنـه سندن ۱۶۶۹ سـنـه سـنـه قدر یکر می بش سـنـه دوام ایتمشدر . بو محاربه مدیده دن فرانسه نك حصه سـنـه دوشن شیئك یالکز بردرس ابتباه آلمقدن عبارت قالدینی بالخاصه ذکره شایاندر .

حربك اوائلنده برچوق فرانسزلر قندیه نك امدادینه قوشـدیـلر . نهایتلره طوغری ، عصرینك اك مشهور محاصره لرینه اشتراك ایتمش اولان، مارکی دوست آندره مونبرون و نديك جمهورتی نامنه شهرى مدافعه ایدن قاپیتن جنرال موروزینی به اشتراك ایتدی . موروزینی حربك نهایتنه قدر مقاومت ایتمشدر .

مع هذا معیتی ده کندیسى کبی قهرمان ایدی . یالکز آلتی آیلق بر زمان ایچنده اون یدی خروج حرکتی اجرا و درت یوز ضابط فدا ایتمک صـورتیـله اوتوز ایکی هجومی دفع ایتمشلردر .  
وولتر دیرکه :

— بو محاصره انساننده تورکار خرسیتیانلره تفوق ایتمشلردر . او زمانه قدر اوروپاده کورولمه مش الـ بیوک طوپلر ایشلتدیلر و ترقیات سـائـره آثارندن باشقه فن هندسه یه متریسـلـره متوازی خندقلر وضع و حفری اصولی علاوه ایلدیلر . مع هذا یکر می بشنهی سـنـه نك

ختم‌اننده ايلك يوم محاصره‌ده كي موقع لرندن فضاه  
ايلريله يه مديلر .

بونك اوزرينه دوغريدن دوغري يه صدر اعظم  
كوپريلينك تحت اداره سنده اوله رق استانبولدن يكي دن  
قوة معاونه كلدي . كوپريليلر نامي ، انك لتره نك «شاتام» ي  
كبي ، توركلرايچون بر كبار رجال سياسيّه سلسله سني احتوا  
ايدر . مهاجرين يكي دن و كمال شدتله ايشه باشلادي . بو محاربه  
محاربين مياننده بولنش اولان مونبرونك تعبير نجه ،  
بر «ديو محاربه سي» اولمشدر .

بو حربك اوروپانك هر طرفنده طنين انداز اولان  
غلغله سنه قارشى فرانسز نجاتي لاقيد قاله مادي : بوتون  
مصارفي دوق دولافوياد طرفندن تسويه ايديان بش يوز  
ژانتيلوم و هرسايدن ميدان حربه شتاب ايتديلر . بوفداكاران  
مياننده فنه لون ، بووو ، لانژرون ، قادروس ، قره كي  
ومدار اشتها ري اولان اصول «تحكيم» ي قنديده دن اقتباس  
و وطن اصلي سنه نقل ايدن ووبان كبي مشاهير بولنيوردي .  
استحكام و خندق حفر ياتنه آليشماش اولان  
بوشواليه آلايي باشده الي قير باجلي لافوياد اولديغي حالده  
دشمن اوزرينه آتيلدي و فقط مدهش ضايعات ويردوك رجعتّه  
مجبور اولدي . ايجلرنده صاغ قالانلر ، قوة معنويه لري

منكسر اوله رق، فرانسه يه عودت ايتمك اوزره واپوره  
آنالديلر . فقط برابر كتيردكلري وبا همان هييسنى خاك  
هلاكه سردى .

بو اوانه قدر اون دردنجى لوتى ونديكليله يالكلر  
نقداً معاونته بولنيوردي . فقط لافوييادك راپورلرندن  
متأثر اوله رق دوق دوناوايل، (هالقرالى) عنوانيله طانيان  
دوق دوبوفور قومانداسى آلتنده كريده آلتى بيك عسكر  
واوچ يوز بيكر سوق ايتدى .

بونلرده ، كنديلرندن اول كلنلر كي ، عقل واذعانك  
كوستريدي يوله سلوكدن تعامى ايتديلر وتوركلرك اوزرينه  
يورومك ايجون تماماً قرهيه چيتمغى بيله بكه مديلر . فقط  
قضارا اشتعال ايدن برقاق فوچى باروت بونلري محو و تخريب  
ايتدى ومحاصرينك بلا مزاحم تعقيباتنه اوغراديلر .

ايرتهسى كون بونلردن بش يوز نفر ك قلعه بدنلري  
اطرافنده كسيلمش باشلري كزديرلدى كه بومقتولين مياننده  
دوق دوبوفور ، ماركي دولينه ر ، ماركي دو كسل ، ماركي  
دوقاسته للان ، اللى تفنكجي ، برهاب وبر آلاي پاپاسى  
بولنيور ايدى .

محاربه ده عقله سزجه ابراز شجاعت ايتمك قدر  
تهلكلى برشى يوقدر . بويولده حركت ايلك چارپيشمه دن



صوکره قانچان یاخود اوزاتیلیمش بر قیلج اوزرینه  
 آتیه رق شیشله نن آزعین بر او کوزک حرکته بکرده .  
 اڤانی عسکر پک ایلر یله مهین وپک کری قالمایان  
 عسکر در .

تورکلرک آتدینی بر خبره یتش قطعه طوبله مجهز  
 برکی یی بر هوا ایدنجه دوق دونوا یل وسائط رجعتک  
 تخریب ایدلمسندن قورقه رق فرقه سنک بقیه السیوفیه  
 فرانسه یه عودت ایتدی . بو عاقبت پاپا عسکر یله آلمان  
 قوای معاونه سنک مالطه دن چکلمسنی ایجاب ایتشد .

شو تفصیلاته نظراً قندیه نک بقیه موجودتی اوله رق  
 قانله ملمع انقاضدن باشقه بر شی قالمامشدی . اوچ بیکه  
 تنزل ایدن مدافع لرینک همان کافه سی مجروح ویا وعلیل  
 ایدی . اجساد مقتوله تعفن وصافیت وحیادت هوایی  
 اخلاخل ایدیوردی . اڤانیه کوس کوسه وقوع  
 بولان خونین بر محاربه نتیجه سنده تورکلر شهرک اورته سنه  
 داخل اوله رق قلعه یی تسلیم ایچون موروزینی تضییق  
 واجبار ایتدیلر .

ایشته بر متانت آهنین که بونک ایچون بوکون نه بر  
 نطق ایدن ، نه ده آلقیشلایان یوقدر . فقط بوکا هوراسک

شوایکی مصرای قابل تطبیقدر :

Si fractus illabatur orbis

Impavidum ferient ruinae [\*].

مملکتتم ایچون اوان فلاکتنده بوبله بر عاقبت مشعشه تمی  
ایدرم .

حانیه نك تورکار طرفندن یوکسادمش اولان شمدیکی  
استحکاملری ۱۸۷۰ محاربه سنده فرانسه نك مدافعه  
ایتدیکی استحکاملره بکزر . قلاع مذکوره مثالی الشكل ،  
بر جلی بر سوردن متشکلدر .

بزم قندهده بولوندیغمز صردلرده طایبه لرده  
قیمتدار معدنلردن یاپیلمش بر چوق اسکی طوپلر  
واردی که بونلرک قسم اعظمی ، قریم محاربه سندن سوکره  
سلطان عبدالحجید خان طرفندن انکلاتره قرالیچه سینه  
تقدیم ایدیلن ولوندرده کمال حیرت و تقدیرله تماشا  
اولنان طوپ کبی ، موزدلرده تمهیره شایان ایدی .

قندهده بولوندیغم مدتجه اقامت ایتدیکم آپارتمانده بر  
انکلینز بحریه ضابطی مسافریم ایدی . بو ذات بالآخره  
هوبارت پاشا اولمشدر . عثمانلی بانکه سی دیرکتوری لورد

[\*] Quand l'univers tomberait en ruine  
il le laisserait impossible.

هو بارتك برادری اولان مومی الیه آمریکا افتراق محاربه سنده  
اكتساب شهرت ایتسینه یاردم ایدن بعض خدمات ایفا ایتمش  
وشمیدی ده صدر اعظمه عرض خدمته باشلامش ایدی ،  
قندییه کلیرکن روس کمیارینک میلوپوتامویه اسلحه  
چیقاردیغنی کورمش ایدی : اوزمانه قدر آچیقندن آچیغه  
انکار ایدلمکده اولان بوتجاوزه تحریراً شهادت ایدهرک  
بر خدمت ایسته دی .

بونک افعال و حرکاتی بر انکلیزدن زیاده آمریقایلیرک  
حرکاتنه بکزه ردی . مومی الهی الک اول استانبول لیان  
مدیریتنه تعین ایتدیلر . براز صوکره انکلتره نك آرزوسنی  
تطمیناً ، - فقط تورکیانك آماننه مخالف اوله رق -- مکرراً  
عثمانلی فیلوسنه قوماندا ایتدی .

صدر اعظم ۲۶ - کانون اولده حانییه عودت و کانون  
ناینک دردنده بوتون ملحقاتك دلیکه لرینی بر مجلس عمومی  
حالنده جمع و دعوت ایدهرک بو مجلسده جزیره نك بدل  
عسکریدن معافیتنی ، ویرکولرک تنزیلنی ، حزینه یه جلب  
ایدیان واردات مالیه نك قسماً محلی منافع عمومیه سینه  
و تخصیص لیانلرک تطهیرینه ترك و تخصیصنی آمر اولان  
فرمانی قرائت ایتدیردی .

عینی زمانده قوای عسکریه نك آسایشی تقریره خادم

جهاته تقسيمی مسئلہ سنی تنظيم ايتمك اوزرہ بنی ياوران  
پادشاھيدن اصطبل عامرہ مديري فريق رؤف پاشانك  
رفاقتہ واوروپادہ علم حقوق تحصيل ايتمش اولان سرآمدان  
قانونشناساندن قرہ تئودوري افندی يی دہ بر اصلاحات  
پروغرامی تنظيمنہ مأمور ايتدی .

امور عدليه ، ماليہ واداريہ شامل اولان بولايحہ  
درسعادتہ کوندريلہ رک ارادہ سنيہ سی استحصال ايدلدکن  
صوکرہ اعادہ ايدلدی . مع التأسف بولايحہ او زمانکی  
احتياجاتہ قارشى پک آز چارہ ساز اولدی و آئيدہ مشکلات  
جديدہ حدوثنہ امکان براقدی .

۱۵ شباطدہ صدر اعظم مجلس ملينک صوڪ اجتماعنہ  
رياست ايتدی و بواندن اعتباراً درسعادتہ عودت تهيئاتنہ  
باشلايہ رق بنی دہ سفرای اجنبیہ يہ تبليغ اولنق اوزرہ  
ذات شاهانہ يہ مخاطب وکريده کی مأموريت فوق العادہ سنہ  
عائد بر مخطرہ تنظيمنہ مأمور ايلدی .

کريد واليدکی قوۂ عسکريہ قوماندانلغنہ علاوۂ  
حسين عونى پاشايہ تفويض اولندی . مشاراليہ جزيرہ دن  
انفسکا کزدن بر کون اول اکر حربیہ نظارتنہ مأمور  
اولورسہ عثمانلی اردوسنہ ادخال ايدہ چکی ترقياتدن بکا  
بحث وحقندہ متحسس اولديغ حرمت و محبتی تأمين املنہ

صرف ایتمه می تکلیف ایدہ رک :

— ہم ایچون چالیشمقلہ کیندی استقبالکزی تأمین  
ایتمش اولہ جقسکز ، دیدی .

مشارالیه کرک محبی فؤادپاشانک کرک اعتمادینی قازاندینی  
صدراعظمک کندیسنی سومہین سلطان عبدالعزیزک  
فکر ونظرینی تبدیلہ چالیشمہلرینی تأمین ایتدیرمک  
ایستہ یوردی .

نہایت مشارالیهک کاتبی واسطہ سیلہ ہرہفتہ بکامکتوب  
یازمسی و بنمودہ بو مکتوبلردن ( لاترکی ) نک نشریاتی  
ایچون اقتباس افکار ایتمه می قرارلاشدیردق . اثنای  
مفارقتہ مشارالیه بر مسلمان ایلہ بر خرستیان بینندہ  
پک بیوک بر صمیمیتی کویسترن بر صورتہ بنی در آغوش  
ایتدی .

سیاحتمزدہ ہوا فوق العادہ لطیف ومساعد اولدی .  
چناق قاعہ یہ یاقلاشیرکن عالی پاشا ایلہ استانبولہ کلنجہ یہ  
قدر دوام ایدن بر مصاحبہ یہ گیریشدک .

مصردہ کی محمد علی پاشانک ذکر ی کچرکن ، عالی پاشا ،  
اسلامیتک ترقیات عصریہ ایلہ تألیفہ چالیشہ جق  
یردہ دوانی حال ضعفہ دوچار ایتدیکی ایچون مشارالیه دن  
متأسفانہ بحث ایتمکہ برابر ذکا ودهاسنی تقدیر ایتدی .

بن ؛ شاید پادشاه حائز اولدینی صفت خلافتہ استناداً  
 اتخاذد بیرایتسه محمد علی پاشا طرفندن مصروف مساعینک  
 موفقیتله نتیجه لئه میه جکنی سویلدم و :  
 — ذات فخیانه لری بوفکری تلقین بیورسه کز ....  
 دیدم .

فقط دقت ایتدم که پاشانک ناظم حرکاتم اولان آیانی  
 تیره یوردی . در حال سکوت ایتدم .  
 بر آز سکوتدن صوکره دیدی که :


— ایچنده چیرنمقده اولدیغمز مشکلات عظیمه  
 سیاسییه و مالییه بیلیورسکز . یاپه بیله جکمز شی بوکون  
 ایچون یاشامنی تأمین ایتمکدن عبارتدره ایلرینی الله بیلیر .  
 مرسای درسعاده کیمدکجه یاقلاشمقده اولدیغمزدن  
 مشارالیه کزید مأموریت فوق العاده سنه متعلق اولدوق  
 یازدیغ محظره ده بعض تعدیلات اجرا ایتک ایچون  
 برمدتجک اختلاس ایتدم .

بواننده منظره فوق العاده ایدی .

استانبول ، دکردن باقینجه ، — اوجرا محملارینه  
 یاقلاشلماق شرطیه — شمس تابانک اشعه زراندودی  
 آلتیده عادتا بر پریشانه کبی کورونور . یوزلرجه جسم  
 بیزانس قبه لری ، جو سمایه لوند و نازان یوکسلمش بیاض

و زمين مناره لر ، مقابر مسلمينه و مبانى معظمه يه سايه ساز  
حضور و آسایش اولان ، قواقلردن ده ااوزون ، سرؤى  
آغاچلردن مرکب قوريلر اويوز کوپکلرک يوواردلاندينى  
خراب و سفيل سو قاقلره صوقولمش و بر سراب عمران  
آچمشدر .

«سلطانيه» ياطى ليانده لئسکر انداز اولنجه اطرافى  
«ظل اء فى الارض» اولان خليفه اسلامک وکیل يکانه سى عدايدىلن  
صدراعظمک مشمول نظر التفاتى اولق عزمنى بسله بن برچوق  
مقربين و مأمورىنى حامل قايقلرله احاطه ايدلى .





## بك اوغلى واستانبول آراسنده


گرید سهر نمان جو بره را قتمی صدر اعظم و، مناسبات  
قدیمه مزى تجدید ایتدیکم، فؤاد پاشا لرله «لاری» عرته سی  
آراسنده صرف واستعماله باشلادم.

ایشدن زیاده قطع ایدیله جك مسافه نك چوقاغنه  
ووسائط نقلیه نك فقداننه مبنی تحمل ایتدیکم وظائف  
مورث مزاحم ایدی. کونلرم بیکر و یاقاق اوستنده کچدیکی  
ایچون کیجه لرم کوندوزیرینه قائم اولوردی.

سکونت هوا ئیه سبیلله استانبول یا خود قلعه سلطانیه  
بوغاز لری مدخل لر نده صاپا لایوب قالمش اولان یوز لرجه  
یلکن کیسی بر روز کار مساعده هپ بردن تحریک  
ایتدیکی زمانلرده نارین بر قایقله بوغاز ایچینک بر ساحلندن  
دیگرینه چمک ظن ایدلدیکی قدر تهلمکه سز بر حرکت دکلدر.  
بویله زمانلرده یشیلان قایق یا کینلرینی دولدرمش وقول

نظامی اوزره حرکته باشلامش حقیقی بر یلکن فیلوسنک  
اورته سنده قالمق تهاکه سینه هر آن معروضدر . کورکیلرک  
اعتدال دمنه رغماً بویله اوانده قایغک باتمامسی عادتاً  
بر معجزه در دینه بیلیر .

کریددن عودتمزک ایرته سی کونی کندمی مانغاله  
اوردیردم . بو حال تسمم سببیه کندمدن او قدر کچمش  
ایدم که الهمؤثر وعاجل مداوات بیه بنی بک زیاده کوچیکله  
احیایده بیلدی . فقط عینه  
ک ~~سئون نظر التفاتی اولمق عزمنی بسله بن بر چوق~~  
مقرین و مأمورینی حامل قایقارله احاطه ایدلدی .



ایتدی . فقط زوجه لرینک مراجعت و نیازلرینه دایانه میبرد  
ایرته سی کونی تخلیه سبیللرینه دلالت ایتدم .  
بوسلسله حادثات بنم ایچون عادتاً بر دورۀ سوء تصادف  
انکشاف ایتدیرمش اولدی .

ینه بر آقشام آینه لی چشمه جوارنده کی اقامتگاهمک  
اطرافنده یحاقله مسلح اوچ شخص مجهول اوستمه آتیدیلر .  
فقط اطرافنی لایقیله چویرملرینه امکان بر اقامق ایچون  
کرید سهر من سورده دایانمندن هیچ آیرمادیغ  
قدیمه مزى تجدید ایتدیکم ، قوادپاشالرله «لارنى» عرس  
آراسنده صرف واستعماله باشلادم .

ایشدن زیاده قطع ایدیله جک مسافه نك چوقاغنه  
ووسائط نقلیه نك فقداننه مبنی تحمل ایتدیکم وظائف  
مورث مزاحم ایدی . کونلرم بیکری و یاقیق اوستنده کچدیکی  
ایچون کیجه لرم کوندوزیرینه قائم اولوردی .

سکونت هوایه سبیلله استانبول یا خود قلعه سلطانیه  
بوغازلری مدخللرنده صاپلانوب قالمش اولان یوزلرجه  
یلکن کیسی بر روزکار مساعدک هپ بردن تحریک  
ایتدیکی زمانلرده نارین بر قایقه بوغاز ایچینک بر ساحلندن  
دیگرینه کچمک ظن ایدلدیکی قدر تهله که سز بر حرکت دکلدر .  
بویله زمانلرده بینیلن قایق یا کینلرینی دولدیرمش وقول

نظامی اوزره حرکته باشلامش حقیقی بر یلکن فیلوسنک  
اورته سنده قالمق تهله که سینه هر آن معروضدر . کورکچیلرک  
اعتدال دمنه رغماً بویله اوانده قایغک باتاماسی عادتاً  
بر معجزه در دینه بیلیر .

کریددن عودتمزک ایرته سی کونی کندمی مانغاله  
اوردیردم . بو حال تسمم سببیه کندمدن او قدر کچمش  
ایدم که الة مؤثر و عاجل مداوات بیله بی پک زیاده کوچلمکه  
احیایده بیلدی . فقط عنة نابیه سیه چکیجه چوی چاقیلورمش  
کسی بر حال مؤلم اضطراب باش کوستردی .

بوفلا کتدن برقچ کون صوکره ، قارلی بر هواده ،  
بر سوقاقدن کچرکن شقاغمه اینن مدهش بر ضربه بی یره  
سردی . کینده کلدیکم زمان کچر دیکم تهله که نک مسبی  
اوله رق ، ضربه نک شدتی کنار ندده تحصیل قیریقغیله اثبات  
ایدن ، شایقه مک یاننده بیونک بر صیریق کوزمه ایلیشیدی .  
سوقاغک صول طرفنده بر فرون ، صاغ طرفنده ده  
یو کسک بر موقعده بر اودون ییغینی واردی . بر حال ده  
بو اودونلری قوجاغنده طاشیمق زحمتی اختیار ایتدیهرک  
بونلری برر برر جاده نک بر طرفندن قارشى طرفنه  
آتیوردی .

پولیس بو حریف ایله فروغچی بی دو حال توقیف

ایتدی . فقط زوجه لرینک مراجعت و نیازلرینه دایانه میهرق  
ایرته سی کونی تخلیه سبیللرینه دلالت ایتدم .

بوسلسله حادثات بنم ایچون عادتاً بر دوره سوء تصادف  
انکشاف ایتدیرمش اولدی .

ینه بر آقشام آینه لی چشمه جوارنده کی اقامتگاهمک  
اطرافنده بیچاقله مسلح اوچ شخص مجهول اوستمه آتیدیلر .

فقط اطرافمی لایقوله چویرملرینه امکان بر اقامق ایچون  
در حال صیرتمی بر دیواره دایادم و یاغمدن هیچ آیرمادیغم

قورشونلی باستونمی بر طوپوز کی استعمال ایده بیلمک  
اوزره ترس چویردم . حریفلردن بر یسنک قفاسنه

ایندیردیکم ضربه بر مرمر صنداسی چیقاردی و عقببنده حریف  
بر او کوزکی ده وریدلی . هجوم نوبتی آرتق بکا کلش ایدی .

بوصورتله احراز غلبه ایتدکدن صوکره بر فنار آلمق  
اوزره خانه مه دوندم . کندمی حد معروفتدن زیاده

مدافعه ایتمش اولمقدن قورقیوردم . فقط محل حادثه یه  
عودتمده یرده تحشر ایتمش بر پارچه قاندن باشقه بر شی

کوره مدم . شقیلر فرار ایتشلر ایدی .

بر قاق کون صوکره دو قنور برونه تی آغیر بر جریحه سنی  
تداوی ایتدیکی موقوف بر مالطه لی یه قارشلی کندمی محافظه

ایتمی ، اقامتگاهمه کلهرک ، بکا توصیه ایتدی . مع مافیه

بواخطاره دغماً باستونمی طوپوز صورتنده تکرار استعمال  
ایتمکه مجبور اولمادم .



ياب عالينك اڭ باشلى اندیشه سى دول معظمه نك  
انترقه لرینه وامور سیاسیه سندن زیاده امور داخلیه  
و عدلیه سینه مداخله ایتک خصوص سنده کی تمایل لرینه  
مقاومت ایتک نقطه سینه معطوف ایدی .

قابیتو لاسیونلرک سوء استعمالی سفارتاره حکومت  
معاملاتنه مداخله ایتک ایچون بیک درلو وسائل احضار  
ایدیوردی . پولیس قونسولاتو قواصلرینک معاوتی  
اولمده بر اجنبی مجرمی دردست ایتمکدن عاجز ایدی .  
بوتون دعوالر سفارت ترجمانلرینک حضور یله رؤیت  
ومدافعه ایدیلور و بونلرک رأیلرینک مخالف اولدیغی  
احکام عدلیه اکتساب قطعیت ایده میوردی .

عوامل رقیبه بالخاصه انحصارات وامتیازات اطرافنده  
بوغوشیوردی . آشاغیده کی مثال بونلرک ابراز ایتدی کی فعالیتک  
قیمت معنویه سى حقیقه بر فکر ویره بیلیر :

اجانبه ویریلن یوزطقسان ایکی امتیازدن یوز یتمشنک  
فعلیاتنه بیله باشلانماش ، اون آلتیمی ناتمام بر اقلمش  
ویالکنز آلتیمی علی کل حال ایشله دلمکده بولنمش ایدی .

بونلرک همان هپسی ترقی پروردانک جسارتنی کسر و خزینۀ  
دولتی تخریب ایدہ جک مدعیات و منازعاتی ایجاب ایتمشدر .  
سفرادن برینک مصرانہ مراجعت و طلبی اوزرینہ  
مترہ سنک زوجنہ غلطہ کو پر یسندن سرای هایونہ قدر  
بر تراموای امتیازی ویرلمش ایدی . اساساً اصحاب ثروت  
و اعتباردن اولمیان بو حریفک بوایشی نہایتہ ایردیرہ میہ جکنی  
تواتراً هرکس سویلہ یوردی . فقط مقاولہ نامہ سنہ اولیہ  
بر حیلہ صیقیشدیرلمش ایدی کہ سفیر بونی سر درشتہ  
اتخاذ ایدرک بو خاطر نواز ! زوج ایچون ایچہ  
تضمینات قوباردی . بوسفیر بالآخرہ خارجہ نظارتنی  
احراز ایدنجه ینہ عینی حریف طرفندن استحصالی  
شدتہ آرزو ایدیلن بر انحصاری الدہ ایتک ایچون  
حکومت عثمانیہ اوزرینہ او قدر شدید بر تضییق اجرا  
ایتدی کہ نہایت حکومت مشارالہا بواحوالی ایمراطورہ  
عرض ایتک ایچون پارسدہ کی سفیرینہ امر ویرمکہ مجبور  
اولدی .

بونک اوزرینہ ناظر «سن قلو» یہ دعوت اوانہ رق سبب  
نکبتی اولان شواخطار رسمی بی تلقی ایتدی :

« بن سزہ فرانسه امورینی مترہ سلب بکنک ایشنی  
کور دبر ملک ایچونہ تودیع و اعتماد ایتدہ سزہ ابرم . »



دیرلرکه ناظرهیچ انتظار ایتدیکی بوضربه نك تأثیری  
آلتمده وفات ایتشدور .

شرق دائماً آوروپانك شکاری اولمشدر . غنایم شرقیه  
ایله تزیین ایدلمش نه قدر قولکسیون واردر ! . مزین  
بر قرآن کریم ، بر موزاییق ، قیمتی بر لامبه اله کچیرمك  
ایچون سیاحینك بر قسمی جوامع شریفه و محال مبارکه  
بکچیلرینی رشوتله اقناع و اطماع ایدر ، دیگر بر قسمی ده  
شرقه مخصوص اولان علوجنابدن استفاده ایدرک نادیده  
سلاحلری ، خالیلری ، چین وازولرینی اله کچیریرلر ،  
سیاح :

— آمان ، بونه قدر کوزل شی ! . .

دیدیمی صاحب خانه نك ویره چکی جواب :  
— بیوزیکز ، سزه تقدیم ایندهیم .

سوزندن عبارت قالیر . شایان دقتدرکه بعضاً بوجواب  
زوالمی صاحب خانه یه پك بهالی یه مال اولور .

اك حجابكار بر ملتك ممثلی ، بر سفیر معیت پادشاهی یه  
مأمور بر چركس ضابطدن بی بها بر حنجوری بوصورتله  
آلمقدن اوتانمامشدر .

طهرانده بر باشقه دیپلومات بویله اوتلاقیلمقده  
اوقدر اشتهار ایتمش ایدی که بریره گلکده اولدینی کورولنجیه

بوتون ذی قیمت اشیا اور تہ دن قالدیریلیردی .

خلاصہ بوقبیل شیلر اوقدر چوقدرکہ عثمانیلردن  
اله کچیریلان بواشیانک تاریخی و ثروت شرقیهنک مبدأ  
ومنشای حقنہ مراق آور بر کتاب تألیف اولنہ بیلیر .

بواوانده زمانک اصحاب تمیزندن موسیو دوقازہ نوو  
دوپارادین بی زیارت ایتدی . بو ذات پانہ شہر  
سقطالاندقن صوکرہ بوتون فرق سیاسیہنک مظهر  
حرہتی اولمش و بر رجل سیاسی طائمش ایدی .

موسیو قازہ نوو ؛ بر کون اوچنچی ناپولیونہ خطاباً  
لاتورکی غرتہ سنده نشر ایتدیکم بر مقالہء عجوبہ دن طولانی،  
اواندہ استانبولده بولنان قونت دوشامبور نامہ بکا  
ایفای تبریکانہ کلش ایدی .

چونکہ مأمول ایتدیکم بر طور و رفتار دن متأراً  
مباحوث مقالہ مدہ « بر حکومت مطلقہ طرفداری اولما مقالہ  
برابر بی شرف مثوانہ مظهر ایتکہ مساعدہ بیوریرسہ  
حکمدار منفیہ حسیات تعظیم کارانہ می عرض ایتکی  
کندم ایچون بر وظیفہ عد ایدہ جکمی » بیان ایتش ایدم .  
انہای ملاقاتہ یانمزدہ بولنان آرائس هاواس وکیلی  
نیم قونت دوشامبور ایله ملاقات حقنہ کی آرزومہ اشتراک

دیر لرکه ناظر هیج انتظار ایتمدیکی بوضربه نك تأثیری  
آلتمده وفات ایتمشدر .

شرق دائما آوروپانك شکاری اولمشدر . غنایم شرقیه  
ایله تزیین ایدلمش نه قدر قولکسیون وارددر ! . مزین  
بر قرآن کریم ، بر موزاییق ، قیمتی بر لامبه اله کجیرمك  
ایچون سیاحینك بر قسمی جوامع شریفه و محال مبارکه  
« موسیو اولر اقناعر مسایلیار ایدر ، نك کی ، قسمی ده  
« آتی بچقده انکاتره اوتلنده موسیو میسمه و موسیو برونی  
« مظهر شرف ملاقات ایدم جکئی تبلیغ و اشعار و تقدیم حسیات  
« حرمت شعار ایله کسب شرف ایلر . »

معین ساعتده بزی انکاتره اوتلنك زمین قاتنده بر  
کوچك صالونه ادخال ایتدیلر . قونت دوشامبور سیاحت  
البسه سیله آیاقده ایدی .

قونت بزه دوغری ایلریله یهرك :

— افیدیلر ، دیدی ، فرانسیزلرله ملاقات ایتمك  
شرفنه مظهر اولدیغم ایچون کندمی بختیار عد ایدم .

— مونسه نیور ، دیدم ، ذات عالیکزه عرض حرمت  
ایتمکله فرانسه نك اون عصرینی تجیل ایتمش اولیورز .

قونت بزه اوطور مق ایچون مساعده ایتدی .

ملاقات یکر می دقیقه دوام ایتدی . بو ائنده کندیلرینك

بوتون ذی قیمت اشیا اور تہ دن قالدیریلردی .  
 خلاصہ بوقبیل شیلر اوقدر چوقدرکہ عثمانلیردن  
 اله کچیریلان بواشیانک تاریخی و ثروت شرقیہ نک مبدأ  
 ومنشأی حقمده مراق آور بر کتاب تألیف اولنه بیلیر .

بواوانده زمانک اصحاب تمیزندن موسیو دوقازہ نوو  
 دوبارادین بی زیارت ایتدی . بوذات

قونتک رستوراسیون مناسبتیلہ سویلدیکی شو سوز  
 بالخاصہ نظر دقتی جلب ایتشدیر :

— رستوراسیون ایمپراطورلقدن دها از شہادت انکیز  
 فقط دها ناموسکار وفرانسزلغہ دها لایق ایدی .

قونت سوز سویلرکن نظر وصداسنک جدیدتہ  
 دقت ایتدم . بویله بر ذات آلدانہ بیلیر ، فقط  
 آلدانہ مازدی .

اثنای مفارقتہ مشارالیه :  
 — ان شاء الله فرانسه ده تکرار کوروشورز افندیلر !  
 دیهرک یکیدن الیزی صیقدی .

جواباً :

— بزم مملکت مزده هرشی ممکندر مونسہ نیور، دیدم .  
 قونت کمال حرارتلہ :

ایتدیکی ایچون موسیو قازه نوو املمزك تحصیله چالیشه جغنی  
وعد ایتدی .

او آقشام اوزرنده آتیدهکی سطرلر محرر بر قارت  
آلم :

### اروار در قازه نوو دیار اربن

« موسیو قونت دوزاشینور یارشیکن الیک فی ساعت  
« آتی بچقده انکلتره اوتلنده موسیو میسمه و موسیو برونی  
« مظهر شرف ملاقات ایده جکئی تبلیغ و اشعار و تقدیم حسیات  
« حرمت شعار ایله کسب شرف ایله . »

معین ساعتده بزی انکلتره اوتلنک زمین قاتنده بر  
کوچک سالونه ادخال ایتدیله . قونت دوشامبور سیاحت  
البسه سیله آیاقدده ایدی .

قونت بزه دوغری ایله یله یه رنک :

— افیدیله ، دیدی ، فرانسرله ملاقات ایتنک  
شرفنه مظهر اولدیغ ایچون کندمی بختیار عد ایده رم .  
— مونسه نیور ، دیدم ، ذات عالیگزه عرض حرمت  
ایتمکله فرانسه نك اون عصرینی تجیل ایتمش اولیورز .

قونت بزه اوطور مق ایچون مساعده ایتدی .  
ملاقاتنر یکر می دقیقه دوام ایتدی . بواننده کندیلرینک

هنوز بر چوق طرفداري بولنان مارتينيك جزيره سنده  
بر مدت اقامت ايتمش اولديغمدن بحث ايتدم .

قونتك هنوز تخطر ايتمكده اولديغي اسامي مياننده  
بارون دول . . . دن بحث اينجه مشاراليه اشمئزاز  
ايله :

— اوت: هولاندا قرالينك نديمي واوچنجي ناپوليونك  
مظهر لطف اولان ذات . . . « ديدى .

قونتك رستوراسيون مناسبتيه سويلديكي شو سوز  
بالخاصه نظر دقتي جلب ايتشدور :

— رستوراسيون امپراطورلقدن دها آز شماتت انگيز  
و فقط دها ناموسكار وفرانسزلغه دها لايق ايدى .

قونت سوز سويلر كن نظر وصداسنك <sup>[[</sup>جديته  
دقت ايتدم . بويله بر ذات آلدانه بيلير ، فقط  
آلدانه مازدى .

اثنای مفارقتده مشاراليه :

— ان شاء الله فرانسه ده تكرر كوروشوروز افنديلر !

ديهرك يكيدين اليزى صيقدى .

جواباً :

— بزم مملكتتمزده هرشي ممكندر مونسه نيور، ديدم .

قونت كمال حرارتله :

-- اوت ، بنده اویله دوشونمکدهیم ، دیدی .  
 آز قالدی قونتک صاحب نفوذ اولسی دوت سنه  
 تأخر ایده جکدی .

۱۸۶۸ تاریخنده پرنس ناپولیون راکب اولدینی  
 یاط ایله استانبوله کلدی و صورت رسمیه ده استقبال اولنورق  
 هدایایه غرق ایدلدی . خنکار اسکله سی سرایی اقامتیه  
 تخصیص ایدلمشیدی .

مشارالیهک اننای عودتنده کندیسنه ایفای خدمت  
 ایتش اولان خدمتچییه ویردیکی بخشیشدن بک چوق  
 بحث ایدلدی .



تورکیانک ایکی ممتاز داهی سیاسیسیله وقوع بولان  
 مناسبات محرمانهم موجب فوائد اولدجق بعض مناقب  
 اخلاقیه و طبعیهیه کسب وقوف ایلمکلمکه باعث اولدی .  
 دها کرید جزیره سنده بولندیفمز ائنده بین المسلمین  
 حکم فرما اولان اخلاق و اعتمادات مساواتکارانه نظر دقتمه  
 چارپمشیدی .

تورکیا عالم رسـمیتنک غربی روما ایمپراطورانی  
 واسطه سیله آسیا ساتراپلرندن توارث ایتدیکی بر میل  
 و انهمالعبودیتپرستیسی واردرکه بونک آرقه سنده آنجق



تأس حب وصمیمیتله تظاهری ایده بیان بر حریت کلام  
 و اطوار مختفیدر . مع هذا بوسر بستی بی حقیقه مؤمن اولانلرده ،  
 قوای حکومتی ید ادا لرلنده طوتانلره سوق تصادف  
 و یا احتیاجله تماسده بولنان ولایات بعیده اهالیسنده دفعه  
 و عیاناً کوره بیلیمک قابلدرد .

بعضاً ، طعام ایدیله جکی صره لرده ، بکله نلهمه یین بر مسافر  
 کایرکه لابس اولدینی کسوه دن بونک خطه عراقیه دن و یا اولاد  
 عربدن بری اولدینی آ کلا رسکز . بو ذات آتاق قابلرینی  
 قابوده چیقاردقن واللرینی ییقامق ایچون ابریق ایسته دکن  
 صو کره سفره یه اوطور و ور برکله تلفظ ایتمکسزین ممکن ییر .  
 یاخود قونوشمق ایسترسه بر طونه کویلیسی یاخود  
 اقرانی آراسنده بولنان بر آدم کی باشنی قالدیریر و سربستهجه  
 اداره کلام ایدرد .

بوعوام پسندانہ اعتیادانک منشأی جناب پیغمبرک بر  
 قریشی یه واقع بر جوابیدر : اولاد قریشدن بری  
 بر کون حضرت محمد ( صلعم ) ه کله رک عرض اهتدا  
 ایدرسه بین الاسلام احراز ایده جکی موقعی سؤال  
 ایتمش ایدی . حضرت رسول بوسائله شو جوانی  
 ویرمشدر :

— عینی حقوق و وظائفه مکلف دیگر مسلملرک

آراسنده بولنه جقسك .

جهار يار كزيندن حضرت عمر الفاروق (رضى عنه)  
مظفراً قدس شريفه داخل اولديغى زمان هر ايكي محاربه  
بر دوه اصابت ايتمش و مشار اليه كوله سى كنديسنك ده  
دوهيه ركوب حقى حائر بولنديغنى ادعا ايدنجه حضرت  
عمر دوه دن اينمش ايدى . او وقت كورديلر كه بوتون جهانى  
فتح واستيلا تهديدى آلتنده براقان دين ميبينك قافله سالارى  
اولان جناب عمر مظفر اردوسنك باشنده توزه دومانه  
مستغرق و فوق العاده قوماندانلغه خاص امتيازاتى مساوات  
حسنه فدا ايتمش اولديغى حالده ياييا يورويوردى .

اسلاميت حسيات شفقتكارانه يرينه اخوت پرورلك  
اساسنى قبول ايتشدرد . حال بوكه مذهب قديمك پابرجا  
وباقى اولديغى يرلرده ارباب فقر و ضرورت امداد و معاوتى  
بر « حق » اوله رق طلب وارباب يسارده بويارديمى اونلره  
بر « وظيفه » اوله رق ايضا ايدرلر .

توركلر ناطقه پرداز دكلدرلر . اونلر يايته باصيلنجه  
چالغه باشالاين چالغيلر كچي هيچ بر شى بيلمكسز ين بر  
چوق شيلردن بحث ايدن و موضوعات معلومه اوزرينه بيتمز  
توكنمز سوزلر سويله ين و محالسمزك حقيقه برر مصيبتى  
اولان ناطقه پردازانى بيلمزلر بيله .

اکثراً اوایلہ مشاورہ لہر دہ بولندم کہ انتظام مذاکرات  
اصلاً اخلاص و ہیچ بر ہرج مرج ایقاع ایدلمدی ، ہیچ  
بر اثر ناخشنودی کوسترلمدی . موضوع بحث ہر نہ ایسہ  
ہر کس تسبیحی و یا چہوغنی چکەرک اونى سا کتانه دیکلر ،  
دوشونور . بعضاً حاضر وندن برى بر ایکی کلمہ سویلر ،  
دیگر بریسی دہ آکا عینی و جہلہ ایکی کلمہ ایلہ جواب ویریر .  
فقط بوسؤال و جواب ہپ بر رملاحضہ و تفکر محصولیدر .  
تورکار دہ تفکر و ملاحظہ چوق دفعہ اقوالہ غلبہ  
ایدر : اونلرک سکوتی بیلہ بلیغانہ در .

کوچک بر نطق لرنده بیوک معنار مند محدر .  
ر جالک عظمت و وقارینی کورنجه انسان رومانسانا توستنک  
غولوالیلر اوزرنده براقدینی تأثیراتی حس ایدر .  
اتخاذ ایدیلان مقرراتک اهمیتنه رغماً جاسہ نک  
ضبطنامہ سی ہیجان آمیز بر شکل مناقشہ کارانہ دہ کورولمز . بوکا  
مقابل اک مشکل احوالہ ، بزم مجلسلر مرکز قاریشیقانی  
خلافندہ اولہرق ، عقل و تدبیرک نہلر یاپہ بیلہ جکی ظاہر  
اولور .

تورکار دہ ، انکلیزلر کبی ، انہای کلامدہ ال و قول ایلہ  
اشارت یامازلر . بو قبیل حرکات یالکیز کلماتک مقصدی  
ایضاح و افہام ایدہ مدیکی مواقعہ اختیار اولنور . احوال

و ازمان سائرده بوکبی اوضاع تقلیدکارانه لسانلری محدود  
اولان صنوف ابتدائیه بشریه و بالخاصه دیلسزلر ایله  
مقلدلره ترك اولنور .

اولنرك نظرنده تربیه اولمادقچه تعلیم و تدریس  
بر هیچدن باشقه بر شی دکلدر . هرکسه القای حرمت  
و مهابت ایدن بر امی حسن خلق و مزیتی اولمیان بر عالم  
متبخره نظر حکومتده مرجحدر .



کریدنن عودتندن صوکره فؤاد پاشانك صحتندن  
اندیشناك اولدیغنه دقت ایتمش ایدم . برکون « آراتق سزه  
حصر اشتغال ایدم جك زمانم کلدی » دیدی .

مشارالیه یتاغه دوشمزدن اول ، کندیسندن برشی  
ایسته مدیکم ایچون بکا هییچ براییلکده بولنمیان ، صدراعظم  
پاشایه اوچ سینهك بر قونطوراتو ایله بنم موقعی تأمین  
ایتمسنی تکلیف ایتدی .

عینی زمانده هر سینه یاز موسمنی کچیرمك ایچون  
میرکوندهکی صیفیه سینه كن خدیو مصر اسماعیل پاشا ایله  
آرامزده بر مناسبت تأسیس ایتدی .

اسماعیل پاشا اوروپا سیاست عمومیه سی حقنده کندیسینه  
هر هفته مکتوب یازمدمی تکلیف ایتدی که بو مخبریه

کنندیسنتک موقع اقتداردن سـقوطنه قدر پارسدن  
دوام ایتدم . نهایت بر زمان کلدی که فؤاد پاشا خارجییه  
نظارتندن دستکش فراغ اولمه واعاده صحت ایچون  
تبدیل هوایه مجبور اولدی و واحیفاکه ۱۸۶۹ سنه سنده  
نیس شهرنده ترک دغدغه حیات ایتدی .

فرانسه حکومتی مشارالیهک نعشی بر بکک  
سفینه سیله وبربری ایچنه کچمش اوج تابوت ایچنده استانبوله  
کوندردی . نعشی استانبوله کلهجه بوتابوتلردن چیقاریله رق  
مناسک اسلامییه توفیقاً بر تخمه تابوته وضع ودفن  
ایدلبی [\*]

فؤاد پاشایه طعن وتشنیع ایدنلرک و ۱۸۵۳ سنه سنده  
استانبول مأموریت فوق العاده سنده اوغرا دیغی انهمز امدن  
متأثراً مشارالیهی « ناظر حیلله کار » تعبیر ناسزا سنه لایق  
کورن پرنس منچیقوفک عفو لریته اغتراراً دیرم که فؤاد پاشاده  
تدویر امور دولته مأمور اولانلر آراسنده بولنان  
رجال حکومتیه مخصوص اوصاف و مزایا وار ایدی .  
مشارالیه بکا بر کون دیمشیدی که :

---

[\*] اکر عینی بساطت فرانسه ده حکم سورمش اولسه یدی و یقتور  
هوغو نلک شو خطابه سی تکرار ایتمکدن کندی آلامازدم : « موتایه بصورتله  
ایضای حرمت ایدن بر قوم اشهبسوار و غا اوله رق کان ایلاک کیسه یی حسن نبوله  
آماده در . » یو اوانده بولانلری کیسه دوشونموردی .

— اسلامیت کندی محیطنده عصر لرحه بر عامل  
و واسطه ترقی ایدی . فقط بو کون کچ قالان بر ساعتدن  
باشقه برشی دکدر . »

فلسفه تاریخ بو محاکمه بی تصدیق و تأیید ایدر .  
هنوز هر کسک معلومی اولمایان فقره آتی بی  
پاشانک خاطراتنه صوڪ بر احترام اولق اوزره تذکار  
ایده جکم :

قندیه عصیانی ائساننده روسیه ایمپراطوری ایکنجی  
آلکساندر بر معتاد لیوادیامشتاسنه اینمش وعادت اولدیغی  
وجهله پادشاهده مشارالیه بیان تکریمات و مصافقات ایچون فؤاد  
پاشانک زیر ریاستنده لیوادیایه بر سفارت فوق العاده کوندرمش  
ایدی . بو ائناده باب عالینک روسیه ایله اولان مناسباتی  
نازک و ایمپراطورک کرید مسئله سنی میدان چیقارمق ایچون  
احوالدن استفاده یه قالدیشمسی ملحوظ وشایان اندیشه ایدی .  
مع هذا فؤاد پاشا ذکاسی سایه سنده بویله بر تهاکه دن  
اجتنابه موفق اولدی .

مشارالیه لیوادیایه واصل اولدیغی آقشام سرای  
ایمپراطوریده عائله حکمداری میاننده چای ضیافتنه دعوت  
ایدلمش ایدی . بالقونده اوطورلدیغی ائناده فؤاد پاشا  
کندی قنجاننه بالالتزام شکر قویمادی .

بو حالك فرقنه واران ايمپراطوريچه ايله آرالرنده  
شوبله بر مجاوبه وقوع بولمشدر :

— پاشا ، شكري سومز ميسكز ؟

— بالعكس حشمتپناه ، شكري بك سـوهرم .

الويرر كه نبات شكري اولمسون . [\*]

بونك اوزرينه ايمپراطور كولهرك :

— امين اولك پاشا، بوراده سزه كريد جزيره سندن

بحث ايدلميه جكدرد ، ديمشدر .

مشار اليهدن ايشيتمشدم كه علمانك صاريقلريني الى الان

محافظه ايد بيلمش اولملري پدريـنك بر اثر موفقيتيدرد .

سلطان محمود بوتون اساسلي اصلاحاتلرك قيافت

خارجيه دهده آز چوق تعديلاتي ايجاب ايتديكني دوشونهرك

شرق قيافتنك استانبولين وفسدن عبارت اولمسي وهر كسك

بو صورتله البسه اكتسا ايتمسي اراده ايتمش ايدى . فقط

عزت ملا « خلق نظرنده عدالت صاريفك وجوديله قائم

عد اولنور » ديهرك علمانك بو صورتله تلبسدن عفو

ايدلمسـنه موفق اولمشدر .

عجبا عزت ملا پاسقالاك شوفكرينه واقفـى ايدى ؟ :

[\*] پاشا بوراده ظريفانه برجـناس پامش اوليور . چونكه فرانسزلر قندييه

Candir ديكـري هم نبات شكر شده sure candi درلر .



« حکامزك قبرمزی لباسلری ، کدیله کبی ایچنه صیم صیق  
 « صارلدقلری کورکار ، محاکمه اجرا ایتدکلی سرایلر ، بوتون  
 « بوسائط مظننه عجا لازم شیلر میدر ؟ .. »

فؤاد پاشا النده بر قرآن کریم بولندیغی حالده وفات  
 ایتدی .

تبعات علمیهده و بر درجهیه قدر طبابت تحصیلنده  
 بولنش ، مطالعهنک ، سیاحتک ، وقوف بشرینک ومعظمت  
 امور ایله توغلاک تعلیم ایده بیله جکی شیلری بیللمه مش  
 اولان بر ذات طرفندن بو حالک وقوعی شایان دقتدر .  
 بو اثبات ایدرکه اسلامیتک اوروپاده وجودنده اشتباه  
 ایدلمهین بر فضیلتی وارددر .

تأمین عدالته مانع اولان اسباب باشلیجه ایکی به  
 منحصر ایدی :

۱ — خرستیانلر ایچون منسوب اولمداقلری بر مذهبک  
 تفوق و رجحانی قبولده کی امکانسزلق ،

۲ — اک سربست دوشونلری بیله بعض مسائل  
 دین نقطه نظرندن محاکمه ایتمکدن منع ایدمهین آتاویزم .  
 اهل صلیب الآن افکار ممتازه اصحابنک اسلامیه  
 تفسیرات انجیلیه دن ده آاز عطف اهمیت ایتدکلیغی  
 ومدنیته ائتلاف ناپذیر اولان قدیم باش کلیسای نسر

واعلاندن منشرح اولدقلرینی ظن ایدر لر .  
آتیده کی مثال بویله محاکات بسیطه و سطحیه دن تحفظ  
و جوبنی کو ستر مکده در :

۱۸۷۳ تاریخده پیغال سوقاغنده مقیم و یقتور هوغونک  
رسم قبولنده بولنیوردم . زوار میاننده موسیو پول  
دوسن و یقتور ، موسیو و مادام آلبر غلاتینی ، موسیو  
و مادام قاتول منده سده بولنیورلردی .

ویقتور هوغو شومینه نک بر کوشه سنده بیولک بیقلی ،  
اوزون صاچلری اوموزیت، دوکولش ، حالندن ممنون  
اولدینی چهره سندن آکلاشیلان ایری و شیشمان بر ذات  
ایله آیاقده مباحثه ایدیوردی . آرالرنده بر مسئله موضوع  
بحث اولیوردی .

ادیب محترمک مخاطب شهری، بر آزده شیوه استهزا کارانه  
ممزوج ، شاهانه بر سادگی ایله فرانسه انجمن دانشمک  
عصرک اک کزیده نازینه قبولرینی آچقله ممتاز بر شرف  
ومفخرت احرار ایده جکندن و الخ .... بحث ایدیوردی .  
بو ذات کو ستاو فلور ایدی .

— اسلامیتک آتیبی حقننده نه فک کرده سکر ؟

سؤالنه « صالامبو Salammbô » مؤلفی دیدی که :

— اسلامیت . . . محو و منقرض اولش بر عالمدر .

نه بکلسکز او انسانلردن که سالکی اولدقلری دین اولنره  
کلبدن — ملوث بر حیوان ایمش کبی — تباعد واحترازی  
امر ایدر ؟ کوپک . . . انسانلرک دوستی اولان بو حیوانی  
وحشیلار بیلر دأثره صمیمیت و محرمیتلرینه قبول ایدرلر .  
نهایت اوقونان بر شعر بنی موقعی ترکه یواشجه  
شومینه یه یاقلاشمغه سوق ایتدی .

شعرک انشادی ختام بولنجه :

-- عفو ایدرسکز موسیو فلور ، دیدم ، سزه بر  
سؤال ایراد اتمه مه مساعدی بیوررمیسکز ؟  
— های های ، مع الممنونیه .

— مسلمانلر کوپکه فنا معامله می ایدیورلر ؟  
موسیو فلور سؤالده کی اهمیتی تقدیر ایدنلره مخصوص  
بر ضدا ایلر جواب ویردی :

— حایر . . . حتی کوپکی بسلله دکلرینه و کرک یا  
کرک سواری اوله رق کزدرلرکن سوقاق اورته سنده اویوان  
بو حیوانجغزلری راحتسز اتمه مکه چالیشدقلرینه دقت  
ایتدم .

— او حالده خوشکزه کیتمدیکنی براز اول اعتراف  
ایتدی که کز تباعد واحتراز کیفیتله بواهتمام و شفقتی ناصل تألیف  
ایدیورسکز ؟ بونک البته بر سببی اوله حق .

جریان ایدن محاوره نی دیکله مش اولان حضار بحشه  
قازیشدیلر :

— هانکیسنی ؟ . .

— شمدی ایضاح ایدرم، دیدم . موسیو ویقتور هوغو  
نقل ایتمکده اولدینی بر حکایه نك اورتہ سنده سوزینی کسدی  
وہ اکر بورادہ قادینلر بولماسہ یدی دوام ایدہ جگدم «  
دیدى .

— عینی سبب بخیده سوزہ باشلامقدن منع ایدیور .  
ایچکزده انجیل شریفی وفیلوزوف رابہلہ نك اثرندہ بر  
پارسلۃ یہ اویناندیغندن بحث ایتدیکی اویونی اوقومش  
اولانلر دین اسلامک بدویلرہ بعض حیوانات ایلہ مناسبات  
جنسیہده بولمنی نیچون منع ایتدیکی آکلایہ جقاردر .  
ا کر بر شی بوتون اساساتیلہ بیلنمیورسہ ہیچ  
بر شی بیلنمیور دیمکدر . علم دیمک تدقیق و تعمق  
دیمکدر .

پرنس دولینی دیمشدرکہ : « اکر تجدد ، محاسن ،  
اصالت ، عقل و ذکا بولمق ایستہ یورسہ کز آسیادہ کلوب کچنلری  
تأمل و تدقیق ایدیکز . »

• •

قرآن (عظیم الشان) ک اکثر احکامی بزم افکار

واخلا قزله قابل تألیف اولمادیغی ایچون بز اونک ادراک  
معاینسندن عاجز وقاصر ز .

مسلمانلر کندیلرینه واقع اولان مهاجماتی بزه رد  
وتوجیهده اصلاً تأنی ایتیمورلر . جهات مادیه و علمیه ده کی  
تقدمیزی تصدیق ایتمکله برابر بر قاج کشینک ثروت  
و علم و فضیلتی عمومک سعادتتی تأمین ایدمه جگنی بیان  
وقواعد حفظ الصحیه رعایت امرنده وتشکلات خلقیه  
واجتماعیه مبحثنده بزه متفوق و مرجح اولدقلرینی ادعا  
ایدرلر .

فی الواقع استحمام و آبدست صورتیه تأمین ایتدکاری  
نظافت و طهارت ابدان قضیه سی سلسله مراتب بشریه ده  
مسلمانلره بر موقع بلند و ممتاز تأمین ایدیور .

حدیثات ولوئیاندن تطهر مسئله سی کونده بش دفعه  
تجدد و تکرر ایدن عبادت و طاعتک الک برنجی شرط  
مقبولیتی اولدیغی ایچون هراحتیاج طبعینک دفع و تطیمننده  
صقولالانیرلر .

ممالک نسأرده معتاد دکل ایکن عالم اسلامیتده بالغ ورشید  
قادینلره وارنجیه قدر هرکس آیده بر چوق دفعه لر  
استحمام ایدرلر .

قادین وارکک آراسنده وقوع بولان مناسبات و تقربات

جنسیہ کذا غسل واستحمامی موجبدر .

الف فقیر مسلمان محلاتندہ بیلہ بزم متمدن مملکتلرمزك  
 قالدرم و دیوارلرینی تلویث ایدن احوال و آثار کورولمز .  
 چامورلی ویا توزلی آیق قابی ایله بر مسلمان خانہ سنہ  
 کیرمک ، هر هانکی بر تماس ملوثله کیرلنش بر الی  
 اوزاتمق ... بونلراوقدر قبا نزا کتسنزلکارددرکه مخاطبکنز  
 بو مناسبسنزلکی درحال حس ایتدیریر . بری تمیزلکه  
 قارشی حرمتکار ، دیکری لاقید اولان ایکی اوروپالییدن  
 پیسلکه مآلوف اولان ، بر سفیر بیله اولسه ، بر دیلنجی یه ایدیلندن  
 فضله حرمتہ مظهر اولاماز .

بومشاهدات وتبینات مسلمانلرله مناسبت وعلاقه سی  
 اولانلره دقت ایدلمسی لازم کلن نقطه لری تعیین ایدر .

اساس اعتباریله عوام پسند اولان اسلامیتک یوکسک  
 برقانونی وارددرکه بوقانون بوتون مواد تزینیه وقادینلرک  
 مجوهراته یوزده ایکی بحق نسبتندہ بر رسم طرح  
 ایدر [\*] . اعصار اخیریه قدر بوصورتله طوپالانان مبالغ  
 حال ضرورت وسفالتده بولنان صنعتکارانه تدارک آلات  
 ووسائلط ایچون توزیع اولنوردی .

شریعت اسلامیه نک شرابی وبوتون مسکراتی استعمالدن

منع وزجر ایتش اولمی سایه‌سنده مسلمانلر بیننده کی مسئله اجتماعیه اساسندن حل ایدلمشدر . عینی قید منوعیت بزدهده موضوع اولسه ، بوتون شهرلر مرکز سوراق واسکله لرینی طولدیران میخانهلر ومد او ملرینک حاصلات یومیه لرینی آملغه برابر ایشلایه جک اجرتلرینی ده چکن ، مصارفی بک یوکسکلره چیقان ، حیات وصحت عائله یی تسمیم واماته ایدن ، ارباب شیخوختی عمومک شفقت ومروتنه التجا ایتدیرن ، خسته خانه وحبس خانه لری طولدیران آقول مبتلا لرینی تزید ایدن ، منابع حیاتیه یی بیله زهرله ن قیش صالونلری ، عمومه مختص صیفیه لر سد ورفع ایدلسه وظائف بشریه دن قطع نظر حقوق انسانیه محفوظ ومؤمن قالیردی .

مسلمانلر ، مدنیتمزک معروض اولدینی مهالکی کوره رک ، اونی محترق اولمش برقاشک بقیه ماتمه به سنه بکزه تیرلر .

دوشونورلرکه : شاید مدنیت ، جمعیت ایچنده برقاعده اساسیه موجود اولماسندن طولایی ، برهرج مرج ایچنده محو ومنقرض اولمشسه او آرتق انقراض وبقایاسندن تکرار کسب وجود ایده مز . فقط کنیدیارینک مذهبی ، فقدان بویله معلول مدنیتمز آتیا منافع اعداد وتولیدینه غیر صالح قیلان ، انتظام اخلاقی بی هر شیئه قارشى التزام ومحافظه ایدر .



## مسلمانلر دیرلرکه :

« سز بزی اخلاق و معنویاتمزی بوزمش اولمغه اتمام  
 « ایدیورسکز . حال بوکه بوتون بیوک شهرلر یکرده عیش  
 « و عشرتی تأبید ا دوام ایتدیرن وقادینلر یکرزی ، قیزلر یکرزی  
 « بالورده ، محال ذوق و طربده عالمک انظار مشتهیانه سنه قارشى  
 « آچیق صاحیق چیقاران و اولنلری هراو کمنه کلنک قوجاغنه  
 « براقان سزلر معنویاتی چورومش انسانلر دکلیسکز ؟

« بزی جهالتله مؤاخذه ایدیورسکز . مسعودانه  
 « یاشامق خصوصنده سزک اصول تعلیم و تدریسکز بزم  
 « طرز تربیه مزدن دها آز حائر قیمتمدر . ضروب امثالمنز  
 « و چوجقلر مزه اوکرتدیکمنز قواعد عقلیه سایه سنده  
 « اولادمنز بررکوچک انسان کی حرکت ایدرلر . حال بوکه  
 « سزده انسانلر و حق عالمر کوچک چوجقلر کیدر .

« مأمورلر مزی ارتکاب و ارتشالیه اتمام  
 « ایدیورسکز . اوروپانک شرقه کوندردیکی پسپایکان  
 « خلکک اخلاقی منتظم اولسهیدی بو حاللر وقوع  
 « بولورمیدی ؟

« اصول عدلیه مزدن شکایت ایدیورسکز . عینی وجهله  
 « بزمده سزک اصول عدلیه کزدن اشتکایه حقمنز واردر .  
 « جزائرده سزک یکانه قانونکز استبداد و تحکمدن باشقه

« برشی دکلدر : ویرکو نامیله صویوب صوغانه چویرمک ،  
 « استملاک نامنه غصب و غارت ایتمک ، صور و اشکال مختلفه  
 « آلتنده تحقیرات و تذلیلات . . . ایشته بزه تطبیق  
 « ایتدیککز عدالت !

« ولوکه بزم قانمز سزک ایچون مبدولاً آقسین . هر حالده  
 « بز دیایدیغکز معامله کندیکزه وطنداش یایدیغکز مستملکات  
 « زنجیلرینه روا کوردیککز معاملاتدن دهایی دکلدر .  
 « بزى حکم قدره ایمان ایتمکه تخطئه ایدیورسکز .  
 « اوت ، بز بوتون حسابلرینی قوانین طبیعیه نکلایتغیرلکمه  
 « استناد ایتدیرن مهندسلیکزر ، عالملیکزر ، فیلولوزوفاریکزر  
 « و کشفیاته چالیشان انسانلرکی مقدراته ایمان ایدنلردنر .  
 « بز موته و بوتون مصائب و بلایایه قارشى توکل ایدر  
 « و « قدر بویله ایمش » دیرز . بوندن اوته سی ایچون بزه  
 « مقتدابه اولان حضرت فخر کائناتک قول رسالتپناهیلریدر .  
 « برکون زیارت مقصدیله نزد پیغمبرییه بر  
 « عرب کلش ایدی . میانه ده شوپله بر محاوره جریان  
 « ایتشد :

« — دوه کی نرهبه براقدک ؟

« — قپوکزک اوکنده براقدم یارسولاه .

« — بریره باغلادکی ؟

« — حایر ، حفظ آلهی به تودیع ایتدم .

« — اویله ایسه خطا ایتدک . اک اول اونی بریره  
« باغلامق بعده صیانت سبحانیه به ترک و تودیع ایلک  
« لازم ایدی . .

« آیات قرآنیهدن برینک تفسیرینی حاوی اولان  
« هرشیئک بر سببی واردر » مآلنده کی حدیث شریف  
« یاردم ایت ، جناب حقدده سکا عون آلهیسنی رهبر ایدر »  
« ضرب مثلنک بر مقدمه سیدر .

« خرسیتیانلغک عفو وغفرانه واحکام قضایه متعلق  
« اولان عقیده سی قدره ایماندن دها زیاده امیدشکندر .  
« اسلامیتی بیلمدیککز ایچون اسلامده کی رقیت ایله  
« اوان اخیریه قدر روسیه وبره زیلیاده جاری اولان  
« اسارتی بر برینه قاریشدیریورسکز .

« مسلمانلر آراسنده قطعاً اسارت یوقدر . هپسی ده  
« قرده شد لر . فقط انجیلده مبین معناده دکل . احکام  
« جلیله قرآنیه به توفیقاً مسلمانلرک کافه سی عینی حقوق  
« ووظائفی خائزدر .

« خرسیتیانلقدده اولدیغی کی اسلامیت قرون وسطا  
« سرفلری ، روس موثریقاری ، مستملکات زنجیلمری  
« کی بر مذهب مشترکه تابع اولان انسان سورولرینی

« اراضی ایله برابر قابل نقل و بیع برمتاع صورتندە اصلاً  
« تلقی ایتمەمشدر .

« شریعتمزك طانییدیغی اسیرلر مشرکین ایله واقع  
« محارباتده الده ایدیلن کیمسه لر در . بونکله برابر  
« بونلرک چوجقلری ، اسلامیتی قبول و اهتدا بیله  
« ایتمه لر ، قیدر قیتدن قورتوله مازلر .

« أولر مزی اداره ایدن چرکس قادینلری ، اسکی  
« مملوکیئر و یکیمچریلرده اسیر دکلدلر . بعض مملکتلرده  
« ابونیک ایچنده غلطان اولدقلری سفالته چاره ساز اولمق  
« و یاخود پاره قازانمق ایچون اولادلرینی پاره مقابلنده  
« صاتمیری پک اسکی زماندن بری جاری بر اصولدر . مساوات  
« اسلامیه نقطه نظرندن بومسلك بی حدوددر . نه قدر  
« اسیرلر واردرکه پاشا ، جنرال ، ناظر اولمشدر !..

« حتی هان بوتون سلاطین اسیر والدلرک برر  
« محصول ذریتیدرلر .

« آفریقای مرکزیدن کان زنجی اسیرلر مصرده  
« وتورکیاده بی نظیر بر سعد طالع بولورلر . اسارت  
« مدنیت حاضره نك ایلک مرحله سنه بیله یا قلاشماش  
« اولان وحشیلر ایچوندر . اگر بونلرک عسکره آلمشی  
« و کاربانلرله نقل ایدلمسی بر طاقم اعتراضات محقه یه میدان

« آچيورسه بيلنمليدركه بوخطا اسلاميته عائد دكلدر .  
 « سيقستين كلدساننده سسلرينك اينجهلكي محافظه  
 « ايدلك مقصديله خادم حالنه كتيرلش اولان كيمسه لر  
 « حقنده اولديغي كبي بزده كي طواشير مسئله سنك  
 « مسئوليتني ده اسلاميته عطف ايتك بر حقسنزلقدر .  
 « نه قرآن كريم نه ده انجيل شريف سوءاستعمالادن طولاي  
 « مستحق مؤاخذه وتنقيد اولامازلر .

« سنك فكر كزجه بزم سقووط حاضر مزك سببي  
 « تعدد زوجاتدر . سوزي سالم بر نتيجه يه ايصال اچون  
 « بر آراق شـعـشـعـه كالي جهان انسانيتك كوزلرني  
 « قاماشديران عرب مدنيتني ده تعدد زوجاتك محصولي  
 « عدايتليديكز .

« بواصول اساساً سزده جاري ايدى . عزيزلر  
 « صره سنه ادخال ايتديككز شارلمانينك زوجه لري  
 « متعدد ايدى . شارلمانينك اوغلنك ايلك ايشي اقس  
 « لاشابهل حرمنى طاغيتمق اولمامشميدي ؟

« حتى شو صوك زمانلرده پروتستانلغك واضي  
 « اولان لوتر ؛ زوجه سنك چيركين ، فنا قوقولى اولديغي  
 « وجوق دوزكون استعمال ايتديكي اچون هس لاندغراونه  
 « برقادين دها آلمغه مساعدده ايتمه شميدي ؟

« جهازی ده زوجه سنه زوج ویردیکی ایچور قادین موقع  
 « اجتماعیلری ال بیوک کیمسه لرله ده ازدواجه مقتدردر  
 « وکندیسنه ویریلن جهازی اداره وئاشنه تصرف ایدر و اوک  
 « صاحبه سی اولور . اسباب مستعجله سببیله خانه زوجی  
 « ترك ایده بیلیر . اکر زوجنک ثروت و اقتداری یوقسه  
 « قادین هدایایه و مسافره شامل اولماق شرطیله عائله نك  
 « طعامنی تدارك واحضاره مأموردور . بعض اختلافات  
 « و منازعاتده قادینک یمینی زوجنک یمیندن قوتلی طوتولور .  
 « تعدد زوجات مجبوری دکلدر . بر آدمک ایکی  
 « قاریسی اولور سه امین اولملی که چوق دفعه ایکنجی زوجه بی  
 « برنجیسی انتخاب و آرزو ایتشدور . چونکه کندیسی ده  
 « خسته در .

« اکر تعدد زوجات مسئله سنک ، محاط اولدینی تقييدات  
 « سببیله ، حقیقی مؤمنلرجه تطبیقی مشکل اولدینی  
 « نظر دفته آلینیر سه اعتراف ایدملیدر که مسلمان قادینی  
 « خرسه تیان همشیره سنک مرحمتنه دکل غبطه سنه  
 « شایاندور . بعض نادرات مستثنا اولق اوزره مسلمان  
 « قادینی ، سوء استعمالاتی قرآن مبین قدر باشقه هیج  
 « بر دین منع ایدمه مکده اولدینی ایچون ، حالندن  
 « مشتکی دکلدر .

والحاصل مسلمانان: اسلامیتک بر اختلال شدید  
شکلنده دکل اسرائیلیت و خرسستیانتیک، ترقیات زمانه  
کوره، انکشافی صورتنده ظهور ایتدیکنی سویلر لر .

مسلمانانر حضرت موسی بی بر پیغمبر و حضرت عیسی بی  
«روح اه» عد و خرسستیانلغک اقایم ثلثه سینه و تورانک  
بحث ایتدیکی خالقه کندیلرینک غفور الرحیم و ارحم الراحمین  
اولان «الله» لر بی تقدیم و ترجیح ایدر لر .

ابن مریمه اولان تعظیم و تکریم لر بالذات جناب  
مریمه ده شاملدر . پایا طقوزنجی بی طرفندن قاتولیک  
معتقداتی میاننه ادخال قلنمش اولان «حمل مریم» اسلامیتک  
اون ایکی عصر دن بری پایدار اولان عقایدی زمره سبنددر .

اسلامیتک ارتداد تشبثانسه نه درجه به قدر مقاوم اولدیغنی  
لایقیله آکلایه بیلمک ایچون عقائدینک فوق العاده بسیط  
اولدیغنی و خرسستیانلغک وعد ایتدیکی مکافات اخروییه نک  
بر شکل مغنویده بولنمنه مقابل حضرت محمد علیه السلامک  
بومظهریت اخروییه بر شکل مادیت ده مزج و علاوه  
بیوردیغنی نظر دفته آمالیدر .

برنجی ناپولیون «خرسستیانت بر تهدید و وعید  
واسلامیت بر لطف و وعددن عبارتدر» دیمشدی .  
بو طرز محاکمه دفته تأمله محتاجدر .



اهل اسلامك حال حاضرينه بهوده اعتراض ابدلما كده  
و چونكه روما ايمپراطور لغنك سقوطندن اون آلتنجي عصره  
قدر مشعل كش ترقى اولان عامل يكانه نك « اسلاميت »  
اولديغى اونودلما كده در .

اكر اسلاميت اولماسه يدي زنه ايو قراطي ، آرسطوي ،  
رونه سانس دوريني احضار ايدن كشفيات علميه يي  
ونده بدايع صناعت عربيه يي آكلايه مازدق .

تشكلات سائرده اولديغى كبي اسلاميت ده — معارف  
عموميه علم ايله متناسباً ترقى ايتك شرطيله اوروپايي بي پايان  
برمسلك ترقى يه سوق ايدن اصول طبع و تمثيلك كشف و ايجاد  
اولنديغى كوندن برى — قوانين حياتيه يه تبعاً بولنديغى  
ذروء تعاليدن حضيض انحطاطه سقوط ايتدى .

ظلمت جهل ايله مستور قالنججه مسلمانلرده اسلاميتدن  
اوزا قلاشمغه باشلا ديلر .

فرقان كريمده مابين دده موقراتيك تشكلات آنطونين ،  
شارلماني ، بيوك پتروكي داهيلر النده بر نعمت عظمى اوله رق  
استعمال ايديله مديكي ايجون مصيبتلرك الكچير كيته ، استبداد  
و تحكمه مبدل و منجر اولدى .

فقط اسلاميت هنوز واصل حد انتها اولما مشدر .

علم چينده بيله اولسه آرايمكز — علم تصادف

ایده بیهلجککزی ظن ایتدیگکز یرلرده آرادیفکزر آواره  
 بر بینک حیوانکزر اولمیدر — هم جنسنه اک زیاده مفید  
 اولان نزد آلهیده مقبول وممدو حدر — دین نامنه اصلا  
 ابراز شدت ایتدیگکز : حقیقت خطالره میدانه چیقار .  
 — حرستیانلر انجیله کوره محاکمه ایدیهلجکلر واونلری  
 باشقه صورتله محاکمه ایدنلر خائن اوله جقلردر — بر آدمی  
 قتل ایدن بر عالمی قتل ایتمش اولور — بر انسانک حیاتی  
 قورتاران نوع بشرك حیاتی قورتارمش کیدر — جنات  
 عالیات اقدام امهات آلتنده در .

کی احکام وحکمیه استناد ایدن وایکی یوز میلیوندن فضله  
 انسانک قلبنه قویاً یرلشن وهنوز بر چوق مهتدیلر استیجلا ب  
 ایدن ، افرادی ایچنده ملحد وری ظهور ایتمین بر دین  
 ارباب حکمت ورجال حکومتجه منقرض بر موجودیت کی دکل  
 هنوز خفی بر قوه حیاتییه مالک وتنمو وتجدده مستحق  
 بر عضویت ، بر عامل ترقی صورتنده تاقی اولنمیدر .

بن دیرمکه اک ظالم واک غیر معقول اصوللرک مقبول  
 ومظفر اولدینی شو مدهش انتظامسزاق عالنده حرستیان  
 ناطقه پردازانی ایله بلاغه مناقشهیه مستعد مأمورین  
 روحانیهجه مظهر صحابت اولان اسلامیت آوروپا پای تختلرنده  
 بر چوق طرفدار بوله جقدر .

بالرضا اهدا ایدنلر انکلتزده نادر دکلدر . بالخاصه  
لوردلر قماردهسی اعضاسندن بر ذاتک اهداسی شرقده  
مشهوردر .

اجرا ایدیان تحقیقاته نظراً یالکز لیورپول شهرنده :  
۱ انکلتزه کلیسای قلهرژیمانی ، ۲۱ عینی کلیسانک لاییقی ،  
۱ قاتولیک کلیسای پاپاسی ، ۳ لاییق ، ۵ وهلسلهیهن ،  
۱ تشلیتی قبول ایتمهین حرستیان ، ۱ کوی پاپاسی ،  
۱ پروتستانلغک اصولیون شعبه سنه منسوب ، ۱ لوتهرییهن ،  
۱ روم اورتودوکس ، ۲ صالوتیست ، ۱ سودده نبورژیین ،  
۱ سپریتوآلسیت ، ۲ موسوی ، ۱ ملحد ، ۲۰ اطفالکه  
جمعاً آلتش درت کیشی اسلامیتی قبول ایتمشدر . بونلرک  
ایچنده ایکیسی موسوی اولمق اوزره طقوزده قادین  
وارددر .

بر آز صوکره اقوام اسلامیهنک موجب ضعفی اولار  
اک بیوک سبب ایله بونک نه قدر قولای قابل تشفیه اولدینی  
کوره جکزر .

∴

بک چوق کیمسهلر واردزکه حائر اولدقلری اقبالکار  
وشمات خیز عتموانلره ، رتبهلره ، نشانلره رغماً نظردقتک  
کنیدیلرنده ارتکازینه مستحق دکلدرلر . اونلره حرمت

اچون چکرکن شویله بر باقیش کافیدر .

قیمتلی ذاتلرنده مندمج بر طاقم ذواتده وارددرکه  
ظلام لیل ایچنده نشر انوار ایدن نجوم کی کتله بشریه  
فوقنده شععه نشاردرلر . بعضاً بونلرک قدر و قیمتی  
— کندیلری محو و کنام اولدقدن صوکره بیله ضیالری بزی  
تنویرده دوام ایدن ییلدیزلر کی — حیاتدن دامن کش  
استغنا اولدقلرندن صوکره آکلاشیلر .

آسیانک بر چوق زمان اول یتشدردیکی اک شایان  
دقت بر ذاتی قارئمه تقدیم ایتمک ایسته دیکم شو صررده  
بووبونک کی بر چوق ملاحظات مفکرده می تسخیر  
ایدیور .

بحث ایتمک ایسته دیکم ذات میرزایعقوب خان ملقو مدر .  
مومی الیه ۱۸۱۵ سنه سنده اصفهانده براره نی عائله سندن تولد  
ایتمشدر . بیوک والدہ سی ژان ژاق روصونک اقرباسندن  
بر فرانسر ، عموجه لرندن بری مسلمان ایدی . حتی  
یعقوب ملقوم خان بیله برای تحصیل هندستانه سوق  
و اعزام ایدلمزدن اول غره غور بیهن مذهبی اوزره تربیه  
ایدلمش ایدی .

یعقوب خان وطن اصلیسنه عودت ایدنجه منسوب  
اولدیغی عائله نک بر عصر دن بری روس حمیدی اولمسندن ناشی

تخصیص ایتدیکی وظیفه‌ی . . . موی الیهی بوکا حاضر لامق ایچون،  
دها اوان تخصیص‌ده تلقین وافهام ایتدی .

ملقوم خانی بلا فاصله اوان سکر سینه ایفا ایتدیکی  
ایرانک لوندره سفارتنه تعیین اولندیغی کوندن بری بوتون  
قاینه لر طانیمشدر .

پدری یعقوبی ، کندیسنگ بر معاون و تلیذی موقعنده  
براقه حق درجه‌ده ، تعلیم واحضار ایتدکدن صوکره افکارینی  
ایرانه اوصورتله ادخال ونشر ایتدی که بدایتلرنده شاه  
بیله بو افکاره تمایل ایتدی . براز صوکره بو اصلاحات  
دینیہ جامعلره انتشار ایتدی .

دین اسلامیتده ریاست وامامت مذهبی‌ده قیدمنصوبیت  
اولم یغندن عمرکس ، اخلاق و اطواری تلقین حرمت  
ایتمزسه دوچار تحقیر و تزییف اولمق تهلمکه سنی کوزه  
آلهرق ، عبادات و طاعاتده ایفای امامت و ریاست ایده بیلیر .

قرآن مبینک احکامنه توفیقاً واقع اولان بونسیق  
اسلامیت تشبثی اوילה بر موفقیتله تتوج ایتدی که مقدماتو تشبته  
اشترک ایتمش اولان شاه بونتیجه‌ی کوره رک شبهه لیمکه  
باشلادی و قدرت حکمرانینگ دوچار ضعف اولمشندن  
قورقهرق ملقوم خانی تبعید ایتدی ،

ملقوم خان ممالک عثمانیه‌یه ، بغداده چکیلدی . بوشهر

بنت محمد (صلم) حضرت فاطمه ایله خلفای راشدیندن  
حضرت علینک مخدوملری جناب حسینک بر محاربه ده  
شهید اولدینی کربلا یولی اوزرنده کاشندر .

معلوم اولدینی وجهله مذهب شیعه یه منسوب اولان  
اهل اسلام حضرت حسینی همان جناب پیغمبر درجه سنده  
مظهر تعظیم و تکریم ایدرلر . بر ایرانینک الک بیوک  
املی کربلا ده دفن اولمقدردر .

طلوملر ایچنده اجسادى حامل اولان اوزون دوه  
قطارلری بر چوق فرسخلردن متشکل کذرکاهلرینه  
وبا تخملى نشر ایدرلر . بویله اولمقله برابر تربه حضرت  
حسینی زیارت ایچون ینه بر چوق خاجیلر کربلا یه قدر  
شدرحل ایتمکدن چکینمز لر .

بواحوال اصلاحات دینه طرفدارانینک ملقوم خان  
اطرافه جریان واجتماع ایتمسه اعداد وسیله ایتمدی .

شاه بو دفعه دخی قیام ایده رک مومى الیهک بغداددن  
ابعادی ایچون حکومت عثمانیه یی اقناع ایتمدی . بونک  
اوزرینه درکه ملقوم استانبوله کلش و پدری ده کندیسنه  
اوراده التحاق ایله مشدر .

بو ذاتلره ایلك تصادفم آرامزده تأسیس صمیمیت  
ایتمدی . بر چوق سنه لر بو پدر ایله اوغلی همان هرکون

تخصیص ایتدیکی وظیفه‌ی . . . موی الیهی بوکا حاضر لامق ایچون،  
دها اوان تخصیص‌نده تلقین وافهام ایتدی .

ملقوم خانی بلا فاصله اوان سکر سمنه ایفا ایتدیکی  
ایرانک لوندره سفارتنه تعیین اولندیغی کوندن بری بوتون  
قایینه لر طایمشدر .

پدری یعقوبی ، کندیشک بر معاون و تلیدی موقعنده  
براقه حق درجه ده، تعلیم واحضار ایتدکدن صوکره افکارینی  
ایرانه اوصورتله ادخال ونشر ایتدی که بدایتلرنده شاه  
بیله بو افکاره تمایل ایتدی . براز صوکره بو اصلاحات  
دینه جامعلره انتشار ایتدی .

دین اسلامیتده ریاست وامامت مذهبیّه قیدمنصوبیت  
اولم یغندن عرکس ، اخلاق و اطواری تلقین حرمت  
ایتمزسه دوچار تحقیر و تزییف اولمق تهلمکه سنی کوزه  
آلهرق ، عبادات و طاعاتده ایفای امامت و ریاست ایده بیلیر .

قرآن مبینک احکامنه توفیقاً واقع اولان بونسیق  
اسلامیت تشبثی او یله بر موفقیتله تتوج ایتدی که مقدما بوتشبنه  
اشترک ایتمش اولان شاه بونتیجه‌ی کوره رک شبهه لیمکه  
باشلادی و قدرت حکمرانیسک دوچار ضعف اولمسندن  
قورقهرق ملقوم خانی تبعید ایتدی ،

ماقوم خان ممالک عثمانیه، بغداده چکیلیدی . بوشهر



بنت محمد ( صلعم ) حضرت فاطمه ایله خلفای راشدیندن  
حضرت علینک مخدوملری جناب حسینک بر محاربهده  
شهید اولدینی کربلا یولی اوزرنده کاشندر .

معلوم اولدینی وجهله مذهب شیعهیه منسوب اولان  
اهل اسلام حضرت حسینی هان جناب پیغمبر درجه سنده  
مظهر تعظیم و تکریم ایدرلر . بر ایرانینک اک بیوک  
املی کربلاده دفن اولنمقدردر .

طلوملر ایچنده اجسادى حامل اولان اوزون دوه  
قطارلری بر چوق فرسخلردن متشکل کذرکاهلرینه  
وبا تخملى نشر ایدرلر . بویله اولمقله برابر تربه حضرت  
حسینی زیارت ایچون ینه بر چوق خاجیلر کربلایه قدر  
شدرحل ایتمکدن چکینمز لر .

بواحوال اصلاحات دینه طرفدارانینک ملقوم خان  
اطرافنه جریان واجتماع ایتمسنة اعداد وسیله ایتمدی .

شاه بو دفعه دخی قیام ایده رک مومى الیهک بغداددن  
ابعادى ایچون حکومت عثمانیهی اقناع ایتمدی . بونک  
اوزرینه درکه ملقوم استانبوله کلش و پدری ده کندیسنة  
اوراده التحاق ایله مشدر .

بو ذاتلره ایلك تصادفم آرامزده تأسیس صمیمیت  
ایتمدی . بر چوق سنه لر بو پدر ایله اوغلی همان هرکون

کورددم . هر ايكسى ده طانيديغم ذوات آراسنده اك بيوك  
مجدد افكار ايديلر .

∴

بيوك آدمرك قيمت حقيقيه لرى اظهار ايتدكلرى  
حسيات خودنا انديشيده و خصملرى حقنده كى طرز  
محاكمه لرنده مندمجدد .

يعقوب خنده هيچ بر عاديلك ، هيچ بر اندیشه  
انائيت ، هيچ بر ميلان اقبال و ثروت و حق ، هومرك  
ديديكى كى ، « او قدر اضطراباتك مسببى اولان حريص  
و منحوس معده » دوشونجهسى يوقدى . بك چوق  
كىمسه لرك بيلمديكى روح اسلاميت حقنده كى وقوفى  
بو ذاته مديونم .

« مسامرات قسطنطنيه » اسمنده كى ايلك اثرم  
مشاراليه ايله اولان مصاحبه لر مركز ثمره سيدر . بن اونك  
اسلاميتك قوه حياتيه سنه دائر اولان اعتقاد و اعمادينه  
اشراك ايدرم . چونكه اسلاميت متشبه بر مركزه مالك  
و اوزرى قارلر له مستور بر و ولقاندر .

سبب استغراق و اهمالى سائر اصول مذهبيه ي آييران  
رييلكده دكلدر . يالكر اسلاميتدر كه سالكلرى ايچنده  
دينسرلر بولماز . بو كذاك اساسنك ضعفدن ده منبعث دكلدر ،

چونکه هر سینه چینه ، آفریقاده ، هندستانده بیکلرجه  
انسانی ، غیر قابل افتراق بر صورتده ، جذب و صورت  
قطعیده کنه دینه ربط ایدر . کنه دیریه کوروشوب  
قونوشدیغ میسیونر لک کافه سی ده بونقطه ده متفق الر ایدر لر .  
تخطر ایدرم که غلطه ده سورمادله نك اداره ایتدیکی  
معاینه خانه یی زیارت ایتدیکم زمان ، کنه دینه ، برای تداوی  
مراجعت ایدنلر میاننده تبدیل مذهب ایتدیره بیلدیکی  
کیمسه لر بولنوب بولندیغنی مومی الهیایه صورمش و :

— مسلمانلردن تبدیل مذهب ایدن قطعاً یوقدر .

حتی بویله بر تجربه یه بیه لزوم کورمیورز .

جوابی آلمش ایدم .

استاتستیکلر اثبات ایدیور که اسلامیت بر دین اولمقده  
باقی قالدیقه بولوندیغی زمینده هر نوع استرقابلره مقاومدر .  
واقعا شمعی قرطبه ، بغداد ، قاهره دارالفنونلرینک  
نشر علوم ایتدکاری زمانلرده اولدیغی کبی بر مرکز التامی  
بولنمور وایکی عصردن بری آوروپائی تیره تمیورسه ده  
بو حال مشعل مدینتی ایادی اخرایه نقل و تودیع ایتمش  
اولان اصول طباعتک کشفندن وچینک دخی ترقیسنی منع  
وتقیید ایدن سبیدن منبعثدر .

چین اوچ بیک سنه دن بری هیه رو غلیفلرینه باغلانوب

قالدینی ایچون بولندینی نقطه دن آریله میور، ایلریله میور .  
 تورکلر، عجملر، عربلرده، برلازمه ترقی اولان انتشار  
 علومه یازیلمی مساعد اولمادینی ایچون اولدقلری یردن  
 ایلری یه چکه میورلر .

بر اسم خاصه ، بر عبارت فیه یه ، بر افاده جغرافیه  
 تصادف ایتسه لر حروف صوتیه لری اولمادینی ایچون —  
 هله بوکا ایلک دفعه اوله رق مصادف اولمشلر سه — او قویه مزلر .  
 مثلا Orléans, Vienne, Revision کله لر نده کی حروف صوتیه  
 خذف ایدیلیر سه بزم یازیمزله تورک یازیمی آراسه نده کی  
 فرق — واقعا براز مبالغه لی فقط غایت واضح اوله رق —  
 آکلاشیلیر . آتیده کی مثال اونلرک کله لر ندن بر برینه نه قدر  
 ضد و مخالف معانی استخراج ایدلدیکنی کوستیر .

بر شرق ضرب مثلی واردر : « الصبر مفتاح الفرج » .  
 بوراده کی صوک کله سعادت معناسه نده درکه ( ف ، ر ، ج )  
 حرفلرینک بر برینه یا قلاشمه — یله ترکیب ایدر . حال بوکه  
 بو اوچ حرفک تشکیل ایتدیکی کله نک بر چوق معناسی  
 دها واردر . بو معانی میاننده ( کیسه ) ، ( آلت تناسل نسا )  
 داخلدر . آوروپالی بر مترجم بوکله یه شرقیلیری شائبه دار  
 ایده جک قبیح بر معنا ویرمک صورتیله ضرب مثلی کویا  
 ترجمه ایتشددر . ناصل که آلمانجه یه وقوف ادعاسنده بولنان

بعض کیمسه لرده Mansbild کلمه سنی « تصویر انسانی » دیه  
ترجمه ایدر لر .

« راکد صوبوزولور ، صاف وشفاف قالمسی ایچور  
آقالیدر » بوتورک ضرب مثلی حال توقفده بولنان ملتیرک  
حالنه شایان تطبیقدر . بویله محکوم توقف اولان اقوامک  
انحلالی اقوام سائر نک قانون ترقیه اقتفاء دها زیاده  
نشو و نمالرینی تأمین ایدر .

تحصیل علوم و فنونه خواهشکر اولان شرقلیلر بر  
لسان اجنینیک معاونتنه محتاجدر لر . منفعت سیاسیة ،  
مجاورت حدودیه و مناسبات تجاریه دخی لسان تحصیلنه  
اولری اجبار ایدن اسبابدندر . بونک ایچوندرکه روسیه یه  
بی پایان بر آتی انکشاف ایتمکده در .

روس الفباسنک چین هیه روغلیفلرینه و تورکیا ایله  
عجمستانک ده بولاشدقلری مغلق عرب خطنه رجیحان  
وتفوقی سببیله غایت وسیع و فسیح الکالر ، کشور لر  
روسیانک جاذبه سنه مجلوب اوله جقلردر .

ینه عینی سبب انکلیز لساننک حاکمیتنی مصردن  
اقصای شرق سواحلنه قدر توسیع ونشر ایده جکدر .  
حتی بر زمان کله جک هر قومه ، هر مملکته ، هر کوبه  
مخصوص بر چوق لهجه لر ایجاد ایتش اولان قانون ترقینک

تحت تأثیرنده روس وانکلیر لسانلری آراسنده برمصادمه  
قطعیه وقوع بوله جقدر .

انکلتره نك كره ارضك بوتون نقاط حربیه سنی اشغال  
ایتمکده واقصدادی مضایقه لر آراسنده صیقیشوب قالان  
ملتله فوق العاده بسیط اولان صرف ونحو لسانیسنی تقدیم  
ایتمکده فوائدی واردر .

روسیه بیه کلنجه بوده اوتوزیدی حرفلق زنگین  
النباسیله ، اوقتاوولی بوتون احتیاجات موسیقیه سنی تطمین  
ایدن برپیانو کی ، اشکالات صوتیه نك بوتون آهنگلری نی  
احاطه ایدر ك لغتچهنه آرتق موقع استعمالدن ساقط  
اولمش لسانلرك بقیه سنی وامالات صوتیه سنی جمع ایتمك  
قدرتی خاژدر .

نه اولورسه اولسون کریده قالمش اقوام ایچون ،  
لسانلری نی وعینی زمانده یازیلری نی ضایع ایتمه مك ایسته دکلری  
حالده ، برالفبانك قبولی ضروریدر .

بو حقیقتی بیان وتمهید ایتمك شرفی یعقوب خانه  
وهموضوع بحث اولان مسئله یی بسیط وقابل اجرا تدابیرایله  
ایله حل ایتمك شرفیده اوغلنه اصابت ایتمشدر .

خط عربینك حروف غیر صائتیه سنی آیرمق وبونلرك  
آرالرینه حروف صوتیه متبدله یی ادخال ایله مك کافیدر .

بو باده واقع اوله جق مساعینک ثمره سی آزمدنده  
 رونمون اولور . چونکه استقبال محصولدار افکار کدر .  
 اوروپایه اک صوگ دفعه وقوع بولان سیاحتی انساننده  
 ناصرالدین شاهه اک زیاده نظر دقتی کیمک جلب ایتمش  
 اولدیغنی صور دقلری وقت مشارالیه بلا تردد :

— اک زیاده نظر دقتی جلب ایدن هولانده ده بر  
 ناحیه مدیریدر ، دیدی و براز تأملدن صوکره سوزینه  
 شو صورتله دوام ایتدی :

— فقط قرق سندن فضله سوردن مدت سلطنتنده  
 تصادف ایتدیکم اک متین آدم یعقوب خان ایدی . اونی  
 طانیه مدیغم ایچون پک متأسفم .

قدرت مطلقه ایچنده اختیارلامش بر حکمدار  
 طرفندن بنم محب حقیقی و عزیزم حقنده سویله نن بو  
 سوزلره آرتق بن باشقه بر سوز علاوه ایتیه جکم .

•••

میرزا یعقوب خان استانبول جوارنده کائن حصارده  
 احبساندن احمد وفیق افندیکنک مسافره مقیم اولدیغنی  
 خانه سنده وفات ایتدی .

احمد وفیق افندی ده جالب دقت ذواتنددر . یوکسک  
 بر ذکا ، واسع بر معلومات صاحبی ایدی . عفت و عصمتی



حقنده شبهات عديده بي دعوت ايتم شد . مع هذا احراز  
ايتديكي مساند و مراتب رفيعه نك ايجاب ايتديكندن فضله  
تهلمكه لي كوروندي .

بو حالك سبي محتملدر كه مشاراليهك دامارلرنده بر  
اجنبي قاني جولان ايتمسي يعنى ديوان هايون مترجم اولمكند  
بولمش اولان بر بلغار مهتديسنگ اوغلي بولمسيدير .

غرايت اوصافي مشاراليهك آسياي صغرايه كي  
مفتش عموميلكدن جلب و براز صوكره پارس سفارت  
عثمانيه سندن ده كرى به دعوت اولمسنى ايجاب ايتدى .  
بوسقوطن صوكره مشاراليه حصارده كتابلريله ، موليره  
تورجه به ترجمه ايتمكه ، - عالي پاشانك وفاقي متعاقب تكرار  
خدمت دولته داخل اولنجه به قدر - آثار علميه نشريله  
دمكذار اولدى .

عالي پاشا احمد و فيق افندي بي طائيق آرزوسنى  
حاصل ايدز بر افاده ايله بكا مشاراليهك چوق دفعه  
بحث ايتمش و علم و فضيلتنى تمديحاً « او بر جانلى كتيخانه در ،  
ديتش ايدى . بر باشقه دفعه ده احمد و فيق افندي سلطان  
سايمان زماننده فوق العاده بر صدر اعظم اولوردى »  
صورتيله اداره كلام ايتمش و فكري ثبات و تايد ايجونده  
مشاراليهك شو منقبه سنى حكايه ايتش ايدى :

بر کون معیت مأمور لرندن برینک اوافق تفک  
 بورجلرندن دولایی احمد و فیک افندی به شکایت ایدلمش  
 ایدی . مشارالیه مدیونی نزدینه دعوت وادای دین ایچون  
 بر مهل تعیین ایتمش و فقط انقضای مهلتی متعاقبینه شکایت  
 وقوع بولمش ایدی . بونک اوزرینه مشارالیه مأمور مدیونی  
 تکرار جلب ایدهدک صورمش :

— بورایه ناصل کلدیگز ؟

— بیکیر ایله افندمن ،

— چوق اعلا ؛ اوطوریگز .

متعاقباً اللرنی بر برینه ووردهرق ایچری به کیره  
 قپوچینک قولاغنه بر قاق سوز سویلهمش . بر آز صوکره  
 قپوچی تکرار کلهرک بر مقدار پاره کتیروب چیقمش .  
 احمد و فیک افندی کتیریلن پاره نی ایکی به آیرهرق بر قسمنی  
 داینه اوزاتوب :

— بیورک ، بو سزک آله جفکز .

دیمش و مدیونهده « بوده سزه قالدی » دینیوب متباقی

پاره نی ویرمش .

مأمور بوندن بر شی آکلایه ماینجه دیمش که :

— تردد ایتمه یك ، ویردیکم پاره بازاده صاتیردیغم

آتکزک بقیه بدلیدر !

پارس سفارتندن کری به چاغیرلمسنى ايجاب ایدن سبب ده  
 شایان دقتدر . معلومدرکه سفارتلرک اوراق مخبره سنى  
 حاوی چانطه لر بوتون ممالک تکرده کمرک معاینه سندن معافدر .  
 برکون احمدوفیق افندی سفارت عثمانیه عائد والیسک  
 آچیلمش اولدیغنى کورور . بوندن او قدر متأثر اولورکه  
 چانطه ایله کندیسینه مخصوصاً کوندرلمش اولان توتونک  
 ادخالات رسمى تسویه ایدنجه به قدر پک زیاده معذب اولور  
 وموسیو دو طوونه له مراجعتله شکایت وشاید بویه بر حال  
 تکرر ایدرسه حکومت متبوعه سینه مقابله بالمثل یاپیللمسى  
 ایچون مراجعت ایده جکنى واو وقت هانکى طرفک  
 ارتکاب سوء استعمال ایتدیکی تظاهر ایلیه جکنى بیان ایدر .  
 ناظر ، مأمورینک لایحطی اولدیغنى سویه نجه احمد  
 وفیق افندی :

— ظن ایتدیکه کز قدر دکل أقسه لانس ، بو کون  
 فلان مؤسسه نک سنوی یتمش بیک فرانلق مجوهراتی  
 رسوم لازمه یی تسویه ایتدیکه مزین هانکى مجرادن جلب  
 ایتدیکنی بوتون استانبول پک ای بیلیور ، دیر وبالطبع  
 اختلاف باش کوستیر .

بوندن باشقه احمد وفیق افندی تورک لری تحقیر ایدن  
 بر پیه سک اویناندىغنى کیجه ایمراطورک تیاترو لوجه سندن

کمال شدت و حشونتله چیققدینی ایچون اوچنچی ناپولیون  
کندیسنه کوچمیش ایدی .

شبهه احتیالی بوتون شرق عالمه بسط ایدن انترقه لره  
قارشسی یکانه واسطه تحفظ تحدید مناسباتدر . ایکی  
مخاصم سیاسیئک معروض سوء ظن و وسوسه  
اولمقسنزین صیق صیق کوروشه بیلملری غیر ممکندر . بو  
ملاحظاتدر که بنم احمدوفیق افندی ایله پیدای مناسبت ایتمکله کمی  
قونطور اتومک انقضای مدتیه قدر تأجیله سبب اولدی .

کندیسنی زیارته کیتدیکم زمان حصارده متوسط بر  
یالیده مسن فقط منور بر ذاته مخاطب اولدم . فرانسر  
لسانیله واقع اولان افاداتی بر بدیعۀ صنعت ایدی . تورکیا  
امورینی واسباب قدرت و شوکتی مشارالیه دن ای هیج  
کیمسه بیله مزدی . هر سؤالک جوابی ارقام ایله ، تاریخ ایله ،  
وقایع ایله تأیید و تقویه ایدزدی .

تهلهکه حریقدن اجتناباً کتبخانه سی یالینک باغچه سمده  
انشا ایدلمش کارگیر بر کوشکده ایدی . بر اوافق اشارتی  
اوزرینه کوچک قیزینک بیکلرجه آثار آراسندن بر اطمینان  
و وثوق ایله ایسته نیلن کتانی آیروب کتیرمسی کتابلرک  
مجرد بر زینت اولمق اوزره تدارک ایدلمه مش اولدیغنی  
انبات ایدیوردی .

استانبولدن انفكاكى متعاقب احمد وفاق افندى  
 صدرته تعين اولندى . مشارالیهك بو صورتله قواى  
 اداره بى ید اقتدارینه آلمى عالى پاشانك احمد وفاق افندى  
 حقندهكى محاكمه سنى تأييد ايتدى . بوجهت تاريخه عائددر .  
 ايكي ياخود اوچ سـنه ظرفنده جاده لرى اون ايكي  
 ميليون آسفالت ايله تفريش ايدن مصرلى لورد سيمورى  
 — نام ديكرله خليل بكى — ايمپراطورلغك دم واپسيننى ادراك  
 ايدن پارسيلردن طائميان يوقدر .

تشكيل ايتديكى بر رسم سالونى مومى اليهك قسم  
 اعظم ثروتى بلع ايتمش ومتباقيسى ده مسابقه لره ، قيزلره ،  
 قماره يديرلمشدر .

حتى بر پارتى بيكت اويوننده التى يوز بيك فرانك  
 غائب ايتديكى مرويدر .

بو صورتله ثروتى محو وافنا ايتدكدن صوكره استانبوله  
 كلهرك مستشارلغه و متعاقباده خارجيه نظارتنه نصب  
 اولمشدر .

مومى اليه ايله ايلك ملاقاتى بر مناقشه يه منجر  
 اولمشدى : مومى اليه ، باخصوص برقونطور اتو ايله حكومت  
 عثمانيه يه مربوط ايكن ، نه ايچون فس اكتمسا ايتمه مكده  
 اولديغى صوردى . كريدده بولنديغى زمان شابقهلى

اوله رق یالکز بن قلام قلم ایچون بالاختیار فس کیمش  
اولدینمی، فقط استانبوله کلنجه حفظ صحتمه خادم و علامت  
استقلام اولان سرپوشی، سابقه می تکرار استعماله باشلادینمی  
و حتی صدر اعظم پاشانک کتابت خصوصیه سنده بولندینم  
اثاده ده فس کیدیکمی سویلدیم .

— کورورز ، دیدی .

— بنی ، دیدم، هیچ بروقت فسلی کورمیه جکسکز .  
چونکه ذاتاً مضطرب اولدینم تزله دماغیه و تشمس  
خسته لقلرینی تشدید ایتمک ایسته میورم .

بو مناقشه یی نقل ایتدیکم زمان عالی پاشا تبسم ایتدی  
و آراده کی بروقتی ازاله ایده جکنی سویلدی .

ایرته سی کون خلیل بکدن بر ضیافت دعوتنامه سی  
آلدم . اجابتمده مومی الیه بکا پک زیاده حرمت و محبت  
ابراز و کتبخانه سی آرزوی تبعمه تخصیص ایتدی .  
« مسـامرات قسطنطنیه Soirées de Constantinople »  
عنوانیه یازدینم اثر ایچون بو کتبخانه دن پک چوق استفاده  
ایتدم .

مدافع اسـلامیت اولان بو اثر قلمدن زیاده قلیجله  
موانسـتکار ، صنعت تحریره یکی داخل اولمش برینک  
یعنی بنم اثر خامه میدی . بواثر موضوعک متحمل اولدینی

نظامی بر محاصره دن زیاده بر سواری هجومه بکزه ر .  
تورك ، عرب ، عجم لسانلرینه ترجمه ایدیلهرك آز چوق  
هر طرفه انتشار ایتشدور .

بر چوق شیلری محو و افنا ایدن ۱۸۷۰ محاربه سی  
بونیده مهمل براقدی . بو اثرمی تکرار موقع اعتباره  
قویه حق اولان بن دکم . فقط متأسفم که اسلامیتک مستحق  
اولدینی حقوقی اعاده و آتیلرندن اندیشناك اولان مسلمانلره  
خادم ترقیلری اوله حق دلائل قطعیه بی اراءه ایتکه معطوف  
اولان هدفه واصل اولمق میسر اولمادی .



بنم طرز تلقی وادراکه کوره « مسامرات قسطنطنیه » ده  
مبین اولان افکار و ملاحظات رجال سیاسیه طرفندن ترتیب  
واحضار اولنان بر احیای اسلامیت پلانته منجر اوله جققدی .  
حال بوکه بو فکر لر دن یالکمز بر اختلال و بر عکس العمل اخذ  
قوت ایتدی : اختلال سلطان عبدالعزیز خانك خلعتی و اعرابی  
پاشانك عصیاننی احضار ایتدی ، عکسی العمل ده مرکزی  
بنغازی بولنان و خط حرکتی جزویتلرك و تامیلیه لرك  
مسلمکنه مشابه اولان سنوسی مذهبی نفوذ مدهشنك آفریقا  
قطعه سننده انکشافنی موجب اولدی .  
فرانسه نك جزا ئرده کی عمای سیاستی مساعیمده کی



واهیلیکی الآن کوستیر . مع هذا ، التفات آمیز جمله لری  
نقطه لرله کوستردیکم ، مکاتب آتیه نک مطالعه سندن  
آکلاشیله جفی اوزره بومساعی بوتون بوتون نظر دفته  
آلنامش دکلدر :

پارس ۸ کانون ثانی سنه ۱۸۷۰

موسیو ،

محل اقامتکزی بیلمدیکم ایچون درسعادته موسیو وایسه  
مراجعت ایتکه واوندن آدرسکزی اوکرنمکه مجبور اولدم .  
سزک نسل عربیه دائر ، بوکون فرانسه ده برچوق کیمسه لکده  
بیلیمی شایان آرزو اولان ، برطاقم افکار حقیقیه وسالمه کز وار .  
بو افکاره مطلع اولمغه پک چوقلرینک بی مجال ظن ابتدکاری بو  
صبور و متوکل ، حشین قوم حقنده دها آز کاذب ودها آز مهالک  
آلودخیالار بسله نیر . بزم جزائر مسئله سی سزک کبی . . . . . برذات  
طرفندن تدقیق و مطالعه ایدلمکه دها زیاده قازانیله جقدر .  
سزک . . . . . اثریکز ، امید ایدرمکه ، هیچ اولمازسه دیانت  
و حقوق اساسیه نامنه قرآن عظیم الشانه مالک انسالک قوت  
و قدرتی وعصیبت سرکشانه سنی بیلیمینلری تنویر خدمت  
ایده جکدر . کینلک بو اثری نشر ایتکه بر خدمت حقیقیه ایفا  
ایتمش وکوکله شن بر چوق افکار باطله یی یقمش اوله جقه سکز  
باقی . . . . .

مجلس اعیان اعضاسندن فریق

أ. دوما

هوتویل - هوز ۱۶ شباط سنه ۱۸۷۰

افندم ،

بدیعه عد اولنه جق یکی بر اثر تألیف ایتشسکر . بونده بر  
چوق حقیقتلر مذکور اولدینی کبی کندی حسابمه اشتراك ایدمه میه جکم  
بعض افکار یکزده موجود بولمغه برابر کتابکز هیئت عمومیه سی  
اعتباریله جالب نظر دقتدر ، ممتاز صحیفه لریکزده بنم اسمی ده  
ذکر ایتدی بکیزی کوردم . فی الحقیقه حضرت محمد ( صلم ) ك  
حقنی تسلیم ایدنلرک برنجیسی بنایم . مشارالیه بیوک بر ذات ،  
برنبیدر . عزیزم ، اثریکز جاذب وجدیتله نظر تتبع ودقی جلبه  
شایاندر . باقی ....  
ویقتور هوغو

مکتوبلرک اوچنچیلیسی دیکرلرینک اك صوکره  
کلیدر .

اوچ-سنه دن بری صنعت تحریرده شریکم اولان موسیو  
لیتره بکا بو مکتوبی اسلامی صورت سطحیه ده تدقیق  
ومحاکمه زمیننده ( رهوو دولا فیلوزوفی پوزیتوو ) ده  
انتشار ایدن بر مقاله یه جواب شکلمده یازمش ایدی .

پازس ۱۸ مارت سنه ۱۸۷۰

آساس سوقاغی نومرو ۴۴

عزیزم افندم ،

مکتوبکیزی بردقت جدیدیه ایله مطالعه ایتدم . مسئله ده درجه  
کافیه ده علاقه دار ومتخصص اولمیان موسیو غ... نك مقاله سندن

صرف نظر ایده رک سزك ايله آرازمده موضوع بحث اولان نقطه يه ارجاع كلام ايدييورم . مسلماتدن اولديغی وجهله اورتهده نه عرق ، نه ملت نه ده دیانت موضوع بحث دكلدر ، زمین مناقشه یالکز تاریخ و حکمت اجتماعیه ده در . بو نقاط نظردن اسلامیت بیوک برنقصان ايله شائبه دار و بو حال بنم محاکمات اوزرنده بیوک برتأثیر اجرا ایتمکده مدخلداردر . اسلامیت قرون وسطا حیاتندن چیقمه مادی . اونک بو حیاتی شبهه ایدلرکه پک پارلاق ایدی . حتی برخیلی زماندن بری بنیله غربده عربلر طریقله کلن علوم یونانیه یه اطلاع صورتیله ، حصوله کلن تأثیر یی پتی رونه سانس و آنتی رونه سانس نامیله توصیف ایتدم . فقط اسلامیتک بوشعشعه سی بی فائده ایدی ، اسلامیت کندیدنی قرون وسطی حیاتندن چیقما ره حق خطوه یی آتمه قادر دکدی . اقوام اسلامیه نک تشکلات اجتماعیه سنده - کرک عارضی ، کرک ذاتی ، کرک ممزوج اولسون - بر فالح واردرکه اونلری براز صوکره غربت داخل اولدیغی دوره تکامل و ترقی به داخل اولقدن منع ایتشددر . ظن ایتمکه قرآن کریم اسلاملرک ترقیات علمیه سنه فی الحال مانع اولسون . ناصلکه انجیل خرسیتانلری بو ترقیدن منع ایتمه بور . مع هذا ماضیده بوبله ممانعتده بولنش اولدیغی ده سوبله مک ایسته میورم . فقط عالم اسلامک قرون وسطایه عائد اصول و تشکلاتدن تخلص نفس و تعالی ایتسی ایجاب ایدرکن اوزمانده بو کاموفق اوله مدیغنی بالخاصه ذکره شایان بولورم . بو حادثه اجتماعیه نک ایلاذ ایتدیکی مسئله و خیمه یی چوق دوشوندیم و اسباب مولده اوله رق بعض نقاطی بولدیم که ایچنده بولندیم حال اضطراب

مساعده ایدرسه بونلردن ( ردهو ) ده بحث ایدرجکم . سن  
حاضرمدن قطع نظر سفات مرضیه کوندن کونه فنالاشیور وهیج  
برشی یاتمغه موفق اولامبورم . مع مافیه مسئله مهم اولغله برابر  
هنوز غیرمستوردر . باقی ...

أ . لیتره

موسیو لیتره نك اسلامیتك ازمان اخیرده عقامتی  
ایجاب ایتدیکندن بحث ایلدیکی اسباب میاننده - متفکرین  
اسلام ایله هم فکر اولدیغمز وجهله - خط عربی بی ،  
نم کی ، برمانع اساسی ترقی اوله رق تلقی ایدوب ایتدیکنی  
بیله میورم . امادینه جك که :

— مادام که عرب یازیمی ترقیاته مانع اولیور ، اوحالده  
اوندن صرف نظر ایتسینلر . بوکا جواباً دیرم که :

-- بو غیر قابلدر ؛ چونکه کتاب مقدس اسلام اولان  
قرآن کریم خط عربی ایله محرردر .

مع هذا قرآن هر وقت خط حاضر عربی ایله محرر  
دکلدی .

حروف صوتیه دن کاملاً مجرد اولان خط کوفی قرآن  
عظیم الشانك ایلک واسطه نشر ونقلی ایدی . فقط خط  
مذکورده کی فقدان صوائت متن قرآنك قرائتده او قدر  
تبدلات و تحولاته بادی اولیوردی که انک نهایت خلفای

راشدینک دردنجیسی اولان حضرت علینک تلامیذندن  
ابوالاسود عبد علی محاذیر واقعینی رفع ایچون کوفی یازیسنه  
بعض اشارات و حرکات وضعنی تصور ایتدی .

هجرت نبویه نك ۴۱ و ۹۵ نجی سنه لری آراسنده ایسه  
یکی بر تجدد رونمون اولدی : عراق و خراسان و ایسی اولان  
الحجاج خط مذ کوره نقطه لر علاوه ایلدی .

خط عربی شکل حاضری حضرت محمد ( صلم ) دن  
اوج عصر صوکره قرآن عظیم الشانک امر و نشر ایتدیکی  
دین مبینک تحت تأثیرنده ، مدنیت عربیه نك ده ا قیمتدار  
ودها مکمل بر واسطه تحریر کشف ایتدیکی زمانده  
اکتساب ایتشدور .

بو اصلاحاتی اجرا ایدن وزیر ابو علی ابن مغله در  
ویالکیز اوزماندن بریدرکه خط عربی قرآن کریمک انتشارینه  
خدمت ایدیور .

بالاده کی اسباب و تفصیلاته بالاستناد خلیفه اسلام خط  
عربیده صوکره و قطعی بر اصلاح ده ا میدانه کتیره بیلیر  
و بو اصلاحات تفکرات بشریه نك مه اطلوعی اولان  
آسیاده ، آوروپاده صنعت طباعتک کشفندن تحصیل ایدن  
نتایجک عینی حاصل ایدر . قرآن عظیمه ایمان ایدن

انسال ذكیه نك درجه استعدادی اصل او وقت وانحاً  
کوریله جکدر .



کریدم مسئله سی دوره سکونه داخل اولدقدن صوکره،  
کنندیسيله مخبر ددن کری قالمادیغ حسین عونى پاشا حربيه  
نظارتنه تعیین اولندی. مشارالیه اولان محبت و صمیمیت مزك  
درجه سنی لایقیله افهام ایچون شونی سویلیه یم که مشارالیه بنی  
حرمنه قبول و چو جقارینه تقدیم ایتدی . بو مناسبتله  
بین الاسلام رئیس عائلیه معطوف اولان حرمتك درجه سنه  
دقت ایتدم . اهل اسلام نظرنده انتظام اجتماعینك گوشه  
طاشی ، استنادکاهی ایشته بو حرمتدر .

ملاقاتلر من بوتون ایمپراطورلغك قوه مسلحه سنه بر  
قیمت بخش ایده جك، اولان تنسیقات عسکریه مباحثه  
دائر ایدی . بو وسیله دن بالاستفاده عالی پاشایه، تشبثات  
عدیده مه رغماً، اسماع ایده مدیکم بر چوق افکار سیاسیه  
ودینیة اصلاحاتکارانه بنی مشارالیه تلقین ایتدم . عالی پاشا  
بو افکاری اساساً موافق بولیور و فقط جمین اولان طبیعتی  
بونلرک تطبیقنی تهلاکلی کوریوردی .

فکرجه اگر خلیفه اسلامیه استناد ایدر سه قوت  
و قدرتنه هیچ برشی قارشى قویماز . تورکیا و مصر اورویایه

انكشاف طبيعىسنه خادم وسائط علميه ايداع ايتمكه  
اكتفا ايدەجك يردە اونى تقليد ايتمكه محو اولمشلردر .  
بوتلقيناتك حاصل ايتديكى نتايچ تاريخيه براز صوكره  
كوريله جكدز .



بوصرملرده آوستريا ايمپراطورى ، پروسيا پرئسى ،  
ايمپراطوريچه اوژەنى ، سويس قنالك كشادينە قبل العزيمه ،  
استانبوله كلديلر . ايمپراطورلق حقندەكى حسياتمه واقف  
اولديغى ايچون حسين عونى پاشا بكا بر معذبلك اولمق  
اوزره ايمپراطوريچهك حسن وجاذبهسى حقندە فضله  
مدخلرده بولمغه باشلادى . بر كون :

— آرتق لطيفه يتشير ، ديدم ، آچيق سويلەيك :  
بوقادين حقندەكى فكريكز نەدر ؟

او وقت پاشا ايمپراطوريچه حقندەكى حسياتى ، بوراده  
ذكر ايتىكى بى فائده عدايتديكم ، بر تك كلمه ايله افاده  
ايتدى .

ايمپراطوريچهك راكب اولديغى « نەغل » ياطى اوزاقدن  
كورونجه حكومت نامنه ايفاي تەكريمات ايچون سفينهيه  
كيدن مأمورين رسميه مخاطب اوله رق عصبيتنه مغلوب ، كوز  
ياشلىرينه مستغرق بر قاديندن باشقه بر كيمسه يه مصادف



اولماديلر اوت ايمپراطور بچه آغلايوردى، چونكه رفاقتندهكى  
قادينلردن برى راحتىز لاشمىدى !

اوچ سنه سوكره مصره كيتديكم وقت ايمپراطور بچه نك  
دوه و مركبلرله اجرايتديكى تنزهلر آلآن مدار بحث  
ومقال اولمقده ايدى .

هليو پوليس معركهسى جوارندهكى شجره مريمى زيارته  
كيتديكى وقت مشارالياهو يولك آرابه ايشله مدين نقطه سنده  
ينك مركبلرى انتظار ايديوردى .

زيارتك ختامندن سوكره خديو اسماعيل پاشانك مشارالياهو  
آرابه يه بينمىنى تكليف ايتمىنه رغماً ايمپراطور بچه بيوك  
اونيفورمديرى لابساً كان افرده عيتنى پيشنده سوروكله يهرك  
قاهره يولنى طوتدى . .

خديوك، برديشى مركبه راكباً اوكدن كيدن، مخاديمندن  
برى يولده والده سنه مصادف اولنجه آنهسى :  
— اوغلم ، بو حالكدن اوتانمىورميسك ؛ ديدىكى  
وقت چوجق :

— آنه بنم حالم برشى دكل ، براز سوكره بنم كى  
دها بر چوق مركب سوارانه تصادف ايده جكسك ! . .  
جوانى ويرمش ايدى .

مون مورانسيار ، روبنسونلر كى اتلرله سيرانلر

یایمغه ، شوکت و سلطنتک آلایش دلفریبی سیرایتمکه  
آلشمنش شرقلینر اوزرنده بویله مرکبه بینمک صورتیله  
واقع اولان نمایشک حاصل ایده جکی تأثیراتی آرتق تصور  
ایدیکز .

ایمپراطوریچه نك مصر علیایی هنکام زیارتنده معیتی  
افرادینک سربستی لسان و عریانی قیافتنه قارشى التزام  
ایتدیکی مسامحه اینانیلماز رزالتمارک تکیوننه باعث اولمشدر .  
بونلرک ایچنده یالکز جنرال فهلکس دوته — که ایمپراطور  
مشارالهی ایمپراطوریچه یه بر ناصح اوله رق ترفیق ایتمش  
ایدی — بر نیک نام براقشدر .

بروسیا پرئسی اقامتکاهمک تام قارشیسمنده بولنان آلمان  
مکتبئی زیارته کلش ایدی .

لابس اولدینی البسه نك بساطت فوق العاده سنه رغماً  
را کب اولدینی حیوانده وقع و حیثیتئی وقایه ایدیورایدی .  
نجره لر آچیق اولدینی ایچون مکتبهنده قالدینی بر ساعت  
مدتجه کندیسینی ، افعال و حرکاتی کمال راحت و آسودکی  
تدقیق ایتدم .

شاگردانه ، سالونده بعض سؤالر صورتدن سوکرده ،  
آچیق هواده باسه تونلرله ژیمناستیک و عسکری تعلیملری  
یاپدیردی و ایچارندن وضعیتلری قصورلی اولانلاری تصحیح

و بعضیاری خیده یناقلرینه خفیف ضربه جکلا اوردورق تلطیف  
و نوازشنه غرق ایتدی . مکتبدن انفکا کمدن اول طلبه  
وطن شریقلری تغنی ایتدی و مشار الیهده حیواننه راکب  
اولمازدن اول معلمک الینی صیقهده .

شبهه ایتیموردیم که بو حلیم و نازک پرنس آرددن برسنه  
چکمه دن ایکی عصر دن بری مسقط رأسمی فرانسه یه باغلایان  
وابطه یی قیرمغه خادم بر آلت اوله جقهده .



مع مافیه پره و وست پارادولک دیدیکی کبی بنده بر  
حادثه نك غیر قابل اجتناب اولدیغنه قائل ایدم و بونک ایچون  
ایدی که بوتون مخبر اتمده بوتهدکیلی وهم وقناعتمه قارشی  
عائله و احبامک اسباب محافظه سنی تهیه ده قصور ایتیموردیم .  
بارون سایارد « اتمپراطورلغک کونلری صایایمدر »  
دیه یازدیغم کبی پدرمه ده « شاید محاربه باشلارسه بز محو  
اولدق » دییوردیم . وطنی خارچنده اعمی اولانلر بیله  
آتی بین اولیور .

منظورم اولان احوال و وثائق اضطرار باتمی کوندن  
کونه تزید ایدیوردی . بو حاللر پارسده و آلاسده  
چکیرمک اوزره اوچ آی مدتله مأذونیت طلب ایتهمی  
موجب اولان اسبابک برینی تشکیل ایتمشدر .

یالکیز نفسنی دوشونمه نك ، قارشيسندەكى قوتله مقايسه  
نفس ايتمه مه نك نه بيوك بر خطا اولديغى او وقت ادراك  
ايدلميوردى . برحالت استغراقده ياشايان هند فقيرلىرى كې  
حكومت و مطبوعات عادتاً بر هذيان و خرافات عالمنده  
ياشايوردى . هر كسك و هاله اردونك غفلتى اودرجهده  
ايدى كه هر آغزده موسيو ژيراردەنك نه قدر بالا پروازانه  
اولديغى بالاخره تحقق ايدن : « بز پروسياليلرى تفنك  
ديچكاريله اولايه جغز ! » هرزه سى دولاشيور ايدى .  
درين بر ياسله و مونيخ ، ويانه ، پشته ، بلغراد ،  
وارنه طريقيه استانبوله عودت ايتدم . هر طرفده عيني  
صدا دويوليوردى : « محاربه بك ياقلاشدى ، فرانسه آرتق  
صوك مغلوبيتك آجيسنى دوياجقدر ! » . هله بدبين  
اولانلر فرانسه شوكت عسكريه سنك ، بر كاغد قولە سى كې ،  
قولايجه - قوط ايدە جكنه قانع ايدى .



سويس قنالنك كشادى شرقه ، پرنسلردن باشقه ،  
بر چوق ذى شهرت ارباب قلم و صنعتى ده جلب ايتدى .  
بوزيار تجيلرك هييسى ده خديو اسماعيل پاشا طرفندن  
شاهانه اعزاز ايدلى . عزيمت و عودت واپور  
نوللرينك تسويه ايدليكندن و مصرده مجانا جولان

ایتدیرلملرندن قطع نظر یالکیز اوتل مصرفی آدم باشنه  
اللی فرانخی تجاوز ایتدی .

بو مسافرلرک بر چوغی سیاحتلرندن « سپارش ! »  
صورتیه اله کچیردکاری پک چوق هدایا ایله عودت  
ایتدیلر . مثلاً فلان رومانجی یازدیغی بر جلد هدیانه  
ایچون اوتوز بیک فرانق چکدی .

دیگر بر طاقلری ده چاشیرلرینک ییقامه اجرتی  
کندیلرندن طلب اولننججه باغروب چاغیرمقدن حیا  
ایتمدیلر . اسکاتلری ایچون بالطبع بومصارفکده تسویه سنه  
مجبوریت تولد ایتدی . ایشه بونلر میاننده بولنش اولان  
عجیب برقادینک استانبوله کلیشی ده بواننده وقوع بولمشدر .  
سرگذشت حیاتی عقل ایله عشقک تألیف ناپذیر  
ایکی دشمن اولدیغنی اثبات ایدن بو ادیبه بی فیلوزوف  
قوزدن و آفرهد دوموسه ایله مناسباتی ، اوزرنده  
« مادام س . . . طرفندن صرتمه یرلشدیرلمشدر » عبارده سی  
محکوک بر مطبخ بیچاغی طاشیان آلفونس قارله واقع  
منازعاتی و « Elle » و « Lui » « Elle et lui » عنوانلی  
اوچ اثری ایله طاشیان هیچ کیمسه یوقدر .

منزوره استانبوله کلیرکلز معذب احبامدن بری اوئی  
بکا تسلط ایتدی .

اوتنجى موز عنوانيله ياد ايديلوب عنفوان شـبابـنده  
 بوتون کائناتى مجبور پرستش ايدن بر حسن و آنه مالک  
 اولش بولمغله افتخار ايله ين بوقادين اوزمان آلتش ايکي  
 ياشنده ايدى . برارککه بکزه ين چهره سى بيوک قاتهرينى ،  
 قياقتى ده تو آلت لوازمى صاتان قادينلرى خاطره کتير ييوردي .  
 معنوياتى ايسه پک فنا ايدى .

بوقادين بنى نه قدر بيزار ايتشدرد !

اخلاق وعادات شرقيه ين تتبع وسيله سيله کنديسنى  
 بر ارمنى عائله سى مياننه ادخال ايتمه مى رجا ايتدى . فقط  
 توسط ايتديکم عائله مياننه يرلشير يرلشمز او قدر مطالب  
 و احتياجات اظهار ايتدى که اک صوکره مرام آکلاتيله ميه رق  
 خانه يى کنديسنه براقديلر ، چيقديلر .

مکرر رجا و ابراملرى اوزرينه کنديسنى ايران سفيرينه  
 تقديم ايتديکم زمان کويا اوشودىکي بهانه سيله مشار اليهدن  
 اک اول برشال ، صوکره بوغاز ايچنده تنزه ايچون برقايق  
 ايسته دى . فقط طابى او قدر ايني بر صورتده درميان  
 ايتدى که سفير رد ايده ميه رک کنديسى ايچون بر باشقه سنى  
 تدارک مجبور اولدى .

برکون مطلقا على پاشا ايله کوروشمکي ذهننه يرلشديرمش  
 ايدى . بو آرزوسنک حصوله کله مه مه سى ايچون بوتون

اجتناب طریقہ بری بر تجربہ ایتدکن صوکره اک  
ہایت صدر اعظمہ بیان کیفیتہ مجبور اولدم و :

— بوقادین بش پاره سزدر . لطفاً کندیسنی حسن  
قبول وبر مقدار پاره احسان بیوریکز ، دیدم .

تورکار عالیجنابدلر . عالی پاشا مادام « . . . س » نہ  
ویرمک اوزره بکا ایکی بیک فرائق تودیع ایتدی .  
مزبورہ بو پاره ایله — چوق شکر — فرانسیہ عودت  
ومحاربہ نک بدایتندہ وفات ایتدی .

۱۸۷۰ حزیراننک بشنجی بازار کونی بر چوق  
مسکون ، منحط محملرک ایلریسندہ بر تپہدہ کی خانہلرک  
برندہ کوزمک اوکندہ یانغین ظہور ایتدی . بر فورطنہ  
شدتیہ اسن قرہ دکر روزکاری منحط موقعلرہ بر  
قیغلجم وزیفوس یاغموری یاغدیرہرق یانغینی توسیع  
ایتدی . براز صوکرہ علو سیلاری بک ارغلنہ هجومہ  
باشلادی .

اک یوکسکدہ کی پنجرہ مدن بر چوق بیچارہلرک اشیلرینی  
یوکلنہرک تعریفی غیر قابل بر شاشقینقلہ شورایہ بورایہ  
قوشوشدقئرینی کورییوردم . بک آز بر زمان ایچندہ  
بیچارہلرک اطرافنی آتش صاردی و — آہ زوالیلر ! —  
قلی داغدار اندن فریادلر آراسندہ کاملاً محو و کمنام اولدیلر .



ایکنجی بر اشتعال بوتون مساعی بی عقیم براقدی .  
آقشام اوزری ساعت اون بره قدر نهرونک رومیانی  
یاقدیغنی اخطار ایدن شو فلاکتک باعث اولدیغی دهشت  
وهیجان ایچنده خانه مک تراچه سنده قالمشدم .

بردن بره هوایی طوتوشدیران بر قیغلجم بولوطی  
اقامتکاهمک آرقه طرفنه ، حریق زده لرك یاغیندن قورتارده رق  
بیغمش اولدقلری اشیا اوزرینه ، بر حرکت دوریه اجرا  
ایده لرك ، چوکدی .

در حال خدمتکارلر مه قاجلرینی تنبیه ایتمکه برابر  
کندم ده اوراقی واک قیمتدار اشیای یوکلنه لرك غلطه ده  
بر اوتله قاچدم وکیجه بی اوراده کچیردم .

شفقه برابر میدان حریره کلدیکم زمان فلاکت نهایت پذیر  
اولمق اوزره ایدی . طلومبه جیلر غلطه سرای مکتب  
سلطانینسی ، اطرافده کی اما کنی هدم ایده لرك ، قورتارده .  
بیلمشلردی . عینی صورتده وقوع بولان هدمیات بک  
اوغلنک بر ثلثی محافظه وتخلیص ایتمش ایدی .

آتشک تمامیه انطفایذیر اولمسی برچوق کون مرورینه  
توقف ایتدی . حریق بیوک بر بانچه ایله محاط اولان  
انکلتره سفارتخانه سی ده داخل اولمق اوزره بش بیک  
خانه بی خاک ایله یکسان ایتدی . قاصه لرده کی تقود واسهام

آریمش ، یاخود یانوب کول اولمش ایدی .

یانانلرک مقرداری آکلاش-یله مادی . بر چوق عائله  
افرادى محزنلر ایچنده هواسزلقدن بوغوله رق محو  
اولدیلر . هنوز یا تمقده اولان انقاض اجساد محترقه یی  
مومیا حالنده ستر ایتمش ایدی .

انتظارم خلافتده اوله رق اقامت ایتمش اولدیغم خانهدی  
دیگر بر قاچ خانه ایله برابر بر جزیره جک تشکیل ایتمش  
بر حالده غیر محترق بولدم .

تام قارشیلرنده بولمان کارگیر پروتستان کلیسای  
و آلمان مکتبی بوخانه جکلری آفتدن محافظه ایتمش ایدی .  
انسان بر مجموعه تضاددر . باشقه بر فلاکت بنی متأثر  
ایتمدی . فقط بو منظره قارشیسینده سیغارم دوداقلر مدن  
قایوب دوشدی و کوزلرم یاشله دولدی .

بك اوغلی یاغینی فرانسه سفیرینک کری یه چاغیرلمسنى  
ایجاب ایتدی . چونکه رفقای مساعیسی آراسنده یالکز  
سفیر مشارالیه محل حریق کیتمکدن امتناع ایتمش ایدی .  
یرینه موسیو کهرونیه ر تعیین ایدلدى . مومی الیهک استانبوله  
ورودندن بر قاچ کون سوکرده هوهنزلارن حادثه سی  
باطلادی .

## حرب

— خارجدن بر نظر —

تلغراف بو حوادثی اخبار ایدنجه در حال نزد صدر اعظمک  
یاننه کیتدم . مشارالیه بنی کورونجه دیدی که :

— غرامون اعلان حربنه نه دیر سیمکر ؟

— بو حرب ، دیدم ، ایمپراطور لنگ رسم تدفینی  
اعلان ایدن بر حادثه خاتمه دیمکدر . فقط الله ویرده  
فرانسه نك خاتمه حیاتی اولماسه !

بالالزام دعوت ایدیلن فلاکتلر کندیلکندن کلن  
فلاکتلردن آز ظالم دکلدر . او زمانکی احواله نظراً حرب  
غیر قابل اجتماع ایدی . فرانسه پولتیقه سنی سوق و اداره  
ایدن حرارتلی کنجیلر بیسمارق کبی بر صیادک دام احتیالنه  
دوشمکدن قور توله میورلردی . دوق دو غرامون « بیسمارق  
آوروپانک اک بیاغی بر آدمیدر » دیمه مشمی ایدی ؟

غرامون خارجیه نظارتہ مأموراً آوستریا سفارتندن  
مفارقت ایدرکن اخذ ناز ایچون یمین ایتمش و فقط انتخاب  
ایتدیکی طریق فنا حاضر لامشدی .

ویانه دن کچدیکم صرہ لرده مومی الیهک خفت اخلاقیه  
ولاقیدی لسانسیله دعوت ایتدیکی بیوک خصوصت لردن بحث  
ایدیلوردی .

عالی پاشا سکونت معتاده سنی محافظه ایتمکله برابر  
اندیشه لر مه اشتراک ایتدی .

بر آز صوکره میرکونده کی یالینسند زیارتہ کیتدیکم  
خدو اسماعیل پاشا کندیسنه ، آراق هیج بر مقدمه یه  
لزوم کورمیه رک ، همان یاطنه رکوب ایله مصره عودت  
ایتمی لزومنی تبلیغ ایتدیکم زمان پک زیاده اظهار تعجب  
ایتدی . مشار الیهی حال و موقعک وخامتنه اقناع ایتک  
ایچون او وقته قدر بدین کورونمکدن احترازاً کیمسه یه  
سویله مدیکم برچوق دلائل و براهینی ایضاحه مجبور اولدم .  
ایمپراطورلغک مکسیقا سوقیاتنک استلزام ایتدیکی  
مصارف عظیمه سببیلہ بو حربده پک زیاده صیقیشمش  
اولدیغنه حتی بوکون بیلہ پک آز کیمسه لر واقف دولر .  
موسیو روشه نک کرسی خطابتده کی اعترافنه کوره  
سوقیات مذکوره اوچ یوز الی میلونه بالغ اولیوردی .

موسیو بهرری به بومصارفی بش یوز اللی ، موسیو تی بهر  
ایسه آلتی یوز اللی میلیون تخمین ایدیورلردی .

۱۸۶۷ سنه سی شباطنده بومسئله حقمده موسیو  
سایار ایله کوروشورکن دیمشدم که :

— بوذواتک حسابلرینه شاشارم . بن کندی حسابمه  
دیه بیلیرم که مکسیقا وقوعاتی بزه بر ملیاردن فضله به مال  
اولمشدر .

— حایر ؛ — دیدی — بومصارف کانون ناینک برنده  
طقوز یوز یکر می میلیوندن عبارت ایدی ؛ فقط فیلسوق  
وترسانه لر موجودینک صرف ایدلدیکنی ده حساب به قاتار سه کز  
ادعا کز طوغنیدر .

بویله صلاحیتدار بر منبعدن استحصال ایدیلن معلومات  
ناقابل نسیاندر . بن ذاتاً نظریات سیاسیه می بوکی معلومات  
موثوقیه بنا ایتمکی اعتیاد ایتمشدم . مکسیقا ایچون  
مصروف اولان طقوز یوز یکر می میلیونلق حساب حقیقی  
ایله موسیو روشه نک اعتراف ایتدیکی اوچ یوز اللی میلیون  
آراسنده بش یوز یتمش میلیونلق بر فرق و تفاوت واردر .  
بودرجه اهمیتده بولنان بر آچیق هیچ بر وقت بر نظارتک  
تخصیصاتی دیکرینه نقل ایتمکه قیادتیر یله ماز .

بوحالک بداهتی حربک تحولات ماده سنی وماره شال

نیله طرفندن اجرا ایدلمش اولان غاردموبیل تشکیلاتی  
جدی تلقی ایتمکدن بی منع ایتدی . بومقصد ایچون صرفنه  
مأذونیت ویریلن پاره مکسیقا کردانی انظار تدقیقندن  
کیزله مکدن باشقه برشیئه خادم اوله مازدی . حتی بوضرورت ده  
کفایت ایتزدی . برباد وفساد آلود بر محیطدن قورتولمق  
ایچون یالکیز برچاره یعنی حرب واردی . آچینی صرفیات  
فوق العاده آراسنده بوغه بيله جک اولان عامل یالکیز  
حرب اوله بیلیردی .

حربدن اول قومون اداره سی ایمپراطورلغک  
مصالحنی مالیه نظارتی ، دیوان محاسباتی یا قهرق ؛ مکسیقا  
فلاکتک الک باشلی مسببی ، شیوعی اصول اداره  
ساقطه نک احیاسی تشبثاتی امکانشز برحاله کتیرن وثائقک  
متصرفی اسویچره لی بانکر ژه کهری قورشونه دیزدیره رک  
رؤیت ایتدی ..!

« جان اودرکه جنایتندن متفع اولور » . آرادن  
یکرمی سنه کچدکدن صوکره وجدان عمومی وعدل  
تاریخی قومونک ارتکاب ایتدیکی خطای عظیمی دوش  
تحملنه آله حق کیمسه حقنده تحقیقات اجرا سی طلب ایدیور .  
خدیو اسماعیل پاشا اوچنجی ناپولیونک موفقیتنه قانع  
ایدی . اونک سیاستی بو اعتماد و اعتقاده کوره تعین

ایدردی . کوستردیکم دلائل و براهین اونک بواعتقدینی  
 قطعاً صارصادی . مع مافیه هان او اقشام مصره عودت  
 ایتکی قاعده حزم و احتیاطه موافق بولدی .

..

وقایع بربرینی ولی و تعقیب ایتدی ودها ایلک  
 طوپده ایمپراطورلغ اردوسی مضمحل اولدی . بو حال  
 کرک فرانسه کرک ممالک اجنبیهده اقامت ایدن فرانسزلر  
 ایچون درین بر فلاکت آچمشدر .

تاغرافلرک موجز و منقح افاده لری قدر آجی هیج برشی  
 یوقدر دیه بیلیرم . فناخبرلر بویله مختصر تلغرافلرله قلبه عادت  
 بر حنچر کبی صاپلانیر . بلا انقطاع آیلرجه دوام و تجدید  
 ایدن بوعواقب مؤسسه، هله دشمنک مسرت غالبانه واجانبک  
 خنده استهزا کارانه سیله مترافق اولورسه، دهها زیاده شهید  
 اوله رق حس ایدیلیر .

« وایسه مبورغ » و « وهرت » فلاکتلری عینی  
 زمانده ، صماخ تأثره عکس ایتدی .

اوکون « قورییه دوریان » غزته سی مدیریله خلیجه  
 ناظر عمومی بر باغچهده او طور ییوردم . اجناس مختلفه یه  
 منسوب عظیم بر غلبه لک باغچه یی دولدرمش و هرکس  
 اوکونکی ثقیل هوانک اقشامنی تلطیف ایدن سرینلک ایچنده



ویش انظارده آچیلان منظره لطیفه اوکنده اکنمکنده  
بولمش ایدی .

بردن بره بر حریف کذرکاهنده کی ماصه و صندالیه لری  
ده ویره رک و النده کی تلغرافی صالایه رق نفس نفس  
قوشدی ، کلدی . بو تلغراف قرال کیومک قرالیچه  
اوغوستایه چکدیکی ایلمک تلغراف ایدی .  
آلمانیا اردوسنک مظفریت عظیمه سی ! . . .

بوندايه آلمانلرک بر شدت مجنونانه ایله یوکسلن  
«هوررا! لریله کاملاً آياقلانان باغچه خلغنک» براوو! . . . لری  
قاریشور و اتلاف ایدیلن عسکرلر مزک ، اسیر ایدیلن  
سینجاقلر مزک مقداری تعداد اولندجه آلقیشلر تضاعف  
ایدیوردی . فرانسه نك شرقده کی عصر دیده نفوذنی  
محو ایتک ایچون ایشته بویله بر دقیقه کافی گلش ایدی .  
رفیقم و بن باغچه دن ، آياقلر مز دولاشه رق و تأثر دن  
بوغوله رق ، بر کله بیله تفوهنه قدرتیاب اوله مقسزین  
حیققدق .

روسیا، تفوق و رجحان سیاسی و عسکر یسندن ماعدا  
افکار عمومیه نك لسان و ترجمانی اولان باشلیجه غزته لرک  
کندیسنه اشتراکنی ، حتی دها پک چوق زمان اول ،  
تأمین ایتش ایدی . ۱۸۷۰ سنه سی ظرفنده ، فرانسه

مطبوعاتی ده داخل اولمق اوزره ، موسیو دوبسمارق طرفدن غزته لره ویریلن تخصیصاتک اوتوز میلیون قرائندن فضله اولدیغنه وئائق رسمیه شاهددر . برحربک اوائلنده مظفریت مادیه دن ده ا قیمتدار اولان بویله بر غلبه معنویه نی تأمین ایتک ایچون بو قدر مصرف اختیاری البته شایان استککار دکدر .

تأثره سزادرکه هر یکی حربک بدایتنده بو حال واقع اولمقده و حقیقی براتهامات خائنانه شبکه سی در حال فرانسه اوزرینه یاییلمقده در . ایسترسه فرانسه نک بیک دفعه حق اولسون ، اونی هر کس مطلقا حقسنز کوریور . حتی مطبوعاتک حریت مطلقه سی زمان صلحده بیله اجانب و خونه ایچون مملکتک هتک ناموسنه و وطنداش لر آراسنده ایقاظ فتنه و فسادده خدمت ایدیور .

« بونه تی » نک شوفره سی مطالعه و تأمل اولسون :  
 « سارد و سیروس بلده لرینی ضبط و تسخیر ایتدکن  
 « صوکره او قدر کوزل اولان بو شهرلری نهب و غارت  
 « واهالسنی قتل ایتک و فقط اورالرده دائماً سلاح بدست  
 « مدافعه قالمق ایسته میه رک ، محافظه لرندن امین اولمق  
 « ایچون ، اورالرده میخانه لر تأسیس و عمومی تنزه لر ،  
 « اکلنجه لر ترتیب ایتمکله برابر بونلردن خلقک استفاده

« ایتمی ایچونده بر امر نامه نشر ایتدی . بوصول  
 « تحفظدن اوقدر ای نتیجه لراقتطاف ایتدی که بواجراآندن  
 « صوکره لیدیالیر قارشی حتی بر دفعه اولسون سل سیف  
 « ایتک مجبوری تولد ایتدی . . . . »

هر نه صورتله اولورسه اولسون فرانسه نك كسر  
 نفوذ واعتبارینه ، افسادینه چالیشانلر ، آنارشيستلر کبی ،  
 شبهه لی کورولمیدر . چونکه بر شیتک ممکن اولمی واونک  
 یایلمسند برینک استفاده سی بولمی کافیدر .

استانبولده انتشار ایدن غزتله لرك ده قسم اعظمی بومؤسف  
 حالله اشتراك ایدیور وفرانسه یی صورت محقرانده فصل  
 ومذمت و آلمانیایده ایفای حرمت ایدیورلردی . بونلرك  
 نشریاتی وقایع وحادثات ایله مبسوطاً یوکسلیدی . نهایت  
 بونشریاته مقابله ایچون « قورییه دوریان » و « لهوان  
 تایمس » — چونکه « لاتورکی » غزتیه سی پروسیایه قارشی  
 احترامکار بر وضعیت آلمش ایدی — غزتله یینه یازمغه  
 باشلادم . شئون یومیه هر کون ایچون مناقشات قلمیه یی دعوت  
 ایده جك وسیله لر ایجاد ایدیوردی .

وطنك محافظه شان وشرقی نامنه بوغزتله له یاپ یالاکز  
 مجاهده یه قیامه ، یار واغیار ، هرکس حق ویریوردی .  
 — کچن سنه لو ندرده بولندیغ ائنادده تظاهرایتدیکی وجهله —

سەدان مغلوبیتەدن اول نشر ایتدیکم « تنقید عسکری »  
 عنوانلی مقاله‌م الآن اونوتیلما مشدر . بومقاله‌نک بعض  
 فقره‌لرینی بروجە زیر نقل ایدیورم :

« میچ شهرینی قورتارمق ایچون مارە شالماق - ماھونک  
 « آردەنە دوغری یورودیکنی عظیم بر بہت و حیرتہ  
 « خبر آلیورز . بوحرکت - آچیقجہ سویلہ یہلم - قوردک  
 « آغزینہ آتیلماقدن باشقہ برمعنا ایلہ ترجمہ ایدیله مز ...  
 « بوحرکتہ کورہ ماق - ماھون اردوسنک برازصوکرہ  
 « کاملاً محو وھلاک اولدیغنی یاخود بی طرف مملکتلرہ  
 « چکیلدیکنی ایشیدیرسەك اصلاً متعجب اولما ملی یز .  
 « مشار الہک دوچار اولہجنی عواقبک اک خفیفی  
 « مواقع مستحکمہ یہ پوسکور دلمک و « بازەن » ک عاقبتہ  
 « یعنی فلج آنی یہ ووقت مرھونی کلنجہ تسلیم اولمغہ مجبور  
 « قالمق اولہجقدر .

« ماق - ماھون دشمنی جلب ایتک ایچون پارسہ  
 « رجعت ایتسہ وقوتنی جنوب شرقی شومن دوفری  
 « استقامتہ نقل وایصال ایلسہ یدی بوحرکتنی آکلاردق ...  
 « لانغر وبلغور آرالرنده بولنہ حق بر اردو ،  
 « آرقہ سەندہ ، ارزاق ومہماتنی تدارک وقوتنی تجدید  
 « ایدہجک بوتون برفرانسہ بولور . حال بوکە شمالہ بولنان

« بر اردو — قپانه طوتولمش بر فاره کبی — خط رجعتی  
« کسپله رک دشمن ایله حدود آراسنده قالمش دیمکدر... »

لهوان — تایمس ۲ ایلول سنه ۱۸۷۰

سهدان مغلوبیت واسارتی حوادی استانبوله آنجق  
۴ ایلولده واصل اولدی .

• • \*

هر شیئه منتظر بولندیغمه رغماً « سهدان » فلاکته  
اینانه مادم . « یوز یکرمی بیک کشیک بر اردو مجبور  
استیمان اولسون : اصلا ! اصلا ! ممکن دکل ! »  
دیوردم .

عسکر دقوماندا ایدنلرک والدهلری، زوجه و همشیره لری  
واردد ؛ بونلر ، عرب قادینلری کبی ، اونلرک یوزلرینه  
توکوردجک و « قاچاقلر ، کوپکلر ، کوپک اوغللری ! »  
دیه باغیره جقلردر قناعتده بولنورکن بوفلاکت ایریشدی .  
بو حقیقت واضحه قارشیسنده — ایسترسه کز سنز  
کولیکز ! — قریم اردوسنک بو اختیار دراغونی ، بن ،  
بر کوچک چوجق کبی هونکور هونکور آغلادم .

میدان محاربه لرینک عاقبتی قرال ژانک « پو آتیه » ،  
برنجی فرانسونانک « پاوی » محاربه لرنده دوچار اولدینی

عواقب دن یعنی هزیمت و اسارتدن عبارتدر . ناپولیونك دیدیکی کی « کوکس کوکسه محاربهیه و دیچك آلتنه دوشنلر آنجق » ناموسدن باشقه شرشی محو اولدی « دیه بیلیرلر » .  
 عالی پاشادن ایشیتدم که سلطان عبدالعزیز اوچنچی ناپولیونك اسارتنه اینانه مامشدر . فقط بو خبر تأید ایدنجه منسوب اولدیغی عنصر محاربك بوتون غیظ و غلطی ، خاندانی آراسنده آلدیغی نزاهت تربیویه رغماً ، کوپورمش و کندیسنی بویله جبین بر آدمك زیارتنه تشویق و ترغیب ایدنلره توجیه غضب ایله مشدر .

خاقان مشارالیه ، ناپولیونك اسارتنه قانع اولدقدن صوکره ، اکثریا شاعر فارس ابو صالحك : « براق ، قانك طور اقلره آقسین ! امین اول که بو حال ناموس و شرفكك سقوطنه مرجحدر ! » مآلنده کی بیتنی ایراد ایدوب دور مشدر .

میج اسارتی بنی اوقدر اعجاب ایتدی . بوتون مزیت و ماهیتنی مکسیقاده میدانه چیقارمش اولان « بازدن » ی « قازوبر » ه ترجیحاً باش قوماندانغه ارتقا ایتدیرمك اساساً بر جنت ایدی . « قازوبر » وظیفه سنی ایفا ایدر ایدی . فقط بازدنك خالق و ذکاسنك فوقنده بر اقبالجوالکی ، براحتراضی واردی .

بازدن ماقسیمیلیانك تختنه ، مكسیقا حكمدارلغنه كوز  
 ديككدن فقط سقوطامله اوغراقدن صوكره فرانسه نك  
 مقدراتنه حاكم اولمغی تخیل ایدرك . ماقبت كبی ، هیچ  
 كیمسه نك كری كمدیكى مشئوم بریوله سلوك ایتدی .

پارسك مدافعه سنه كلنجه : بووظیفه یی انتظام عسكریدن  
 زیاده آیین مذهبی یی اداره یه صالح بر جزاله تودیع ایده جك  
 یرده شدیدالبطش بر ملازمه بر افاق دها ایی اولوردی .

« محصور بر موقع ضبط و تسخیر ایدلمش دیمكدر »  
 قاعده سی ؛ تسخیری مشكل و متحول استحكاملر آرقه سنده  
 بش ایلای مؤمن ارزاقیله برابر — مضطربانه یاشامغندكل ،  
 اولمكه خواهشكر — درت یوز بیك كیشی یی تسلیحه مقتدر  
 اولان ایکی میلیون نفوسلی بر شهره قابل تطبیق دكلدر .

پارسك اویله بر حرب میدانی واردركه اوراده نه بر  
 قارغشلق ، نه ده بر هزیمت مغلوبیتی توخیم ایدمه یه جکی كبی اك  
 كوچك بر مظفریت ده طالع حربی تبدیل ایده بیلیر . حقیقی  
 وجدی بر قوماندان ، دها حربك ایلک كونلرندن اعتباراً  
 یكرمی بش فرسخلق بر محیطك كاه بر كاه ديكرك نقطه سنده  
 خاکی حربه آیشدیردق و غلبه لکی انتظامه قویه رق  
 دشمنی یورمق ایچون بو وضعیت ارضیه دن استفاده  
 ایده بیلیردی .



هیچ براردو کندیسنه نه وقت ، علی الخصوص کیجه لین  
 وقیشین ، هجوم ایدیلوب ایدلمیه جکئی کسیدیره مدیکی  
 مشکوکیت زمانلرنده علی الدوام سلاح بدست قالدماز .  
 هله قارشیدنده کی قوت استحکام و - سواستوپولده  
 اولدینی کبی - لغم حفری کبی عملیات ایله اشتغال ایدیورسه  
 نه انشا ایتدیکي مانعهلر ، نه ده طوپراق طابیه لر اونک  
 خواب و حضوری تأمین ایده مز .

اگر پارس ، تحریکات بی فائده ایله برچوق آیلر غائب  
 ایده جک برده ، بوصورتله حرب ایتسه و طشره یی کندیسنه  
 جلب وقوه معاونه یی تقویه ایلسه یدی دشمن ایکی آتش  
 آراسنده قالمق زحمتنه قاتلانهماز محاصره نک رفعنه  
 قدر بکله ته مزدی .

بن تورك امرای عسکریه سی ایله و علی الخصوص مجیم  
 اولان حربیه ناظری ، آرنالوقده قتلندن اول ، ۱۸۷۷  
 سنه سنده ، روسیه یه قارشی براردوی اداره ایتمش و فقط  
 « نانت » امرنامه سیله عزل اولنه رق بالآخره تورکیایه  
 کلش بفرانسز عائله سنه منسوب اولان محمد علی پاشا ایله هم  
 فکر اوله رق احوالی ایشته بوصورتله محاکمه ایدیوردم .  
 هومر : « الائی علامت وطن ایچون مجادله دز » دیر .  
 تاریخ دییه جکدرکه : پارس والیسی وظیفه عسکریه سی

ایفا ایده جک یرده ناطقه پردازلق ایتدی، کلیسالرک چانلرینی  
چالدردی و خلقی استغفاره دعوت ایتدی.

حال بوکه تاریخ سعی و غیرتک دائما مشیمه موفقیت  
اولدیغنی اثبات ایچون پارسک تسلیمنه منتظر دکلدی.  
او بوقاعده بی برچوق امثال ماضیه ایله تأیید ایتمشدر.



ولایاتده « غالیس - بیزوآن » و « قره میو » نکت تحت  
ریاستلرنده تشکل ایتمش اولان مدافعه ملیه اداره سی ده  
انظار اجانبده شایان ترحم کورولدی. قره میو موقع  
اقتداره کچنجه حدودلر مزده قانلرینی ایشار ایدن عربلرک  
ضررینه اوله رق جزائر مذهبداشلرینی وطنداش اعلان  
ایتدی. فقط بو تدبیر درحال ۱۸۷۱ عصیانی انتاج  
ایتدی.

مسلمانلره هنداسافل ناس معامله سی ایفاسنده اصرار  
ایدلکجه بو عصیانک صوکنجی اولمدیغنی تسلیم ایدلملیدر.  
غامبه تتانک بالوندن اینجه ایراد ایتدیکی آتشین  
بیانات یالکز سوزدن عبارت قالدی. حال بوکه « اوردهل  
دوبالادین »، « شانزی »، « فهدهرب » او اقوالی طوپ  
قوتیاه تقویه و تأیید ایتدکلرندن اجنبی بوکا عطف دقت  
ایتدی وبالطبع جبهه لئز مزده اعتمادله لر پارلامغه باشلادی.

غامبه تتانك مزیتی وطندن اصلا نومید اولماسیدر .  
 فرانسه اولمش ، محو اولمش ظن ایدیلیوردی :  
 غامبه تتا اونی تهییج ایدرک حرمت عامه یه مظهر ایتدی .  
 شمدی فلاکت نهائیله کلیور ، فقط بوده غیر قابل تداوی  
 اولمیه جقدر . یالکز شرف قالمادی . اوشرف که عدم موجودیتی  
 حالنده هییج بر ملت سقوط ایتدیکی موقعدن قالقوبده  
 قامت نما اولاماز .

مدافعه ملیه نك « ده موسته ن » ی اولان غامبه تتا نامنه  
 بك ابی بر اثر اولمق اوزره بر آبدی رکز ایدلدی ، فقط  
 اونك اطرافنه کندیسنه معاونت ایدن رؤسای حربی ده  
 طوپلامق و بزه آلازاس — لورده نی اعاده ایددجك اولانه  
 عائد موقع شان وظفیری صاقلامق ده مظفرانه کورو نور .  
 بو آبدیه محكوك نطقاری سیل تخریب زمان و باران  
 سیله جکدر . حق حقیقی وجهله سویله یین تاریخ ، غامبه تتانك  
 نظارتندن صوکره کی مسلکنی تلخیص ایدرک اونطقارک  
 یرینه « تاسیت » ایمپراطور « غالبا » حقمنده کی :

[\*]. *Omnium consensu capax imperii, nisi imperasset.*

حاکمه سنی وضع و ترقیم ایلیمه جکدر .

دیشاریدن کورلدیکنه کوره قومون اداره سی ، سه دان ،

مچ وپارس اسارتلرندن صوكره ياشامق ايسته مه ين افراد  
وضابطانك اتخاريني متعاقب ، بر اتخار مشتركه بولنيور  
كبي ايدى . ماهيتي ميدانه چيقديجه هر كس او اداره دن  
ايكر ندى . خاتمه سي ايسه دهشت رسان عقولدر .

عيني وطنك اولادى مست مسرت اولان دشمنك  
كوزى او كنده ، يانغين ضيا سنده ، كوپكار وقوردلر كبي  
بر برلريني بوغازلاديلر : نه منظره ! . .

اكر بوشدت و تهور حفظ و حراست وطن ايچون  
مصرف اولسه يدي فرانسه قورتولوردى .

صداقتي او غورنده اولنلر لايق تكميدير . بونك  
ايچون دركه « ددله سقلوز » مظهر تجيل اولمشدر . فقط  
بو حرمت و تكريم ايله فرارلريني كتم ايچون خلق مقاومته  
تشويق و تحريك ايدن سفيللرك مناسبتي يوقدر .

پارس سوقاقلرينه ياييلان اوتوز بيك نيمشه رغما  
فلاكتلر مزك اك باشلر مسيبلارينك عفو ي آوروپايه تنكيل  
واسه تيصالده اعتدال دم ، عدل و مرحمت بولمديغني  
سويلمدى .



« ظفر ؛ بورسده صاتيماز . »  
بيسمارقك بوسوزى آلمان خودكاملغى ايله ظفره

هر شیئی فدا ایدن فرانسز خودنا اندیشیسی آراسنده کی فرقی  
 وانحاً کوسـتریر . بيسمارق بوسـوزيله آزاسـ لورده نك  
 الحاقه سبب اولان عمای سیاستی ایضاح ایدیور .

بز آزاسلیلر جرمان نسلندن اولدیغمز ایچون آلمانلر  
 آزاسی تملك ایتمکه قرداشلرینی ! قورتاردقلرینی ظن  
 ایدیورلردی . فقط اونودیورلردی که قرداشلر آراسنده کی  
 کین وعداوتلر بورسه ایله علاقه دار اولمیان ، محبت ونفرت کبی ،  
 اختلافات دینی و سیاسییه ایله علونمشدر . [\*]

بر آلمان «Welch» ده ناصل ارثی بردشمن کوریورسه  
 بزده «پالاتینا» یانغینندن بری آقینجیلری آزاسی دفعاتله  
 صویمش اولان «Schwob» ده ارثی دشمنمزی کوریورز .  
 الزاسلیلر کندیلرینه حیوانات اهلیه معامله سی یاپان  
 بو «قرداشلق» مدعیلرینی اصلاً عفو ایتیه جکلردر .  
 بر شرق ماصالنده موضوع بحث اولان قادین کبی — بوماصاله  
 کوره قادینك بریسی زوجیه وقوع بولان بر اختلاف  
 نتیجه سنده قوجه سی طرفندن جزاء بر طولومه صوقولمش .

[\*] آزاسلی بر شاعر عصر اخیره شویله ترنم ایدیوردی :

Meine Leiter ist deutsch, sie klinget von deutschen  
 Gesängen.

Liebend den gallischen Hahn, treu ist französisch  
 mein Schwert.

(ترجمه سی) : عودم آلماندر و آلمانجه ترنم ایدر . فقط قلنجیم ، غولوا خروسلارینی  
 سودیکی ایچون ، فرانسه یه صادقدر .

هواسزلقدن اوراده بوغولمقده ايكن بيله قادين طولومي  
ياردرق ايچندن برمقاص چيقاروب صالامش وزوجني  
اوهنكامده بيله پروتستو ايتشدرد - بز آزاليليري بويه  
مستحق اولمديغمز بر سرنوشته تبعيت ايتديرمكه هيچ برشي  
موفق اولامايه جقدرد .

آمانلرده بو حقيقتيه واقفدولر : بزه قارشى اختيار  
ايتدكلري طرز معامله بوني اثبات ايدر . آزاس اونلرك  
باشنه بر بلادر . بر خدعه سياسييه واقف اولنجه درحال  
آزاسك اوستنه دوشرلر .

اوروپا صوك يكرمي سمنه ظرفنده آمانلرك آزاس  
مسئله سنده كي خطالريني تصحيح ايچون يتش ميليارلق  
مصارف تسليحيه اقتحام ايتدي . آلمانيا بو خطاده دوام ايتك  
صورتيله محكمه تاريخيه او كمنده بر حرب مستقبلك مسئوليتني  
دهاشمديدن درعهده ايدييور .

قرال كييوم آلمانيا تاجني كيدرلر بای تختيه عودت  
ايدنجه دول معظمه كنديسني سلاملامق اوزره فوق العاده  
هيئتلر كوندرديلر . توركياده سابق پارس آتاشه ميليتري  
اسعد پاشاي اعزام ايلدي .

بو ذاتك استانبوله عودتنك ايرتهسي كوني حربه  
ناظرينك قوزغنجقده كي ياليسنه ، مشاراليله برابر ، عيني

زمانده کیتمشدم . ملاقات برلین رجال واحوالنه دائر  
جریان ایتدی .

مشارالیهک افاده سنه کوره ایمپراطور فرانسه طرفندن  
جزائرک فتح واستیلاسی حکومت عثمانیه نک طانیوب طانیمدیغنی  
صورمش وجوانی بکله مه دن : « ذات شاهانه یه سویلیمکنز  
جزائر ی پاره ایله استرداد ممکندر . چونکه بزه  
ویره جکی بش میلیار فرانقلق تضمینات حربیه یی تدارک  
ایچون فرانسه هر شیئی صانوب صاومغه مجبور اوله جقدرد ،  
مع مافیه بو پاره یی هیچ بر زمان تسویه ایده میه جک یا ! .. »  
دیمش .

بوتون آلمان سیاستی ایشته بوفریاد قابیده در .  
اسعد پاشاتور کیانک : احوال مالیه سی سببیه : شمدی الحاق  
اراضی مسائلنی دوشونه میه جکنی سویله مش .  
پاشای مشارالیه جنرال شانزینک علویت مزیتی حقنده  
براینده حاصل اولان بر فکری ده نقل ایتدی . سرایده  
ایشیتمش که : شاید پارس شانزی دکرنده بر قوماندان  
طرفندن مدافعه ایدلسه ایمش ، حتی محک سقوطندن  
صوکره بیه ، طالع حرب تبدل ایده بیه جکمش .

## فرانسه‌یه عودت

صدر اعظمك اساساً قرار سنر اولان احوال صحیه‌سنی مؤخرأً تلاحق ایدن بعض اسباب بوتون بوتون تخریب ایتدی . بر مدت استراحتك وفاتی تأخیر و تعویق ایده بیله‌جکی درکار ایدیه ده‌زمم اداره‌بی‌ال‌دن براقق اله کچیرمکدن مشکل اولدینی ایچون عالی پاشا یوم وفاتنه قدر صندالی حکمرانیدن آریله‌مادی .

عجبا شرف و شانی ، مدار معیشتی الدن کیدرسه ضرورت ایچنده ترک حیات ایده‌جکمه‌می قناعت ایتشدی ؟ یوقسه ایش باشندن آریله‌رق ایچنده بولندینی آلایش حرمتدن مه‌جور و متروک قالماقمی ایسته‌یوردی ؟

شرقدده دوچار فلاکت و نکبت اولان یاخود وفات ایدن کبرانك اولری قدر حزن آور بریر یوقدر . بونك ایچوندرکه عالی پاشانك ارتحانندن صوکره قوناغی بنده بر .



مزار تأثیری حاصل ایتدی . اوراده آیاقلمك چیقاردیغی  
 کورولتویه یالکیز عکس صدا جواب ویریوردی . دونکی  
 شادوخرم خاق باشقه-نك فردای منورینه قوشمشدی .  
 ذاتاادیان موجوده آرا-نده طبیعتک یاقین اولان مذهب  
 شمس طالعه پرستش ایدن مجوسیلکدر . بونک ایچوندرکه  
 افول ایدن پاشایه منسوب اعوان واتباعک باشقه بر اقبال طالعه  
 قوشمسی طبیعی کورونور :

عالی پاشا احتمال که زمانک ممتاز و سرفراز بر وجل  
 سیاسی سیدی . فقط دیپلوماتلق نقطه نظرندن مشارالیهی  
 فعالیت کوسترمک لازم کلدیکی زمان حرکتده قطعاً تردد  
 ایتمین فؤاد پاشانک دوننده تلقی ایدرلر .

هرایکیمی ده حکومتک ادارهسی ووفاتلرندن صوکره  
 سرنمون اوله جغنی استدلال ایتدکاری مهالک داخلیه  
 وخارجیه به قارشى دولتک محافظهسی ایچون مشترکاً صرف  
 مساعی ایدیورلردی .

اونلرک -سیاستی « حال ایچون چالیشمق و آتینی  
 اوقدر دوشونمهک » دستوری تعیین ایدر . بو سیاست  
 فورطنلره معروض قالمقدن احترازاً سواحدن آیریلامیان  
 سفائنک حرکتنه بکزره . مع هذا مشکلات تمادییه  
 معروض قلمقنه برابر هر ایکیمی ده غایت اینی برر شهرت

قازانديلر :

بركون سفرادن برى بكا شويله ديمشيدى :

— شمدى على پاشايله ايكي ساعت كوروشدم ؛  
 كنديسنه نهر سويلديكى بن بك ابى بيلورم ، فقط  
 آغزندن فكرينى افشايدن بر تك كلمه آلمغه بيله موفق  
 اولامادم !

على پاشانك سياستنه باقيليرسه « صبر وثبات وامتداد  
 زمان قوت وتهوردن زياده مؤثردر » نظريه سنك تعقيب  
 ايدلديكى كورونور .

فقط فعل وحركتك موضوع بحث اولدينى بعض  
 احوالده واردر .

بالمناصبه يوقاريدده سويلديكم وجهله فؤادپاشا بوكاقدار  
 ايدى . فقط على پاشا بويله ايشارده حسب المزاج تردد  
 ايدردى .

بو ايكي رجل سياستنه ممتاز وشكر كذار الطافى  
 اولمتله برابر حقارنده تاريخه عائد بر محاکمه يورومتدكن  
 واز كچه هم . احتمال كه تاريخ قريم محاربه سندن صوكره  
 روسيه نك تأسيس مكنت وانتظام ايله توغلندن عثمانلى  
 ايمپراطورلغنى تقويه وتجديداً تشكيل ايجون استفاده  
 ايمه مكله كنديليرنى مؤاخذه ايدم جكدرد .

بالاقتصاد بودجه‌نك توزيخي ، سوء استعمالنك منعي ،  
غير مسلملرك خدمات عموميه قبولي صورتيله بين التبعه  
بر عدالت متساويه تأميني كي اوج مهم اصلاحاتك  
تطبيقي بر امر مستعجل ايدى . اكر بواوج مسئله مهمه  
شدله توسل ايدلسه واوروپاچه تصويب اولنان بر پروغرامه  
توفيقياً تعقيب مصلحت اولنسه ايدى اصلاحات مبحونه شرق  
اهاليه سنى بر برينه دهازياده ياقلاشديروب قوتلنديروبر  
دفعه بوغايه تأمين ايدلديمي ارتق ارقه سنك كله جكننده شپه  
ايديله مزدى .

فقط بر اقتدار مطلق ايله كچن اون بش سنه ظرفده  
فؤاد وعالى پاشالر مع الاسف بو امر سلامتده هيچ برشي  
يايماديلر .

تاريخ ، مشارالهمايه قارشى دريغ تقديرات ائمه مكله  
برابر ، دريائى سياستك بوايكي شناور مقتدريني بسمارق  
كي ، قاوور كي روزكارلره ، مد وجزرلره قارشى  
وطنلرينك عظمت وامنيته تأمين ايدن ذوات ودهاة  
صردسنة يوكسليميه جكدرو .

عالى پاشا ۱۸۷۱ ايلولنك يديسنده وفات ايتدى .  
بنمقونطور ائومده شهرمذكورك اون دردنده ختام بوليوردى .  
مشارالهمك خلفي مقاوله مك تمديد و تجديدى اچون يهوده

تکلیف فرده بولندی . فقط ایکی داهی سیاسته خدمت  
ایتمکدن نه قدر ممنون و مفتخر اولمش ایدیسه هم اونک  
کی بر اتریقہ جینک مقدراتنه اشتراک ایتمکدن او قدر  
استکراه ایدیوزدم .

صدر جدید محمود ندیم پاشا ؛ « یکچریلر » عنوانلی  
بر رومانک قهرمانی ، سلطان محمودک اک مقبل ندیمی  
ویکیچریلرک هادمی نجیب پاشانک مخدومی ایدی . واقعا  
مهر بر ذات اولمغله مشهر ایدیسه ده بو اشتہاری تأیید  
ایده جک بر دلیل وثبات یوقدی .

بحریہ نظارتنده بولندیغی زمان ، فیلونک مصارف  
ادارہ سی میانندن آلدیغی پارہ لرله هیج بر ایراد کتیرمه  
بر واپور شرکتہ تمتع آقچہ سی تأمین ایدرک ، بوشرکتک  
برنجی آقسیونری اولان سلطان عزیزک مظهر توجهی  
اولدی . طبعی قدرکه بوسورتلرله مقام اقتداره کیک و محافظہ  
موقع ایتمک ممکنذر .

محب عزیزم حربیہ ناظری حسین عونى پاشانک  
دشمنی اولان بوذات ایله تأسیس رابطہ و مناسبتدن ممکن  
اولدیغی قدر قاچینمق بئم ایچون بر امر لازم ایدی .

محمود ندیم پاشانک ایلاک ایشی حسین عونى پاشانی  
عزل ایتدیرمک وایکنجی ایشی ده عینی زمانده حاضر

اولدینی مشیریت رتبه سنک و حامل بولندیغی نشانلرینک دفعی  
 و طرف شاهانه دن کندیسنه مقدا اعطا اولنوب تعمیری  
 ایچون او اوانده بوتون ماملکنی صرف ایتدیکی یکانه  
 مالکانه سنک، قوزغونجقهده کی اسکی قوناغنک مصادره ایدلمسینی  
 و مشارالیهک نفی واجلاسنی آمر بر اراده استیصال  
 ایتک اولدی .

شدتله یاغمور یاغدیغی برکیجهده تبلیغ ایدیلن نفی امری  
 سابق سر عسکری ، حسین عونى پاشای خناقدن فنا  
 حالده مضطرب واغدیهنک معده-ته ادخال ایچون صونده  
 استعمانی ایجاب ایدر بر حالده بولدی . مع هذا همان واپوره  
 ارکانی اطبانک اعتراضات شدیدسی، پک زیاده مشکلاته،  
 تأخیر ایده بیلدی .

بواحوالدن خبردار ایدیلنجه کمال سرعتله استانبوله  
 قوشدم . پاشانک خانه-سنه واصل اولدیغی زمان حرمدن  
 قادینلرله چولوق چوجغک فریاد و فغانی هنوز عکس انداز  
 اولیور فقط مشارالیه حال سکونتده بولنیور ایدی .

حیاتی تهید ایدن بوتعرض حقنדה برخطرء محرمانه  
 تحریر ایتمه می بندن رجا ایتدی . کندیسندن زیاده  
 عائله سنک آتیسندن بیزار واندیشنک اولیور و :  
 — بوفلاکت بکابر از متصرفانه یاشامغی اوکرده جک .

شاید تکرار موقع اقتداره کلیرسهم یکی بر فلاکت بی  
هرحاله بویله بولمایه جقدر ، دییوردی .

پادشاهدن بحث ایدرکن صداسنک آلدینی آهنگ  
هنوز سامعه مده طنین اندازدر . بوصدا ، بو آهنگ تطبیق  
وانفاذ ایدلدیکنه تاریخک شهادت ایتدیکی بر طاقم بی امان  
مقرراتی احساس ایدیوردی .

اکتساب عافیت ایدر اتمز ، حسین عونى پاشا - اکر  
عنعنیه اینانیله بیلیرسه - مملکتی اولان ، آسیای صغراده  
کائن ، اسپارطه شهرینه نفی واجلا ایدلدی .

\*  
\*  
\*

قولر انک مستولیا حکم فرما اولمقده بولنسی سببیه  
غرب لیانلرینه وضع ایدیلن قرق کونلک قرانتینه معروض  
بولنقلغم عزیزتمی تأخیر ایتدی . بو استیلای مرض  
استانبولده وبالخاصه ۵ جزیران سنه ۱۸۷۰ یانغینندن  
محفوظ قالمش اولان - اقامتگاهمه نظراً - منحنط محملرده  
برچوق و فیاته باعث اولدی .

جنازه آرابه لری بو محال منحنطیه اینه مدکاری ایچون  
کدورت فشان حمله لری الملق اوزره خانه مک قپوسی اوکنده  
توقف ایدیوردی . صباحدن آقشامه قدر ییغیلان  
تابوتلرک مشاهده و شماته سی قومشولرمی کاملاً مرمره

آطه لرینه داغیتدی .

یالکز آلمان مکتبی مدیریله افراد عائله سی ، وارنه قولر اسنده کی تجاریمه مستند آهیچ صوقوللا نیلما مق شرطیله خسته لقدن قورقغه محل اولما دیغنه دائر وقوع بولان تأمیناته تبعیت ایدهرک ، بولند قلیری محله قالمغه راضی اولدیلر .

مع هذا بو حرکتلرندن دولایي نادمده اولما دیلر . فقط سواقغمزک مدخلنه موضوع صحیه قوردونلرینک رفعیله ارزاق کلنجیه قدر آچلغه معروض قالدق . مقدار وفیات حد اعتداله ایننجه قاچانلر عودت ایتمهک باشلا دیلر . فقط مرض ، بیچاره لرك اوزرینه بر کولله مسکتی کبی صاحیلهرق ، نمکس ایتدی .

آرتق آدریاتیک سوا حلهنده کی قرانتینه لرك رفع ایدلدیکمه حکم ایدهرک ترسته یه متوجیه عزیمت ایدن بر لوئید واپوریله یوله چیقدم .

طوپخانه ریختیمنده دوستلر مه وداع ایتمهکده اولدیغم اننده بر کرك مأموری یانمه صوقوله رق جامعده ادای صلات ایتمهکده اولان آمری نامنه بر آز بکله مکلمکی رجا ایتدی . فی الحقیقه بر آز صوکره بحث ایتدیکی ذات آرقه سنده صاریقلی برچوق ملالره مأمورلر بولندیغی حالده کلدی . اطرافمی صار دیار والی صیقه رق بکا خیر دعا

ایتدیلر . ( مسامرات قسطنطنیه ) مؤلفنه قارشى واقع  
اولان بوغیرمنتظر و تقدیر کار نمايش حياتك الك قيمتدار  
بر کذارلری میاننده معدوددر .

\*  
\* \*

شیرا و قورفو ایله اختلاط ایتدکدن صوکره را کب  
اولدیغ واپور بلا مشکلات تريستهيه واصل اولدی . قرديه  
چيقمغه حاضر لایمقده اولدیغ صرده بر صحیه صندالی  
کلهرك استانبولدهکی قولرا بهانه سيله قرانته و تطهیرات اجرا  
ایدیله جکفی تبلیغ ایتدی .

چوراق بر ساحلك قارشيسنده کاغد اوینامقدن  
یاخود هر هانکی بر هدفه طوغری آياقله طاش یووارلامقدن  
باشقه بر یاپمایه رق یدی کون یاشامق . . . نه حیات !

یوزباشی روسسهلك قومون اداره سنه اشتراك ایتدیکی  
ایچون ساتوریده قورشونه دیزلیدیکی بوراده ایکن ایشیتدم .  
هیچ شبهه سزبوکنج دیوان حرب قانوننك شدتنه قربان  
اولش اوله جتمدی ؛ فقط بوراده پانطالونی صاتمیش اولدیغی  
ایچون دیوان حرب طرفندن محکوم ایدلمش اولان بر  
عسکرک شو سوزینی درخاطر ایتلیدر :

«تحفدر: بی بوش بر پانطالون صاتمدمدی محکوم ایدیورلر؛  
فقط بو پانطالونلردن ، همده ایچندهکی انسانلریله برابر ،



دشمنه یوز بیکلرجه-نی تسلیم ایدنلری عجبانه ایچون  
تعقیب ایتیورلر ؟ »

تریستهدده قیصه بر مدت قالدقدن صوکره ویانه  
تره-نه را کب اولدم . ستریا طاغلر نده یکر می بش درجه لک  
بر برو دت حکم فرما ایدی . حتی واغونلرده کی صیجاق  
صو محفظه لری بیله انجماد ایدی یوردی . واغونده ایکی  
کیشی اولدیغمز دن بوتون کیجه نی تنمکه کچیردک .

تخطر ایدی یورم که غراچده صغوقدن دونان المرمزی  
آنجق قایناق طوموز صوجوقلریله ایصیده بیلمشدک .

ویانده قار بر مترو کشفات پیدا اتمش ایدی . عینی  
حال سالزبورغده ده واقع وصقالم پارق اوزونلقده بوزلر  
حالنده دونمش ایدی . خلاصه شو سیاحتیم پک مدهش  
ایدی .

مونیش ، اینغولستاد ، وورتزبورغ و فرانقفورتدن  
کچهرک سیاحتیمه سترازبورغه قدر دوام ایتدم . بوسیاحت  
بعدالظفر آلمانلرده حاصل اولان احوال ووحیه نی بکا  
طانیتمدی .

دونکی تواضع و مذلت ایله بوکونیکی خود پسندلک  
آراسنده نه فرق ! اونلره کورده شجاعت ، علم و فضیلت ،  
اخلاق و طبیعت کندیلرندن اول بوحوالیده مجهول ایدی ،

انسانیت ایسه آنجق سه داندن اعتباراً باشلامشیدی .  
 بزى محو ایدن خودکاملغه ، کبر و نخوته انشاءه  
 بو دفعه ده اولئر دوشر لر !

استراز بورغك برخرابه زاره دونديكنى ، بيوك كليسانك  
 اوبوسلرله ده لينديكنى ' و اوستنده فرانسز بايراغى يرينه  
 آلمان بايراغى تموج ايتديكنى ، قلباً خالص برفرانسز اولان  
 ووالده مى متعاقب اوچ-نه اول وفات ایدن اختيار پدرومك  
 هرج و مرج اولمش اولان خانه سنى كورديكيم زمان دوچار  
 اولديغم تأثراتى دوشونمليدر .

لعنت اولسون شو محاربه يه ! لعنت اولسون قلمبرى  
 چارمقسز ين بوكا سبب اولانلره !

ايكى يوز بيك آلتاس - لورده نلى فرانسه يه هجرت  
 ايتدى . ديه بيليرمكه بومهاجرت برخطا ايدى . خدمت  
 عسكريه يه قاتلانمق دشمنك رولنى اوينايه رق آتى ي  
 محوايتمكه مرجح ايدى . آلمانلر كمنديلرني جدى  
 فرانسز اولان اهاليدن قورتاردينى و بونلر ك يرلرينه راي  
 نهرينك اوتة-نده ساكن خلقك كتييرلمسنة باعث اولدينى  
 ايچون بومهاجرتى آقيشلاديلر . اكر هيچ بر كي مسه يرندن  
 قيميدامامش اولسه يدى وقتيله لومباردو-ونديكده اوسترياليلر  
 ناصل بارينه مامشلسه آلساس - لورده ده آلمانلر ايچون

اویله غیر قابل محافظه بر حاله کله جکدی .

سترازبورغ سبزه بازارنده بر آلمان زوج - زوجه  
ایله بر صاتیجی قادین آراسنده جریان ایدن شو محاوره  
شایان دقتدر :

« فراوهو پتماین اسمنده کی آلمانیا لی قادین نفیس  
المالری تماشا ایدرک :

— اعتراف ایتلی ، دیمشدی ، بو آراس بر دنیا  
جنتیدر !

صاتیجی قادین شویله جواب ویردی :

— حقکز وار ، مادام ، فقط انجیل شریف دیرکه

آدم و حواءه او جنتدن قوغولمش ایدی .

پارسه کیتمک اوزره راکب اولدیغ ترن آلمانلرله طولو  
ایدی . بونلرک بری طویل القامه اولدیغ ایچون بی پرومنداناش  
ظن ایدرک سیاحت دوام ایتدیکی مدتیجه فرانسه  
علیمنده نوش بوغازلق ایدوب دورمقدن قورقادی .  
بن ، « نه پهرنه » یه قدر هر موقعده کورینن اشغال  
عسکرلری طرفندن توقیف ایدمک تهلیکه سنه دوشمه مک  
ایچون اویور کچی کوروندیم . فقط بو حال چوق دوام  
ایتمدی . صوک آلمان عسکری مغفیری ده کوز اوکندن غائب

اولنجه براوبوس کبی پاتلادم . شایان تشکر در که حریف  
در حال استعفای قصور ایتدی . یوقسه ...

۱۸۷۲ سنه سنده ممالك اجنبیه دن کلن بر فرانسرک ،  
کوز یاشارینه مستغرق اولان زواللی آراس ایله لاقید  
واهاکار پارس آراسنده کی عدم توافق اوکنده ، حس  
ایتدیکی تأثری هیچ برشی حاصل ایده مز . وطنک ماتنی  
یالکز یانمش مؤسسات و آبدات ، یاقیلوب ییقیلیمش  
استحکامات طوتیوردی .

هوراس پیه سنک موقع تماشایه وضعندن اول سن —  
مارتن قاپیسنده استماع ایتدیکم بر قونفرانس آلان قلمبده  
محفوظدر .

خطیب ، قونفرانسنده بوتون آچاقلاملر و محجوبیتلر  
ایچون اسباب معذرت بولیور و :

« ایملک رومالیر ، دیوردی ، ولوکه بلا مزاحم فدای جان  
ایتمش بولونسونلر ، بوندن طبیعی نه اوله بیایر ؟ . . اولر بر  
طاقم فقیر کیمسه لر ایدی .

« ولوکه سیرا کوزه لیلر قلعه لری اوزرنده کنیدیلرینی  
اتلاف ایتدیرمش بولونسونلر ، بوده آکلاشیلماز برشی دکل :  
غائب ایده جکاری شی بیوک برشی دکلدی .

« فقط عینی فدا کار قلبر بزم «ماره» اعجاب ایراد مزدن ،  
 «بری» وه بوس» زنکین کویلیلر مزدن ایسته نه بیایرمی ؟..  
 خلق ، خطیبک دیندیکي آلقیشلری دریغ ایتدی .  
 اکر بوجاهل معلوماتقروش یرینه حسیات عمومیه یی کندی  
 سویه عرفانه کوره یوکسلته وک سکوتی خودیندیکه ترجیح  
 ایدن واک سفیل انقاض بشریه یی قهرمانلق وشهادت  
 مرتبه سنه اصعاد ایله بن ذواتدن بری استماع ایدلمش  
 اولسه یدی بالطبع دها زیاده آلقیشلانه جقدی .



فرانسز ملتی مظهر اولدینی صیت وشهرتدن زیاده  
 دکریلدر . بوملت حسیات عالیجنابانه یه مونس ، بیوکلمکلر  
 اظهارینه مستعد وفدا کارلغه مهیادر . فرانسزلردن باشقه  
 هیچ برملت اونلر قدر صبرایله ویرکولره ، حقسنزلقلره ،  
 جور وجنابه تحمل ایتمز . اونلر قدر هیچ برکیمسهنک  
 اقتدار وحیاتی یوقدر . فقط اسلافی اولان غولوالیلر کی  
 اونلرکده برحکومه احتیاجی واردر . حریت نامنه واقع  
 اولان قیاملری دائمًا اولیای امورک تبدلنه منجر  
 اولمشدر .

۱۸۷۱ - سنه سند فرانسزلرک انتخاب ایتدکلری

اولیای اموره جریحه حربی التیام پذیر ایتک ایچون

صلاحیت کامله ویرلدی .

بوهیت حکومت ایچون توسل اولنه جق ایکی طریق سیاست واردی : بری پروسیالیلر طرفندن اییه نامظفرتی نامیه تکریر و تجدید اولنان رومالیلرک « قاز » فلاکتی عقببنده تعقیب ایتدکاری طرز سیاست ؛ دیکری ده افتراق محاربه سنک فرداسنده آمریقاییلرک اختیار ایتدکاری طور و حرکت ایدی .

بو پولتیقه لرک هر ایکسی ده سلامت عمومیه نامنه فرق لرک ائتلافی ایجاب ایدیوردی . چونکه حرب اخیر هیچ بر شیئی حل ایتمه مش ایدی . محاربه نك عقببنده کان صالح و مسامت ، دوئللو خصملرندن برینک صوک نفسه کلدیکی زمان واقع اولدینی کبی ؛ آنجق بر متارکه ایدی . ایر ویا کچ مصادمه — فقط بودفعه قطعی اوله رق — تجدد ایده جکدی .

برنجی طرز سیاست فرانسه یی بر معسکر حالنه کتیردی . هرشیدن اول آلمانیا طرفندن اعلان ایدیلن سه دان یوم عیدینی بر « یوم ماتم ملی » عد ایتلی ایدی : او کون مغازه لر سد ایدملی ، سنجاغمز دیره کنه یاریم چکیلمی و هر ساعت باشنده طوپلر آتلیدی . اسپانیالیلر « Dos de mayo » قاعده سنی وضع ایددرک بویله حرکت ایله مش ایدیلر .

بویله برخاطره زوالی دور دور و حیات ملیه به سلاح  
آلتمده یکن برماضینک تأثرات وتلخیصنی حس ایتدیرردی .  
ایکنجی طرز سیاست - که عسکری نقطه نظرندن  
برمدافعه مطلقه دن باشقه برشی دکلدر - مقتضیات عدالتدن  
اولدینی وجهله حربک وطنده ایقاع ایتدیکی خسارک  
زماننده تضمیننی ایجاب ایدر و آمریقالیلرک یابدینی کبی ،  
آتی نی قور تارمق ایچون دیونی اطفای عقل و بصیرت ،  
انتظام و مسالمت اساسلرینه مستند برجهوریتله پروسیا  
میلیتاریزمنه مقابله ایلردی .

بویله علناً اعلان ، اعتدال دم و اصول ایله تعقیب  
اولنه حق برپولتیقه فرانسه طرفندن درمیان ایدیله جک  
مدعیات مشروعه نك عالم مدنیته استنادینی تأمین ایددرک  
آزاس لوردنی ، یکیدن وقوع بوله حق بر محاربه دن زیاده ،  
موفقیتله قور تاره بیلیردی .

سوسیالیزم ایله اوغراشان آلمانیا بیلله فلاکتله تازه حیات  
بولمش بر مملکتک منظره سی قارشیدنده زمانمژک احتیاجات  
وعاداتندن زیاده قرون وسطایه لایق بر اصول حکومتی مغلوب  
ایده بیلله جک اساسلر بولوردی . فقط مع الاسف فرانسه نك  
صبرسنلنی زمانی غائب ایتدیردی . فرانسه ایچون  
هرموسمهده وقتندن اول یتیشمنلر بولمیلدر ؛ فرانسه نك ،

— ولوکه مزایای برکزیده اصحابندن اولسون — هیج  
بر قدر و قیمتی یوقدر . شو حالده بن اوراده هیج بر احمیتی حائر  
دکلام . عینی زمانده ایمپراطور ماقسیملیانک سابق عسکری  
قاینه سی رئیس و مجلس ملی مبعوثی جنرال لو آزدل ایله  
موسیو ته میل دو ژیراردن ده باشقه بنی حمایه ایده جک هیج  
بر موقع صاحبی ایله معارفه م یوقدی .

آز زمان ایچنده آکلادمکه موقع اقتداره کچمک  
ایچون مجادله ایدن ویاخود حاکمک اک عادیسی اولان  
آرای عمومیه بنی استحصاله چالیشان فرقه لردن برینه انتساب  
ایتمدکجه وطنمده بنم ایچون بر موقع احراز ایده بیلیمک  
قابل دکادر . بنابرین ینه شرق صحنه سنه عودت ایتک  
ایچون وسیله تحریسنه باشلادم .

مباحث سابقه دن برنده فؤاد پاشانک توصیه سی  
اوزرینه مصر خدیوینک بنی بر مخبره سیاستیه مأمور  
ایتدیکنی ذکر ایتشدم . خدیو مشارالیه بنی چوق دفعه  
قاهره بنی زیارت ایچون دعوت ایتشیدی . آچیق ذکاسی ،  
احتراسی ، شاهانه اطوار و مزایاسی بنی کندیسنه جذب  
ایدیوردی . مشارالیهک بنم ایچون بر ساحه فعالیت  
آچیه جغنی کیم بیله بیلیر ؟

بوابده قناعت حاصل ایتک اوزره ۱۸۷۲ مایسنده



مصرده بر جولان سریع اجرا ایتدم . اسماعیل پاشانی  
 موسم صیفی امرار ایچون اسکندریه غنیمتندن بر کون  
 اول جزیره سراینده بولدم . مشارالیه بنی یک زیاده  
 ملتفتانه قبول ایتمکه برابر شهری سرعتله زیارت ایتدکدن  
 صوکره کندیسنه التحاق ایتمکه کمکی تکلیف ایتدی .

ایلك ایشم نابولیون بوناپارطك اقامت ایتدیکی و ۱۸۰۰  
 سنه سی حزیرانك اون دردنده قله برك محو اولدیغی  
 خانه لری زیارت اولدی . بوخانه لك دیوارلرنده ، منسوب  
 اولدقلى طاقلرك نومرولریله برابر ، فرانسه عسکرلرینك  
 اسامیسینی اوقودم . عینی زمانده طوخمیمزك قاهره عصبانی  
 ائناهنده سلطان حسن جامعنك جبهه نده اجرا ایتدیکی  
 تخریباتی بكا کوستردیلر .

ایرته سی کون بر تصادف بنی امراملری تماشا به سوق  
 ایتدی . اورایه واصل اولدیغم زمان آرابه مك اطرافنی  
 متعامل بخشیدیلرینی طب ایتك اوزره قوشان بر بدوی  
 گروهی احاطه ایتدی . بونلرك شمشاتلری بر کوچك  
 چوجغك لندن طوتهرق سوق ایتدیکی اهمی بر اختیارك  
 صداسنی بوغیوردی . اختیار یاقلاشنجه مکرراً :

— نابولیون ! نابولیون !

دیدى و بدویلرده الیه اونی اشارت ایددرك تکرار ایتدیلر :

— نابولیون !

بواختیارك حسب السن خمیده قامت اولمسنه رغنما نابولیونه  
مصادف اولدیغنه قناعت ایدمدم .

بم بووضع تردمه دقت ایدن اختیار بی تنقید ایدر  
بر وضع ایله :

— *Pas Naboulioune capitoule!* یعنی اسیر اولان

نابولیون دکل !

دیه باغیرییور و دیگرلری ده اوکا اقتفا ایدیوردی :

— *Pas Naboulioune capitoulé!* اوت، اسیر اولان

نابولیون دکل !

فرانسه یه عودتمده بو تصادفی ماجرای ویتور هوغو به  
نقل ایتدم . آرتق *Châtiments* مؤلفنك ایلک و صوك  
نابولیوناری بدویلرك صورت تفریق و تمیزینی فصل بر  
افاده ایله شرح و تفسیر ایتدیكى تصور اولسون .

بواختیاری تاریخ وفاتی اولان ۱۸۷۵ سنه سنه قدر  
وقوع بولان - یا احتارمده کیتدکجه عتھر سیده بولیوردم .

• •

« خمسین » ك حلولى قاهرده اقامتمی قیصه كسمكه  
نی مجبور ایتدی . « خمسین » ، اللى دیمكدر . بونك مدلولی  
چول روزكاریدركه بعضاً اللى كون دوام ایدر .

خسینده حرارت فوق العاده در . غایت رقیق بر  
 قومله مشبوع هوا شعاعات شمسیه نك نفوذینه حائل  
 اولور . اعضای تنفسیه هم بورقیق قومله دولمش و صندوقده کی  
 اشیامده توزله ملمع اولمش ایدی .

اسکندر یه کلنجه دامانهور استاسیوننده بر طاقم  
 عرب قادینلرینک ، مکسیقالی قادینلرک مصر اتمکی اعمالنده  
 قولاندقلری اصوله توفیقاً ، بغدادی ایکی طاش آراسنده  
 ازدرک غالته ، یابدقلرینی کورددم .

بوندن باشقه بوقادینلرله مکسیقانک اهالیء اصلیه سی  
 اولان « آستهک » جنسی آراسنده کی مشابته ده نظر دقتمی  
 جلب ایتدی .

ذاتاً پالانقلرک معبودلریله مصر قدیمک معبودلری  
 آراسنده بر مماثلت ، شولولا وجیزه اهراملرینک  
 طرزانشا و تخصیصنده ، کذا « بولاق » موزه-سیله  
 « مکسیقو » موزه-سندکی بعض اوافق تفک هیکلرک  
 اوضاعی بیننده شایان حیرت درجده بر مشابته  
 واردر .

بوحالک ایضاحی ایچون افلاطونک « Atlantide » ینه  
 مراجعته احتیاج یوقدر .

معلومدرکه بر قدیم و جدید آراسنده روزکارلر

وجریانلر « کولف استریم » و « آلیزه روزکارلری » نامیله اولدجه دائمی و معین بر طریق واستقامت تعقیب ایدرلر قضا زده بر کمی بویله بر جریان تصادف ایتدیکی وقت اکر مکسیقا کورفزینک تا ایچریلرنده قرهیه یاقلاشه بیلیرسه کندیسینی بختیار عد ایتلیدر .

انکین ده کیزلره مقاومت ایدن وسائطک فقدانی سببیله یالکیز سواحله سیر و سفر ایدیله بیلدیکی زمانلرده ، ازمنه ابتدائیه دهده بلاشبهه بوکی احوال وقوع بولمش اوله جقدر . بر چوق فنیکه ، مصر و قارتاجه کیلری جبل الطارقک اونه طرفنده بقعه فورطنیه طو تولوب عبودته امان بوله متسزین کولف استریم جریانلری و آلیزه روزکارلریله ممالک تریلرینک صنایعی . اخلاق و عاداتی والهارینی یولجیلری ایله برابر بر جدید کتورمه مجبور اولمش بولنه جقدر در . بوتوضیحات منشألرینی شرق دکرلرندن کلن اجداده و آتیلرینی نه او حوالیدن کله جک بر « مسیح » عطف ایدن آستهک عنعناتنه مغایر دکلدرد .

نه ایسه ، بوشایان دقت مسئلهک حلی علمایه براقه لم . نم ایچون بونک درجه اهمیتنی بوراده قید ایتک کافیدر . یالکیز شونده شبهه یوقدرکه آستهک مدنیتیه مصر مدنیتی بر برینه پک زیاده بکزر . باشقه سیاحلر وازان

جمله آمريکا افتراق محاربه سنی متعاقب جنرال « سقوت »  
ایله مکسیقاده حرب ایتیش و بوندن سوکره خدیوک خدمتینه  
داخل اولمش اولان جنرال بوتی دخی بو حالی اثبات ایتدیلر .  
موسم صیفده مصر صحرائی برچول منظره حزنی  
ارائه ایدر . اوتلارک مسافرینی آزالیر ، عالم تجارت اوروپا  
داغیلیر . ایشلرک آزالدیغی بوزمانده خدیو ایله برچوق  
دفعه لر اوزون اوزادییه ملاقاته موفق اولدم . بوملاقاتلر  
سیاست بین الممله وسائر مختلف موضوعلره دائر ایدی .

بو ائنده اسماعیل پاشا آلمانیا نك لوندره سفیری قونت  
برنسدورفك فعالیت و تحریکاتندن بحق اندیشه ایدیوردی .  
بو دیپلومات انکلتزه خارجیه نظارتنه کیده رک انکلیزلره  
« مصری آلسه کر آ ! » دیمک یچون برهفته قاجیر میوردی .  
زده موسیو دوبسمارکك تحریکات و اغوا آن اوزرینه  
تونسه ، تونکینه کیمیش ایدک .

بورجل سیاستنک بیوکلی هرشیدن اول رقیبارینک  
کوچوکا کمندن ناشیدر .

بو حال زمامداران امور مرکز مهارتسزلکی سایه سنده  
قوتیزی داغیه رق بزی ضعیف دوشوردی .

اسماعیل پاشا بوندن شبهه ایدیوردی .  
مصری پک عیان اولان تهلیکهلردن قورتارمق یچون

فرانسه ده ایمپراطور لنگ اعاده سنی آرزو ایدیور ایدی، یالکز  
 آرزو دکل حتی بونک محقق الوقوع اولدیغنه اعتقاد ایدیور دی.  
 طبیعی دکل یی، اچنجی نابولیون ایله سراینه قارشی نه قدر  
 فداکار قلر ابراز ایتش ایدی !

مشارالیه موسیو نه میل اولیویه، جنرال فلوری،  
 بوناپار تیست اولان معیتی طرفندن تلقین ایدیلن بوخولیایی  
 داغیتیق ایچون بیوده اوغراشیوردم و «فرانسه ده هرشی  
 ممکندر، فقط موقع اقتداردن سقوط ایدن شوویا بوخاندانی  
 اعاده ایتک غیر قابلدر !» دیور و عیتی زمانده فرانسه  
 حکومت حاضره نه فنا نظرله باقامسنی توصیه ایلوردم .  
 اون بش کون دوام ایدن بو ملاقاتلرده بندن اصلا  
 بحث ایدلمدی . عزیمتدن برکون اول استحصال مساعده  
 ایچون نصرالدین سراینه کیتدم . زیارت ایضا قلندقدن  
 صوکره خدیوک فرانسه زجه کاتی کذرکاهمه چیقوردق بی  
 کندی او طه سنه ایصال ایتدی .

قابونک قارشیدهنده برمندور اوزرینه او طوردق . برآز  
 مقدمه دن صوکره مومی الیه بکاسیاحت مصارفی تسویه  
 ایچون آلدینی امری تبلیغ ایتدی . بوتکلیفی ایشیتمزلیکه  
 کله رک مرسانک نهایتنی ارئه ایله صوردم :

— شوکی به چکیلن سنجاق نه سنجاغیدر ؟

والحاصل مومی 'المك' اصراری فائده سز قالدی .

ایرته سی کون علی الصباح واپوره راکب اولمق اوزره  
ایدم که بر تشریفات مأموری کله رک بنی سرایه دعوت ایتدی .  
بنی کورونجه اسماعیل پاشا مختلف بعض س-پارشلرده  
بولندقدن صوکره بنم ایچون نه یابه بیله جکنی صوردی .  
جواباً مخبره مخصوصاتی اوله رق بکا ویردیکي مبلغك  
احتیاجاتمه کافی اولدیغنی درمیان ایدرک باشقه هیسج راسترحام  
بولندیغنی سویلدم . بواحترازم برمدت صوکره بکا خصوصی  
توجهلر ابرازینه خادم اولمشدر .

•

بر آی غیبوبتدن صوکره دخی فرانسه نك اوستنده  
عینی انتظام شكن جریانك اسمكده اولدیغنه شاهد اولدم .  
بالخاصه مواقع مهمه به اهلیت سزلرك استیلاسی بنی متأثر  
ایتدی . آلمانلر ادعا ایدرلرکه فرانسه فلاکت نك اسبابی  
کوچك باشلرك بیوك باشلر اوزرنده کی غلبه نفوذیدر .  
بو ادعاده برشمه حقیقت واردر . ماره شال مارمون  
بونى خاطر اتنده باشقه برشکلده افاده ایتمشدر :

« اوله کورونیورکه عقل و بصیرت ، امور و حکومتك  
اقسام عملیه سی یا لکز شمالده بیلینیور . جنوبده هرشی  
احتراس و سفالتدر . »

بر مجلسده کیملر د تصادف ایدیله جکی بیلنمک ایسته نیرسه  
 حجره مخصوصه سنده بولنان حاضر ونک شاپقنلری معاینه  
 ایدلمی . اگر بوشاپقنلر قوش باشلیلر عاندایسه او مجلسده  
 یالکز سطحی دوشوننلر ، بر موضوعی تعمیقه ، بر و نلرندن  
 ایلرینی کورمکه قادر اولمیانلر بولندیغنه حکم ایتمیلر .

فرانسه نك دها آز فنا اداره ایدیله بیللمسی ایچون اعمی  
 اولان آرای عمومیه بومشاهداتی نظردقت وابتهصاره آلمیلر .

بیولک باشلر فرانسه یه ایقای خدمت ، کوچوکلر ایسه  
 اونو ایشاتمکه غیرت ایلرلر . بودجه یه اشتراك ایدلرک دردنچی  
 و بشنچی درجه سی یالکز کوچک بیلیلر در .

بن ، وقایع و حادثاتی فیلسوفانه بر نظرله تعقیبه محکوماً ،  
 شئون واقعته نك بکا تلقین ایتدیکی ملاحظاتی بهوده یره  
 افهام و اسماع ایتمکه چالشیوردم .

انکاترده مطبوعات بوتون افکاره آچیق بر کرسی  
 خطابتدر . فقط فرانسه ده بویله دکلدور .

حتی منطق سربستی بی حق مجازانك رفع و تعطیلنه  
 قدر ایلری سورمنی اولان موسیو ژیراردن بیله کندی  
 فکرینه معارض بر فکر درمیانه راضی اولیوردی .  
 برکون بکا : « بنم سنده بولانلرک آرتق امکان تحولی  
 یوقدر » دیمشیدی .



حالبوکه وفات ایدنجه حقنده نه قدر آلقیشلر ابدال  
ایدلدی ! چونکه تبدل برقاعده حیاتیه در .

مصرفی طرفدن تأدیه اولنق اوزره انتشار ایدن  
برچوق مجموعه لر قطعاً نظردقی جلب ایتدی .

برچوق زماندن بری « حریت » ، « مساوات » ،  
« اخوت » اساسلرینک قوانین طبیعییه ابله عدم اتلافی  
سببیله « اساسات اجتماعیه » عنوانی بر اثر یازدم . بواثر ،  
موسیو لیترونک نشر واداره ایتمکده اولدینی « فلسفه  
مثبتیه مجموعه سی » نده طویلا ندقدن سکر سنه صوکره  
کتاب شکلنده انتشار ایتشدو .

موسیو لیترونکی مجموعه مذکورده بنم اعتقاد سیاسیمه  
دائر یازدینی بر مقاله مناسبتیه طانیش ایدم . اعتقادمی  
رساله لرک برنده شو یولده ایضاح ایتشیدم : « علم و تجربه یه  
استناداً غایه یه واصل اولنجه یه قدر رادیکال و بوحودوک  
اوته سنده محافظه کارم ، فقط اصلاً بر مرتجع دکم . »

مادامکه موسیو لیترونک نامنی ذکر ایتدم ، بوفرصتدن  
استفاده ایدرک پک چوق کیسه لرک ، عدم وقوفلرینه  
رغمأ ، دائماً بحث ایتمکده اولدقلری فلسفه مثبتیه حقنده ده  
برقاج سوز سوبله مدن کچمیه ییم . فلسفه مثبتیه یی بیلمه یینلر  
غزته لرک پوزیتیویزم نامنه واقع اولان بی معنا شریاتی

فلسفه مثبتة اوله رق قبول ایدر لر . فقط او کوست قوننک  
 حیانتک بری محاکمات فلسفه-نی نشر وتبلیغ ایتدیکی  
 زمانده کی حال صحتنه ؛ دیگری یکی بر اصول مذهبی ایجاد  
 ایتدیکی حال جنتنه عائد صفحه سی بولندیغنی بیلمز لر .

بعض کیمسه لر او کوست قوننی حیانتک هر ایکی  
 صفحه-نده تعقیب ایتشلردر . حال بوکه لیتره ایله رفقای  
 معلم محترمک دهاسنه حرمت ایتک و فلا کتنه آجیمقله برابر  
 « جنت » نه اشتراک ایتمه مشلردر . اخلاف ، او کوست  
 قوننی عصرک اک بیوک متفکری اولمق اوزره سالاملایان ،  
 غامبه تنائی تکذیب ایتیه جکدر . او کوست قونت الوهیتی  
 قطعاً انکار ایتمه مش و ماهیت الهیه بی تعریف و تصویر  
 ایتمکدن احتراز وبالعکس عظمت لایتناهیسنی تصدیق  
 ایله مشدر .

اعلان ایتدیکی ایکی بیوک قانون اجتماعی خلقت کائناتی  
 ایضاحه واوندن استنتاج انتباهه خادمدر .

مومی الیه کائناتده کی اشیا نک مبدأ و منتهائی تعیین وحل  
 ایتمکله اشتغال ایتمه رک « دار عقبای » مسئله سنک حل وفصلی  
 ایچون بر چوق اصحاب دهانک صرف ایتدیکی بی فائده  
 مساعی بی مادیاته عطف وتوجیه ایتدی .

شبهه ایدلمز که تواضعه دعوت ایدن بر حاکم ، ضعفیت انسانییه

قارشى عفو ذنوب ، بوتون افكار جدیه و اعتقاداته قارشى  
مسامحه ، تطبيقى ايتردى مونسه نيور دوپانلو طرفندن  
بر « سن لاييق » عد ايتيردن عالى بر اخلاق البته  
مومى الهك فاسفه سنك مظفربتنى تامين ايدر .

حيات ماديه ده آرتق هر كس يوزيتيويستدر . بر كون  
كله جك ساحه مغويات واجتماعيانده ده بو حال وقوع بوله جقدر .



تبعات بنى اشغال ايديوردى . هيچ ده منتظر  
اولماديغم شو اوانده خديودن اوچ اوغليله بر قزينك عيني  
زمانده اجراسى مصمم اولان ازدواج مراسمهنده بولمق  
اوزره قاهرديه عزيمتى مشعر بر تلغرافنامه آلام .

بلا تردد كتابلرمى قپادم وقيشى مصرده امرار  
ايده جكمندن واورايه متعلق مشاهداتى اكمله موفق  
اوله جغمندن ممنون اوله رق در حال يوله چيقدم .

بودفعه مصر نظر منده موسم صيفده كندن بام باشقه  
بر صورتده تجلى ايتدى . كوزلرى كور ، نفسى اخناق  
ايدن غبار آلود خمسين اورته دن غائب اولمش ايدى .  
هوا صاف وبراق ، شمس تابان ايدى . اسكندريه ليمانيله  
سوقاقلرينه بر حيات وحركت ياييلمش ، سياحلىر اوتللمرى  
طولديرهش ايدى .

قاهره موصول شو من دو فرک طرفینه، عقیم چولاره،  
 نظری دولیران بر ستره حضرا یایلمشیدی . خطك  
 امتدادنجه تارالرده آياقلى چيپلاق ، صرتلرینه چيويد  
 رنگنده البسه و باشلرینه کچه بر تاقیه کیمش فلاحدر  
 آلات و وسائط ابتدائیه ايله اسقا ايله اشتغال ايديورلردی .  
 هر مو قفده مصر اتموز جنك انواعی کو ستردن یا یغاره چی  
 یش صایحیلری ، صو طاشیدجیلری ، بخشیش ایسته ینلر  
 کور و لیوردی .

آرابه لره قوش و لمش مانده لر ، ایخدر لمش دوه لر ،  
 هچینسوار بدویلر ، مستور قادینلر ، مرکب وارانده  
 بو قافله فعالیته قاتیللمشلردی .

نظر غروب شمسك علوی ایچنده ، اوقالیتوس ،  
 حرما ، فرنك چیناری آغا جلرندن مرکب و نیل ايله  
 محاط بر واحه نك اورتیه سنده ، مخطم تپه سندن  
 اوزاق بر مسافه ده کاش قاهره نك لایعد و لایحصا مناره  
 و قبه لرینه ، مهیب اهرام بیغینلرینه انعطاف ایدنجه انسانده  
 تاریخی و شعر آلود بر استغراق باشلا یور .

مصر ك مناظری ده ، آباداتی کی ، بر شکل دبده کاری بی  
 حائر در . تماشا ایدیلیر کن ، ولوله شهو و بلاددن اوزاق ،  
 - بر عرب شاعرینك دیدیکی کی - یالکز « نسیمك

تحريك ايتديكى ياراقلك ارضه دوشن كولاكه سىنك  
كورولتيسى « ايشيديلير .

قاهره يه وقوع بولان ايلك سياحتم ائناسنده اون بش  
كون اقامت ايتمش اولديغ اسكندريه اوتلنك بر شعبه سى  
واردركه بودفعه اوزايه نازل اولدم .

ايرته سى كوني خديوك اقامت ايتمكه اولديغى عابدين  
سراينه عزيمت ايتدم . مشاراليه بنى التفات معتاده سيلاه  
قبول و دوكونلرك ختامنه قدر زمانى ايتديكم كى كچيرمكه  
بنى تخيير ايتدى .

خديوى ايكنجى دفعه زيارتم ايلك سياحتم ائناسنده  
استانبولده كنديسيله معارفه پيدا ايتديكم واسمنك تصریحنه  
لزوم كورمديكم بر حجم ايچون وقوع بولدى . بو ذات  
ذكاسنده كى شدت سبيله دها ايلك كوروشديكم كوندن  
اعتباراً بنى مجلوى ايتمشدى . كنديسى هر كس خديوك  
ناموسكار بر خادمى اوله رق طانير ومومى اليه ده اداره  
مصريه نك بوتون تفرعات وغوامض امورينه واقف بولنور  
ايدى . توركجه و عربجه لسانلرني غايت اى بيلمكه برابر  
اوهنكاملرده فرانسه زجه يي پك آز بيليردى .

توصيه م اوزرينه كنديسنه بر معلم تدارك ايتمكه برابر  
« ژورنال ده دهبه » يه ده آبونه اولدى . بر آرزومان صوكره

لسانمزی، فرانسه زجه یازوب او قومنی او کړندی . بدایتلرده  
فرانسه لسانی لزوملی لزومسز استعمال ایدر و فرانسه ده  
تحصیل کورن آرقه داشلری قوللاندینی اسلوب انشائی  
دولایسیله کندیسینه استهزا ایلرلردی . فقط بن اونلره  
« اك صوك كولان اك انی كوله جكدر » دیردم .

مومی الیهك موقع اقتداره کچنجه کندیسینه تلقین ایتمش  
اولدیغم افکاری فعلاً تطبیقه قیام و تشبث ایده جکنه  
اعتماد ایدرک بر کون اول احراز موقع ایتسنی آرزو  
ایدیوردم . حقنده حس ایتدیکم محبت کندیسینه  
هر صورتله ایفای معاونت و خدمت ایدیوردی . بونی  
مصرده بیلمه ین یوقدر .

بر کون خدیو کندیسینه خدمت ایده جک آدملری  
بولمادیغندن بحث ایتدی . چوق زماندن بری منتظر اولدیغم  
بوفرستی در حال انتهاز ایدرک محبمی کمال موفقیتله مدافعه  
و التزام ایتدم . مومی الیه بنی آرابه سینه آلمق اوزره خدیوک  
نزدندن مفارقتمه بر معتاد انتظار ایدیوردی .

بودفعه کندیسینی کورونجه :

— ناظر اولدیکنز !

دیدم . فی الحقیقه ایرته سی کون تخمینم طوغری چیتدی .  
فقط سزای تأخدرکه او کوندن اعتبار آهیچ بر کیسه نک

وصایاسنه عطف دقت ایتدی و کندی بیلدیکندن شاشمادی .  
 کرک کنديسنك کرک مصرک منافعی نظر ابتصاره  
 آلهرق بنی دیکله مش اولسهیدی ..!

اعرابی حادثه نئی دویدیغ زمان کنديسنه شویله  
 یازمشم :

« بوتحریرکات عسکریه نه اوله جق ؟ دقت ایدیکز !  
 تاریخ شاهد درکه بوندن دها تهلهکی برشی یوقدر .  
 ویردیکی جوابده نیم قورقورلومی استخفاف ایدیوردی .  
 حال بوکه برقچ کون صوکره مقام اقتداردن سقوط ایتدی .  
 انگلیزلرک اعرابی بی طرد واسکندریه بی بومباردمان  
 ایدره رک قاهره بی اشغال ایتدکلری وقت مومی الیه بکا انگلیز  
 مأمورلرندن موسیوموله دن بحث ایتدی . جواب ایدیم که :  
 « بودیپلومات توسل ایتدیکی سیاستک تأمین مظفرتی  
 ایچون سزی اوقش-ایور . عینی سیاست بواننده یامقده  
 اولدیغی مواعیدک هیسنندن رجوعی ایجاب ایدرسه بوصورتله  
 حرکتده قطعياً تردد ایتیه جک ووظیفه سنی اکمال ایدنجه ده  
 انگلتره یه چکیله جکدر . »

نیم بو کشف و استدلالی زمان تصدیق ایتمشر .  
 محبمک ، بلسکه پدرینکی قدر سالم و خیرخواه  
 اولان وجدانته تبعاً درمیان ایتدیکم افکار و ملاحظاتی

نظر اعتبار و اسماعه آلمادیغنی کورونجه آرتق بنم ایچون  
تهامکلی برزمینده ابرازیتریکی فعالیت کوتهمینانه بی محزونانه  
سیر و تماشا ایتمکدن باشقه یابه جق برشی قالمادی .  
بو حادثاتی تصویردن مقصدم قارئی حادثاته احضار  
ایتمش اولمق ایچوندر .

\*  
\* \*

دزت پرنس و پرنسسک ازدواجی مراسمی غایت  
پارلاق اولدی .

بن بو مراسمه اثبات وجود ایتمکله اکتفا ایدمه رک اکلنجه لره  
قاریشمامد و قفقاسیه اردوسی ضابطانندن اولوب غایت  
سویملی و ممتاز برکنج ایکن ایلک بهارده مبتلا اولدیغی ورم  
خسته لغندن وفات ایدن اوتل رفیقهم موسیو غراماتین ایله  
مشاهداتمز حقنده مبادله افکار ایلکله وقت کچیردم .

سرایده بالور ، ضیافتلر ، مراسم بربرینی ولی  
و تعقیب ایتدی .

( آیدا ) پیه سنی ایلک دفعه سخنده تمثیل ایتمکله اشتہار  
ایتمش اولان اوپرا قومپانیه سی اوروپانک اک نامدار  
موسیقی شناسانندن و ماهر رقاصه لرندن مرکب صنعتکارانی  
ایله یوکسک بر بدل مقابلنده اجرای صنعت ایتدی .

فرانسزدرام ، قومدی و وودویلاری هپ تمثیل ایدلدی .



بو « بيك بريكيجه » مراسمندن بوتون اهاملده نصيبه دار اولدى . كيجه لرى اشغال اولنان مواد ناريه شهرى نورلره غرق ايدييور وفلاحلرك رقص وترملرينه قاريشان يايغره جي آلات موسيقيه نك كورولتيسى هر محله دن يوكسه ليوردى .

سوقاقلرده مقدار كافى عسكرك وازدواج مزينات ومجوهراتى ايله برابر بيوك بر آلاى ايله جولان ايدلديكى زمان كذرگاهه ييغيلان بي حد وحساب خالقك آقيشلىرى محيطى ايكلتدى .

لاتين لساننه ادخال ايدلمش اولان *ululatus* كلمه سى حرفلى *uu* صورتنده تلفظ اولنق وتنفس كسيانجه يه قدر ، بر سرعت فوق العاده ايله ، اهتزاز ايتديرنك شرطيله خالقك يوكسلتديكى صداى تصفيحى تقليدايده بيلير . بومثلى كورولمه مش قونسر انسانه زمان قديم ابتدالرينه قدر سوق فكر ايتديريوردى .

ممالك سائرده بيكلرجه منتخب مدعويى بر آرميه طوپلامق مشكلدر . قاهره ده ايسه رسمى بالورده پرنسلردن ، مشاهيردن بالا اعتبار دكانچيلره وارنجه يه قدر بوتون خلق اثبات وجود ايدر .

بالطبع بو حال بر هرج مرجى ، تو التلرك آهنگسزلىكنى ،

نظر خراش قیافتلرك ، بی حدود و انتها کس و هرک بی رنگ  
و رونق قالمیرنی ایجاب آیدر .

قادینلرك ده قولته لباس کیملری شرقلیلرجه مشتهیانه ،  
خارج از ادب عد اولور . اونلرك نظر نده صفوت قلبیه  
کوزللكك نصفیدر . اونلر شفاف ، کنج قیزلرله طاشقین  
و شیشمان قادینلرك عریانقلرینك باشقه محالرده ، عمو مخانه لرده  
کوسترلمسنه طرفداردرلر و او یله رلر ایچونده « بو محاللر  
عادتا براسیر یازایدیر » دیرلر .

هله صوبه ائناسینده بوفه یه وقوع بولان هجوم پك  
تحفدر . دها ایلک حمله ده ، غیر قابل توصیف برقاریشیق  
ایچنده ، سفره نك اوستنده کی اشیاوما کولات اورته دن غائب  
اولویریر . بعضا ده منظره سایان خنده برهائله یه منقلب اولور .  
بو جمله دن اوله رق بر آقشام قادینلر بر منازعه یه  
طوتوشمشلردی که حکایه سی زحمتنه دکر :

قاهره ده قادین تو آلتنی یاپانلر احتیاجه کوره پك  
آزدر . بوندردن اسمنی ذکر ایتك ایسته مدیکم بر بانلرك  
زوجه سی استفاده ایتك ایستهرک اوتهدن بری سومدیک  
بر مهندسك زوجه سنه معین زمانده کیتما مسی ایچون  
صاچلرینی تنظیم ایدن قادینی پاره ایله قاندرمش .  
انتظاردن پك زیاده جانی صیقیلان مهندسك زوجه سی ده  
یچاره بی فوق العاده بر حدتله تکدیر ایده رك هر شیئی

اقراره مجبور ایتمش . فقط ایکی رقیبه بالوده یوز یوزه  
کلنجه در حال طوتوشه رق بربرلرینی اوقدر طیرمالادیلرکه  
اگر آرالرینه کیرلمسهیدی یکدیگرلرینک کوزلرینی  
چیقاره جقلردی .

بوغوغانک حکایه سی کچن سنه درب الغمامیز مکتبنده ،  
حکومت مأموریتنه داخل برلینلی به نه ژیتولوغ ایله (بون)لی  
برفیلسوف میاسنده تکون ایتمش اولان دیگر برمنازعه ییده  
خاطرمه کتیردی .

بویکی ذاتک غوغاسی باخصوص کنجیلر ایچون  
مولیه رک مشهور ( ذکی کویلی ) پیه سی رینه کچدی .  
مولیه رک بو پیه سده کی اشخاصه سویلتدیکی بوتون  
بی ادبانه اقوالی غوغاجیلر تکرار ایتدیلر ، طور دیلر .

سالون و علی الخصوص نسوان آداب معاشرتی محل  
اولان بو منازعه نتیجه سنده برلینلی خصمنی مغلوب ایتدی .  
بو برلینلی عبرانیلرک ارض موعوده ، بحر احمری  
کچهرک دکل ، بحر سفید ساحلنجه یورویه رک واصل اولدقلرینی  
کشف و اثبات ایدن ذاتدر .

مومی الیه حریطه وهیه روغلیف و نائقه مستنداً  
ویردیکی برقونفه رانسنده اک ممتاز نه ژیتولوغاری یوقاریدن  
آشاغی به ذم و فصل ایتدی . بیاناتی استماع ایتزدن اول

بر عالمك بوقدر تربيه سزا كده بوانه جفنه اينانا مازدم .  
 بوسيله مومى اليك معلومات واسعه سى حقنده هم  
 مسلكى موسيو ماريهت طرفندن واقع اولان بيانات  
 توجهكارانه يى بالطبع موضوع بحث ايده مم .

\*  
\* \*

ازدواج مناسبتيه كشيده اولنان ضياقتلردن ، نازل  
 اولديغ اوتلك صاحبي ، بوتون شعباتك كسب و تجارتي ده  
 داخل اولق اوزره درت يوز بيك فراق قازاندى .  
 اونك زنكينا شمسى و بر دفعه ده صفر ايد قالمش اولسى  
 جداً شريانه در :

مسازره رى ماريتم قومپانيه سى واپورلرندن برنده  
 مقدا آشي اولان مومى اليه اسكندريه چيقرق  
 او وقت سعيد پاشا عنوانى حائز اولان خديوه عائد بر  
 اوتلى استيجار ايتمش . خديو طعام ايتك اوزره بعضاً  
 احباسيله برابر اورايه كليرمش .

خديو بر كون كمنديسنه ايديلن خدمتدن فوق العاده  
 ممنون اوله رق اوتلجي يى نزدينه دعوت و آرا لرنده شويله  
 بر محاوره جريان ايتمش :

— بكا يديرديكك يمكنلردن بك ممنون اولدم ؛  
 سويله : سكا نه ايلك يابهيم ؟

— افندمز ، التفتات دولتیرینه تشکرلر ایدرم .  
 بو او تل ذات فخیماندیرلرینکدر ؛ بوکا مالک اوله بیلمکلم  
 ایسه اراده سامیه لرینه وابسته در . . .

بو پک مهم ، جسیم بر طلب ایدی ؛ فقط بر خدیو  
 سوزندن دونرمی ؟  
 بو آرزوسنه نائل اولنججه اوتلجینک عقلی باشندن  
 کیتمش .

بومناسبتله بر چوق مجنونلقلرده بولندقدن باشقه بر  
 آراق پارسه کیتمک و اوراده ، آراهه جیسینک یاننده  
 شلوارلی وقونجیلری دوریک چیزمه لی بر اوشاق اوطوران  
 مکلف و مزین بر آراهه یه یاصلانوب ، برطاوس کی بو بورلنق  
 عقلنه کلش و درحال بواملنی موقع اجرایه قویمش . شکلا  
 براز او چنچی ناپولیونه بکره دیکی ایچون پولیس مأمورلری  
 ایله بولونیا بکجیلری کندیسینی سلاملارلر و اوده بوندن  
 پک زیاده منبسط اولورمش .

خلاصه ؛ « فلوت ایله کلن تامبورله کیدر » ، « هایدن  
 هویه کیدر » ضرب مثلنه بوتون افعال و حرکاتیه ترجمان  
 اوله رق الینه کچیردیکی ثروتی یمش بیتیرمش .

تکرار چالیشمغه باشلادیغی زمان تراکم ایتدیردیکی  
 ثروتی اسراف ایتیموب بالعکس تزید ایتدیکنی سویلیورلر ؛

فقط آرتق ابراز عظمت جنتنه رجوع ایدمهیرهك يالكن  
 كندیسنی ارباب اصلدن کوسترمك مقصدیله پرووانسده  
 صاتون آلدینی خانهجكك خصوصی معبدنده مستخدم  
 راهبه آیین قداسی اجرا ایتدیرمش .

شبه قوقولریله مشبوع جسم ثروتلر پارسده عادتاً  
 اریر ، کیدر . بویله هوادن زنکین اولانلره (راستاقوئر)  
 دیرلر . بویلهلرك اك نامدار و ذی داراتی Nabab عنوانی  
 رومانك قهرمانی مشهور «براو» در . مومی الیهی کرچه دها  
 صوکره طائیش ایسه مده کندیسندن بوراده شمیدین  
 بحث ایدمهیلیرم .

براو ؛ بش پاره سز ، شبه لی بر ماضی ایله اسکندریه یه  
 چیقنجه هر نه یامق لازم کلیور ایسه یاهرق سعید پاشانك  
 معتمدی و وکیل اموری اولمش و بو وسیله ایله کندیسنی  
 ایکنجی ایمپراطورلغك قوه تشریعیه سنده برصندالیه صاحبی  
 اولسنه موفق ایدن اوتوز میلیونلق بر ثروت اله کیرمش .  
 بومی آدامده بردسیسه کار ، انتریقه جی دهاسی وارمش .  
 نفوذنی سوء استعمال ایتدیکی ایچون سرایدن تبعید  
 ایدیلنجه باشنه بیچمسز بر کلاه کچیردرك خدیوک چیمقسنه  
 صبورانه انتظار ایتمش . خدیو مر قومی کورونجه آرابه سنی  
 توقیف ایددرك شویله بر محاوره یه کیریشمش :

— او !.. براوه ، اوباشکده کی شی نه ؟

— سرپوش فلا کتمدر افندمز ؛ فقط مادام که ذات

فخیمانه لری بنده لرینه خطاب ایتمه که تنزل بیوردیلر .

آرتق بوسرپوشك کیلمسندده معنا یوقدر .

بونك اوزرینه مرقوم اوچیمسنز کلاهی آنه رق جبندن

چیقاردینی منتظم برسرپوشی اکتسا ایتمش .

براهه بی پایان بر علو جناب اظهاری ایله خطالری

تعمیر ایدیورمش . کندیسنه منتدار ایتدیکی آدملرك

و کوردیکی نانکورلکلرك عددی پك چوقدر .

ازان جمله بر اسیل زاده بی یدی یوز بیک فرانق قمار

بورجی تسویه ایتك صورتیه بورجدن قورتاردیغی

سویلرلر . بالاخره براوه دوچار ضرورت ونکت اوله رق

منتدار براقدیغی کنجده کسب اقبال و ثروت ایدنجه براوه

وقتیه مرقومه اقراض ایتدیکی مباغك بر قسمندن واز

کچمه که مجبور اولدی ؛ فقط دین متباقی مدیونك اسکندریه

بورسه سندده دون بر فیثائله مبايعه اولنش اوراق تجاریه سیله

تأدیه ایدلیدکندن بو معامله دزده الینه همان هیچ بر شی

کچمدی .

براهه بوندن صوکره حیاتنك صوكر کونه قدر

مبذرانه و مسرفانه یاشامشدر .

ثروتی حسن صورت له استعمال ایتسنی توصیه ایدن  
کاتبه « بنم سعد طالع مدن شبه می ایدنی ورسک ؟ » دیووردی .  
وفاتندن برقیش اول کنندیسیله معارفه ایتدیکم وقت  
مرقوم آرتق سفالته دوشمک اوزره ایدی . کوزلرینه  
برنوع عمی طاری اولدیغی ایچون آباژور استعمالنه لزوم  
کوریوردی .

غرائب روحیه وشدت ذکائیه سی ، انسانلر ومصالح  
حقننده کی وقوف مکملی سببیه کنندیسیله ده اول  
طائیشه مادیغمه متأسفم . کنندیسیله کچیردیکم زمانلر  
مصری بکا ، سنه لرحه وقوع بولان مشاهدات ذاتیه مدن  
زیاده ، اوکرتمشدر .

ذکاسی درجه سنده مکمل بر اخلاق صاحبی اولسهیدی  
بو آدم درجه اول اولی میانه داخل اولوردی .

خدو اسماعیل پاشانک مرقومی کنندیسنه یاقلاشدیر مامقده  
حق واردی . مع هذا مضایقه سنی اوکره نتیجه کنندیسنه  
بیوک براחסانده بولوندی . فقط براوه بوندن استفاده یه  
امکان بوله میهرق اوروپایه عودت و اوراده تکمیل انفاس  
موجودیت ایتمشدر .



دو کونلرک دوامی مدتیجه خدیو مسافر لر نندن آیرلیووروبکا :



— سزکله دها بر آز صوکره کوروشه جکم .

دیوردی .

مشار اليك بو صورته اداره كلام ايتمه كده كي مقصدي  
 بنی قاهرده آلیقویمق ایدی . بویله بر تکلیف ایلک  
 سیاحتمه وقوع بولسهیدی بوتون املر مک زبده سی  
 اولوردی؛ فقط مشاهدات و تدقیقاتم سرایک اسرارینی نظر مده  
 عیان ایتدکجه قاهرده قلمنی آرتق تهاسکلی کور یوردم .  
 سرای ایزکانی بر طرفدن خدیوک آمال و ارادانه  
 مطیع و فرمان بر اولان یرلی مستخدمیندن؛ دیگر طرفدن  
 آرالرنده پک زیاده شایان احترام اولانلری ده بولنان  
 و قسم متباقیمی دها آز حرمته لایق اولان اجنبی مأمورلردن  
 متشکل ایدی .

مأمورین اجنبیه میاننده حائر اهمیت اولمیان قسم  
 سه دان فلاکتی اوزرینه محو و کنام اولان اصول اداره نك،  
 ایمپراطورلغك انقاضندن ، سفر پاشا اسمنده پولونیالی  
 بر مهتدینك اطرافند طویلانمش و دیانجهیلکله کسب ثروت  
 ایتمش اتریه جیلاردن ، دکر سز بر طاقم کیسه لردن ، یا خود  
 خدیوک علوجناب و جوانمردیندن صورت غیر مشروعه ده  
 استفاده ایچون تشکل ایتمش بر سندیقه هیئتندن باشقه  
 برشی دکادی .

بونلرخی کندیلرینه بر دقپ، بر مسابق ظن ایتدکاری  
ایچون حقمده تسویلاته قیام ایتدیلر .

حتی بالذات اسماعیل پاشا بونلرک منویات والقا آتندن  
خی خبردار ایتدی .

برکون، مشارالیه، فردا ایچون بر ضیافت دعوتنامه سی  
الوب المادیغمی بر افاده مستهزیانه ایله صوردی و معنیدار  
بر صورتده : « فلان کیمسه کندیسنه موسیو میسمری  
اونو تماییکز دیدیکم زمان فنا حالد بوزولدی ... » دیدی .  
بو بیانات خی دوشوندردی .

برتورک ضرب مثلی « بیک دوست از ، بر دشمن  
چو قدر » دیر . ائمدی دشمنلر چوق و بنم واقف اولمادیغم  
انتریکه جیلقده عادتا برر معلم ایدیلر . واقعا خدیوک بکا  
متوجه و متمایل اولدیغی انکار ایدم ؛ فقط بومیل و توجه  
دائما دوام ایده جکمی ؟

تاریخ حکمدارانک ثباتسزلقلریله دولودر .

بنابرین بویله بر ثباتسزلغه قربان اولماق ایچون هر نه  
صورتله اولورسه اولسون مصرده قالممغه قرار ویردم .

اسماعیل پاشا مجلس نظار کتباتی ایله مصرده قالمقلمغی  
تکلیف ایتدی ؛ بوندن باشقه بنم کار آزموده لکمدن  
ولی عهدک مستفید اوله بیله جکخی درپیش ایدرک خی

مشارالیه ترفیق ایتمک ایسته یوردی .

حقمده کی بو حسن نظر و توجهندن طولانی کند یسنه  
منتکذارانه تشکر ایتمکه برابر تکلیف واقعی قبولدن بی  
منع ایدن اسبابی تعداد ایدرکن ، رد اولنق قورقوسیه ،  
پارسه عودتمی ایجاب ایدن بعض اسباب محرمانه بولندیغنی ده  
علاوه ایتدم . بوضورتله جواب ویریشمدن مشارالیه  
متحیر و متأثر اوله رق :

— يك اعلا ، دیدی ، اوله ایسه آرتق بوندن بحث  
ایتمه لم .

سر ایدن بر حس انفعال و انکسار آلتنده اوله رق  
چیققدم . محجم بی یول اوستنده بکله یوردی . جریان  
ملاقاتی کند یسنه حکایه ایتدیکم وقت ، صیقلدینی زمانلرده  
معتادی اولدینی وجهله ، بر حرکت عصبیه ایله بیغنی  
بوکدی . بوندن آکلادم که اوده بنم حسیاتمه مشترکدی .  
بو آندن اعتباراً آرتق بنم ایچون عزیزیمه حاضر لاقمدن  
باشقه یابه جق بر ایش قالمایوردی .

فقط ایرته سی کونی اوتلدن مفارقت اید . حکم صروده  
ایدی که تشریفات ناظری کلهرک خدیوک بی سرایه دعوت  
ایتدیکنی تبلیغ ایتدی .

سرایه حین مواصلتمده مشارالیه ، خلاف انتظار ،

ملفتانه قبول و ابدال توجه ایتمه که برابر بی خدمت  
ذاتیه سنده آلیقویمق ایسته دیکنی سویله نیجه حیرتله ایچنده  
قالدم درمیان ایتدیکی تکلیفه کوره یالکیز قیشین کله جک  
وسائر زمانلرده پارسده قاله جقدیم .

بوتفرعات و تفصیلاتی خدیو ایله اولان مناسباتمده کی  
بحرانی کو سترمک و مشارالیهک طبیعت و اخلاق صمیمه سنی  
انظار اوکنده تنویر ایتمک ایچون ذکر ایدیورم .  
بر هیچدن باشقه بر شی دکل ایکن اغنا ایتدیکی  
کیمسه لر مشارالیهک یالکیز خطئیاتی کورورلر ؛ فقط بی  
اونک شاهانه مزیتلرینی سویله مکدن و کندیسنه کال سربستی  
ایله ایفای حرمت ایتمکدن هیچ بر شی منع ایده مز .

بوایکنجی سیاحتمدن سوکره منتظماً دها دوت قیش  
مصره کیتدم . بو سیاحتار وسیله سیله ایتالیا موزدلرینی  
و آبداتی : توردن ، برندیزی ، ناپولی و جنوه شهرلرینی  
زیارت و روماده ایکی دفعه اقامت ایتدم . پایا طقوزنجی  
(پی) نک سیمقستین کلیداسنده قرائت ایتدیکی تهده اوم  
دعاسی الان سامعه مده طنین اندازدر .

جنرال جیال دینینک قومانداسی آلتنده بولونیا فرقه سنک  
اجرا ایتدیکی بر رسم کچید قریمده جلب نظر دقت ایدن  
پیه مون انتظام عسکرینک جنوبده کی قطعات عسکریه یه

هنوز نفوذ ایدم مدیکنی اثبات ایتدی .

• •

سیاحترمك برندن عودت ایتدیکم وقت خارجیه  
ناظری دوق دوقاز شرق پولتیقه سی حقنده بعض ایضاحات  
ومعلومات آلق اوزره بنی وهرسای سراینه دعوت ایتدی .  
دعوت واقعیه درحال اجابت ایتدم . امور دینییه  
امور اداره دن تفریق مسلكنی تعقیب ایدن حکومتك  
طرفدارى اولماق له برابر بو حکومتك امور خارجیه نظارتنده  
بصیرتکار ، اولدقچه معلوماتلی ، مقام اقتدارده بولندی  
مدتجه فرانسه نك منافع ونفوذنی محافظه ساعی بر دیپلومات  
کور دیکمی انکار ایدم .

بوملاقانده بکا ایضاح ایتدیکی افکاره ، نقاط نظره  
بنای محاکمه جائز وطوغری ایسه دیرم که مصری انکلتربه  
تسلیم ایدن شه سز بوناظر دکلدر .

دوق دوقاز دائما مظهر قبول اوله جعمی تأمین ایله  
کندیسنی تکرار زیارت اتمک لکمی بیان ایتمشده  
مشارالهی بردها کورمدم . غریب بر اعتیادم واردر :  
بویله احوالده دائما بنی دعوت ایتلرینی بکلرم .

بم بویله ایکی دفعه قصورم واقع اولمشدرکه هرایکسندنده  
شمدی نادیم .

فرانسه‌نك ۱۸۷۵ سـنـه سـنـده يـنـه بر آلمان تجاوزندن  
آنحقي روسيه وانككتره‌نك توسطيله تخلص كريان  
ايد بيلديكي روايت اوليوردی .

بو ائنده بن بر چوق مرا كز مهمه بي زيارت و كيسينژنه  
قابليجه لرنده تداویدن هنوز عودت ايتمش بولنيوردم .

بوسياحت ائناسنده بكا اويله بر فكر لايح اولدی كه  
شايد بر حربك باشلانغيچنده موقع فعله وضع اولنورسه  
احتمال كه بر ظفره معادل اوله جقدی .

اسرار حكومت نه ديمك اولديغي بيانمه ين بر مملكتيده  
بونی كيمه سويله ملی ؟

بر آز دوشوندكدن صوكره رئيس جمهوره شو تخريراتی  
يازدم :

« ماره شال حضرتلی ،

« آلمانده اجرا ايتديكم بر سياحتدن هنوز عودت ايد يوردم .  
مدافعه مليه به متعاق بعض اسبابه بناء بر قاچ دقيقه ايچون حضور  
عالمرينه قبول بيورلمقاعمی نیاز ايدرم . »

جواباً آلدیغم تخريراتده فرداسی کون ايچون ملاقاته  
دعوت اولوندم .

تأليزه سرآينه مواصلتمده بر ياور افادات و بياناتي  
استماع و تلقی به مأمور اولديغي تبليغ ايتدی .

کیمک مواجهه سنده بولاندیغمی یک نظرده آکلایه رق  
ابتدا تردد ایتدم ، فقط آرتق هرچه باد باد دیهرک  
سویله جگمی سویلدم .

سوزمی بیتیر بیتیر من مخاطبم « بونم ایچون یک  
مشکل ! » دیدی .

آیاغه قالدق رق :

— اوت ، بوکا حیرت ایتهم ،

دیدم .

مسائل معظمه یی بویله کوچک قفالره صوقق ،  
امور وطنیه یی متوهملر الینه دوشورمک ، مواد عسکریه یی  
سالون ضابطلرینه ایضاح ایتمک ایجاب ایتدیکنی بن بیلوردم .  
بونى اوکرنمک ایچون بویله بر تجربه یه احتیاجم یوقدی .

بر آرزو کره ، اعرابی عصیانى هنکا، ندده ، سیاستمیزک مادام  
دو بومپادور زمانندن برى شمديکى قدر فنا اداره ایدلمدیکنی  
سویلدرک بر مبعوثه بیان شکایت ایتشدم . بوذات بکا موسیو  
فره یسینه ایله ملاقات ایچون برورقه استحصا ایتدی .

تعیین ایدیلن ساعتده انتظار سالونى زوار ایله طولمش  
بولدم . سالونده بر پستقپوس ، جزائر والیسی موسیو تیرمان ،  
موسیو آ . آبو ، بیشوفسهایم ، آماغوسائر بولنیورلردی .  
بر ناظرک ، باشی چاتلامادن ، بو قدره متخالف مناسباتی

اداره ایده بیلیمسنگ ناصل بر معجزه اولدیغنی ذهناً  
 دوشونه رک تقریباً ایکی - ساعت قدر نوبتی بکلام . سویله مک  
 ایسته دیکم مهم شیلری بر قاج جمله ایله مختصر آبیان ایده بیلسم  
 بیله تشبثمک پک واهی اوله جغنی عیاناً کور یوردم .

بوئانده بر کنج کاتب کله رک ایرته سی کونی عینی  
 ساعتده کله می موسیو فره یسینه نامه رجا ایتدی .

دوشوندم : صانکه نیچون ؟ . . .

مع هذا ایرته سی کونی کیتدم .

بن حقسنزلغمی اعتراف ایدرم . بویله بر حالده مملکته  
 قارشى اولان وظیفه باشقه ملاحظه لره غلبه ایتلیدر .  
 فقط ناظرده حقسنزلق ایتشدی . موسیو تهر امور  
 مستعجلده ، ناپولیون کبی ، مراجعت ایدنلری بکلتیمیه رک  
 صباحین ساعت بشده قبول ایدردی .



قیشی مصرده کچرن اجانب اوزبیکه باغچه سی جوارنده کی  
 تیاتروده . قهوه خانه لرده ، اقامت ایتدکلری اوتلارده  
 کندی کندیلرینه امرار اوقات ایدر لر . جولان ایده بیلدکلری  
 یرلر همان همان شوربه یولی ، بازارلر ، جوامع مشهوره ،  
 بولاق موزه سی ، شجره مریم و اهراملردن عبارتدر .  
 قوق قومپانیه سنک نیل نهری اوزرنده ایشلتدیکی



واپور لرله ده مصر علیایه قدر کیده بیلیرلر .

فقط بونیل سیاحتده انسانی حیران ایدیه بیله جک  
بك آز شیلر واردر .

تبعات اساسیده بولمق ایچون یرلیره قاریشمق ،  
اونلرک عادات و اخلاقه تبعیت ایتک ، اونلرک حیاتی  
یاشامق لازمدر ،

بونک ایچون حس تجسسی تطمین ایتک ایستهین  
برکیمسه ، بوش زمانترنده ، سیغاره دومانلریله مشبوع  
قهوه خانهلرده اوطوروب بر قهوه ایچمیلیدر .

مدقق برکوز قاهره نك اطرافنده کی محلات ایله شهر  
قبولرنده واسع بر ساحه تتبع بولور . هر آیدمه تصادف  
ابدیان شایان تماشا منظره لر دن قطع نظر مصادف انظار  
اولان انواع مسائل انسانیه اوکنده روح تهیجانه دوشر .  
ازان جمله بر طاقم بیچاره فلاحلرک الیرنده کی مساحه  
شریدیخی قوشه رق آچوب بزم معمارلر مزدن دهاطوغری ،  
دها سلیم مساحات و تقسیمات ایله اشتغال ایتدیکی  
کوردولور

بر طاقم ارباب صنایع الیرنده کی آلات و وسائط  
ابتدائییه نك اعانه سیله اك مغلق و مشوش طوغرامه جلیق  
ایشلری میدانه چیقاریر .

بعض قادين نقش و ديکيشـلـرى کوردولورکه بهرۀ  
رسامانهـنک وجودينه دالدرلر .

مع هذا صنعت جفر بو محيطده آرتق تاميله محو و کتنام  
اولمشدر . هر هانکي بر جفر لوحه سي مصر ليلردن برينه  
ارائه ايله محتوياتي استکنانه اولنسه آله حق جواب ،  
لوحه ده کي رقلري کوستردک : « بونلر ۷ ، ۹ و ۱۳ رقلريدر »  
جمله سندن عبارت قالير . بوندن فضله سني کيمسه بيلمز .  
بوصنعتک استناد ايتديکي نظريات مصر قديمي سوق  
واداره ايدن صنوف اهالي ايله برابر اورته دن غائب اولمشدر .  
شمديکي بيلان سخار ليله حقه باز لک منشأی دخی ازمنۀ  
قديمه به قدر چيقار . بومنا بـتـله خاطر مه کوچک بر منقبة کلدي :  
اسکندر يه ايلک دفعه کلديکم زمان بش آلتی  
ياشلرنده بر چو حق هر کون عباس اوتلنک حناغنه کلير  
وحقه باز قلر ياپاردی . بر کون بونک حقه باز کله سني کاه  
اورته دن غائب ايتک ، کاه حقه لر ينک آلتنه صو قق  
صورتيله کنديسني شاشيرتمني موجود سياح لر له آرازده  
قرار لاشد يردق .

بو کوچک صنعتکارک اويونلرنده تصادف ايتديکي  
عدم موفقيت اوزرينه آلدیني وضع تعجب و حيرت قدر  
کولنج برشي اولماز . فقط کنديسيه استهزا ايتديکمزي  
کورونجه زواليجق بوييني بوکدرک اوقدر اغادي ،

اوقدر کوزیاشی دوکدی که اله برقچ پاره صیقیشدیره ورق  
قیریلان عزت نفسی کوچ حال ایله تعمیر و تطمین  
ایده بیلدک .

نیل وادیسی مواسمک تبدیلیه تبدیل مکان ایدن  
قوشلرک عادتاً بر اردوگاهیدر . هله بیلدیرجینلر لایعد  
ولایحصار . زواللی حیوانجقلر دکر آشمقدن اوقدر  
بیتاب دوشرلرکه !... حتی بونلری اسکندریه سوقاقلرنده  
ال ایله طوپلادقلری واقعدر .

فلاحلرک ماره اونیس کولندداوردک صید ایتمک ایچون  
غریب بر اصوللری واردر : غیرتلاقلرینه قدر صویه  
کیرمکه برابر باشلرینی صوده یتیشن برنوع اوتایلر صارارلر .  
بو صورته عادتاً جزائر ساجحه شکلنی آلدقن صوکره  
صو ایچنده بولمان اللرینه برر اوزون سیجیم آله رق  
اوردکلره اورکوتمکمزین یاقلاشوب آیاقلرندن یاقالار  
ودر حال صو ایچنه صوقه رق آیاقلرینی اللرنده کی ایپله  
دو کوملرلر ؛ بونک اوزرینه اوردکلری سربست بر اقوب  
کندیلری قرده چیقار و سیجیمی چکوب آلرینی  
آلیرلر .

شکارک مبدولیتی سببیله مصرده کی قوردلر  
آورواده کیلرندن دها آزهله کیلدر . منشده بولندیغ زمان

قوردلرڭ پك ياقينده بولغان بر شكر قامشى تارلاسنده  
باغيردقلىرىنى ايشيتدم .

عيفى كيجه مسافر اولديغى خانه نك كومسندەكى  
حيواناتى بر تىلكى بوغدى . فقط ايرتەسى كيجه يەنە  
كمال احترازله كومسە ياقلاشيركن بر قورشونله  
كبرتديلر .

مصردهكى تىلكىلرڭ اينلر نده متعدد مخرجلر كورولميور .  
ظن ايدرم كه بو حال آوروپاده اولديغى كې اينلرينك  
توتسو ايله اشباع ايديله جكمندن تىلكىلرڭ قورقولىرى  
اولماسندن ايلرى كليور .

ترقيات بشريه نك دوامنه خدمت ايدن عنعنات جنسيه  
حيوانلرى ده اداره ايدىيور .



خديو بنى تقريباً اوچ آي قدر آليقويمشدى . هفته ده  
بر چوق دفعه لر حضورينه قبول ايدىيور وملاقاتلر مز ،  
زمانك مساعدهسى نسبتنده ، اوزاوردى .

حتى بر كون حضورندن چيقه جغم صردهه جيندن  
ساعتنى چيقارهرق :

— ايسته درت ساعت اوليور كه قونوشيورز ،  
ديمشيدى . مع هذا شونى ده تصريح ايتلىم كه بو ملاقاتلر

هوآياته دكل بر مملكت حكمدارنى علاقه دار ايد بيله جك  
خصوصاته تعلق ايد يوردى .

سوز سويله مك ، بيان فكر ومطالعه ايتك ايچون  
خديوك سؤالنه انتظار ايتكى اعتياد ايتشم . مجراى كلام  
علاقه دار اولماديغم نقاط وخصوصاته قدر توسع ايد . رسه  
جوابلرم ساده جه « بيلم » جمله مختصره سندن عبارت  
قاليردى .

بونلكه برابر « حقيقت » بيلديكم شيلرى بلافاته زمان  
مدافعه ايتكندن ده خالى قالماد .

مارتينيكده بش سنه زراعتله اوغراشمش بولمقلم  
تجاربه مستند برچوق اصلاحات فكرلرينك تلقينه ياردم  
ايتدى .

مصر سفلانيل نهرينك احداث ايتديكى اراضى  
لحقينه دن متشكلدر . مصرك بوقسمنده اينيه انشا آتته  
يارايه جق احجار واشجار بولماز . بونك ايچون كوى اولرى  
كافه طوراقله انشا ايدلمشدر . بوبنلرى اقليمك يوسقى  
محافظه ايد يور ؛ يوقسه دواملى وشدتلى ياغمورلر ياغسه  
هيسى ده طوز كى اريوب كيده جكدر .

بوكون بيله سويش قناللك تجراتى وبعض طرفلرده  
اشجار غرس ايدلمكده بولمى سيبيله ياغمورلى كونلرزايد

ایتمکده و کوستیک او بکلرندن باشقه برشی اولمایان مبحوث  
خانهلر عادتاً برر چامور ییغینی حاله کلیمکده در .

بوکی حادنانک تکرر و تجدیدی فلاحلری ایرکیچ  
دها ای بر اصول توطن تحریرسنه اجبار ایده جک و بوده  
بالطبع ترقیات عمومیه منافعه اوله رق اولرک معنویاتنده  
اساسی تبدلات حصوله کتیره جکدر .

بو تکامل مطلوبی تعجیل و تسهیل ایچون اشجار میاننده  
اک زیاده کراسته یتشدیرمکه صالح اولان جنسلری انتخاب  
ایددرک بونلرک اراضی غیر مزروعه ده غرنی تشویق  
وتکثیر ایتلیدر .

مصرفه ، اوروپاده کلرندن زیاده ، سرعتله یتیشه -  
بیله جک اولان جنس آغاچلر احتیاج مملکتی ازاله و ممالک  
اجنبیه عندالاجرا فضا له تجارت تأمین ایده جک کراسته نی  
مبدولیتله یتشدیریر .

اک چوق ایشه یارایه جق اولان بامبو آغاچیدر .  
بو آغاچدن ، اقصای شرقده و آمریکا آطهلر نده اولدینی کی ،  
کراسته ، پداوره تخته سی ، مردیوهن وکی دیرکلری ،  
بوله تخته لری یاپیلمق و حتی احشاش ابنیه کاملاً بو آغاچله  
انشا ایدلمک ممکندر . بونلری یچمک صورتیه میدانه  
کتیر یله جک صنعتکارانه اشیا یه باشقه .

نیل جزائر و سواحلی فصیلہ تجلیہ بہ منسوب نباتاتک  
زورنہ پک مساعدر . حتی بعض مواردہ بو فسیلہ نباتاتی  
نہرک سرستی جریانہ مانع اولور .

حیوانات اہلیہ یتیشدیر اسی دہ مصر ایچون ای  
بر منبع ایراد اولور .

حماری پک بول اولان مصر دہ ، موسم صیفندہ اوت  
یتیشمدیکی ایچون ، بیکیر ، اوکوز ، قویون پک آذر .

اسقامی اراضی ایچون آچیلش اولان صوقنالارینک  
اطرافنہ ، « پورتو دریقو » دہ مهم بر منبع ثروت اولان ،  
« پارا اوتی » نام دیگرلہ آریق اوتی اکیلہ مصرک  
حراثت وزراعتنہ مهم بر خدمت ایفا وہ مصر سلخخانہ لریلہ  
سواری قطعاتک بو اوتہ اولان احتیاجاتی تہوین ایچون  
اوروپا و سوربہ ویرملکدہ اولان مبالغ تصرف  
ایدش اولور . بو اوتک کوکلری قنالارک شیولرینی تحکیم  
وترصین ایدہ جکی ایچون مصارف زرعیہ واسقائہ سی ،  
شیولرک انشا مصر فی تنصیف ایتک صورتیلہ ، تأمین ایدر .  
ہند سودانہ ادخال ارنورسہ اورادہ کی اہالی بی توطینہ  
وبر متاع متحرک اولان حیوانات واسطہ سیلہ امر مبادلہ دہ  
فعالت تلقیننہ خادم اولور .

طوبراخی اکمک نافع ، انسان یتیشدیر مک ایسہ

انفعدر ؛ چونکه انسان قیمتند که طو براق ده قیمتله نیر .  
آنک ایچون مصرده آز زمان و مصرفله سویه بشریه نی  
یو کس لتمکی منع ایده جک هیچ بر سبب یو قدر .

ایچه زماندن بری حیوانات اوزرنده اجرا ایتدیکم  
تدقیقات و مشاهدات و منسوب اولدیغ قطعه عسکریده  
انسانلر اوزرنده یابدیغ پداغوزی تجربهلری اوروپاده  
جاری اولان اصول تعلیم و تدریسک پک چوق زمان  
اسرافنی موجب اولدیغنی نظرمد انبات و اظهار ایتشد .  
هر طرفده اساس شکه ، حقیقت واهیاته ، فوائد بر منبع  
فلاکت اولان آلیشه فدا ایدیلیور .

علم ایله اخلاق و معنویات متوازیاً انکشاف ایتمزه  
هیچ ر فرد حقیقی بر تحصیل و تربیه واصل اولاماز .  
معلوماتمز ببالرمزدن دها زیاده اولمقله برابر تربیه مز ،  
اندیشه مز اولردن چوق کری قالمشدر .

بز حجابی اورته دن قالدیردیغمز ایچون اجداد مزک  
اینجهلک لرینه حماقت ، حزم و اعتدال لرینه حیا سزلق ،  
هزل یاتنه حیوانیت دیورز .

بزم بو تأخر و تدنیمز اک نهایت بر وحشته منجر  
اوله جقدر .

بو وحشتک انتظام اجتماعی به ادخال ایتمکده اولدیغنی



انتظام سز لقلر ، هرج مرجیلر ایرکچ پروغراملرک ، اصول  
تعلیم و تدریسک — تحصیل عالینک اخلاق علویه ایله  
امتزاج و توازننی تأمین ایده جک بر صورتده — اصلاحنی  
استلزام ایده جکدر .

قونقو چیوس :

— هر شیدن اول اخلاق ؛ باقیسی هیچدر ،  
دیمشدر .

مصر حالت مذهبییه و احتیاجات اساسیه سی وزمانک  
معلومات حاضره سی ایله هم آهنگ بر مسـلک تحصیل  
قبولنه مساعددر .

بومسلک جسمیم بر بنانک پلانی کبی تنظیم ایدملی  
یعنی تملی ، قاتلری ، چاتیسی بولنمیدر . بو طرز تعلیم  
و تدریسک اصل قیمتی بشریتک آشاغی طبقه لرنده بولنانلره  
اساسات مدنییه حقننده بر فکر ویره بیله جک و احتیاجات  
عملیه حیاتییه تقابل ایلیه جک اولان تحصیل ابتدائیده در .  
بونده هرکسک حقی وارددر ؛ چونکه هرکس اسباب  
موجودیتنی تأمین و جمعیت بشریه نک جزا تهدیدی آلتنده  
کنندیسنه قبول ایتدیردیکی وظائفی ایفا ایچون بوندن بر  
نسبت کافیه ده استفاده یه مستعددر .

فقط حالت ابتدائیه مشابه بر — ویده بولنان انسانلر

ایچون استیفا و تطمینی ممنوع احتیاجات غیر طبیعی به تقابل  
ایدن تحصیل اعدادی بویه دکدر .

ذکا و استعداد اعتبار به بین الافراد مساوات منزلت  
تأسیس و محیط اصلیرینک فوقه حقیقه میان قابلیت منزلت  
آنا رشیستلکه ، مناسبت منزلت کله سوق ایدن قانون طبیعتدن  
ممکن اولدینی قدر احتراز ایتمک ایسته نیلر سه تحصیل اعدادی  
ایچون استعداد و قابلیت لری اولانلر تفریق اولنمیدر .

کذا ضابط ، حقوق شناس ، طبیب ، معلم و سائر  
یتشددیرن تحصیل عالی ایچون ده اعدادی مازونلرینک  
کزیده لری آیرلملیدر .

بومدارج تحصیلک فوقنده بر دارالفنون بولنمیدر که  
اورایده آنجق اداره اقوامه قابلیت لری اولانلر قبول اوانه بیلیر .  
هپسی بوقدر دکل . علم ایله اخلاق بیننده ضیق بر  
توازی وارددر . بر عالم علمی نسبتنده صاحب فضیلت در .  
چونکه علم حق و عدالتک مدار دوام و بقا سی اولان  
قیاسات منطقیه یی توفیر و تکثیر ایدمک روحک خاصیت  
حاکمه سی اولان محاکمه یی انکشاف ایتدیریر .

فنانگی ، محضا فنانلر یا عتقدن محظوظ اوله رق ، یاپانلر  
بک نادر در . فنا بر عملک اساننده دائما بر ضلالت  
حاکمه وارددر . بنتم بر جانیدن بحث ایدرکن :

— بو آدم فما حساب ابتدی ، دیمشدر بو حکمتی  
 شئون حیاتیه و تدقیقات تاریخیه تصدیق و تأیید ایدر .  
 ترقی ایتدیکجه حقایق مسلمه فنیه بی تطبیقات اخلاقیه  
 شکله قویمغه حصر غیرت و اعتنائیدن مسلك تدریس بر غایه خیالیه  
 اوله جقدر . فقط قدما بوکا معلوماتلری نسبتنده بر شکل  
 حقیقت ویره بیللمشلردر .

علم ایله اخلاق بیننده بطریق التحصیل تأسیس موازنت  
 ایچون بیو کدن باشلامغه اصلا لزوم و احتیاج یوقدر .  
 بسیط بر حیره نك تکامل و انکشافندن نتایج بدیع استحصال  
 ایدن طبیعتی تقلید ایتلیدر .

عادی بر صبیان مکتبی — فقدانی تحصیل عالی بی مسند سنر  
 براقان — تحصیل ابتدائی ایچون بر نمونه اوله جق حاله  
 کتیر یلنجه یه قدر تجربه اجراسنه مساعددر .  
 حال حاضرده کی طرز تحصیل مهالك اجتماعیه بی ،  
 ازاله ایده جك یرده بالعکس ، توخیم اییدیور .

\*  
\* \*

علی العجله تصویر ایتدیکم شو بر قاج مبحث خدیو ایله  
 وقوع بولان ملاقاتلر من حقنده بر فکر اجمالی ویره بیلیر .  
 اگر خدیوک النده بر قوه ساحره اولسه یدی مصر  
 کلاماً تبدل ایتمش اولوردی .

اسماعيل پاشا محمد علي پاشانك اترني اتمام ايتك يعنى  
 مصر خديويتنى اوج كاله اصعاد ايله مك ايستردى ذكا  
 وفعاليتى ده بوايشك عهده سندن كلكه كافى وحتى زياده ايدى .  
 مع هذا طبيعتك خارق العاده اوله رق يتيشديرديكى  
 بو ذاتك ، بوتون بويوك انسانلرده اولديغى كى ، بعض  
 خطالرى واردى . بوده طبيعيدر : اوچورومسز شاهقه  
 اولماز .

عيني زمانده هم متشبث هم متردد ، هم بصيرتكار  
 هم سهل الاغفال ، هم مسرف هم قناعتكار ايدى .  
 بركون « برقوتات بكا كافى كلير » ديمشدى . حال بوكه  
 برهوس ناپايدارك تظيمى ايجون برمليون صرف ايدردى .  
 امور ماليه ده كى خطيئاتي كنديسنه نفوذ و قدرتتك  
 ضياعى بهاسنه مال اوله جغنى كوره ميوردى ؛ فقط اعرابي  
 عصيانى اونك ايجون ناكهان بروقه دكلدى .

انسانلردن متنفز اولماق له برابر انسانلره پك آز محب  
 كورونوردى . بيله م نه مناسبتله ، بر دفعه ، آرامزده شويله  
 برمحاوره جريان ايتمشيدى :

— ذات فخيانه لرى انسانلرى سوميورسكز ظن

ايدرم .

— حقلى اولديغى سزده اعتراف ايدرسكز يا !

طبیعتنه رغماً بعضاً تناقضلره دوشردی . بر کون  
شویله دیشیدی :

— مصری او قدر دیکشیدیره حکم که کورنلر بومماکتک  
عادتا اور وپادن بورایه نقل ایدلمش بر مملکت اولدیغنه حکم  
ایده جکالر .

— قابل دکل — دیدم — نه اقلیم ، نه اعصابار دیده  
عنعنات اخلاقیه ، نه ده قرآن کریم بو املکک حوصله  
مساعدا اولمایه جقدر .

« قابل دکل ! » جمله سی حکمدارانک قولاقلرنده دایما  
فنا عکسلر ، فنا طنطلر براقیر . مع هذا مشارالیه بوجوابه  
قارشى فکرى مدافعه ایتدی ؛ فقط بر آز سوکره بر طاقم  
سرایلرک انشاسی مسئله سی موضوع بحث اولنجه :

— دقت بیورک ، افندمز ، اون دردنجی لوتی بی  
محو ایدن ودرسه ای سرایدر ! دیهرک اولکی سوزمی  
نوعما تعدیل و بوضورتیه تأثر وانفعالی ازاله ایتدم .

بونکله برابر اسماعیل پاشا طرفندن عقد اولنان جسیم  
استقراض بوتون بوتون فائده سنز دکلدی .

شومن دوفرلر ، اسقاقلالری ، امور صناعیه ،  
علی الخصوص فیو — لیل قومپانیه سنک نیل نهری اوزرنده  
عادتا بر بدیعه سی اولان کوپری ، محاکم مختلطه ، دهاسائر

بر چوق تأسیسات هپ مشارالیهک زمان مأموریتنک  
محصوللریدر . بوندن باشقه مصری اجانبک بر مشتی  
بدیعی حالنه قلب ایتسی تجارت و صنایع محلیه ایچون اهمیتی  
سنه دن سنه یه آرتان بر منبع واردات اولمشدر . فلاحلرک  
بویوزدن تأمین ایتمکده اولدقلری اوفاق تفک فواید  
ینه باشقه .

سرابدن چیقدقدن صوکره علی الاکثر ، اسمنی  
ذکرایتمکه لزوم کورمدیکم ، دوستمله بولوشوردق . بر کون  
بوذات بکاوردی :

-- بوکون نه یاپدیکز باقملم ؟

-- زمانمی ضایع ایتمدیکمی کوره جکسکز ، دیدم .

او ، بنم بوصافیتمله اکلہ نیور و :

-- اونودیورسکزرکه باشقلری ده قورنازدر . سز

چیقدقدن صوکره اونلر خدیوک حضورینه کیریور  
وسزک ترتیبکزی ال چابوقلغیله بوزیورلر . بونک ایچون  
بوزیلانی تکرار یایمق مجبوریتنده قالیورسکز ، دییوردی .

اون دردنجی لوئی ایچون قرالغنک برنجی ژانتیلومی

کندیسیدر دیرلر .

تاریخده اسماعیل پاشا درجه نده مملکتنک حال

ورجانی بیان ، بیونک شیار یایه بیامکه قادر وهیئت نظار

و مأمورینک بحقی رئیس اولان بر حکمدار بوله بیلیمک  
مشکلدر .

بو اوصافی حائر اولمه لر دی احتمالی که تیر ونه درون  
هیچ بر شیئه موفق اولمه دن دنیادن کو چر لر دی .

بن شوکامه مقدمه که اسماعیل پاشانک صندالی خدیو یته قعودی  
انساننده بسله نیان امیدلرک اوان حکمرانی سنده تحق و تأید  
ایده مه مش اولمنک سببی کند یسی دکل معیتی افرادیدر .

یرلی و اجنبی هرکس - حتی دول معظمه نک مأمورین  
سیاسیه سی بیله - مشارالیهک مظهر لطف و احسانی  
اولیور ایدیلر . فقط فلاکت زماننده اوندیملرک کافه سی ،  
قارنلری دو مش سولوکلر کبی ، چکیله لرک ولی نعمت لرینی  
یاب یالکز بر اقدیلر .

اسماعیل پاشانک عزلی مسئله سنده ، آدینی وضعیت  
یوزندن ، فرانسه نک نه غائب ایتدیکنی هرکس بیلیر .

فرانسه ؛ هیچ بر لسانده اوقوبوب یازمغه واقف  
اولم دینی حالدده نامی آلتنده بر اثرک انتشارینی متعاقب  
صدارته ارتقا ایدن خیرالدین اسمنده تونسلی بر ناظر سابق  
اغراض شخصیه سینه خدمت ایددرک ، مصر دن فراغتیه  
نهایتلنن ، بر کر یودیه دوشدی . انکلیزلرک بو کون مصرده  
بولنه بیاملری منحصراً بزم سایه مزده در .

دها عاقلانه و متبصرانه برسیاست ؛ موازنت عمومیه  
و حکومت عثمانیه نك تمامیت ملکیه سنه خلل کثیر مکسزین  
— مطامح نظر اولان منافع نامنه — اسماعیل پاشانك  
اوصاف و مزایای عالیہ سندن دها قولایلقاه استفاده  
ایده بیلیردی .

مشارالیهك سقوطی متعاقب ناپولییه کادیکنی او کره تنجه  
همان پارسدن حرکت و کندیسنه یاطنده ایفای تعزیت  
و تسلیت ایتك بنم ایچون بروظیفه اولمش ایدی . درحال  
بونظیف و وظیفه یی ایفایه شتاب ایتدم .

مشارالیه او آراق بکا شویله دیمشیدی :

— اکر هرکس بکا سزك کبی خدمت ایتمش اولسه یدی  
شمدی بوراده بولنمایه جقدم .

أوت ، طوغری ایدی ؛ فقط اقبالپرستلک لری  
قدر اشتہاری بولن ان اجلا فدن بوندن باشقه نه  
بککنه بیلیردی ؟

\*  
\* \*

انسانلرک ذلتك نه درک لرینه قدر سقوط ایتدیکنی  
آکلایه بیلمك ایچون بر مدت شرقدہ یاشانمیلیر . انسانلر  
آراسنده هیچ برفرق حقیقی یوق ایکن شرقدہ اك پس پایه  
بر آدم عندالایجاب کوکلره قدر یوکسلتیلیر . اوله ظن



ایدردم که « حیوانی اوتلاتمزدن اول اوقشایگز » - ووزینک  
منشای شرق اوله جقدر .

نه غریبدرکه چوق دفعه اوروپالیر یرلیردن زیاده  
متذلانه سقوط ایدیورلر ! . .

برکون اسمنه « بك » عنوانی اضافه ایدلش و هیچ  
برشرف و مزیتی یوقایکن نشانلده تلطیف اولنش بر مأمور  
- که آلآن بوذات مأموریتده مستخدمدر - بنی زیارت  
ابتدی .

انهای مصاحبهده مصر نظارندن برینه خطاباً یازدیغی  
بر اعتراضنامه بی اوقودی .

ورقهسنده شوصورتله اداره کلامه باشایوردی :

*« Si votre excellence veut bien permettre à son  
exclure . . . »*

عباردنی یا کلاش ایشیتدیکی ظن ایدردک - ووزینی  
کسدم . عینی جمله بی تکرار ایدنجه یا کلاش ایشیتدیکی  
آکلا بهرق :

- یتر ، دیدم ، فرانسر لسانی بو قدر مذله  
متحمل دکدر !

بوفور انم اوزرینه حریف چکیلدی ، کیتدی . الله الله !  
معیشتنی اوتانهرق تأمین ایتک بو آدمه نه قدر طبعی  
کوردونیوردی !

ایشته بو نوع مداهنه کارلقلر سببیله درکه بول -- لوئی  
 قوری یه : « اونی رد اید بیله جک شیلر تذلیل ، استخفاف  
 و حقارت دکلدر . استقال ایدیلیرسه ثبات ایدر ؛ ایدیلیرسه  
 قیمیلد اماز ؛ قوغولورسه ینه کلیر ؛ دو کولسه لرله اوزانیر :  
 اور ، فقط دینکه .... و ویر ! » دیمشدر .

صورت غیر مشروعه ده ثروت استحصالنه  
 آلیشیان بر ملاکتده بو -- وء اعتیادک سرایتندن مأمون  
 و محفوظ قاله بیله جک پک آز طبایع وارددر .

کوچک بر حکومت طرفندن بویوک بر معاشله ایضای  
 مأهوریت ایتک اوزده مصرده کوندلش اولان بر حاکم  
 بر کون یوزده اوتوز فائضله پاره اقراض ایدوب ائمه مسی  
 حتمده فیکرمی سورددی . کندیسنه بو قدر یوکسک بر فائض  
 استیفاسی ناموس و شرفی پاره ایله تهاکمه قویمق دیمک  
 اولدیغنی سویلدم .

مع هذا بو آدم نصیحتمی دیکلهمدی و اقراض ایتدی ؛  
 فقط مدیون -- کنیزینی مقرضک محکمه یه سوق ایدمه میه جکنی  
 بیلدیکی ایچون -- اوفائضی ویرمدی .

بویله بر محیطده باشقه لرینک نفع وفائده سی دوشونمک  
 پک بیعنادر . بویله بر حرکته اک خیر خواه اولانلر بیلله  
 حماقت نظریله باقارلر .

مارتینیك آطه-سندن مصارف عظیمه اختیار یله ایکی  
دفعه پارا اوتی کتیر تدم . فقط بر پاشانك خدمت جیسنه تودیع  
ایتدیكم ایلك چووال واپورده اونودلدی . ایکنجی سنده ده  
قازانك یانه مهملانه برافدقلى ایچون اوتلر مصره  
قاوورلمش اوله رق کلدی .

ایلك یایمق قدر مشکل برشی یوقش ...

بعضاً خدیو امور معارفه بك زیاده انهماك ایدردی .  
بر آراق مبتلا اولدیغی ورم خسته لغی سببیه مصرده اقامته  
محکوم اولان بر اسو یچرملی بی معارف تشکیلاتی اجرا یه  
مأمور ایتدی .

عزم صاحبی . غایت ناموسکار و د آلمان تربیه اطفالی  
اصولی « نده ماهر بر ذات اولان مومی الیهك بر خطاسی  
واقع اولدی : تشبثه بیوندن باشلادی .

ایلك ایشی در عهده ایتدیگی معارف مفتشلیکنی انظار  
انامده محق کوسترمك ایچون تفتیشه محتاج اولان مؤسسانی  
تزید ایتمك اولدی . مکاتب موجوده بی احتیاجات عصریه  
ایله متناسب بر درجه یه یوکسلته جك و بوتون ممالك  
اسلامیه نشر انوار عرفان ایدن جامع الازهر جامعنه  
مربوط طقوز عصرلق مدرسه بی بر دارالتدیس فی

حاله افراغ ایددجک یرده ، تکامل قاعده سی یرینه  
انقلاب و محول قانونه تمسک ایددرک ، قاعده طبیعت  
خلافتده حرکت ایتدی .

ثقلته بودجه نك طول مدت تحمل ایدهمیه جکی ظاهر  
اولان انشآت و اصلاحات عظیمه ایچون مبالغ جسمیه  
صرف ایددی . خزینه نك اك حقیف بر مضایقه سنده  
تخصیصاتك کیسیلویره جکی پك طبیعی ایدی .  
ناصلکه بویلهده اولدی .

یوتشبات رسمیه نك هنکام وقوعنده ، اتحادتدریسات  
جمعیتی مؤسی موسیو ژان ماسه نك تشویقایله ، قاهره  
واسکندریهده مسلم و غیر مسلم طلبه یی قبول ایددبیله جک  
بر طاقم سربست مکتبلرده احداث ایدلمشیدی . بومکتبلر  
خدیوک ولی عهدی پرنس توفیق پاشانك حمایه سنه التیجا  
ایتدیکی کبی مشارالیه دن سنوی اوزن ایکی بیك فراقلق  
تخصیصاتهده مظهر اولدی .

مکاتب مذکوره دهها رسم کشادلری اجرا ایدلیدی  
کون بیوک بر رغبت نائل اولدی . بومراسمده مدعوا  
بولندیغم زمان طلبه نك عادتا بر بری اوزرینه ییغلمش  
اولدیغنی کوردم . وقوع بولان مؤاخذم اوزرینه  
مدیر :

— نه يابيم ؟ ، ديدى ، بو چو جقلىرى قپودن  
ديشاريمى آنيم ؟

نهایت مدیره مكتبك وارداتی محدود اولدیغی ایچون  
— چوراق اراضی بی زراعتدن فراغتله منبت اراضی بی  
اکن زراع کبی — هییچ اولمازسه اطفال معلوله بی مکتبدن  
اخراج ایتمی لازم کله جکئی آ کلاتدم .

موجود اطفال آراسنده بالخاصه طهارت بدنیه نك  
نه قدر اهمال ایدلمش اولدیغنه دقت ایتدم . اوزرلرینه  
سینکالر اوشمش اولان بیچاره یاوروجقلىك کوزلری  
اوقدر بوزولمش ایدی که یازی یازمق ایچون کاغدی هان  
هان برونلرینه قدر یاقلاشدیریورلردی .

بونقیدياتم ثمره دار اولدی . ایرته سی سنه مكتبك  
شاهد ترقیسی اولدم . اطفال حال بهیمیتدن بر مسلك  
تدریسك معیار موفقیتی اولان انسانلغه دوغری یوکسلمکه  
باشلامشدی .

بزده کی اصول تعلیم وتدریسك ده بویله اولمی شایان  
آرزودر .

ولایتلر مزك برنده ، بر مجلسده ، حسن مستثنایه  
مالك کنیج بر قیزدن بحث ایدیوردق . قیزك محبه لرندن  
بری دیدی که :

— يالکيز ، زواللينک پيسلکي شايان تأسفدر  
حاضرون :

— نرهدن آکلاديکيز ؟ ديديلر .

— دقت ايتمديکيزمي ؟ قوللري بلکه بزم اياقلمزدن  
دنها کيرلي .

حال بؤکه بونلرک هر ايکيسي ده على الاعلى درجه ده  
شهادتنامه آلمش ايديلر .

علملر يتيشدير دن بويله بر مکتبک مع التأسف ييقانه جق  
بر يري يوقدر . اوراده بولنديريلان صو آنجق طلبه نک  
يوزيني کوزيني ييقامغه کفايت ايدر .

خديوک ولى عهدى اولان پرنسده اقامتنه تخصیص  
ايدلمش اولان قبه سمراني مشتملاتي آراسنده بر نمونه  
مکتبي انشا ايتديردي . مشاراليه هر کون صنفلري  
زيارت واسمعلريله طانيديني بونون طلبه يني امتحان ايدر  
وسعي وغيرتلريني تشويق ايلردى .

بومکتبده تعليم ايديلان ژيغنا-تيک تمرينلري مياننده  
ايب اويوني ده واردى . فقط بواويونک بونکله اشتغالى  
مسلمک اتخاذا ايتمه جک اولانلر ايجون بي فائده اولديغي  
حقننده کي بياناتم اوزرينه خذف ايدلدى .

برکون خديو عباسيه مکتب عسکريسيله ضابطان اولادينک  
تعليمنه مخصوص مکتب حقننده بندين بر راپور ايستهدى .

حربیہ ناظری پرنس حسینک بر یاوری ایله مکتبه  
واصل اولنجه مکتب هیئت تعلیمیه سیله طلبه یی بر تفتیش  
رسم کچیدی یا پیغه حاضر لائش کبی سلاح باشنده بولدم .  
حقمده لزومندن فضله کوس-تریان حرمتہ رغماً  
بوتون تفرعاته قدر انفاذ نظر ایتدم .

هیئت نظار ایچنده پرنس حسین الک انی بر اداره  
آدمی ایدی . پک کنج اولمقله برابر امر ایتمکه وامرینه  
اطاعت ایتدیرمکه قادرایدی . اونک نظر بصیرت و ذکاسندن  
هیچ بر شی قاجه مازدی انتظام و تدریسات عسکریه نقطه  
نظرندن عباسیه مکتب عسکریسی بزم سن-سیر مکتبندن  
دون بر موقعده دکلدر .

بووانده مصرک مکمل بر اردوسی واردی . حبشستان  
استی سنه کوندریلن فرقه قدر منتظم و مکمل پک آزعسکر  
کوردم . افرادک همان هپسی قریم و مکسیقا محاربه لرلنده  
قوجهش بهادرلردن ، ضابطانی ده مکتب عسکریدن  
یتشمش لردن اولدینی کبی لوازم و بهمانی ده الک مکمل  
درجه ده ایدی .

حبشستان سوقیاتنک ، قامیز سوقیاتی کبی ، فلاکتاه  
نتیجه پذیر اولمش بولمسی : باشلرند قانون نامه لرینی حامل  
پا-ساریله برابر ، طوپ و تفنک آتشلرینه رغماً ، دشمنه

ياقلاشهرق اللرندن سلا حاريني آلق ايچون هجر مه آتيلان  
 قادين ، اركك و چولوق و چوجقدن عبارت جنگاور  
 و شجيع بر خلقه قارشى هيچ بر شيك ، هيچ بر  
 قوتك امكان مقاومتي اولماسندن ناشيدر ، يوقسه  
 ضعفندن دكل .

كوكس كوكسه حرب ايتمكي منع ايدن منجيققلر  
 بهانه-يله تسليم نفس ايدمك وجوبنه قانع اولان نظريات  
 عسكريه نك ، ظفر ويا اولوم امليله طوتوشهرق حربيه  
 كيرن بي چاره وحشيلر قارشيسنده ، دها بك چوق زمان  
 محكوم سقوط اوله جغنده شبهه ايدله مليدر .

مصر اردوسنك حبشيلر طرفندن دوچار اضمحلال  
 ايدلمش اولمسي فرانسه ده تحصيل علم ايدن اردو سرطبيبي  
 وسابق قاهره مكتب طبيه سي مديري محمد علي كي بر  
 چوق قيمتلي ذواتك ضياعني موجب اولدي . حربيه  
 عزيمتدن اول محمد علي ايله ا كثر يا كوروشوردك .

اوتلاري دولدوران ورميلر آراسنده بك چوق  
 وفیات وقوع بولمقده اولديغنه دقت ايدرك بر كون  
 كنديسنه بوقسم خستلرك مصره گلريني مصيب بولوب  
 بولماديغني صوردم .

— اصلا ! ديدى .



بکا و یردیکی ایضاحاته کوره مصرده حیات انسانیه  
 آوروپاده کندن دها زیاده سرعتله منطقی اولیور . حال  
 صحتده بولنانلرده نبضلرک عددجه دقیقهده یدی نبضه  
 آرتمی بوادعانک پک ظاهر بر دلیلیدر .

مومی الیه بالنا- به بکا بعض ورمیلر ذکر و تعداد  
 ایتدی . بونلرک حالت مرضیهلری مصرده کندیلرینی آنجق  
 بر آی یاشاتمش ایدی . حال بوکه او حالت ودرجه  
 مرضیهده بولنانلر من القدیم آلیشدقلری اقلیمده قالسلر  
 دها فضله یاشایه بیلیرلر مش .



پار- سده ایکن کریدده برابر بولندیغم احبای قدیمه مدن  
 حسین عونی پاشادن « ویشی » یه دعوتی متضمن بر  
 تلغراف آلدیم .

شرقدده چوق دفعه کیرلدیکی وجهله احوالده ینه  
 بر تبدل وقوع بولش و بزم در سعادتن عزیزمتمدن صوکره  
 مشارالیهکده فلاکت و نکستی نهایت پذیر اولمش .

منقاسندن جاب ورتبه و نشانلری اعاده ایدلدیکی کبی  
 اک اول مسند صدارتی احراز ایش و متعاقباً از میره والی  
 تعیین اولنه رق بودفعهده مأذوناً قاپلیجه لرده تداوی ایچون  
 ویشی به کلش ایدی .

حسین عونی پاشای وقتیه اوچنجی ناپولیونك اقامته  
تخصیص قلمش اولان بر کوشکده طیب مداویسی  
وافراد معیتی ایله برابر بر صورت مکلفهده یرلشمش  
بولدم .

خی دعوتدن مقصدی بعض خصوصات مهمه  
و وخیمه حقنده قونوشمق ایدی ؛ فقط بونك ایچون  
سر حقیقمیه حق بر محله بولنه مز اجباب ایدیوردی .  
دیدیکه :

— بوراجه تدایمی اکمال ایتدکن صوکره پارده  
سزه التحاق ایدجکم . بونك ایچون هان پارسه عودت  
ایدهرك باش باشه ، یاپ یالکز قالممز ایچون نه لازم ایه  
یاییکز .

بن او هنکامده پاسی ده موزار سو قاننده کائن بر خنده  
اقامت ایدیوردم . هشار الیه پارسه کانجه آب اوتلنه نازل اولمش  
ایدی . ایرته سی کونی اقامتگاهمه کلدی و ملاقاتمز تام درت  
ساعت دوام ایتدی .

حسین عونی پاشانك ایلك سوزی حکومت عثمانیه نك  
احوال و مشکلات مالیه سندن و سبب فلاکتی اولان صدر لاق  
مخودندیم پاشانك زمان تسویه سی تقرب ایدن قوبونلری تأدیبه  
ایتمك صورتیه بولدیخی طرز تسویه دن بحث ایتمك اولدی .

متعاقباً حکومتک اعتبار و حیثیتی محل اولان  
 بو تدبیری ، هر درلو فدا کارلقلری اقتحامله ، منع ایتک  
 ایچور بعض ذواتله و ازان جمله او اوانده بغدادده بولانان  
 مدحت پاشا ایله ائتلاف پیدا ایتدیکنی سویلدی .

عندالایجاب سلطان عبدالعزیزک خاغننده تردد  
 ایدلیه جکدی . مع هذا مدحت پاشا عشرت ایتدیکی  
 و حال سکرنده محافظه کتومیت ایده مدیکی ایچون مشارالیه  
 تمامیه اعتماد ایده میوردی .

حسین عونى پاشا ایله خفياً اتفاق ایتمش اولان ذواتک  
 آلتمش ایکی کیشیدن عبارت اولدیغنه واقف اولونجه بوسرک  
 مکتوم قاله مامسندن متولد اندیشه لر می بیان ایتدم .

— امین اولک ، دیدی ، بن انسانلری بیلیرم ؛  
 بن یالکز باشمه حرکت ایده جکم . دیگر رفقام آنجق بر  
 امر واقعدن استفاده ایده جکاردر . بوندن باشقه خشنود منراق  
 عمومیشم شد . تکرار حربیه نظارتی احراز ایتک  
 شرطیه اردودن ده امینم .

بویله بر بویله سلوک ایدیلنجه آرتق توقف ایتک امکان  
 خارجنه حقیقه جغنی بیان ایله اعتراض ایتدکجه :

— الله بیلیر ! دیور و « قدر » د توکل ایدیوردی .  
 نهایت دیدم که :

— بیلورمیسکز : سز نو تشبثله خیاتکزی تهاکویه  
قویورسکز !

— برعسکز ایچون حیاتک معناسی وارمی ؟ اوتوز  
سنه دن بری دولت عثمانیهک نوائل حربیه سی ایچنده  
حیاتله اوینادم . بر حرب ظهور ایدرسه ینه میدان و غایه  
قوشارم . هم بودفعه کی موفقیت زحمتنه دکر . مقصد بزی  
اجنبی و طواشیار حکومتنه تسلیم ایدن اصول اداریه آرتق  
نهایت وایر مکدر .

حسین عونی پاشا بو — وزیرنی طمطراق الفاظه  
بو غمایه رق ، تهیجاته قایلمایه رق اعتدال دماه سویلیوردی .  
فقط پادشاهک اسمنی هر ذکر ایدیشنده سپاسنده منقازنه  
کوندولمزدن بر کیجه اول کوردیکم مال مدهشی  
سزنیوردم .

بوتون اعتراضارم مشارالیهک عزم و ثباتی اوکنده  
قیریلدی .

نهایت ایندیر یله جک ضربه حکومتی آوروپا قاینه لرینه  
تبلیغاً تنظیمی مقتضی محررات سیاسی یازمق اوزره  
کله جک ایلولک نهایتدن اول استانبوله کله کله کمی تکلیف  
ایله سوزینه نهایت ویردی .

جوابی بکه مه مکله برابر کرید عثمینی اثناسنده مسبوق

اولوبده مکافاتسز قالمش اولان خدماتک نشانه تقدیرینی  
 کوسه ترمک وذهول واقعی تعمیر ایتک آرزوسنده  
 بولندیغنی ده سویلدی وبنم ساده اناث بیتیه می کوسه رکه :  
 — بزه حیانت ایدن ، بزدن مستفید اولان بوقدر  
 کیمسدر سرایلرده اقامت ایتکده ایکن سزی بویله غیل  
 بریرده بولمقدن اولانیورم ، دیدی .  
 مجرای کلامی بو صورته تحویل ایتمی بنی کندیسنه  
 جواب رد ویرمکدن منع ایتدی .



تاریخه عائد اولان بومعلومات ریزه لرینی ممکن اولدیغی  
 قدر عیناً ذکر ایدیورم . هیچ بر شیئی مضام بر اقامق  
 ایچون شونی ده علاوه ایدیمکه پادشاهه تقدیم ایدمک اوزره  
 حسین عونی پاشانک ساتون آلق ایستدیکی ایکی چین  
 وازوسنک انتخابنه معاونت ایتک اوزره کندیسنه بعض  
 مغازدره کیتمک ایچونده رفاقت ایتدم .  
 بومناسبتله بکا دیدی که :

— سزه دمین تفصیل ایتدیکم آمال و منویاتمه ،  
 برده پادشاه ایچون هدایا آراقمقد بولندیغمه باقهرق بویکی  
 مختلف و متباین حرکت قارشیسنده بلکه متعجب  
 اولیورسکز ؛ فقط ، امین اولیکز ، بن پاشالره ، وزیرلره

کمند مشئومك ارسالندن اول ظریف هدیه لر کوندردن  
اسلافزی تقلیددن باشقه برشی یایمیوردم .

کوردیکمز وازولر آراسنده پادشاهه شایان تقدیم  
اوله جق درجه ده کوزلرینی بوله مادیق . نهایت بو وازولر  
یرینه اللی بیک فرائق قیمتندده بر چفت آلتون شمعدان  
آلدق .

پارسلده قالدینی مدتیجه حسین عوننی پاشا ایله برابر  
وهر-ایه کیتدک . اوراده مشارالیه رئیس جمهور ماره شال  
ماق - ماهون طرفندن قبول اولندی . بوندن باشقه  
سن - سیر مکتب عسکریسی ده زیارت ایتدک .

مکتبدن چیقدقدن صوکره پاشانک بکا اتیان ایتدیکی  
مشاهدات کندیسنک احاطه عسکریه سی حقنده طاشیدیغم  
فکر علوی بی نظرمدده برقات دها تقویه ایتدی .

مکتبده ، برجاتی آلتده بولنان ، ایکی طوپ پاشانک  
کوزینه ایلیشنجه مکتبک قوماندانه اوילה بر سؤال درمیان  
ایتدی که او بوکا نه صورتله جواب ویره جکیفی تعینندن  
عاجز قالدی .

واقع اولان استیضاحاتنه بر کوچک طوپچی ضابطی  
صحت تامه ایله جواب ویردی .

مکتبدن چمقارکن پاشا بکا دیدی که :

— بر عسکری مکتبک بویله طوپ مقانیزمه-نی بیله  
بیلمه یی بر قوماندانی ناصل اولور ، آکلایه مام !

دائماً سه-واقده تصادف ایتمکچی افراد عسکریه نك  
اطوار ذکیه-سه ممنونانه باقاردی ؛ فقط اونلری آلمانلردن  
دها فنا کینمش بولیوردی .

بوتون اجانب کی مشارالیه ده کثیراللون اولان ا-کی  
اونیفورمه ایله منا-بتسز ساقونک فلاکتلر مزدن صوکرده  
استعمال ایدیله جکنی ظن ایدیوردی .

حسین عونى پاشا « جدی بر اردویه جدی بر قیافت  
لازم اولدیغنی و البسه نك قماش و یچمنی اصلاح ایتک  
صیرمه کشری ، بونلرک بخشیشلریله کسب غنا ایدن  
مأمورین اقلامی زنکیناشدیرمکدن دها ای بولندیغنی »  
سویلر ایدی .

حسین عونى پاشا ایله بر اتفاق خفی عقد ایدن  
ذوانک داغیلیمسی فلاکت مالیه دن اجتناباً ایندیلمی-تقرر  
ایدن ضربه حکومتی تعویق ایتدی . بونک ایچوندرکه  
سلطان عزیزک خلعی وعقبنده وفات فجیعی آنجق  
ایرته سی-سه نك ایلک بهارنده وقوع بولدی . خاقان مشارالیه ک  
فاجعه وفاتی انتحاره عطف ایدن بر ضبط ورقه-نی اون آتی  
طیب امضا ایتشدی .

بوضبطنامه مطالعه اولنورسه يالکيز مرحومك  
قولارندهكى شريانلرك قطع ايدليكي ذكرايديلوب وجودك  
اقسام - ائرد-مندن بحث ايدليكي نظر دقتي جلب ايدر .  
طبابت عدليهك ايجابنه رغماً نعشى ستر ايدن اورتو  
بيله قالديرلما مشدى . البته سى چيقاريلان جسدك اقسام  
سائرسنردده جريخلر بولنه بيلمك دائره احتمال داخلنده  
ايدى .

بوسر خفينك حلى ايجون احبامه مراجعت ايله ايضاحات  
طلب ايتدم . فقط محكمه عدليه حضورنده موضوع بحث ايديان  
تفصيلانندن فضله هيچ بر كيمسه بر شى سويله يه مدى .  
شدت شدتى ، قان قانى دعوت ايدر .

هر كس بيليركه حسين عونى پاشاده مجلس وکلانك  
منعقد اولدينى بر زمانده ، همشيره سنى خاقان مرحومك  
داخل حرم سرايى اولان ، حسن - اسمنده بر چركس  
ضابط طرفندن ره وولوله قتل ايدلى .

حقيقت بو صورته ، شبهه سزدركه ، نظر تاريخندن  
چه جقدر .

معروض اولدينى جزاى عمليه قارشى كمنديسنى بوراده  
مدافعه ايتيه جكم .

يالکيز شو قدر ديه جكم كه او دنيايه بر « قوماندان »  
اوله رق كمش ايدى .



عسکرلکک بوتون شعباتندکی معلومات را - خه سنی ،  
 تجارب حربیه سنی ، سرعت نظری ، اعتدال دم و عزم و ثباتی ،  
 عسکرلرک کندیلرینی اولومه سوق ایتدیکنی بیلدکری  
 اوصاف و مزایانک مشارالیهده موجودیتنی دشمنلری بیه  
 اعتراف ایدیورلردی . طانیدیغم بوتون انسانلر آراسنده ،  
 بویوک پدرمدن صوکره ، کندیسنه هر هانکی بر آن  
 هیجاندی کور کورینه اطاعت ایتمکده قطعاً ترددایتیه حکم  
 یالکز حسین عونى پاشا واردر .

روسیه ایله واقع اولان حرب اخیرده قدر عمری وفا  
 ایتمش اولسه یدی هر طرفده اتحاد حرکتی تأمین و جنراللر  
 آراسنه دوشن رقابتلری ضبط و اداره ایدر و احتمالکه  
 مشهور پلونه و قارص محاربیلرینی موفقیت قطعییه اقترا  
 ایتدیریردی .



شرقهده کی ماجرالرمک نقانیه باشلامازدن اول ، قبریس  
 جزیره سنک انکلتریه ترکمدن بر سنه مقدم وقوع یافته  
 اولان بر حادثه نك حکایه سنه بر قاچ صحیفه تخصیص ایتک  
 ایسترم .

احبامدن برینک زوجة متروکسی طرفندن واقع  
 اصرار اوزرینه مزبورده نك بش یوز بیک فراق

قازانه جغنی امید ایتدیکی بر ایشی درعهده ایتشیدم .  
 ایرته سی کون قارت دوو یزنی اوزرنده «ویقونت دوو بروی ،  
 اسمی محرر بر شخص مجهول بی زیارت ایتدی .  
 سیاسی ، لسانی ، اطوار و مشاوری ، آنارشیدستلرک ،  
 اشخاص مضره نك صفت ممیزه سی اولان یاریم یامالاق  
 معلوماته مستند طلاق بیانی سببیه بو حریفدن  
 شبهه لندم .

مرقومك درجه ذکاسی بکا قارشی درمیان ایتدیکی  
 شو شارلانا نقلردن آکلاشیله بیلیر :

بو آدم الك اول فرانسه یه ایری قویروقلی سوریه  
 قویونی ادخال ایتک صورتیه طالعنی تجربه یه باشلامش .  
 آنجق بو حیوانلرک اتی کچی اتنه قوقدینی ایچون بو تجربه سی  
 یاریده براقه رق ، انکلیزلری اضراراً ، ردوس آطه سی  
 تورکلردن صاتون آلمق اوزره اوچ یوز میلیون فرانق  
 سرمایه ایله بر شرکت تشکیلی وبعده آطه نك بعض منافع  
 مقابلنده فرانسه حکومتنه ترکی خاطرینه کلش . سوزینه  
 اینانیله بیایر سه پارلمنتونك تصدیقنه انتظاراً شرکتیه مذکور  
 اوچ یوز میلیون ایچون یوزده بش فائض ویرمکی کندیس  
 تعهد ایتمش . سرمایه دارانده کندیس نك استعدادینه  
 اعتماد ایده رک شرکت مستقبله نك مرکزینی تأسیس

ایتمک وایشنی کورمک ایچون بوکا مقدار کفایه ده آوانس  
ویر مشلر .

آنچق وطنپرورانہ اولدینی قدرده فائده آور اولان  
بو تشبثی موقع فعله ایصال ایتمک ایچون معاونتہ احتیاجی  
وارمش و بونک ایچونده نیم شرقده کی مناسباً تمدن  
استفاده ایتمک مقصدیلہ معاونتمی رجا ایتمک کلش ایش .

بوندن باشقه اسامیسنی تعیین و تصریح ایتدیکی بر  
چوق ذوات سیاسیہ نكده معاونت لرینی تأمین ایتمش .

بر بویوک مستملکهنک والی سابق اولان بر قادرو  
خارجی ویس آمیرالک مون تابور سـ و قاغنده کی مرکز  
اجتماعده ایرتہ سی کون وقوع بوله جق بر اجتماعک ریاستنی  
قبول ایتدیکنی ده سویلدی .

اجتماع واقعه شایان تدقیق بر موضوع بوله جغمی  
حساب ایدرک ، هیج بر تعهده کیریشمک مزین ، اورایه  
کیده جگمی وعد ایتدم .

اوکون اوکله دن صوکره بشرطرنج سالوننده مهم بر  
موقعی حائز اولان احبامدن برینه تصادف ایدرک  
شو و یقونت دو بروی حقننده کی معلوماتنی صوردم .

دوستم اوموزلرینی قالدیردق :

— یوقسه سزه بورجیمی وار ؟ دیه صوردی ؛

صوکره سؤالمک استناد ایتدیکی منافی اوکرتجه ضابطه  
عدلیه وقایعنامه سندن مستخرج بر طاقم وقایع و حادثات  
ذکر ایددرک بنم بویقونت حقمنده حاصل ایتمش اولدینگی  
فکری تصدیق و تأیید ایتدی .

بو حالدن بالطبع متأثر اولدم .

ایرته سی کونی محل اجتماع اوله رق ارئه ایتدیکی بنایه  
مواصلتمده زمین قتمده، مزین و بیوک سالونه موضوع  
ماصنه اطرافه یکرمی قدر کیمسه لرک طوپلانمش اولدینگی  
کوردم . سالونه متصل اوطده قیافت مخصوصه لرینی حائر  
بر طاقم خدمتجیلر بولنیوردی .

حاضرون میاننده آمیرالدن باشقه ایکی پرنس، مطبوعات  
وکیللری و کبار رجالک ممثللری بولنیوردی . اسملرینی  
سویله مکه نزوم یوق .

واندوم میدانی مقالات محررلرندن بری شرکتک  
نظامنامه اساسیسی او قومغه باشلادی . هر ماده رئیس مجلس  
آمرال طرفندن رایه قونولدی . مناقشانه اشتراک  
ایتمکسزین بنده ، باب عالی ایله وقوع بوله جق بازارانی  
تسهیل ایتک و پارلامنتویه القای نفوذ ایله مک اوزره ،  
ویقونت دو برویه تخصیصات مستوره نامیله یدی میلیون  
فرانکی اعطاسی مسئله سی موضوع بحث اولدینگی زمانه قدر

هر کس کبی المی قالدر مقله اکتفا ایتدم .

بومسئله یه هیج برکیمسه نك اعتراض ایتدیکنی کورونجه  
سوز آلهرق دوائر رسمیه ده قید وتسجیل ایدیله جك اولان  
بر وثیقہ یه بویله بر فقره تحریر ودرجی ممکن اولمادیغنی  
سویلدیم .

انفاق آرا ابله اوفقره حذف ایدلدی .

بر مفتش انتخابه باشلا تخبه انتخاب طورده سندن آمیرالک  
اسمنی متعاقب بنم اسمم چیقیدی .

بن بوکبی ایشاری آکلایه مدیغمی وسیله اتخا ایددرک  
بوشرفی قبولدن صورت قطعیه ده استنکاف ایتدم . فقط  
امتناعکم سبب حقیقیسی بوایشله ده افضله اشتغال ایتمه مک املی  
ایدی . بر دقیقه صوکره اورادن صاوشمه نك چاره سنی بولدم .

مردیوهندن اینرکن آمیرال بکا باغیرییوردی :

— کیدیوره یسکیز ؟

— اوت ، آمیرال ، همده بردها کلمه مک اوزره .

— نیچون ؟

— چونکه بنم یرم بوراسی دکلدیر . حتی ظن ایدرم

سزک یریکزده بوراسی اولاماز .

کمندیسنه بوبایدکی معلومات واستطلاعمی آکلاتخبه

او آقشام استعفانامه لر مزی کوندرمه که قرار ویردک .

بوندن صوکره و يقونت بی شرکته تکرار ادخال  
ایتمک ایچون برچوق زمان اوغراشدی . انهایت کندیسنه  
قابومی قیادم .

ردوس آطه سی ایشی ناصل نهایتلندی ؟

بونکله آرتق اشتغال ایتمدیکم ایچون بیلیمورم .

ویلسون دعواسندن وفرونجینک ماجراسندن بری  
ساخته و يقونت دو برویک نامی محکمه سالونلرنده برچوق  
دفعه لر عکس انداز اولدی . نهایت کندیسنه ویریلان  
قلعه بندلک جزاسی بوحرینی اورته دن قالدیردی .

بو آدم ، ناموسکارانه یاشامق ایچون کیریشیلمامسی  
لازم کلن ایشلره فضله ذکا صرف ایدن کیمسه لردن  
معدوددر .

## مصر هیئت مخصوصه سی

۱۸۷۵ و ۱۸۷۶ سنه لری ظرفنده مصرده بشنچی  
دفعه اوله رق بولنیوردم . بو ائنده فرانسه ده تحصیلده  
بولنان مصر طلبه - سنه نظارتله مکلف هیئت مخصوصه نك  
مدیری وفات ایده رك یری انحلال ایتدی .

خدیو اسماعیل پاشا بومأموریتیه ، اهل ولایق اولدیغمی  
دوشونهرک ، درحال بنی تعیین ایتدی . مأموریت  
مذکورده نی معارف نظارتنك تحت اداره سنده بولنماق  
شرطیله قبول ایتدم .

دها بیونك رجال ایله مأنوس اوله رق یاشامش بولندیغم  
ایچون هر راست کلنك ربقه مطاوعتنه کیرمك ایسته میوردم .  
واقعا کندمه پاشا الق توجیه ایتدیره رك بویله خطرناك  
برموقعده بولنمقدن قورتوله بیلیردم . کریدده بو عنوانه  
بن مستحق اولمشدم . اسماعیل پاشاده بونی بیلیوردی ؛

بر آز صو کرده ، سرایدن نظارتہ عودت ایتدیکم وقت  
 خدیویت معیت ماہور لرندن بری طرفندن ممضا بر تحریرات  
 رسمیه ایله کیفیت و صورت تعیینم رأسا نظارتہ تبایغ اولندی .  
 هیئت مخصوصه محمد علی پاشا زماننده احداث ایدلمشدر .  
 مشارالیه بو هیئت قرقیه عاشق ، منور آدمیر یتشدر مک  
 ایچون تأسیس ایتشدی .

محمد علی پاشا ایلاک طلبه یی عسکر آلیر کبی جبراً  
 آیردی . بو طلبه دن برینی خاطر لیورم که آن عزیمتنده  
 ابوینی و اغربا و تعلقاتیلہ کونک بوتون سگنه سی کندیسنه ،  
 بر جنازه کوتوریور مشر کبی ، آغلایه رق . فریاد و فغان  
 ایدره ک التحاق ایتشاردی .

هیئت محل اقامت اولوق اوزره پارسی تعیین ایتشدی .  
 معلملر فرانسه حکومتی طرفندن منتهخب ذوات ممتاز ددن  
 مرکب ایدی . انستیتو اعضا-ایله علمای سائر ددن متشکل  
 بر مجلس تدریساتی تفتیش ایدیوردی .

مدیریت اهمیت مخصوصه یی حائر ایدی . قاهرده ایکن  
 بکا بر آلبوم کوس-تر مشلردی که حاوی اولدینی رسملر  
 مدیر افندیکن صالونی ، مدیر افندیکن حجره مساعیسی ،  
 مدیر افندیکن حجره خصوصیه-نی ، خدمه سنی و سائرہ نی  
 مصور ایدی .



بو احوال مصارف عظیمه فی احباب ایدیوردی .  
 یالکز ۱۸۶۷ سنه سده مصارف واقعه ، اوده بر حال مستثنا  
 اوله رق ، قرق طقوز طابه ایچون سکر یوز بیک فرانغه  
 بالغ اولمشدی .

بو حال عادتاً اطرافه آتون صاحبق دیمک ایدی .  
 هیئت مخصوصه تاریخ احدثندن بری هدف و غایه سنه  
 واصل اولامه مشدی . بزده کی شبابه عرقاً ، مذهباً ،  
 اخلاقاً مخالف بر شبابک اجبات خصوصیه سی خلافه  
 اوله رق پداغوژی اصولنه توفیقاً یر یر تشکیل ایدلمش  
 اولدینی حالد ، موسیو له وودوردی یفک بیاننه نظر امزیت  
 حقیقیه یی حائر بر ذات اولان هیئت شناس اسماعیل بک کبی ،  
 ذکره شایان آنجق برقچ ذات یتشدیره بیلیمشدی .

۱۸۷۰ محاربه سی هیئتک وظیفه سنه نهایت ویرمش  
 ایدیسه ده صاحبک تقرری متعاقب ینه ، فقط بودفعه طشره ده ،  
 تأسس ایتدی . حقوق شاگردانی « اکس » ده ، طبابت  
 تحصیل ایدن طابه مونپلیه ده اجتماع ایتدیرلدی . ایچلرندن  
 یالکز برقچی امتحانلرینی پارسه ویره بیلدیر .

هیئتک سابقاً محاسبه مأموریتینی ده درعه ده ایتمش  
 اولان ساقم غایت مکمل بر اداره مأموری وغایت ناهوسکار  
 بر ذات ایدی . فقط تحصیل عالی بی اداره ایتک خصوصنده

صاحب اختصاص دکادی . حسن اخلاقی ، ایجابات  
حرمتکارانه به رعایتدن زیاده مناسبسنز لکدر ایقاعنه مستعد  
ومصرک طبقه سفلیه سنه منسوب اولان ، کنج طلبه نك  
نظرنده عادتاً بر اثر ضعف اوله رق تلقی ایدلمشدی .

موجب وفائی اولان خسته لانی طلبه نك مصارف  
معیشتنی وقت وزمانیه ارسالده وقوع بولان تأخرات  
سببیه ذاتاً مختل اولان تدریساتی وانتظامی بوتون بوتون  
کوشتمشدی . بر چونی آیلر معاش آله ماملری طلبه بی  
ضرورت ایچنده بر اقمشدی . مصره کان راپورلره کوزه  
هیئت بو اوانده پک بیوک برضعف وهرج ومرجی ایچنده  
بولنیوردی .

« اکس » واصل اولدیغم آندن اعتباراً ایشی قیصه  
کسدم . بر کیجه اول بولندقلری بالودن کچ وقت  
عودت ایتمش اولدقلری ایچون هنوز ، بیقلری قیوریق  
وپوماده لی اوله رق ، اویقودن قالقمامش اولان حقوق  
طلبه سنی یتاقلرنده باصدم . تنبیها ت و اخطارات آمرانه م  
اوکنده هییمیده سرفرو ایتدیلر .

مونپه لیه ده ده طبابت تحصیل ایدن طلبه شکایتلری  
بیان ایچون نزدمه کلدیلر . ایچلرنده آرقه داشلرینه وکالت  
ایدن برینی سوزینه :

— بزقرار ویردککه ....

دیه باش-لادیسهده در حال صوصدردم . اوینه دوام  
ایتمک ایسته دی :

— چیقیکز ، دیدم ، فضله لقردی ایسته میورم .  
سنزی اوکمزده کی پوسته ایله مصره اعاده ایده جکم .

بونک اوزرینه انتظام تکرار تأسس ایتدی و بنم  
اداردم دوام ایتدیکه بوزولمادی . هیئتک وظائفی تأمین  
ایچون صندوقده پاره قالمادجه نقد موجودمدن آوانس  
ایدیوردم .

پارسلده اقامت ایتدیکم مدتیجه مونپلیه و اکسده بنی  
احوال جاریه دن خبردار ایدن مخبرلرم واردی . ایلمک  
سنه لرده بوایکی شهره آیده بردفعه کیدیوردم ؛ بوکیدیش  
کلیشهده اوپله بر نزله صدریه یه طوتولدم که بوندن الان  
مضطربم .

احوال آرزوم دائره منده جریانیه باشلاینجه مذکور  
شهرلره آنجق ایکی ویا اوچ آیده بر کیتمکه باشلادم .  
جزئیات و تفرعاته واقف اولمایان کلیاتده واقف  
اولاماز . بو اعتبار ایله وظائفی حقیله ایضا ایده بیلیمک  
ایچون بنده بر چوق شیلر اوکرنمکه مجبور اولدم .  
کافه علوم و فنونه تعلق ایدن بوتبعات و مطالعات محصولی  
اولمق اوزره طلبه نك درجه تحصیلانی تقشش ایده بیلورم .

اون سنه ظرفنده يالکز سکر کيشی بی مملکتنه اعاده  
ایتمک مجبوریتنه معروض قالدیم . بونلر آراسنده بویله  
بر شدت ابراز ایديله چکنی مأمول ایتمین معارف  
ناظرینکده مخدومی بولنیوردی . بومدت ظرفنده يالکز  
بر طلبه ده وفات ایتدی .

بواون سنه ایچنده پون زه شوسه و سائترال مکتبلرندن  
نشأت ایدن مهندسار ، فنون و طبابت مآذونلری ،  
حقوق مآذونلری - که بونلرک اون یدییی مکتبجه مظهر  
مکافات اولمشلردر - ، مکتب صنایعدن یتیشن ما کنه جیار ،  
بیطرلر داخل اولمق اوزره مصره طقسان آلتی دیپلومه لی  
ذوات یتیشدی .

مصارف ادا رده داخل حساب اولمق اوزره قرق  
کنج ایچون اختیار اولنان سنوی یوز سکران بیک فرانقلق  
مصرفله ، شاید کوندریله چک طلبه قاهرده صیقی بر  
مسابقهیه تابع طوتولسه یدی ، دهافضله منور ذوات  
ذوات یتیشدیر یله ییلردی .

طلبه نك قسم اعظامی فرانسرجه ده پك آاز واقف  
وفا کولته تدریساتی تعقیبه قادر اوله میه چق درجه ده  
آز معلوماته صاحب اوله رق پارسه کادکری ایچون  
غائب اولان زمان داخل حساب ایدلمدیکی حالد بیه

بونلری تکرار او قومتق ایچون جسمیم مبالغ صرف  
ایدیلیوردی .

بو قدر تخصیصات قاهره مکاتب اعدادیه-نه ویرلمش  
اولسه یدی اورویایه دها کزیده ، اخلاق واطواری دها  
زیاده مجرب طلبه کوندریله بیلردی .



بهیمیت مفتاح انسانیتدر . حیوانانیده کی قابلیت جنس  
ونوعه کوره تبدل ایدر . عینی فرقلر بیاض ایله زنجی ،  
عرب ایله حبشی ، قبطی ایله -سوریه لی ، قفقاسیه لی ایله  
روم آراسنده موجوددر . بونک ایچون روم خاقه  
آووقات ، چرکس عسکر واخل در .

عروق مختلفه آراسنده کی تصالب وامتزاج ایه متوسط  
محصوللر یتیشدیریرکه بونلر معنأ . ماده منسوب اولدقلری  
عرقله مخصوص سجایانک ، خطیئاتک برر مخلوط  
ومزوجیدرلر . مثلاً قانی تمیز اولانلر یالان سویلیه مزلر ،  
ردی‌النسب اولانلر ایهه دائماً اخانت ایدرلر .

بو احواله قدما دخی دقت ایتشدی . ازان جمله  
هرودوتک آتارنده دلفی کاهننک « سیروس » ی ، عالی  
نسلدن بر والده ایله سفلی نسلدن بر پدردن تولد ایتدیکی  
ایچون ، برقاظره تشبیه ایتدیکی محرردر .

عرقدن صوکره آتاویرم نظر دقته آلملیدر . بر چو جوق  
اجدادینک تلقینات و معلوماتدن بی نصیب و دون عرقه  
منسوب بر عائلهدن یتشمش ایسه اونی ایلک جملهده برسویه  
معینه دن فضله یه یو کس لتمک غیر قابلدر .

مساعی شیدیه ، قوه حافظه و اطفال ایله حیوانات  
آراسنده مشترک اولان قوه تقلیدیه سایه سنده اولیه  
بر چو جغه حساب ، رسم ، علوم ابتدائی ، تواریخ  
و اصطلاحات علمیه اوکره دیله بیلیر ؛ فقط ضعفیت جبلیه سی  
اشیا آراسنده کی مناسباتی ادراکدن ، تحلیل و ترکیبی  
آکلامقدن کنیدیسی منع ایدهرک اوکا آنجق محدود  
بر مسلک تعیین ایدیه بیلیر .

حما که می دیدیکز ؟.. یا یاماز ؛ طبابتی ؟.. حتی بر مرضی  
تشخیص و یا تدوی ایدهرز ؛ مهندسی ؟.. کندیلکنندن  
بر شی کشف و ایجاد ایتک اونک ایچون غیر قابلدر .  
او یاپسه یا پسه یالکز پلانلری قوییه ایدهر ؛ جنرال ،  
ناظر ، هر هانکی بر دائردهک رأساً مأمور لغیمی ؛ و خامت  
احوالک معاملات روزمره نتیجه مستحصله سی اولان  
تعاملاری تشویش ایتدیکی کون — کندیسنده « مهارت »  
و « کیاست اداره » بی تشکیل ایدن اوصاف و سجایا مفقود  
اولدینی ایچون — ارباب ذکا و درایتک بازیجه تلقیناتی اولور .

عروق بشریه نك ذكای نسبیسی و آناويزمك تكاملات  
بشریه اوزرنده کی تأثیری حقمده واقع اولان مشاهدات  
سابقه مصر هیئتنده کی مأموریتك دوام ایتدیکی مدتجه  
پارلاق برصورتده تأید و تحقیق ایتدی .

بر طلبه نك استعدادی دائماً اجدادینك معلومات دماغیه سی  
ومنسوب اولدینی عرقك سجایای طبیعیه سی تشکیل ایدن  
خاصه لری ایله آزچوق مناسبتدار ایدی .

اخلاق نقطه نظرندن ده عینی نتیجه مشهود ایدی .  
انتزیه جیلقی ، غمازالق شکللیله تظاهر ایدن تمایلات و حسیات  
سفیه منشأنك سفلیتنی اظهار ایدیوردی .

هنكام صباوتده محیطده واقع اولان بر تبدل ، اهماملی  
بر تربیه فنا سـوق طبیعیلری ضبط و توقیف ایدر و بویله  
بر چوچق مونس بر تیلـکی یاور یسنه بکزه ر . فقط مرور  
زمان ایله جبلت فطریه ، شاید بطون وانسال عنیده  
آراسنده مغلوب اولما مشه ، ینه کند یسنی کوسترد .

هیئت مخصوصه نك تحت نظارتنده بولنان طلبه آراسنده  
یالکز بر یسی کاشفك استعدادی کوستردی . بو افندی اك  
اول فیلقه سرایه بر علاج بولمغه چالیشدی . بر آز صوکره  
حیوانات ایله جادات آراسنده کی فرق داخل حساب ایتیه رك  
مخلية الهوا التي بر نسپنی وضع حمله تطبیق ایتدی . تصريف

ایتدیکی پاره‌ی آلات و ادوات اعمالاته ، فوطوغرافیلره  
و آفاده‌میلره اعطا ایتدیکی خاطراتک طبع و اشترینه  
صرف ایدیوردی .

مسلمک عسکریده بولندیغ مدتیجه وقوع بولان مشاهداتم  
اک نهایت بنده - « اون سنه عسکرلک » عنوانی اثر مدهده  
یازدیغ وجهله - بوتون ارباب دهانک ملزله آراسندن نشأت  
ایتمکده اولدیغی قناعتی حاصل ایتدی .

ذکر ایتدیکم افندی همشهریلری آراسنده یالکزمعنا  
دکل تشکلات بدنیه‌سی ، خطوط وجهیه‌سی ، کوزلری  
وجلدی ایلده تمیز ایدیوردی . مومی الیهک عروق مختلفه‌نک  
محصول تصالی اولدیغی او قدر ظاهر ایدی که کندیسینی  
ایلک دفعه کوردیکم زمان رفرانسز ظن ایتشدم . اهل صلیب  
زمانلرینه قدر ارجاع تأمل ایتیهلم ، معلومدرکه مصره  
وقوع بولان سوجیات ائسانده بعض عسکرلر جنرال منویه  
اقتفاء اسلامیتی قبول و اهتدا ایتشلر و آرتق فرانسه‌یه  
عودت ایتمه‌مشلردی . احتمال که مومی الیه اونلره منسوب  
اوله‌جقدر .

بو قواعدک تطبیقاتیله اشتغال نتیجه‌سنده هر طلبه‌دن  
حد اعظمی اوله‌رق نه کی موفقیتلره انتظار ایدملک ایجاب  
ایده‌جکفی تعیین ایده بیلوردم . بو قواعدی مربیان



شبابه وعلى العميا بر تحصيلك توليد ايده بيله جكي مهالك  
اجتماعيه ني تدقيق و تتبع ايله اشتغال ايدنلره توصيه ايدرم .



فلاح صنفنك فوقنده كي صنوفه منسوب كنج مصر ليلر  
سعي وغيرتمه متشكراً وصايامه تبعيت و مأموريمه حرمت  
ايتديلر ، حتى بندين برشي بلكه مدكلري بو كونده بيله ايجلرنده  
سـنـه باشي مناسبتيله بكا قارت دو ويزيتلريني كوندرمه ينلر  
بك نادر در .

پارس ، اُكس لاشاپهل ، مونپهليه فاكولته سي مدير  
و معلملرينه مديون شـكـرانم ؛ هپيسي ده هيئت مخصوصه  
ايله ايجه اوغراشديلر .

رصدخانه مديرى موسيو لووهرري يهيه بالخاصه  
منتدارم . دها ايلك ملاقاتمزدن اعتباراً بو بو يوئك ذانك  
محبت وصميميتنه مظهر اولمش بولمق حياتمه اك زياده  
مباهي اولديغم مفاخردن بريني تشكيل ايدر . مع هذا  
شوراسنى ده سويله يهيم كه اونك نائل محبتي اولمق وصولي  
سهل اولمايان بر مظفريتدر .

وفاتندن برقاچ كون اول پارسدن كچن مصر نظارندن  
بريني مومى اليه تقديم ايتشدم . كنديسنى بر قناپه اوستنه  
اوزاتمى ، صارارمش صولمش ، قانمز ، حياتدن يالـكـز

بر نفسی قالمش بر حالده بولدق . اسماعیل بك اسمنك تلفظی  
مومی الیهی تهییج ایتدی . آياغه قالقه رق فوق العاده بر غیرتله  
بر رافك اوستمندن شا کرد قدیمی طرفندن تنظیم ایدلمش  
حسابات جدوللرینی حاوی بر بیوك دفترى آلدی و صوکره  
ناظره قبا سسیله خطاب ایدرک دیدی که :

« ایشته حقیقی وجدی بر هیئت شماك محصول مساعیدی !  
بو قدر و قیمته کی بر آدمی ترك واهال ایتك بر عیب اولدیغنی  
خدویكزه - و یله یكز ! او مصره بر شرف ویره یلیردی ! »

دیرلرکه انتقام آلهلرک بر محظوظیتیدر . محظوظیت  
انسانیه ایسه کندیسنه توجیه ایدیان تعرضه متنزلانه  
بر علو جناب ایله مقابله ایتمکده در .

بن انسانلرک نفرتدن زیاده مرحمت و مسامحه یه محتاج  
اولدقلرینی بیلدیكم ایچون بنی مصر هیئتنگ اك پارلاق  
زماننده مدیریتندن آیران اسباب اوزرنده اصرار  
ایتمیه جکم ؛ چونکه بو اصرار بر دشمنك کین و خصومتندن  
زیاده بر دوستك ضعفنی میدانه حیقاره جقدر .

مجلس نظار رئیسنگ بکا خصم اولمسی طبیعی  
ابدی . بو آدمی کرک مصر ایچون کرک هر فرصته  
اقبال و غرورینه فدا ایتدیکی ولی نعمتی ایچون مضر

وتها که لی عد ایتدیکم جهته کنیدیسیله قطع مناسبات  
ایتمکی ، اصلاحات عدلیه وسیله سیله ، فرانسه به  
بویله بر چفته آتمغه جرأت ایتسنه قدر تأخیر اتمه مشدم :  
« آرسلان یره دوشونجه جسدینک اوستندن کچرلر . »

اولجه برهیچدن باشقه برشی دکل ایکن یاورى طالعه  
بی پایان بر ثروت و اقبال قازانمغه موفق اولمش اولان  
مومی الیه خدیوه صادق و اعتراض کوتورمیه جک درجه ده  
مستقیم اولان دوستمی کنیدیسنه رقیب اوله جق بر موقعه  
اصعاد ایتمش اولدیغم ایچون بی عفو ایده میوردی .

اسماعیل پاشانک مأموریتی دوام ایتدیکی واوغلنک  
نفوذی مصرده جاری اولدیغی مدت مدیده ظرفنده بن  
هردرلو ضربه و تجاوزدن مصون ایدم . حتی منکوییتمدن  
بر کون اول بیوک بر موقعدن آلدیغم تلغرافنامه ده موقعه  
دوقونلیه جنی تأمین ایدلمش ایدی . فقط اووقت انکلیرلر  
حکومتی ید تصرفلرینه آلمش اولدقلری کی وکین و غرضنه  
دوچار اولدیغم ذات ده مصر هیئت مخصوصه نی اسویچره یه  
و آلمانیا یه نقل ایتک ایچون کیفنه کوره بر تصرف و اقتصاد  
بهانه سی بولمغه موفق اولمش ایدی .

انسان هر شیده فنا جهتلری نظر دفته آلمیدر ؛  
مسعود تصادفلر اله کچیرمه نك چارء یکانه سی بودر .

مع مافیه اویله مدعیات واردرکه هیج اولمازسه کندیسسی  
اولغله القای حیرت ایدرلر .

بومناسبتسز مجادله ده مغلوب اوله جغمه امین اولدیغ ایچون  
هیج اولمازسه فرانسه نك مصرده قالان بقیه نفوذینك  
ممالك اجنبیه یه انتقال ایتسنه مانع اولمق ایستهدم وبومقصدله  
خارجیه ناظری موسیو فره یسینه بی جریان خالدين خبردار ایتدم .  
بوزات کندیسسی افعال سابقه سندن دولای مسؤل  
واتهام ایده بیله جك بر پارلامنتو استیضا حندن هر درلو  
فداکارلنی اقتحام ایله احتراز ایتك ایسته یه رك بی فدا  
ایتمکله نتیجه لن بر طاقم مذاکرات ومکالمات مستعجله یه  
کیریشدی . کندیسنه زمانك آنا فآنا کوچولته جکی مصر  
هیئتک بعض منافع عادیه سنی تسلیم واحاله ایتدیلر .

مصر قوانینی ایجابجه تضمیناته حقم واردی . بونك  
ایچون مجالس محلیده و بین الملل مالیه قومیته سی اتفاق آرا  
وقید حیات شرطی ایله بکامعاش مخصصك نصفه مساوی  
بر معاش تخصیص ایتدیلر . بوقرار ، ذاتاً انتظار ایتدیکم  
وجهله ، رئیس نظار طرفندن قطعاً تصدیق اولنمادی .  
مشارالیه قانونك الاستیققی آراسنده بین الملل مالیه قومیته سی  
ومجالس محلیه طرفندن لهمه ده ویریلن قرارلری بوزمق  
چاره سنی بولمشدی .

احبام ، محاکمه مراجعتله بومانعت قرارینی فسخ  
ایتدیرمه می توصیه ایتدیلر .

فقط بن بویه بر دعوی بی اقامه دن استیکراه ایده رک  
اولا مجلس رئیسنه آتیده بعض فقراتی محرر مکتوبی یازدم :  
« . . . . . تکرار موقع اقتداره کلدیکنز زماندن بری  
» سوء آمال و مقاصد یکنزدن تحفظ ایچون بکا نه قدر اخطارات  
» وقوع بولش اولدیغنی بیلمکز لازمدر . یرمه بر  
» باشقه سنک تعیین فلمدیغنی مبین اولان تلرافنامه ده  
» خدماتی تقدیر ایدن الفاظ و جملی کندی الکزله خذف  
» ایتدیکنزی مأمور مرسل و معتمد یکنز اولان موسیو  
» س . [\*] بیله اغزندن قاجیردی . سز کندی مجلس لریکنز  
» مقرراتی حقیقی بر آغینلقله — بوکله لر بنم قاهره ایله  
» اولان مخبر اتمده اکثریتله استعمال ایتدیکنم تعبیر لردندر —  
» ابطال و بنی اضرار اتمک ایچون بوتون صلاحیت و قدرت  
» حاکمانه کزی استعمال ایتدیکنز . حال بوکه بن سزه ذره  
» قدر اولسه — ون بر ضرر و خسار وقوعنه سببیت  
» و یرمه مشدم ؛ اولسه اولسه بنی سزه قارشى اصلا تبصص  
» ایتهمش اولمقله تحطئه ایده بیلیرسکنز . فقط ، بکا خصمانه  
» معامله ایتکنده حقیقی اولدیکنز قبول اولنسه بیله ، بو حال

[\*] بو ذات هیئت مخصوصه بی فرانسه دن اسویئره و آلمانیا یه نقله مأموراً  
قاهره دن کوندرلش و کندیسنه و یریلن پاره یی کاملاً صرف ایتدکدن صوکره  
طیافجه ایله اتحار ایش بر ذاتدر .

« بكا عادلانه معاملہ ايتمك اچون بر سبب اولوردى .  
 « نه مصرك امور ماليه سى ، نه حكومتك شان و شرفى ،  
 « نه ده سرك صيت و شهرتكز ، حقوق شناسانكزك ده  
 « اعتراف ايتديكى وجهله ، بوتون حقوقك فوقنده اولان  
 « حقانيت و نصفتنى علمكزه چويرديككز بويله بر خسيس  
 « دعوايى قازانه ماز . »

نهایش ایش محاکم مختلطه به انتقال ایتدی . فقط  
 بو محاکمه ده ، مقررات مسبقه خلافه اوله رق ، طلبی  
 مسبب ادبارم اولان ذاتك ، رئیس نظارك تکلیف ایتدیكى  
 مقداره خسر و تنزیل ایتدیلر .

وکیل و مدافع بوره للى بلك ياننده موسيو دوغريمالدى  
 ده غوسك درميان ايتديكى مدافعاتك قاهره محكمه سالوننده  
 جلب ايتديكى آقيدش لر نظردقته آلينيرسه افكار عموميه جه  
 محاکم مختلطه نك بوقرارى تصويب ايدلمديكمه حكم اولنور .  
 محکم موقع اقتداره كلنجه مصرده هر كس كندى  
 يوزندن دوچار اولمش بولنديغم مغدوريتك پارلاق بر  
 صورتله تعمير ايديله جكمه انتظار ايتكمه باشلامشيدى .  
 فقط اوده هيچ بر شى يامادى .



## جزایر ده بر جولان

« سیاسته دائر یازدیغم ایچون بکا بر  
 « پرنس ویا مشرع اولوب اولدیغمی  
 « صوره جقلردر . بن اونلره جوابا  
 « دیورم که خایر ، بن اونلردن هیچ بری  
 « دکلم و بونک ایچوندرکه پولتیقه یه دائر  
 « یازیورم . اگر بر پرنس ویا مشرع  
 « اولسه یدم یاپیلرسی ایجاب ایدن  
 « شیئی سویله مک ایچون اضاعه زمان  
 « ایتمز . یا اونی یاپار یا خود سکوت  
 « ایدرم . »

— ژ . ژ . روصو —

جزائر فتح و استیلا سنک متانت و صلاحیتنه دائر اولان  
 شبهه نری تنویر و عالم — لامده کی مشاهداتی تفتیش  
 ایتک ایچون بر خیلی زماندن بری جزائر ده سریع بر  
 جولان یایمغی ذهنمه یرلشدیرمشیدم .

مصر هیئت مخصوصه سی سببیه درعهده ایتدیکم  
 وظائفک تعویق ایتدیکی بو تصورم نهایت قوددن فعله  
 چیقدی : جزائر ده تشکل ایدن اتحاد تدریسات قونغرده سی  
 بوباده بکا فرصت بخش اولمشیدی .

آفریقا طو پر اغنه آیق با صار با صار شرقده کی  
 مذهبد اشلرندن بری طرفندن « مسامرات قسطنطنیه »  
 مؤلفی صفتیه توصیه ایدلدیکم ، فرانسه زجه یه آشنا ، منور  
 عربلرله در حال تأسیس مناسبات ایتدم .

بر ماصون لوجه سنده محرم اسرار اولانلره ناصل  
 امنیت ایدر لر سه بو ذوات ده بکا اوصورتله ، در حال اعتماد  
 ایتدیلر و کتوملغمدن مطمئن اوله رق بکا قلبلری  
 آچدیلر و بونلرک شو اعتمادی بی تفحصاتمک نقطه  
 اساسیه سنده چالیشدیردی .

قسطنطنیه ، « بون » شهرینه کیتمک اوزره تکرار  
 کلدیکم تونسه وقوع بولان سیاحتده ایلک تحساستمی  
 تصدیق و تأیید ایتدی .

بو تحساست و تأثراتمی ؛ اک نجیب و جنکاور واک  
 صعب الاداره ، اک صبور و قدرینه کمال صبر و تائی ایله  
 منتظر بر عرقه منسوب و لا اقل درت میلیونه بالغ اولان  
 اهالی اصلیه بی آیاقلر آلتنه آلان ، صویان ، آج براقان  
 قایل المقدار بر طاقم اوباشان چته سنی کوزمک اوکنه آله رق  
 تلخیص ایدیورم .

تبعه مسامه مزک حافی ایضاح و اثبات ایچون اصلا  
 تحقیقاته احتیاج یوقدر . بر نظر بوکا کافیدر . جزائرک



بر او جندن دیگر او جنبه قدر بوتون یرلی اهالی آج سیمالری ،  
عمومیتله تسترایتدکلری پلا-پارهلری ایله مدهش بر سفالٹک  
محکوم محرومیتی اولدقلرینی کوستیرلر .

موقع معنوی و اخلاقیلری ده بونسه بتده شایان  
مرحدر . قبل الاستیلا موجود اولان مکتبلر تعصب  
بهانه سیله لغو ایدلش ایدی . کندی اخلاقزی بیله محافظه یه  
مقتدر اولامیان بزم مکتبلرک ایسه افکار مزه مخالف  
بر خلقک اخلاقی تصفییه ایدمه چکی بر امر طبعیدر .  
بوسبيله اوراده ، داء الکؤل ، داء الافرنج ، قرآن عظیم الشانک  
امر بیوردیغی حفظ الصحیه رغماً ، متزایداً انتشار  
ایتمکده در .

خلاصه بزم مدنیت دیدیکمزشیئی مسلمانلر ساده جه  
حالت ابتدائییه رجوع معناسنده تلقی ایدیورلر . اهالی  
مذکورده نک ، کندیلرینی اوچ میلیون بش یوز بیک نفوس  
مقدارنده ارانه ایدن استاتستیقلره مخالف اوله رق ، آنجق  
درت میلیون راده سنده بولندیغنی سویله مشدم .

حال بوکه عربلر نفوس عمومیه لرینک بش میلیون  
راده سنده بولندیغنی ادعا ایدرلر ویاپیلان تحریر نفوسک  
صحت و وثوقنه اعتماد ایتزلر ؛ چونکه تحریر طرح تکالیف  
قصیده یاپیلدیغی ایچون هرکس صاوشمق چاره لرینی آرامش

و ویریان معلوماتك ياكش اولوب اولمديغنی ده ، مصونیت  
مساکن و مستوریت نسوان سببيله ، تحقیق قابل  
اولامامشدر .

فقط ، حكومتك تحریر رسمیسنی قبول ایتمككله برابر ،  
عربلر هر حالده بومقداردن طقوزده بردن آز دكلدرلر ؛  
بوجسیم نسبتسزلكه عائد مهالكك اوكنی آنجق عدالت  
آله بیلیر .

..

قوت و شوكت توسیع حدود حكومتی ، عدالت  
حدودلر ایچنده محافظه سطوت و مكنتی استلزام ایدر .  
بز جزأرده بو پره نسپی تطبیق ایتدكمی ؟

ایشته سزه بر عربكه ساحله قریب بر پارچه تارلايه  
تصرف و بونی ، باباسندن كوردیكى كبی ، اینی كوتو زرع  
ایدییور . فقط بوتارلا یاواش یاواش آوروپالیر طرفندن  
آچیلان اراضی ایله احاطه ایدیلور و نهایت بر کون کندیسنه :

— دفع اول اورادن ! دینیور .

زواللی بوتجاوزی بی فائده پروتستوایدییور . حال بوكه  
غصب و نهب قانونك تختنده مستتر بر « هو » اولدیغی  
ایچون تارلاسی استملاك ایدلمش ، دهها آچیقجه سی  
غصب اولنمشدر .

تارالا شو قدر هکتار قدر . بچاره عربہ یا بر مناسب  
تضمینات اعطا یا خود چولک اورتہ سہندہ ، اوزاقده ،  
بوکا معادل ، بر تارالا ارانہ اولنیور .

بویله بر حال وقوعندہ بو آدم ، عائله سی و سوری  
ایله برابر آچلقدن اولمکه محکوم ایدلمش دیمکدر ؛  
تضمیناتی آلہ بیلیمک ایچونده اداره محلیہ نک کیفی بکله مک  
لازم ..... .

بو پارہ نی الہ کچیرمک ایچون اون سنہ بیلہ کچدیکی  
واردد .

بو مدت ظرفندہ مراجعہ جیلر زوالینک هریشنی  
قاصوب قاووریور . بیکلر جه امثالی آراسندن انتخاب ایتدیکم  
بو مثالک عربلرک دین اوغورنده شهید اولملرینک سائق  
حقیقیسی حقندہ بزه ضعیف بر فکر ویریر .

دعواسنی قازانانی کوملیکیله ، غائب ایدنی بوسبوتون  
چیلاق براقان بزم اصول محاکمه مزی بونلره تطبیق ایتمک  
بر جانوارلق دکلده نهدر ؟

بر حاکم عدلیہ مزک ظلم واعتسافنه دوچار اولان  
مشکی بر عربک حالی بکا تصویر ایدرکن آغلامقدن  
کندیسنی آلہ ماشیندی .

بو حاکمک بکا تعداد ایتدیکی وقایعدن ، عرب نقطه

نظرندن یازلمش اولان *la Case de l'oncle Tom* کبی  
بر کتابک بوتون دنیا ده عینی نفرت واستکراهی او یاندره جغه  
قانع اولدم .

بو حادثاته شو منقبه بی ده علاوه ایدلم :

بر کون بر یرلی عسکری ضابطنک کندی کندینه  
بعض اشارتلیر یاهرق ، دائره حکومت میدانندن کچدیکنی  
کورددم . کوکسی نشانله وبرچوق مدالیله لرله مزین  
واو نیفورمه سیله پک مکمل بر ضابط اولان بو آدمجیز  
بنیه سنک طرز تشککنه ، باشنک وضعیتنه ، تونج رنگنده کی  
یوزینک احساس ایتدیکی نزاکت و حماسته کوره منسوب  
اولدینی عرقک حقیقی بر انموذجی ، حقیقی بر چول  
اولادی ایدی .

قریم محاربه سنده قفا طاسنه اصابت ایدن بر قورشون  
سببیه عقلی اوینادیغنی سویلدیلر .

بوسببیه تقاعده مستحق اولمش ایکن بیچاره ۱۸۷۰  
محاربه سنده ده آلایندن آیرلماش و وایسه مبورغ مبارزه سنده  
اویلوغنه بر قورشون اصابت ایتمش .

معلومدرکه ، فروشیله ر محاربه سنندن صوکره ، ایکی  
بیک یوز موجودلی ایکنجی آوجی طابورلرندن صاوهرن  
کچیدینه آنجق ایکی یوز کیشی واصل اوله بیلمش و متباقیمی

آلساس صحرالرنده خون حماستلرني ايتار ايتشاردى !  
 بو زواللى مجذوب مجروحده او تلفات و مجروحين  
 مياننده ايتش . ا-مى عبدلقادر محمد بن عمر شېلى ايدى .  
 يانمدين آيرلمايان عربلردن برى بو تصادفدن بالاستفاده  
 بر آزار اوتوده چوملماش بر شىخصى ارانه ايدهر ك ديدى كه :  
 — شولوستره جى نى كورييورميسكز ؟ بو آدم  
 شوضابطله غوغا ايتك ايستهسه اوكانه ياپارلر ديرسكز ؟  
 — نه ديه جكم : پوليس توقيف ايدر .  
 — حار ، ايدهمز . لوستره جى منتخېدر ، حال بو كه ضابطده  
 بويله بر صفت يوق . بونك ايچون پوليس ضابطى توقيف ايدر !  
 مع مافيه مخاطب اولديغ ذوات ماره شال بوژونك ،  
 دوق دومالك اداره سنى مدح ايدىيورلردى . فقط عرب  
 دواثرينه تأسف ايدىيورلر و دىيورلردى كه :  
 — عسكركلر طرفندن اداره ايدلك مرقانتيسلر  
 طرفندن اداره ايدلكدن اولادر . بزم لسانمزله متكلم ،  
 كزیده ضابطان طرفندن اداره ايديلن عرب دواثرى بزی  
 ظلمه و ظالميره قارشى حمايه ايدىيورلردى . شمدى ايسه  
 مبعوثلرى ، اعيانى تعيين ايدنلرك تحت حمايه سنده بولنيورز .  
 عربلرك موسويلره قارشى اولان انفعال و خصومتلرني  
 هيچ بر شى رفع و سلب ايدهمز . اونلر دىيورلركه :

بزم غبطه ایتدیگمز اولنرك حائز اولدقلری حقوق  
سیاسیه دکلدر ، فقط اولنر بوحقوق ایجابجه بزم مالزك ،  
جانمرك ، شرف و ناموسمرك صلح حاکمی ، حارسی ،  
شاهدی و سائرده سی اولیورلر . اولنر بزدن دون بر موقعده  
ایدیلر ؛ سزا ونلری بزم فوقزده چیقاردیکز : مملکتتمزه  
استیلا ایتمکزدن استکراه ایتدیگمرك سببی ایشته  
بودر !

بو ملاقاتلرك دها زیاده اهمیتی اولدینی ایچون قونغرہ  
اعضاسنه ویریان اکلنجه لرہ اشتراک ایدہ مدم . شهرى و حوالیسنی  
زیارت ایدہ بیلیمک ایچون آنجق بر قاج ساعتمق وقت  
بوله بیلیم . بوتون زمانم کاه بر خصوصی خانه ده کاه داره  
حکومت میداندہ کی قهوه خانه لرك برنده عربلر له مصاحبت  
ایتمکله کچییوردی .

بر کون بر طاقم طوپ سسلری ایشیدلدی . عینی  
زمانده آلاى سنجاقلریله دونانمش بر واپور لیمانه داخل  
اولدی . واپورده هیئت نظار بولنیوردی . بونلرك  
رفاقملرنده آفریقا آوجی عسکری اولدینی حالده مارسه ییه زی  
ترنم ایدہ لرك بربری آرقه سمندن کچدکارینی سیر ایتدک .

عربلر ، راحتلرینی بوزمقسزین ، بونلرك مرورینی  
علی العاده سیر ایتدیلر . ایچلرندن بری دیدی که :

— بن بو آدملره آجیورم : اونلری شمندی  
نطقلرله، ضیافتلرله، تیاترولرله اکلندیره جککلر؛ کندیلرینه  
قارمه قاریشیق محصولات زراعیه، آتارعتیقه، باغلر،  
مکتبلر، خلفا تارلالری کوستره جککلر؛ محبت  
پروتستولریله بیبرلنیش قوصقوص یدیره جککلر؛ اک  
صوکرده آیاقلری آلتنده قاینایان وولقانی کورده مکسزین  
فرانسهیه عودت ایده جککلر!



مجلس اعیاندن ویریلن بر قرار اوزرینه بر تحقیق  
قومهسیوننک تشکیل ایدلمش بولنسی جزائر مسلمانلرینک  
جداآتحملسوز اولان وضعیتلرینک نظر دقتی حباب ایتمه  
باشلادیغنی کوستریور.

شرق خرستیانلری بونلره نسبتله، بر کل یاتاغنده  
یاتارکبی، مطمئن ومستریحدرلر.

موسیو دو بونالک « تورکلر اوروپاده مسافردرلر »  
سوزی بزم جزائره استیلا ایتمه مزه تطبیقه شایاندر.  
یکرمی سنه دن بری قزاندیغمز منافع مادیه دن زیاده  
مسلمانلرک محبت وتوجهنی غائب ایتدک.

بو حالت ارتجاعیه اوچ سبیدن نشأت ایدیور:  
شوکت عسکریه مزى دوجار انکشاف ایدن حرب مدهش؛

عربلری موسو یلره فدا ایدن قره میو بیاننامه سی ؛  
تونس مناسبتیه ایتالیا ایله آرامزده تحدت ایدن اختلاف  
ونزاع .

موسو دو بیسمارق انکلیزلره « مصری آلیکز ! »  
دیدکن صو کره بزده بر صدای نوازشکار ایله « تونس  
آلیکز ! » دیوردی .

کندیسنه بلانزوم « فرزنداشی » فدا ایدیلن بر شطرنج  
اویونجیدی بیله بر دام احتیاله دوشه جکندن شبهه ایده رک  
اوطاشه دوقونمقده تردد ایدر .

کذا عادی بر کویلی دشمنی طرفندن کندیسنه قازانجلی ،  
ای بر خدمت تکلیف اولنسه اعتماد ایده مز ، احتراز ایدر .  
حال بوکه بز ، او جنددکی یاغلی پاچاوره بی کوسترمه یین  
زوقایی بر کوپک بالغی ناصل یوتار سه ، تونس اویله جه  
قایدق ، یوتدق .

ایتالیا تونس کوز دیکمش و حکمداری بونی کندیمی  
ایچون عادتاً برایش ، برامل شخصی ایدینش ایدی .  
حال بوکه بز ، اونک آیاغنی قایدردق ، اخذ  
انتقام ایچون یمین ایتدیرنجیه قدر ایتالیا به حقارت  
ایتدک .

بوندن قطع نظر اوستریا به متوجه اولان *Irrédentisme*



قاعدہ سی فرانسه علیہ نہ دونیور و آو-تريا - آلمانیا اتفاق  
بر اتفاق مثلث ؛ روسیہ ایله مناسبات صمیمیہ یه کیریشدیکمز  
کوستردیکمز زماندن بری انکار نہ کده الحاقیله بوا اتفاق  
بر اتفاق مربع حالنه کلیور .

حکومت عثمانیہ نك فرانسه علیہ نہ سوق ایدیلن اتفاق  
و اتحادك محرکندن تمایل ایلدیکنه و طونه حکومت  
صغیرہ سنك ده عینی جاذبه یه قابیلدقلرینه باقیایر سه تونس  
استیلا سنك نتایجندن قورقولور .

اوروپاده وقوع بوله حق بر مصادمه نك ایلک تأثیری  
جزائری تجرید ایتک و ۱۸۱۳ سنه سنده ناپولیونك تخلیه  
ایتمک ایستهمدیکی بالطق استحکاملرنده وقوع بولدیغی کبی  
مستملکاتده کی حاکمیتیزی سقوط ایتدیرمک اوله جقدر .  
اگرینه - خدانکرده - مغلوب اولور ایسک

اووقت ایتالیا سیاحتی مستحق اولدیغمز اولدیریحی ضربہ نی  
ایندیرمکده قطعاً تردد ایتیه جک و بزم اووقت یاه بیله جکمز  
شی جان چکیشن پولونیانك شو صدائی روسیہ یه توجیه  
ایتمک اوله جقدر :

« سما چوق یوکسک ، فرانسه پک اوزاق ! »



تونسک ایتالیا طرفندن احرا زینی منع ایده جک یرده

بالعكس ايتاليائي اورايه - اسپانيائي فاسه صوqq ناصل  
 لازمسه اوصورتله - صوqq ايجاب ايدردى اسانلرينه  
 وپرشان ومفاخر مادي لرينه عيني درجده مربوط  
 اولان اوچ ملت آرانده آوروپاده غيرقابل تحقق اولان  
 لاتين اتحادينك ، آلمان اتحادينك كسب وجود ايتمنه  
 آنحق بوصورتله مخالفت ايديله بيليردى .

برقونسورتيوم ، برسنديقه بو فكره وجود ويرر  
 واقدكز برلاتين كولى حالى آليردى .

محتاج حل عيني مشكلانه ، محافظهسى ماترم عيني  
 منافعه ، غايه ايديله جك عيني موانعه معروض اولان اوچ  
 دولت معظمه يكديكر لرينه استناد ايد بيليرلردى .

توننده ايتاليان ، فاسده اسپانيول قوتلرى بوانه جنى  
 ايچون جزائر تحت امنيت ومحافظهده قالير وبواعبار ايله  
 فرانسه حين حربده بوتون قوتى راي نهرى اوزرنده  
 تحشيد ايد بيليردى .

احوالك فنا كيتديكنى قبول ايتسهك بيله تونسي ايتاليابه  
 ترك ايتك آزاسى آلمانياه ويرمكه شاين ترجيح اولمازميدى ؟  
 چونكه فرانسه ، حربه ناظرلرندن برينك واسطه  
 نشر افكارى اولان برغزته ايله ووسچ طاغلرنده الى الابد  
 اويوقلامق ايسسته مديكنى بيان ايتديكى كوندن اعتباراً ،

آلزاسدن ضمناً فراغت ایتمش دیمکدی .

اصل اعتراف ایدلمسی لازم کان ال مؤلم شی :  
فرانسه نك - شدت و خدعه اساسنه مستند اولان ايكی  
ماکیاودل پولتیقه - سنك یرینه زمان اخیرك قبول ایتدیکی  
عدالت و مساومت پولتیقه سنی اقامه ایتمکدن عبارت اولان -  
اقتصادی امل جمهوریتته مخالف اوله رق بالذات فتح و استیلا  
طریقنه آتیلمقده و حشیانه بر الحاقدن اشتهکا ایتك حقیقی  
غائب ایتمش اولمسیدر .

فرانسه یه لایق بر حکومت ایتالیا ایله بر طرز تسویه  
بوله رق ، دوامی ، فرانسه یی اوروپا و آفریقاده جدی  
تهلیکهلره معروض براقان ، بر خطایی بلیکله تعمیر ایدردی .  
ایتالیا . آلمانیا ایله تشریک مدعیات ایتکله منافع دائمه سنه  
مخالف و ناپایدار حشیانه تبعیت ایتمش اولدی . بو حرکتك  
کنندیسنه نه قدر بهالی یه مال اوله جغنی مسئله - سنندن  
قطع نظر ایتالیا ، آوستریانك جرمانیا قونفده دراسیونی  
نامنه فضولاً ضبط و اشغال ایتمکده اولدینی ایتالیا و لایاتی  
استرداد ایچون آلمانیاك ۱۸۵۹ ده قوتنی تحریك ایتدیکنی  
اونوده ماز .

بوندن باشقه آلمانیاك بر آیانی شمال دیگر آیانی  
آدریاتیک دکرلرنده بولنق اوزره اوروپانك مرکزنده

اخذ موقع ایتک خولیاسنده بولندیغنی و بوخولیایک تحقیق  
ایتالیا شبه جزیره سنی خروات و مجار تحکمندن دهاشدتی  
بر تغلب آتنده بولندیره جغنی ده بیلیر .

تاریخ ؛ فرانسه نك ایتالیا ایچون آلپ غرانتلرندن  
دها مؤثر و مقاوم بر استحکام اولدیغنی و بردفعه بواسطه حکام  
سقوط ایدره آرتق ایتالیان عرقنك اضمحلالنه انتظار  
ایدلنك ایجاب ایده جکنی کوستر مکده در .

یترکه ، تشبث ایدیله بیلنك ایچون ، برائلافك عقدی  
ممکن بولنسون .

بر ریشلیو ، بر مازارین ، عادی بر تالهیران ایتالیایی  
اتفاق مثلثدن آیرمازدن اول اوویه مازلر .



مانیوه له لرك طول و قوتنی قالدیر یله حق جسمك طبیعت  
و ثقلیه توزین ایتک فن میخانیکك اك بسیط بر قاعده سیدر .  
عینی بر نسیب ایتالیایی خشنود ایتک ایچون اقتحام  
ایدیله جك فدا کارلغك حساب ایدلمسنه یاردم ایدر .  
بوفدا کارلق ده ینه آفریقاده قابل اجرادر .

حقوق بشری اعلان و ملیت اساسنه منافع حیاتیه سنی  
فدا ایدن و طبقه سفلیه منسوب اهاالیسنی ، مستمل کاتنده کی  
زنجییری و جزائر موسویلرینی موقع حاکمته اصعاد ایله  
فرانسه مسلمانلری خارج از قانون عد ایده مز .

اونلری ارتداد ایتدیرمک غیر ممکندر : چونکه  
مسلمانلرجه وحدانیت الهیه تثلیثدن چوق یوکسک  
و قرآن کریم انجیل شریفدن بالاتردر .

اونلری ، آمریکا وحشیلری کی ، محو ایتکده  
غیرقابلدر : چونکه عالم مدنیت موجود اولسه بیاه عدد  
و بسالتلری کندیلرینی مدافعه و حمایتی کافلدر .

شوالده یالکیز عدالت موضوع بحث اوله رق قایلر .  
قاعده عدالت ایجابجه وظیفه سز هیج برحق یوقدر .  
بو حقیقتک مع التأسف طاننامسی فرانسه ده تله که اجتماعیه یی  
هر کون توخیم و تشدید ایدیور .

بز مستثنا برحالت اولمق اوزره عربلردن ، کندیلرینه  
هیج برحق تأمین و تسلیم ایتدیکمز حالده ، وظیفه لرینی  
ایضا ایتلرینی ایستیورز .

بر مقتضای عدالت بالاختیار بخش ایدیله جک بر امتیاز  
احتمال که عربلرک غائب ایتدیکمز توجه و تمایلی و یکر می  
ایکی سنه دن بری بزدن دریغ ایتدکلری معاونت عسکریه یی  
اعاده ایده جکدر .

بو بایده تعقیب اولنه جق مثال فاتح سلطان محمد خنک  
قسطنطنیه نیک فتحنی متعاقب اتحاد ایتدیکی مسلاک حرکتدر .  
حصرت فاتح او وقت ون دیک بالیوزینی نزدینه دعوت

وتبعه خريستيانيه سنك تأمين حضوري ايجون موقت  
بر صورت تسويه تحريسي مقصديه استشاره ايتمش ايدي .  
نتيجه ده تبعه مرقومه قوانين و موضوعات شخصيه لريني ،  
لسان و مذهب لريني و جماعت لرينه متعلق اموالك سربستي  
اداره - ني محافظه ايتديلر .

اساسي قرآن عظيم و حديث نبويدن مستنبط اولان  
بو اصول روماليلرك اقوام مغلوبه يه و بردكاري امتيازاتك  
حاصل ايتديكي نتايجك همان عيني نتاج ايتدي .

بو اصول حكومت عثمانيه نك غوائل سياسيّه سندن متولد  
مشكلات ماليه سبيله ، خلاف قانون و يركو استيفاسي و سوء  
استعمالات ايقاعي صورتيه ، خريستيانلرك ازلايكي كونه قدر  
شرقده عصر لرجه محافظه صالح و مسالمت ايتدي .

سنيجا غمرك سايه سنده ياشايوب نائل رفاه و سعادت  
اولم لريني تأميناً مسلمانلره بخش ايديله جك بر امتياز دن  
صرف نظر هيچ اولما زسه فرانسه اوغورنده فدای حيات  
ايدنلر ؛ لژيون دونور نشانی ويا بر مداليه ايله تلطيف  
ايدنلر ؛ تخصیصات و معاشه مظهر اولانلر ؛ خدمت  
عسکريه لريني بر حسن حال و حرکت شهادتنامه سي ويا بر  
رتبه ايله اكمل ايدنلر ؛ بر مدتدن بري خدمات ملكيه ده  
صادقانه و ناموسكارانه ايفای خدمت ايتمش اولانلر ؛

مکتبلردن دیپلوما ویا تصدیقنامه اخذینه احراز موفقیت  
ایله یئرلر فرانسز قادینلری ایله ازدواج، قیزلری مکتبلر مزده  
تربییه ایدنلر و سائر فرانسزلرک حائز اولدقلری حقوقه  
تشریک اولنه بیلیر .

بوساسله یی ده ا زیاده نوسیم و تمید ممکندر . ذاتاً  
عدالت بوحدودک توسیمنی دکل تضییقی نهی ایدر .

خدمات ملکیه عربلر ایچون هان هان مسدود  
و ممنوع بولنیور واردوده نائل اوله بیله جکلری اک بویوک  
رتبهده آنجق یوز باشیلقدن عبات قالیور .

حال بوکه روسیه حکومتی مسلمانلری رتبه و عنوانلرله  
کندیسنه ربط و ضابطانی اولرک معینه مأمور اتمک  
صورتیله فرانسه جهوریتندن زیاده امیراللق کو-ترمکدهدر .

کذا دولت عثمانیه و اداره مصریه خرتیان تبعه لرندن  
باشلر . ناظرلر تعیین ایدیور .

جزائرده عرب میرالیلر . جنراللر استخدام ایتمهک  
تملکهلی اولدیغی قبول اولنسه بیله بورتبهدهکی عرب  
ضابطانی مستملکات سائرده و حتی فرانسهده استخدام  
اولنه بیایر .

هله جزائردهکی مأمورین حکومتک عربجهیه واقف  
اولملری شایان آرزو دکلکی ؟

آو-تریاده بوتون ماء ورین حکومت دولنك زیر تابمیتندہ  
بولناتلرك لسانلرینه واقفدر . حتی بالذات ایمراطور بیله  
بر چوق السنهیه واقف بولونیور . ویانه السنه شرقیه  
مکتبی آوروپاده کی السنه شرقیه مکتبک ایلکیدر .  
دها دون طوغمش اولان برلین مکتبی ایسه قریباً ویانه نککی  
ایله رقابت ایدہ جکدر .

حال بوکه بزده هنوز برلور سرانی کبی یونمه طاشدن  
انشا ایدلمش اولان عینی مکتبده طلبه دن زیاده معلم بولنیور .  
اونلری جزا زده بر مأموریت ویریلہ حکمندن بحثله  
جلب ایتمه ملی و آنجق یدی سکرز آی دوام ایدن سنه  
درسیه ابتدا-سندہ کنه یلرینه تدریساتی بر هو-کار کبی  
تعقیب ایتکده سربست بولندقلری و فقط حکومتدن  
بر شی بکلیه میه جکلری تفهیم ایدلملیدر .

عرب لساننه قارشى حکومتك كو-تردیكى استغنا  
جزا زامو، نده کی عمای سیاستنی ایضاح ایدر .

•••

بزم جزا زده کی موقعمز دها باشقه تدابیرده تقویه  
ایده بیلیر .

جزا ز فرانسه ایچون ، یکی قاله دونیادن زیاده ، آچیق  
بر یارده در .



بر خیلی زماندن بری مرکز حبس-بخانه نرنده کی  
محبوسین جنوبی جزائر واحه لرینه نقل ایدیه جکدی . بوقرار  
وجهله محبوسین بردفعه اورایه نقل ایدلسه مضاف ادا ردلرینی  
طو براقدن چیقاره بیلر لر .

یا کلس برسانتیمائیلزم نتیجه سی اوله رق موقع اجرایه  
وضع ایدیه مامش اولان سوابق مکرره اصحابی حقننده کی  
قانونک تطبیقی مدینتک شان و شرفنی اخلال و افساد ایدن  
اشخاصک استیخدامی صورتیه چوللر نفوذ ایده جک قوتک  
زیاده لشمسینی استلزام ایده جکدی .

بوتصفیه یابیللمش اولسه یدی فرانسه محبس اتخاذ  
ایدیلن مبانی جسیمه بی ده قازانه جقدی .

محکومینک استیخدام ایدیه جکاری واحه لره نظارت  
ایشنده استیخدام اولنه جق عساکر و مأمورین  
و مستخدمین و بونلرک عائله لری ، کسب و تجارت امیدیه  
کله جک متعهدلر و تجارلر غلبه لک مرکز لر تأسیس ایدرلر  
وبر ماورای صحرای کبیر شومن دوفری یابیللمسینی ایجاب  
ایده جک قازانجلی بر اخذ و اعطایه باشلارلردی .

والحاصل کوریا یورکه جزائر مسئله سی بر مسئله  
مختلطه در بونی هیئت عمومیه سیله حل ایتک آرای عمومیه نک  
انتخاب ایدیه جکی دهاته سیاسته ترتب ایدر بر وظیفه مهمه در .

انجهدن اینجه به حساب ایدلمش بر سیاست مستقبلمه مز  
اوله مایه جقهسه هیچ اولمازسه فنالغی دفعه چالیشهلم که بوده  
یارم ایملک دیمک اولور .

هر شیدن اول عربله قارشی ناموسکار وعادل اولهلم !  
ناموسکارلق وعدالت کیا-تک اک اوست طبقه سیدر . حق  
بوابده مفرط اولمق بیله صالح وصلاحک جلو نمای وجود  
اولمنه بر مانع تشکیل ایتمز .

اونو نمایهلم که مسلمانلر نظرندره رحجان و تفوق  
اسلامیتده در .

ایمدی ، اسلامیتده ، هر مؤمن تلقین دین و وظیفه سی  
ایضا ایدر و بالطبع کندی دین و مذهبندن اولمیانلری ده  
عینی وضعیت تلقینکارانه ده فرض ایدر .

تاجری ، مأمور و یاخود عسکری خلاصه کند یسیله  
حال تماس و مناسبتده بولنان هر کسی خرسیتیانلغک بر آلتی  
عد و حققرنده بر - وء ظن پرورده ایدر . هله بونلر  
خرستیان اولدقلرینی سویلر لسه شهیلری ده ازیاده آرتار .  
گیزونک : « دولت نه خر-ستیاندر ، نه ده ملحد .

اوبر حکومت جسمانیه در » - سوزی مسلمانلرله اولان  
مناسباتمزی اداره ایدن بر دستور اولملیدر .

یاییلان اک عیان ایملکاری بیله خرسیتیانلق کسوده سی

آلتنده کوسـترمیهـرك اونلری ، صاوا پاشانك توصیه سی  
وجهله ، « اسلاملاشدیرمق » یعنی احکام قرآنییه و علم  
فقهه استناد ایتدیرمك لازمدر .

بوشرائط ایفا اولونجه آتی دهامین اولور ، چونکه معنویاتی  
تسخیر ایتك مادیاتی ده قازانمق دیمكدر . مسلمانلر ، حالارینك  
اصلاحی دشمنلر مزدن انتظاره لزوم کور مدجّه ، بزم  
آفریقاده کی شوكت و سلطنتمزی مدافعه ایده جكلر ودها  
ای اولمق اوزره اوسلطنتی طومبونتودن کچرك سنه غاله  
قدر نشرو توسیع خصوصنده بزه معاونت ایلمه جكلر در .  
زمان دارلاشیور . شاید ، جزائر حال حاضرنده  
غلطان ایكن ، آوروپاده بر مصادمه پاتلار سه ۱۲۸۲  
سیچیلیا قتل عامی کبی بر فجیعهیه منجر اوله بیله جك  
قدر جسمیم بر عصیانك وقوع بوله جغه قطعياً اعتقاد  
ایدملیدر .

فقط مع الاسف بو اخطارمده هیچ بر نظر دقت  
وانتباهی جلب ایده میه جكدر . ملتدرده انسانلر کبی  
عقللری باشلرینه کلمکسزین اختیارلار واولورلر .



خاطرائه بوراده نهایت ویریورم .

حال حاضر ایله علاقه دار اولمیان بو خاطره لری نههنوز


بر حیات اولانلرك نهده عالم آخرته انتقال ایدنلرك غیظ  
 و تقدیر لرینی دوشونمه یه رك فیلسوفانه بر غرض سزلق و تام  
 بر سکونت روحیه ایله ، آنجق آتی ایچون ، یازدم .  
 هیئت مجموعه سنه بردن « بر آدمك حیاتی » عنوانی  
 ویر یله بیلیر .

او ناچیز آدمك حیاتی که کندیسیله برابر متواری  
 خاک نسیان و تباه اولمسنه راضی اولمادیغی قراکلی بر  
 زمانك نارینه بر حزمه نور توجیه ایدر .  
 بر قطره صو دکزده قوروماز .




## فهرست مندرجات

صفیحه	مبحث	
۳	۱	مارسلیادن طوپخانہیہ
۸	۲	غزته جیلکہ انتسابم - فؤاد پاشا - عالی پاشا
۲۹	۳	گریدده بش آی
۸۹	۴	بك اوغلی واستانبول آراسنده
۱۵۹	۵	حرب - خارجدن بر نظر -
۱۷۸	۶	فرانسیہیہ عودت
۱۹۵	۷	مصرده - بش قیش
۲۶۷	۸	مصر ہیئت مخصوصہ سی
۲۸۳	۹	جزائرده بر جولان




















UNIVERSITY OF TORONTO



3 1761 00375894 3

